

أشعار

جمال بخيت

حقوق الطبع والنشر محفوظة

مكتبة جزيرة الورد

ميدان حلیم خلف بنك فيصل شارع ٢٦ يوليو ميدان الأوبرا

ت: ٠١٢٩٩٦١٦٣٥/٠١٠٠٠٠٤٠٤٦/٠١٠٠١٠٤١١٥/٢٧٨٧٧٥٧٤

شارع محمد عبده أمام الباب الخلفى لجامعة الأزهر

الطبعة الثانية

رقم الإيداع: ٢٠١٠/٢٢٧٥

جَمَالُ مَخْنِيَّتِ فَضْلٍ

الأعمال الشعرية

- مشاعر بلا ترتيب
- شباك النبي على باب الله
- بنو شق الحياة
- مسجراتي العرب
- نبع العطرش
- المصري حبيب متحمس
- أهل المغننى
- مسجراتي يا مصر اويتا

مكتبة جزيرة الورد

ميدان حلیم خلف بنك فيصل شارع ٢٦ يوليو ميدان الأوبرا

ت: ٠١٢٩٩٦١٦٣٥/٠١٠٠٠٠٤٠٤٦/٠١٠٠١٠٤١١٥/٢٧٨٧٧٥٧٤

شارع محمد عبده أمام الباب الخلفى لجامعة الأزهر

إلى

إلى «جميلة مطر»
الصديقة .. قبل الحبيبة
والحبيبة .. قبل الزوجة
إلى ابني «خالد»
وابنتي «ضى»
أمد الله في عمريهما
إلى ابنتي «رحمة» التي عبرت الدنيا - سريعا - في الطريق
من رحم أمها .. إلى جنة الخلد

جمال

مقدمة

في عام ٢٠٠٤ نشرت دواويني الستة الأولى في كتاب واحد تحت عنوان «لوجه الحب»..

وهانحن معاً في كتاب يجمع الدواوين الستة وقد أضفت إليها ديوان «أهل المغنى» وهو عبارة عن ثلاثين قصيدة زجلية كتبتها عن ثلاثين مطرب ومطربة من أعظم أصوات الغناء العربى في القرن العشرين..

كما أضفت ديوان «مسحراتى يا مصراوية»، وهو العمل الذى قدمته في القناة الأولى بالتليفزيون المصرى في رمضان الماضى.. كما أضفت عشر قصائد جديدة -كجزء ثانٍ- تضاف إلى القصائد العشر الأولى في تجربة «مسحراتى العرب»..

وقد وجدت أنه من المناسب أن أنشر مع هذه الدواوين الثمانية قصيدة «مش باقى منى».. التى أتمنى أن تصدر في ديوانى التاسع قريباً إن شاء الله.. مع مجموعة من القصائد التى أرى أنها ترصد واقعاً مؤلماً.. يعيشه وطنٌ خالد.. لم يبق منه سوى بعضاً من الضي..

جمال بخيت

يناير ٢٠١٠

مقدمة لوجه الحب

على مدى أكثر من ثلاثين عاما .. كانت قصائدى واحدة لوجه الوطن ..
وأخرى لوجه الحب ..

وإذ تقترب سنواتى الخمسين من الاكتمال دعونى أعترف بأن الوطن قد
خذلنى بينما لم تخذلنى الحبيبات.

لقد عرفتنى .. كما شاء لهن الهوى .. وأعطينى قبل أن يأخذن منى.
أما وطن البسطاء .. فهو مشغول بلقمة العيش.

وأما وطن الغناء الكاذب فهو مشغول بدفع الصادقين إلى مواعدة الصمت ..
وأما وطن السياسة فهو مشغول بقهر مواطنيه ..

ومن هنا كانت قصيدتى محاولة لصحبة البسطاء فى بحثهم عن لقمة عيش
لا ينقصها طعم الكرامة متمثلا قول عنترة:

ولقد أبيتُ على الطوى .. وأظله

حتى أنال به كـريم المأكـل

كما كانت (أغيتى) فى كل ديوان من دواوينى محاولة لإعلاء شأن الحب ..
وشأن الحرية .. وأخيراً شأن الوطن ..

فلا وطن .. بلا حرية

ولا حرية .. بلا حب
ولا حب .. بلا غناء
ولقد ناداني جبران يوماً ما
«أعطني الناي وغنّ»
فأعطيته الناي .. وها أنا ذا أحاول الغناء.

جمال بخيت

سبتمبر ٢٠٠٣

الديوان الأول

مشاعر بلا ترتيب

إلى

إلى أخى الكبير أحمد بخيت

العطاء فى صمت

وبلا مقابل

جمال

الشيء الصعب (*)

الشيء الصعب
إن الكلمة تموت ف الخلق
قبل ما توصل أى لسان
ولاً جنين يفتكره الموت
قبل ما يصبح يوم إنسان
ولاً الحلم يموت ف خيالك
قبل ما تلحق يوم تحياه
ولاً يضيع ف الهوا موالك
قبل الناس ما تقول: الله
الشيء الصعب..
إن البذرة تموت ف الأرض
قبل ما تحيا ف نور الشمس
يعنى الحب يموت ف القلب
قبل ما يصبح نظرة وهمس

(*) لحن : أحمد الحجار ..

غناء : علاء عبد الخالق .

أنا بحرك

أنا بحرك
وانا الأمواج
وإنتى الضفة والضفة
يا محتاجة وانا محتاج
للمحظة حب.. نتخفى..
وأجرى بين كواليسك
واحس بشوق تضاريسك
واعود مالك أحاسيسك
أتوه توهة
بلا مركب
ولا دفعة
يا شوق الضفة للضفة
أنا بحرك
وانا الملاح
أمد دراعى وشراعى
أواجه غربتى والريح
تواجهى الرغبة والتلميح
وندخل جنة التوضيح
يموت الموت
ويتغطى بورق التوت

نمد أيادي ملهوفة
ونقطف رعشة مشتاقة
ونتفرق عشان من تاني نتلاقى
يسلمنا الظلام للنور
يضيق بينا المحيط
نمتد
ولا نوصل ف يوم للبر
ولا يصدم نظرنا سد
سنين الجزر تنسانا
ويغمرنا زمان المد
أنا بحرك
وإنتى الخُضرة جوايا
أضملك
يتنى عودك
وأعرف حدى بحدودك
يثور جواكى بركانى
ويطرح ورد ف حدودك
ويطرح ضى ف عينيكى
ويحىي جذب عنقودك
تصيرى
بعض أمواجى
وأصبح بعض من سحرك
أنا بحرك..
أنا بحرك

خمس إلهات بلا عناوين

(١)

شهرزاد
شهر يارك
لسه عايش ف انتظارك
وانتى عارفة
الانتظار فى الحب لعنة
كلمة واحدة
بألف معنى
شوق بيقتل أى شك
شك يقتل أى شوق
والبساط السحري الاخضر
خد عينيكى وراح لفوق
والسحاب بينك وبينى
والهموم عرفت طريقها
من فؤادى لحد عينى
والسراب أصبح دليلى
وانتى إمتى ح ترجعيلى
تبدرى حُب الوداد

شهر زاد

لسه عايش ف انتظارك

لجل نحيا ألف ليلة من جديد

كل ليلة

بألف عيد

والحكاية بتنديها ما تنتهيش

حتى لو يطلع صباح

يا حبيبتى

ما تسكتيش

شهر زاد

إرجعيلى ما تخافيش

ماتوا كل الجلادين اللى ف قصورى

والقلق والخوف رميتهم من سطورى

ليه تكونى نارى ليه

وانتى نورى

وانتى ف إيديا النهار

لما احارب السواد

شهر زاد

يا شعاع نور النجاة

من سراديب الخيانة

قلبى ف إيديكى أمانة

انقذيه وانقذيني

إخلقيني من جديد

علميني أكون سعيد

اولدى فيا الحياة

واقترلى الشك العنيد

دا انتى غنيوة الميلاد

يا حبيبتى يا شهر زاد

يا حبيبتى يا شهر زاد

(٢)

إيزيس يوم ما اتقتل أوزوريس

ما سكتتشى

ونزفت دمة الإصرار

ما ضحككتشى

ولفت ف البلاد تحلف بأشواقه

وجمعت كل أشلاءه

ونفخت فيها من روح الجمال والخير

رجع أوزوريس

وملكه بالوفاء مليون

يباشر حكمته وعدله

يواصل حربته للطغيان

وتكبر زرعته وتطرح ف كل زمان

حصاد أبيض
إيزيس تقدر تصون الحق
وتقدر تهزم الدنيا
بكلمة لأ..
ولو تاهت سفينة الحب
ف بحر الخوف
جسدها للفتى أوزوريس يكون البر
ولا تهدا ف حضن الشر
إيزيس
تقدر تصون الحق
وتقدر تهزم الدنيا
بكلمة لأ..

(٣)

يا قيس ليلي صحيح مجنون
يا تايه في صحارى الصعب
ما بين الوهم
والأشعار
وظلم الناس
وإحساسك يضيع منك
بلا إحساس
بتمشى ف الزمن مخبول

ومش عارف بأن الليل
ح يطلع له ضرورى نهار
وتسند ضهرك المحنى
ف وادى
رملته.. صبار..
وتضرب ف الفلا عاجز
ما لكش ديار
تقاسى من نيران الشوق
ف عز الحر
تقاسى لسعة اللهفة
ف عز البرد
وليلى تنام ف خيمة ورد
وخيمة ورد مليانة ذهب
وحرير..
وفيهما ألوف من الدنانير
وفيهما العطر والديباج
وفيهما كمان
سرير م العاج
وإحساسك يضيع منك
بلا إحساس
وليلى خلاص

ف خيمة ورد
بتحفر قبر للإخلاص
وللمعنى اللى عشت عشانه متشرد
ف وادى التيه
وعارف ليه
عشان ليلى ضعيفة القلب والحيلة
ما بتحبش
ولا بتكره
ولا تجاهد عشان بكره
ومش فاكرة
غرامها بضحكتك وعينيك
ورعشتها ف أحضانك
ولہفتها على لحظة
تدوب فيها
ف بركانك
يا قيس ليلى صحيح مجنون
فاهم إنك إله قادر
تقول للوصل كن
فيكون..
وبتقاسى غرام ملعون
يفيض بالشوق على عقلك

يهياً لك
بإن الحق مشوارك
وليلي
سعرها بيزيد
بأشعارك
وأيامك عليها تهون
يا قيس ليلي
صحيح
مجنون...

(٤)

يا غادة الكاميليا..
ح تباتي ف حضن مين؟!
ومين ح تحبى بكرة
ومين ح تحبى بعده
وبعد بعده..مين؟!
ح يكون فارس فراشك
ويكون سر انتعاشك
والصبح يكون فريسة
للذكرى والحنين
يا غادة الكاميليا
ح تباتي في حضن مين?!

(٥)

أنا ح افضل شمشون يا دليلة
والقوة ح تفضل ف شعورى
وخيانتك مش هية نهايتى
وح تفضل للدنيا حكايتى
شمشون جبار
لكن إنسان
بيقول أشعار
ويغنى كمان
وعليكى وعلى كل اعدائى
وما ليش أعداء
وغرامى والمعبد باقى..
قبلة عشاق
بيرددوا أجمل ترتيلا
أنا ح افضل شمشون يا دليلة..
أنا ح افضل شمشون يا دليلة

بيانات بطاقتي الشخصية (*)

اسمى: بشر
عمرى: ألوف
والإنسانية: مهنتى
عنوانى: دنيا من الحروف
وجميع ما أملك: كلمتى
جنسيتى من غير حدود
خدت الأمل: جنسيتى
وديانتى: رحمة للوجود
والحب معنى قصتى
أعيش نهار المحرومين
تسعد قلوبهم غنوتى
واسهر ف ليل العاشقين
لو حتى ضاعت
نجمتى

(*) (لحن وغناء: حميد الشاعرى).

القاهرة ٨٠

(١)

القاهرة ٨٠
حب وأمل وأنين
أنا هيه.. هيه أنا
شيلي الحجاب يا سنين..
قلبي ميدان أسفلت
كفى حوارى وطين
وجيئنى ساعة الوفاء
باكتب عليه أسماء
اللى زرع بساتين
واللى بنى واتبنى
واللى وقف ما انحنى
لما انحنوا العاشقين
واللى فى قلبه إيناس
يكفى لكل الناس
لو دارت الطواحين
ف القاهرة ٨٠

(٢)

حبيبي آخر جمال
وعينا فيها امتثال

والامثال مطلوب
لو حبنى المحبوب
وانا قلبى عاشق بحق
أتمنى ويقوللى: لأ..
إياك يشدك حنين..
حبيبي شاف السراب
ضل الطريق واستجاب
غنيت له يا حلو ميل
ما سمعش صوتى الحميل
غنيت له يا حلو عود
ما فهمش معنى الوعود
مع إنه آخر جمال
وعينيا فيها امثال
شوفت العذاب ورضيت
وسامحته واتمنيت
وانا قلبى عاشق بحق
أتمنى ويقوللى: لأ..
مين اللى عشقك مين..
ف القاهرة ٨٠

(٣)

عاجز عن الإفصاح
ولو ان رمشى فصيح
نفسى أقول وارتاح

وتعبت م التلميح
طيرى ما لو هس جناح
فجرى بلا تسبيح
إمتى تهب رياح
صدرى اتخلق للريح

(٤)

حبيت وبعد الأوان
قلبي اتملا بإيمان
حبيت اقول حبيت
ما لقيتش ريحة الأمان
دقيت على الأبواب
أتمنى أسمع جواب
واسأل على عنوان
واشهد يا باب الخلق
بانده بقلب وحلق
ع اللى هجرنى زمان
ولا قاللى باب الفتوح
بالسر إمتى ييوح
كام دقة كام بركان
واشد صوت الوتر
وأغنى لحن الخطر
قلبي اتملا بإيمان
وانا قلبي مش مسكين
ف القاهرة ٨٠

نعى الجنيه

مات الجنيه !!
وألّف رحمه ونور عليه !!
فقيد بنوك القاهرة
أخو ريال
والد دراهم والبرايز والشلن
وجد فلس
ونسيب لعائلة الدينار
التحقيقات ف المركزى بتقول:
دى موة ربنا..
والشائعات بتقول: غلط
دا إنتحار!!
الأمر جد ما فيش عزار
مات الجنيه !!
وألّف رحمة ونور عليه !!
كان الفقيد
راجل شديد
وكان زمان بيحب دهب
ويشيل حديد
وفى آخر العمر المديد
سموه: حمام..

لأنه كان يطير أوام
لكن سقط
من غير وداع
من غير كلام
مات الجنيه
وَأَلْفَ رَحْمَةٍ وَنُورٍ عَلَيْهِ
نَنْعِيهِ إِلَيْكُمْ.. بَيْنَمَا..
نَتَمَنَّى لِلسَّيِّدِ دُولَارَ
طُولِ الْبَقَاءِ
وَالْإِنْتِشَارِ
فَ جَمِيعِ بَوْتِيكَاتِ الْبَلَدِ
فَ جَمِيعِ مَحَلَّاتِ اللَّعْبِ
وَفَ كُلِّ أَسْوَاقِ الْخَضَارِ
نَنْعَى الْجَنِيهِ
لِكُلِّ مَنْ يَهْفُو إِلَيْهِ
مِنَ الْجَمَاعَةِ الْمَفْلَسِينَ
وَالْمَفْلَسَاتِ..
وَأَلْفَ رَحْمَةٍ وَنُورٍ عَلَيْهِ
وَلَا عِزَاءَ..
لِلْمَلِيَمَاتِ!!

نور

والضحكة نور ما ينطفى

يظهر ف عيني

ما خفى ..

قلبي الوفى

بين السنين مد الجسور

وكان ضعيف شد وعفى

شق الطريق بين الصخور

ونادى وسط الجمع:

نور

الشعر نور

والحب نور

والعشق مالک للجميع

مملوك أنا

يا قنصوة

قلبي ف قصرک

إرتوى

رقصوا الجوارى ما عشق

وحب سلطنة وهوى

مملوك أنا

والعشق مالك للجميع
مملوك ومش عايز يضيع
لو تؤمره ينسى هواه
مش راح يطيع
ما هو أصله شاعر
م الأزل
م الحب واخذ مبدأه
وابعت يا غورى عسكرك
على باب زويلة تشنقه
وانزع فؤاده واحرقه
شوف الرماد
ما تلاقى فيه ريحة السواد
حتى الرماد يشع نور
علشان تصدق كلمتى
الشعر نور
والحب نور
والكلمة تشتاق للورق
سامحيني يا بدر البدور
سامحيني يا بدر البدور

أوتوجراف

أنا آسف
لأنى بس مش عايز
أكون كلمة على الأوراق
تقولك
أختى يا غالية
لو الأيام تجود بفراق
«فإن الذكرى ناقوس»
يدق بعالم النسيان
فما تنسيش
ساعات حلوة قضيناها
ف وسط الصحبة والشلة
ولا تنسيش
حكاوى كتير حكيناها
عشان بالوقت نتسلى
وف الآخر
أحسن خطى واتمنى
تعيشى سنينك الحلوة
كإنك عايشة ف الجنة
سلام وختام

وإمضا تحت منها تاريخ
مالوش معنى
لأنه لم يفرقنا
ولا ياروحى جمعنا
أنا آسف

لإنى بس مش عايز
أكون كلمة على أوراق
هاترميه وتنسيها
ولو مرة افتكرتها
هاقربها وتلقها
حاجات فاضية
وتاهت منها معانيها
سنين هاتفوت
نشوف فيها الحياة مرة
وميت مرة نشوف الموت
مادام نكتب
كلام غير اللى جوانا
ما دام بنخاف
ما دام الرهبة واخدانا
ما دام بندارى نظرتنا
ولو تجمعنا خطوتنا
نخاف من عين
تقول: حبيبين

تتوه من خوفنا كلمتنا
 سنين ها تفوت
 نشوف فيها الحياة مرة
 وميت مرة نشوف الموت
 ما دام ترضي
 ما دام أرضى
 أكون كلمة على الأوراق
 تقول غير اللي انا عاوزه
 تقول غير ان انا مشتاق
 وإنى من زمان تايه
 وعشت وحيد
 شهور وسنين
 وحتى الضحكة ف عيوني
 بتشهد إن قلبى حزين
 ونفسى فى يوم أشوف راحة
 وأسكن عينك الحلوين
 وح اسكنهم
 ولو جانى اللي يسألنى
 وقاللى ازاى
 وإشمعنى!!
 ح اقول له
 أصلى ما رضيتشى
 أكون كلمة على الأوراق
 بدون معنى!!

ف أحضانك

ف أحضانك
أنا اتعذبت بالغيرة
من اللي بعيد
وعشت وحيد
أشك ف حبك اللباب
وأرفض شوقك الكداب
وأطعن قلبي لو خانك
ف أحضانك
أنا كنت الخليل ف النار
أنا كنت الصديق الحر
مكتفني الحنش ف الغار
أنا كنت النبي يونس
ف بطن الحوت
أنا كنت الحياة القادرة
على وهم الزمن والموت
ف أحضانك
حرق مراكب العودة
لأيها شط..
جبال التليج حاربتني

لكنى صمدت
على عهدك
أبيع دمي واصون شهديك
ويوم الانتصار عديت
- مع الرغبة -
جدار زهدك
ولحظة ما انكشف نهديك
صدمني وشم أوثانك
ف أحضانك
أنا اتعلمت م الغيرة
من اللي بعيد
وعشت..
أكيد
أكذب حبك اللباب
وأرفض شوقك الكداب
وأطعن قلبي لو فكر
ف أحضانك

طهريني

طهريني مئة صافية
واخلقيني نور وعافية
زمليني
دثريني
يا إيماني
يا يقيني
يا جزيرة الأمانى
فوق بحار الحزن طافية
طهريني

فالمعتقل

ف المعتقل من ألف جيل
باكسر جبال المستحيل
ولا يوم لقيت
نبح الحياة
ولا يوم عرفت أشق نيل
يروى بشاير بهجتي
ولا يوم وصلت لتهمتي
ولا يوم لقيت سكة هروب
غير ف الغروب
الموت يبيجى ف الميعاد
ويمد كفه ما ينتهى
غير لو أخذ ما يشتهى
ويكون سكوتك ف الكفن
هو التمن
علشان تسيب المعتقل !!

إرجع بأه

إرجع بأه
وفك جبل المشنقة
وامسح همومنا باللقا
يا جدرنا تحت التراب
يا حلمنا فوق السحاب
يا عمرنا
طال العذاب ف الانتظار
رجعوا التار
لكننا
أشواك بتتحدى العطش
وجنود بتتحدى الفرار
نسقط ساعات
ننزف ساعات
لكننا نفضل كبار
نفتح عيون للإنبهار متشوقة
فارجع بأه
وفك جبل المشنقة
وارفع راياتك يا أبى..
قريش بتسأل عن .. نبي..
يهدىها من بعد العمى

خالد

خالد قتل

خالد قتل مُسَيِّلَمَة

لكن جنوده الكدابين

عينهم ف طابا

يتحدوا فرسان الخطابة

ويلجّموهم بالسكوت

في عصر بيروت الحزين

خالد قتل مُسَيِّلَمَة

لكن جنوده الكدابين

بيفتتوا دلتاك بصبر

ويحفرولى ف سينا قبر

ويبركبوا نيلى العتيد

ويخنقونى ف الصعيد

بكلام نكت..

وبتريقة

فارجع بأه..

الهزل زاد

والباشا إيده على الزناد

وصدقى بيصلى لفؤاد

ويحلفوا نرجع عبيد

تتباع ف أسواق الكساد

الهزل زاد

والباشا إيدده على الزناد
والسد جوه الفوهة
لو ينسفه
تغرق بلادك كلها
وتعود سنين الأوبئة
تسكن ضلوعنا الضيقه
فارجع بأه
الشمس سكنت كل غرب
حلفت ما ترجع للشروق
من أى شرق
إن لم تكن ف الانتظار
انت وسيفك
- والتتار تحت القدم -
فاقضى بصوتك ع العدم..
إعدل موازين الزمان..
رتّب نجومنا ف الفضاء..
واكسى وجوهنا بالرضا..
بعد الشقا..
دى الأمة لسه محتاجاك..
والأرض لسه مهيأة..
فارجع بأه..
إرجع بأه

ثلاث قصائد قصيرة ومنفصلة

١- البرواز

قلبك ضاع
ف الأوجاع..
يا للى عشقت الصورة وعشت
تطوى عليها ضلوع دهبه
حب وغربة وصبر.. وهيه..
باصّة بعيد
من غير تحديد
شايقة الكون فرحان وسعيد
وانت حزين
شايق الصورة جوه حدودك
بس وجودك
غير ملموس
كل الناس مشتاقة إليها
كل الناس واخدينها مزار
جنة ونار
خطوة ما تتعب م الأسفار
وانت معلق من مسمار
بينه وبينك خيط محكوم

يا مظلوم
يا للى قضاك تفضل محروم
لحظة وصل
تشعر فيها بعشق الصورة
وعشق الأصل
بس ازای؟!
وانت دهان و خشب و قزاز
یا برواز!!
یا برواز!!

٢- التمثال

ف وقفتى انتصار
لكنى باختصار
كرهت وقفتى
وكرهت الانبهار
بسر صنعتى..
وإشارتى للنهار وسحر لفتتى
واحسدكوا يا بشر
ع الصمت والكلام
وضياعكوا ف الزحام
والغربة والسفر
واحسدكوا يا بشر
لللهفة القلوب
لو حسنت الغرام
أو حسنت الخطر
واحسدكوا يا بشر
لطرفه العيون
لو خافت الحريق
أو خافت المطر

واحسدكوا يا بشر
وكتتوا تعذروني لو كتتوا تفهموا
أنا قلبي من حجر
ونظرتي حجر
وبسمتي حجر
ف ساحة الجمال
تمثال ماليش مثال
أثير الانتباه
لكنى مستحيل..
أحس بالحياة

٣- مها(*)

مها
وقلبي اللي انتهى..
زى الصباح لو شوفتها
بس المساف القلب حل
والحزن هل
واليأس طل
من بين عيوني المؤمنة
إن الأمل عمره ما ضل
لكنه ضل
هل يقدر الصبح اللي مغسول بالندى
يسكن ظلام الوهم
هل؟
عقلي العجوز..
رافض يجوز..
رافض لعل..
مها
وقلبي اللي انتهى
قصة عذاب متكررة

ف الإبتدا

والمنتهى

لا عمرها

توهب لشرىانى الحياة

ولا عمرى ح اسكن قلبها

آه يا مها..

آه يا مها

الجوهرة

ومن الألم
تخرج مشاعري منورة
تغزل بريق الجوهرة
ولا أحتمل
ولا تكتمل..
طال السفر جوا البحار
أصرخ
أعاني الإنتظار
يرتد صوتي من الجدار
أنزع حضوري من الغياب
أكشف حجاب
أعشق
والعشق زيك يا حياتي ضحكته تملأ السما
وتخلي طعم البحر شهد
وآه يا وعد
لما أحب
أخرج ف يوم م القوقعة
ألقى الحقيقة المفزعة

حرفين على دبلّة ف يمينك
وعينيكى فيها الصمت يغلب ع الكلام
أرتد
وارفض الانهزام
ويتم صنع الجوهرة
ويتم صنع الجوهرة

أغنيتي

١

أم الضفاير(*)

طريقى دابر دواير
يا حلوة يا ام الضفاير
حابر وعاشق وصابر
صابر وعاشق وحابر
على صدرى حبك مخضر
ف عيونى صبحك مبدر
وفوق جبينى المقدر
القد ملفوف وفاير
ف عينيكى شوفت البراءة
تفتح لى طاقة وطاقة
علمت قلبى الجرأة
وفتحت كل الستاير
يا قلبى صبحى ومسايا
ما بين رحاية ورحاية
ويحوشوا عنك ندايا
أمد ليكي البصاير
حاسبى يغرك وداعى
مهما يطول ضياعى
من صبرى بغزل شرعى
وليوم لقانا حراير

عمرى المتسيم يريدك
ولا غيرى يفرح بعيدك
قلبي استريح ف إيدك
مع إنه طول عمره طاير
لو يوم زمانى يميل لى
يكبر حنانك ف ضلى
زى البششاير تهلى
وتهلى زى البششاير
طريقى داير دواير
يا حلوة يا أم الضففاير
حابر وعاشق وصابر
صابر وعاشق وحابر

(*) حُن: أحمد منيب ..

غناء: محمد منير.

م المنفى

م المنفى باعت أسألك
أرجع على عرشك ملك
أأمر تطيعى وتسمعى
واروى العطش من منهلك
ف المنفى عايش الاغتراب
رجليا ماشية على التراب
وعينيكي أعلى من السحاب
ف الضلمة بيهم أهتدى
والحب تانى بيبتدى
وسنين حياتى بتنقضى
وانا عن حياتى افضلك
م المنفى باعت أسألك
يا حبيبتى لو يوم تفتحي
باب حبي ليكى وتسمحي
أرجع لقلبك مطرحى
أحكم بإسمك مهجتك
وتاجى ييقى ضحكك
وحصنى ييقى محبتك
وغنوتى.. ما أجملك
م المنفى باعت أسألك

عودى

عودى

وارتاحى ف حـودى
وانشرى السحر ف وجودى
اخرجى من ذكرىاتى
واسكنى عمري اللى آتى
إنطقى أرفض سكاتى
وابتدى رحلة صعودى

عودى

وارتاحى ف حـودى
وانشرى السحر ف وجودى
إفرشى الحب المباح
فتشى تلقى الصباح
نتشى رغم الجراح
تعصفى واطلق رعودى

عودى

وارتاحى ف حـودى
وانشرى السحر ف وجودى
باسألك إمتى الميعاد
واوصلك رغم البعاد

وامـتلك بيكي الوداد
تحلمي بزهرة وعودي
عودي
وارتاحي ف حـدودي
وانشري السحر ف وجودي
اخرجي من ذكرياتي
واسكني عمري اللي آتي
إنطقي أرفض سكاتي
وابتدي رحلة صعودي

الأحلام(*)

قلبي يا قلبي يا ابو الأحلام
حب الخير ما تقولش بكام
وارجع للى.. بيخلق واللى
يرزق واللى.. عينه ما تنام

قلبي يا طائر.. لساك حابر.. بين العتمة وبين النور
لو أحبابك.. خانوا غيابك.. إرمى عذابك يملا بحور
دوس أوجاعك.. خلّى شراعك.. يطوى رياح وجراح وآلام
قلبي يا قلبي يا ابو الأحلام

إوهب نفسك.. للى ينافسك.. واللى يسير وياك ف طريق
لحظة ودك.. نورها يمدك.. واوعى يشدك أى بريق
واياك تكره.. أيها فكرة.. تاخذ ناسك م الأوهام
قلبي يا قلبي يا ابو الأحلام

(*) لحن: أحمد الحجار..

غناء: على الحجار.

أمنّا الشجرة

أمنّا الشجرة.. كلّنا فاكهتها
والفروع خضرة.. فارشة ضلتها..
أمنّا الشجرة
وف ليالينا.. المشتية..
خدنا أغصانها.. نور وتدفيه..
حاجة معتبرة
الربيع جالها.. باسها وحضنها
القلوب طرحت.. جوه أحضانها..
ضحكت القمرة
يا خريف جيتها.. خدت أوراقها
شوفنا دمعته.. إمتى عشاقها..
ييجوا م الهجرة
ييجوا يزوروها .. ولا يدوها
زى ما ادبتهم.. الحياة الخضرة..
أمنّا الشجرة

تسلم العين اللى حبت(*)

دعوتى ف الفجر يا امه
تسلميلى ف كل ضمة
تسلم العين اللى حبت
تسلم الإيد اللى ربت
يسلم القلب اللى سَمَّى

من آلامك..
كنت أنا وكانت سعادتي..
وابتسامك..
كان شفايا وكان إرادتي..
وبعلامك..
ابتدأ خطى يخطي..
والحياة جوايا شبت
تسلم العين اللى حبت
تسلم الإيد اللى ربت
يسلم القلب اللى سَمَّى

علميني
دا الوفا ف الحب طبعك
وارفعيني
نبض قلبي رح يتابعك
طمنيني
واحضنيني بعطف نبعك
لو رياح الصعاب هبت
تسلم العين اللي حبت
تسلم الإيد اللي ربت
يسلم القلب اللي سَمَّى

(*) لحن : محمد قابيل ..
غناء : علي الحجار .

حكاية أميرة (*)

عندى لىكو حكاية
ح نقولها غنواية
يا للى تقول معايا
تبقى فهمتها..
الحكاية فننى..
كل يوم يغنى..
يسبق التمنى..
يوصل أرضها..
يعشق الأميرة
كبرت الضفيرة
والعيون كتيرة
هايمة فحبها
الأيام بتكبر
والأميرة تكبر
والأحلام بتكبر
مين يوصل لها
قلت ابص بصة
شفت قلبى لسه

والأميرة حاسة
شدة حُسْنِهَا
مَرَّةً بَعْدَ مَرَّةٍ
شافت الدنيا مُرَّة
حبت تبقى حرة
سابت عرشها
جت قالت لى فاكرة
نظرتك يا بكرة
قلت يا أحلى فكرة
قلبي يحسها
حبي وشوقي ليكى
ممكن يفتديكى
ترجعى لماضيكى
يا عيون المها
يا أجمل جزيرة
ف بحورى العسيرة
حبك يا أميرة
عمره ما انتهى..

أنا المسافر للسما

أنا المسافر للسما..
يا عيون حبيبتي الملهمة
مسكونى حراس القمر..
بصوا ف عيني المغرمة..
وقالوا عاشق سكته
هية الليالى المبهمة
ف الحب بايع دنيته
وحبيته فأكهة محرمة..
ونخاف عليه يوصل لها
ترجع سفيته محطمة
أنا قولت:

حببت الصعود
وحلفت ما ارجع للوجود
يا إمـا أهلك
أو أعود

وف إيدى زهرة متيمة
قالولى حراس القمر
حك دا يشبه للقدر

ولا حد قبلك انتصر
مهما استعد أو احتمي
أنا خدت إسمك غنوتي
وعملت صورتك سلوتي
وحضنت أملی
ووجدت
ورجعت اسافر
للسما

اوعديني(*)

اوعديني بالغرام
أشترريكي بالآلام
كل يوم باعشق جديد
وانتى عشقنى ع الدوام

ابدرينى ف المزارع
فرقيني ع الشوارع
واجمعيني سهم بارع
واطلقيني ع الغيام

سفريني ع المراكب
وصليني للكواكب
خرجيني م المواكب
وارحميني م الزحام

عفريني بالتراب
واغسليني بالسحاب
قلبي عشقك واستجاب
انصرريني ع الظلام

حسبي روعي يا هوايا
اسمك انتي ف قلبي آية
قولته طبعاً ف الحكاية
بس قولته بدون كلام

(*) لحن: أحمد الحجار.

غناء: على الحجار.

باحبك (*)

باحبك وانطلق عصفور
 وأسبح ف الهوا والنور
 وأملا الكون بأغانيسا
 ولو كان الجناح .. مكسور
 أحبك.. تستكين الريح
 ف قلبي ، والأمانى تصيح
 بحُبي، واعشق التصريح
 ودربي ف الضباب مغمور
 أحبك.. تبتدى البدايات
 تاخذنى.. ضحكك بالذات
 تعيدنى.. روح وقلب وذات
 تزيدنى.. كشف للمستور
 أحبك.. ضى روحى يبان
 وأعبر.. ضلمة الحرمان
 وأهجر.. غابة الأحزان
 واحقق حلمنا المسحور

(*) لحن: أحمد الحجار .

عناء : على الحجار .

الديوان الثاني

شباك النبي
على باب الله

لله

إلى محمد أحمد بخيت

أبى . . المولود يتيما

إلى حياة محمد يونس

أمى . . التى أسحتنى « جمال »

جمال

باختصار

الليل يحبك..
وانتى اللى مواعيدك نهار
إنتى البعيدة الطيبة
وانا..
إنتظار
إنتظار
إنتظار
ردى علىّ الفجر والطير والبحار
ردى علىّ .. وغنى .. وارتاحى فى سنينى
أو خرجينى عن المدار
الليل يحبك وانتى اللى مواعيدك نهار
إنتى المدد والشعر والخير والقدر
والعمر فى غيابك هدر
إنتى السجينة خلف أسوار الزمن
وانتى اللى قادرة تحررينى من الحصار
باختصار
إنتى حياتى..
باختصار
والليل يحبك وانتى اللى مواعيدك نهار

ثلاثية قبل السفر

١- بين القصرين

إنّتى وأنا
ومدينة كانت مؤمنة
قلبك كأنه الحزن وكأنه الحليب
وعينيكي رغم القلق
بتريّح الشوق الغريب
مين اللى كان راصد براعم حبنا
يا هل ترى عيون القمر
ولّا الفراق

منقوش ولسه ما شوفتينيش
على السبيل والمشرية؟!
مهزوم ولسه ما حسيتش
جرح البراءة والبطولة؟!
عالى كإنى باب فتوح
مجروح كإنى طفل ما قابلش الطفولة
دهب المعز
ما يعزّيش

سيف المعز
ما يهرّيش
ما دام ح اموت وارجع أعيش
نقشة صدف
ف إيدین صنایعی ما یعتنیش
إلا إذا الفن اغتنی
إنتی وانا
ومدينة كانت مؤمنة
قطعت میاهی من سنین
وتوهنتی فی الحنین
منقوش وبانقش بالصدف

یا نعمة
عشقی نما
عمری انتمی
وشاکوشی دقدق کیفما قلبی أراد
فکأنما
النور بیفلت م العمی
والأرض أطیب م السما
وکأنما
أظهرتی إنک مغرمة

* * *

عاشق كأنى الفجر ورحيلك هوان
وفتحت إيدى ف الميدان
مالقيتش إلا الضلمة صاحبة ومُسرعة
وقفوا الجهات الأربعة
يتأملوا العودة إلى
يتعجلوا الرحلة مع
شافوا عينيكى ببتسم
لكن إيديكى مودعة
عاشق كأنى الفجر ورحيلك هوان
وفتحت عيني ف الميدان
مالقيتش إلا الضلمة
صاحبة ومُعلنة
ومدينة كانت..
مؤمنة

٢ - الرفض نور

مسامير عدم داخله ف عيني
وانتى فقيرة ومحتاجة
وفوق كتافى مهراجا
قاللى الخضوع محتاج لدليل
إضرب سلام تعظيم للقليل
الرفض نور

جريت مع نمل سليمان
ودوبتى فى عطر الياسمين
حفظنا كل وصايا الرب
رجمونا فى سفر التكوين
ف برج بابل كنا دعاء
أسرونا فى حرب الطواحين
وباعونا فى كل الأسواق
ولا اجتمعنا ف أيها دين
نجيتى ويّا سفينة نوح
وغرقت يومها مع الغارقين
صحيت مع أصحاب الكهف
وشممت صورتك ف الشرايين

ف تاج محل بنيت لك سور
 وفتحت طاقة ف سور الصين
 وشربت من دار الأرقم
 وأنكروني الحواريين
 أشيل زمان وأحط زمان
 وكل ما اغرق ف الحرمان
 أنادى على آخر عنوان
 يا قاهرة..
 القهر لمن؟!
 لقيت عينيكي حقيقة وضي
 إسمى جمال
 أو إسمك ميّ
 هنود فقارى ف نفس العصر
 حتى ان سكنا ف غير الحى
 وكفاية يا حبة عيني
 مسامير عدم داخله ف عيني
 وفوق كتافى مهراجا
 على الخضوع محتاج لدليل
 أضرب سلام تعظيم للقليل

٣ - قدامنا سكة سفر

أنا ف هواكى لجأت للتنجيم
شفت الأثر
يا وتر
عاصى على التقاسيم
شقيت بحار السّحر بعصايتى
وكأنى لسه ف البرارى كليم
وهربت م الشخصيشخة لاصبح زيها
وكأنى لسه فى الحوارى يتيم
عينى الودودة راية العصيان
قلبى المعاند
راية التسليم
أنا ف رضاكى لجأت للشيطان
طمع فى حبك بدلّ الأوطان
سكّنى قصر الشوق
واستوطن الغفران
أنا فى غُناكى هربت م المواويل
لما الأصيل انسعر
وهب فيّا النيل
جريت وصوتى انشرح

فى غابة الإنكار
بحر الأيادى صرخ
حاسب من الإبحار
جبل العيون شدنى
أنا توهمت ف السراذيب
دمعك يشفى كل ليلة طبيب
إيدك بتقتل كل فجر حبيب
الموت حضر جثنى
يكفى بأه تعذيب
عدى ف دمي بهداوة
وانسلخى م الشريان
وافتكرى عز الأسى
أنا كنت جسر حنان
أنا كنت سقف زمان
فى عشة المظالم
أنا ف هواكى لجأت للتنجيم
وعملت لك عمل المحبة حجاب
وقريت ف كفى يطول العمر بالإنجاب
وفتحت مندل أشوف
اللى انسرق عمرى
ولاً الوليد اللى لسه عينه على الأبواب

ولاً الوليد اللي سيفه
يدى الرمله عنوانها
لقيتنا جوه جنينة نضحك لرماتها
والقهوة تضحك علينا جوه فنجانها
قدامنا سكة سفر
يمكن ما نرجعهاش
قدامنا سكة فرح
يمكن ح نحزنها

(١٩٨٦)

الغبار

وكل ما افرح أنطفئ
وارقص مع الجرح الخفي
رقصة جنون العتمة على كرسى الربيع
يا ضايعة منى ف الجميع
يا مضيعاني ف السفر من غير شعور
نشم ريحة ضحكنا المكسور
تحاصرنا أنياب العطور
تسقط شفايف شعرك المقصوص
كان نفسى أغرس فيكى نخلى
وكان نفسى أبوس
يا منتهى المنتهى
يا بداية الإسراء
لون المسلة جرح ف الأحشاء
والميم ف إسمك وحدها تكفى
مُلك ومدد وميعاد ومسك وماء

(الشارقة ١٩٨٩)

أو.. فارحلى

اليوم.. لا شىء
أو .. كل شىء
فلتسكنينى .. واسكنك
أو فارحلى .. من مكنك
من الكهوف المزمنة جوه الجسد
من انكسار زهو الأسد
من اشتياقى لو ملا عمر الفلك
ومن عنادى لو تمادى أو هلك
اليوم.. لا شىء..
أو .. كل شىء..
نبضك.. وصمتك .. واشتياقك
رفضك .. وحيرتك.. واشتهائك
نقطة بدايتك .. وانتهائك
بركان ضيائك
ضل انحناءة كبريائك
عطرك .. وضعفك ..
عطشك .. جنونك .. لوعتك
حريتك ..
فرحة جنوحك عن طريقى وعودتك

روح ابتسامتك لما تغرق ف الدهول
طُهر البتول
ولعك بأشجان الرحيل
راحتك على صدر الوصول
اليوم .. لا شيء
أو .. كل شيء
فلتسكنيني .. واسكنك
أو فارحلي .. من مأمنك

(١٩٨٤)

تحت الندى المجرّوح!

واحنّا ببتهادى
بالخيرة كالعادة..
لسان فصيح .. بندوق
الخلو .. والمحروق ..
م الناس وم الأفكار
والدرب والأشعار
جمرة وسجادة ..

✽

الصحة إيد ف الإيد ..
أزمان بدون تجاعيد ..
لكنى كنت وحيد ..
لما الهوى نادى ..

✽

حبت .. وأنا حبيب ..
طلت هناك طليت ..
مسكت إيدية ضليت ..
وضحكت بسعادة !!

✽

شاعر صحيح مجنون
رسم ف جدار ملعون
طاير بشوق مسجون
يعشق ويتمادي

✽

شط النخيل مطروح
تحت الندى المجروح
عمر ابتدا وح يروح
يا قلبي بزيادة ..
نسأل .. ونتهادي
بالحيرة كالعادة ..
لسان فصيح وندوق ..
الحلو والمحروق ..
م الناس وم الأفكار
والدرب والأشعار
جمرة وسجادة ..!

(١٩٨٤)

مقاطع من حكايات السفر

(١)

يا حبيبتي .. صدقيني
لما اقولك

إن حبك فوق جبیني
ماشى مع خط الزمن
وان حبك فوق كفوفی
ماشى مع خط الحياة
وان حبك جوه قلبی
ألف ضحكة وألف آه
يا حبيبتي

(٢)

لسه فوق النور مسافر
جوه قلبی حب وافر
فوق علامات الطريق
يكتب ان الضعف كافر

(٣)

المحطة جوه قلبك
والمحطة مش بعيدة
ما انتی برضه يا حبيبتي

عائشة وسط الناس وحيدة
سندريللا
واقفة تستنى الأمير
والأمير يا حبيبتي شاعر
فى السفر يقول قصيدة
سيفه يوصل بين قلوب العاشقين
وبحصانه
يطوى أرض الغربه وبحور الأنين
يطوى أحزان السنين
والحكايات العنيدة
المحطة جوه قلبك
والمحطة مش بعيدة

(٤)

يوم وصولى
الأغاني كلها عن يوم وصولى
يوم ما أقولك يا حبيبتي
وانتظر منك تقولى
واسمع الضحكة فى عينيكي
أرتوى بعد الجفاف
ينتهى عام الرمادة
تنتهى سنينى العجاف

يبتدى نهر السعادة
يبتدى حلم الزفاف
يا حبيبتي
قلبي عمره ف يوم ما خاف

(٥)

قلبي سافر سندباد
حارب النار والألم
واحتمل مرُّ البعاد
من أنينه ف الليالى
عرفته كل الدروب
من حكاياته الجميلة
عرفتك كل البلاد
قلبي سافر سندباد
واشكى منه السفر
شاف ليالى كثير سواد
بس عمره ما كفر
سابق الليل والنهار
لجل يبجى فى الميعاد
يشتهى لحظة ميلاد
يتولد فيها الحنين جوه قلبك
قلبي سافر سندباد

جلل ييجى يقول: باحبك

جلل ييجى يقول: باحبك

(٦)

يا محطات الفراق

يا جراحات المسيح

يا مشاوير التمنى

فى فضا الوهم الفسيح

يا روايات الضياع

صفحة ضلمة

صفحة ريح

يا ..

يا حبيبتى

قلبي عمره ما كان جريح

جى يصرخ يستجير يحتمى بسلطان جمالك

مش صحيح !

أصلى عمرى ما ح ابقى شاعر للمديح

بين إيديكى يقول قصيدة

جلل وجهك المليح

ثم يستنى العطايا

تمنحيه الابتسامة

وتقوليله بالسلامة

يا شاعرنا .. يا فصيح
مش صحيح

(٧)

السفر هو الحياة
والوصول نقطة نهاية
والأمل زاد الغريب
إنكتب ف القلب آية
جى بعد العسر يسر
ليه يكون الحزن غاية
ليه يكون الشوق إليكى
رحلة تانية للخضوع
دارى عنى جمال عينيكى
الطريق مش للرجوع
مش راح ابكى ف يوم عليكى
ما اتخلقتش للدموع

(١٩٧٦)

لعبت الموت..والعسل

اصطف طابور الذكور

وبدأ سباق الارتفاع

نحو الملكية المبهجة ..

كل المشاعر ف العروق

متأججة ..

روح المحبة مرفرفة فوق المكان

وما فيش أمان !

عاشق يسقط كل حين

وسقوطه لذة للجميلة

واندفاع ..

وف كل لفطة إمتناع

تتوالى أسراب السقوط

ويزيد شموخ الإرتفاع

ف الأرض

مات الإتساع

وف السما

عاشق وحيد

إتبقى من صنف العبيد

وفاز بأهوال الجماع
ومات بدون نظرة وداع
وفزت وحدى بالحياة ..
أنا انتزعتك
من خلايا الأمنيات
جردت وجهك م الهالات
ورأيت عظمتك
فى صفوف الشغالات
يا لعبة الموت .. والعسل

(١٩٨٤)

وحدك

إثبت ومثل قصتك وحدك
وفوز بشهوة غنوتك وحدك
واملا الكاسات في صحتك وحدك

رفر ف في وسط السرب واشبع بالسراب
والمس ما شئت من البشر
واسمع ما شئت من التراب
وشم ورد الصحبة أو دوق الصحاب
ما فيش مفر من السقوط المنفرد
ولا بد من صمت الحواس
تقدر ساعتها تشوف مساحات الفضاء
ف نقطة تماس

شبعانة بطن البحر من صمت الغريق
وانت اللي واقف تنتظر طعم الشهيق
وامّا المجاميع تدهسك فوق الطريق
روحك بتصعد وحدها هريانة من
روح الفراق اللي اسمها روح الفريق

إذا الفواصل حاصرتك وحدك
إثبت وواصل حضرتك وحدك
وامشي ف خريطة بصمتك وحدك
واقفل ستار الزحمة واتمتع بلحدك

(١٩٩١ / ٥ / ١٠)

أنا مش ح ابيع

أنا مش ح ابيع
ولاح اندمج ويا القطيع
مش ح ارمى عقلى فى المزاد
ولاح اشترى من سوق وضع
أنا مش ح اطاطى للديابة
عشان تعلينى القروود
ولاح اخلى الكلب سيد
والمشى جنب الحيط يفكرنى بطوابير العبيد
فى حضرة الملك الخليع
أنا مش ح ابيع
ولاح اشترى من سوق وضع
وان جوعت مش ح ارضى بسوق العيش
ف أحلاها منام
وان قومت عمرى ما ح انحنى لحد ما تفوت العواصف
بالسلام
ولوح اسد الباب لريح
مش ح استريح

أنا ارفض انى أكون وَلِي
داخل ضريح
أو موميا مرتاحة ف تابوت
أنا مش ح اموت
إلا وضوافرى مغروسين
فى رقبة الخوف والسكوت

(صراندس - نيبيا - سبتمبر ١٩٩١)

(المؤتمر الاول للإبداع العربى)

يا قاهرة

يا قاهرة .. لما بتشقى
ارتاحى على صدر دمشقى
وطيرى .. طير بغدادى
يحطنى ف صوت الحادى
واتنفسى بقلب حجازى
وغنى سيرة بنى .. غازى
واتسلحى بما يحمينى
شوق النمو ف تكوينى
اتسلحى بنور العارف
حجر .. بنبض فلسطينى
حجر بنبض وطن ملهوف
يطل من ضيعة لبنان
يهدى الأمومة إلى درمان
يهدى لتونس خضرتها
ويرد للعين ميتها
يا قاهرة وأنا ميتها
مين اللى ممكن يحيينى ؟!
حجر .. بنبض فلسطينى

فين أشوفك يا نبي

- واحد .. اثنين
سرجى .. سرجى
إنت حكيم ولا تمر جى
- أنا حكيم غير الحكماء
العيانة اديها لقمة
والمسكينة المسكينة
من أحبابنا وأهالينا
أديها عمرى بحاله
طاهر من غير أوحاله
قلبي وربنا أوحى له
فين اشوفك يا نبي
يا للى بلادك بعيدة
فيها أحمد وحميدة
حميدة جابت ولد
سميته عبدالصمد
كان ترحيلة وكان بنا
كان بين الآيات .. جنة
كان بين الزهور .. حنة
كان بين الأيام .. عمرى

كان م القرايب .. أبى
 فين اشوفك يا نبى
 يا للى بلادك بعيدة
 فيها أحمد وحميدة
 حميدة جابت إنسان
 ضحكته كانت أوطان
 والأوطان كانت صاحبة
 بتغنى داير الناحية
 بدوى وشامى ومغربى
 فين اشوفك يا نبى
 يا للى بلادك بعيدة
 فيها أحمد وحميدة
 يا ليالى وف ليلة سواد
 غشنا عبد الأسياذ
 واتمشى ع المشاية
 خطفت راسه النجماية
 والنجمة لها ست انياب
 مغروسة ف عين الأحباب
 حب الشايب بنوته
 نقرت زوره الكتكوتة
 والكتكوتة ف بلدنا

زيها زى المادنة
صدّقها ساعة ما تقول
الصبي خد عمر الغول
تسلم إيدين الصبي
فين اشوفك يا نبى
يا للى بلادك بعيدة

(١٥٨٢)

نفسى أدخل أى جنة

(إلى سناء محيدلى)

(١)

حببت حجر وانا قلبى رشيد
ترجمت أحزانك زغاريد
ضميت قمر وضلوعى هلال
مين اللى قال الهوى تنهيد

خايف عليكى من الحُساد
أنا المسافر من غير زاد
أبويا مات وماليش أولاد
وأمى الحزينة اسمها تغريد

واما لمحتك وسط زحام
فوق السما وتحت الأقدام
صرخت انادى بكل آلام
مالقيتش إلا أسامى عبيد

(٢)

العصر مش عصر إبراهيم ..
العصر .. عصرك يا نيران
فكوني حر ..
وكوني حرب ..
وكوني حي على الطوفان ..
كوني الضيا ..
للأنبيا ..
اللى انتهت ف الجنة سيرة سعدهم
واللى ابتدئت ع الأرض رحلة مجدهم
هجرُوا الأرائك ..
والنعيم المصيدة ..
ووهم أنهار العسل ..
والحوريات ..
رفضوا الأسامي المدهبة
جوه الآيات
وعرفوا إن المعجزات أبسط كثير ..
عمر العصا ما تحولت ف ايدينا حيّة بكلمتين ..
ولا حوت بلعنا وردنا ..
المعجزات أبسط كثير ..
إبن الصهاينة ..
ما ينولش من أرضك ثمر ..
ما ينولش من ليلك قمر ..
ولا تبتسم له ف مؤتمر ..

(٣)

نبضتين .. والتالته قلبي
 عتمتين .. والتالته ضيَّ
 ألف طعنة ف كل حي
 يا شجر من غير جذور
 يا مدينة بدون ملامح
 تحت سجاد القصور
 اسمك المسطور : مراکش ؟!
 ولا نجد ؟!
 ولا صور ؟!
 ولا طيبة الفرعونية تحت رجلين العصور ؟!
 الليالي علقتني فوق حيطانك .. إبتسمت ..
 توهنتي ..
 إنقسمت ..
 نفسي أشرب من عطش سيدنا الحسين
 نفسي اضم الثائنتين
 اللي فروا من سناء
 لما شدة الاشتياق
 فجرت فيها الوطن
 نفسي أدخل أى جنة
 وامتطى ظهر الشموس
 ترتعش نار المجوس
 خائفة من سيف المثني
 نفسي أدخل أى جنة

شوفت زمزم ف المتاجر
واسماعيل يصرخ يا هاجر
احنا الاتنين اتسجنا ..
نفسى أدخل أى جنة
جدى هربان من تاريخي
وابنى خايف من صريخي
خوفت منه لما غنى
نفسى أدخل أى جنة
إمثلت لكل سيد
ضحوا بيا بدون ما اعيد
شوفت لحمى ف إيد جيرانا
نفسى أدخل أى جنة
يا سناء يا بنت عمرى ..
جددى البركان ف جمرى ..-
إنهدمت .. ولسه بنا ..
نفسى أدخل أى جنة ..
إفتحي سهولك .. أنولك ..
وانتشي بلحظة وصولك ..
زى ما الكروان تمنى ..
نفسى أدخل أى جنة ..

يا شجر من غير جذور ..
يا وطن من غير حضور ..
يا مدينة بدون ملامح ..
ليه بنسكن ف القبور !
ليه بنسكن ف القبور !

(١٩٨٥)

على باب الله

شـبـاك النـبى على باب الله
ولا فـيش أجـنبى على باب الله
يا صـبـية .. الصـبى .. على باب الله
هاودى وقـربى .. شـربـات تشـربى
ونـلم الشـامى .. على المـغربى .. على باب الله

على باب الريح .. ربينا نسـيم
يكبر بالجمع .. وبالتقـسيم
ويلم الشـعر على التقـاسـيم
على عطر وسـيمة وصـدر وسـيم
خليكى مـعـانا إزاي تـذهـبى
وانتى الحـنـيـة ف نور مـذهـبى
شـبـاك النـبى على باب الله

على باب الشوق من غير توصيف
علـينا ربيع .. ودخلنا خـريف
البرد ف ليل الحب ضـعـيف
والورد يـهـرب مـ التـقـطـيف
وانتى ولا بتقـسى ولا بتـهـربى
ولا يوم بتـلبى سـوى مـطـلبى
شـبـاك النـبى على باب الله

على باب الجنة يا طعم التوت
أنا ممكن احب لحد ما اموت
وازرع لك جوه البحر بيوت
وأخلّي سنين الصعب تفوت
أنا اشيل الشقا وانتى تطبطبي
واتعب لك وانتى بلاش تتعبى
شبابك النبى على باب الله

على باب مقفول أو باب مفتوح
ح اكتب مواعيد اللقاء وأروح
وارجع لك تانى شعاع ينفوح
وقتل ف الحب .. وموش مجروح
قادر على طعن الليل الغيبى
بس انتى أوامرى .. أو حتى ارغبى
شبابك النبى على باب الله

على باب العيد .. بالهوى ضحيت
دوقت الحرمان .. قوت اغديت
رزق الغلبان .. يحرم البيت
الدنيا قالت لى ابكى، ما بكيت
سهلى .. سهلى .. ليه بتصعبى
دا انا مهما جنيت عارف مكسبى
شبابك النبى على باب الله

على باب الخلق .. وباب النصر
صليت الفجر .. ضحك لي العصر
تعالى لي العشة أبني لك قصر
أنا أطيّب مصرى .. يا أجمل مصر
أحلف بالشفافعى مع الزينى
وعينينا تميل ويشيل منكبى
شباك النبى على باب الله !؟

على باب الله بساتين بساتين
شوفنا الزيتون ف مقام التين
والناس ف حليب وعسل فايتين
والظلم ضعيف والحق متين
قرآن الفجر تلاوة أبى
وآياته تملس على كسوكبى
شباك النبى على باب الله !؟

على باب الغار بتبيض يا حمام
ح ابنى لك بدل العش مقام
كفار اليوم عايزينها سلام
شرط الصديق ينسى الإسلام
لكن ماتخافش الخوف .. أرنبى
وأنا لسه شجاع سيفى ومأربى
شباك النبى على باب الله !؟

على باب إسرائي بساط أحمدي
 كل الأنبياء ويا محمدي
 بيصلوا صلاة القلب الندي
 الأقصى قريب لو يوم نهدي
 من باب أندلسي لباب مندبي
 نفتح شبك ع الزمن الأبى
 شبك النبي .. على باب الله
 ولا فـيش أجنبي على باب الله
 يا صبية .. الصبي .. على باب الله
 هاودي وقربي .. شربات تشربي
 ونلم الشامي .. على المغربي .. على باب الله

(القاهرة ١٩٩٠ / ١١ / ٥ - ٣)

أغنيتي

٢

صدقنى يا بحر..

أنا هادر .. بس مانيش قادر ..
أهديها الأمواج الحرة .. وأبدل أيامها المرة
ولا قادر أرمى لها كنوزى .. على شط الرمل الفيروزى
واحميها من الزمن الغادر
أنا هادر .. بس ما نيش قادر
صدقنى يا بحر..

أنا قدك .. بس ماليش مدك ..
مش عارف اشقك بشراعى .. ولا عارف اسكن أوجاعى
ولا قادر اغامر بسكوتى .. ولا قادر أعلنها بصوتى
وأقول للخائن أنا ضدك
أنا قدك .. بس ماليش مدك..
صدقنى يا بحر

أنا آية .. ولا ليها نهاية..
من بعد سنين الترحيلة .. ح ارتاح على شطك يا أصيلة
واكشف أسرارى وأحزانى .. وأنول أشواقك وأمانى
وأهد الأسوار جوايا
أنا آية .. ولا ليها نهاية..
صدقنى يا بحر

طريق القمر (*)

ضليت طريق القمر .. بين الرياح والسيل
حتى النهار اختفى ولبس عباية ليل
مدت إيدى خايفة
وعيون ما هيش شايفة
لا وصلت بر الأمان ولا عدلت الميل

كان نفسى شمس الهدى تاخذنى من إيدى
وتعدى بيّا الحدود واوصل نهار عيى
العقل ليسه ضلنى
والقلب ما دلنى
ولقيتنى با زرع أمل واحصد حصاد الويل

شلت الأمانة سنين .. ويا ريتنى شلت جبال
ولا توهمت بين دنتين .. ولا ضعت جوه سؤال
يا ريتنى أرجع ندى
فرحان بنور المدى
وادخل بلاد الرضا من غير سيوف ولا خيل

(١٩٩٢)

(*) لحن : فاروق السربوي

غناء : مدحت صالح .

ولسّة (*)

ولسّة بادور .. ولا العصفور
ولسه بخاف واحب واثور
ولسه باعيش واشوف وأسير
وبارفض اكون لغيرى أسير
وباتحدى الألم وأطير ..
وانسادى النـنـور

سما الأحلام بعيد عنى
لكن نورها بيمملانى
وإذا تاه الطريق منى
أنا قـادر أعـود تانى
ولسـه بادور

وانا تايه ف قلب الليل
ماليش يا حب غير صبحك
يعـدينى سنين الويل
عشان قلبى الحزين يضحك
ولسـه بادور ...

(١٩٩٢)

(*) لحن : فاروق الشرنوبى .

عناء : مدحت صالح .

عود

عود

الفجر لسه بيتقسم بين دمتين

عود

الفرح ممكن يتقسم على شفتين

عود

الوهم مات .. والذكريات ..

قالت لى حبك بالوجود

يا ريت تعود

احنا زمان .. كنا الزمان

كنا الهوى .. من غير هوان

كنا الأمان من غير حدود

الوهم مات .. والذكريات

قالت لى حبك بالوجود

يا ريت تعود

عمري اللي راح سماح سماح

يا حب أكبرم الجراح

رجّع عبيرك للورود

الوهم مات .. والذكريات

قالت لى حبك بالوجود

يا ريت تعود

(١٩٠٢)

حسك في الدنيا يا بابا (*)

حسك ف الدنيا بابا
بيهدينا الإجابة
ويعلمنا الحقيقة
نكبر ونزيد صلالة
داير ف الدنيا داير
وبرغم الحمل ساير
تدوقنا البششاير
وتداوى لنا الإصابة ..
حسك ف الدنيا بابا
الشرف اللي ف يمينك
شوقنى أبوس جبينك
ولسه محتاجينك
يا متتهى الطيابة ..
حسك ف الدنيا بابا
كبرنا صحيح كبرنا
لكنك لسه خيرنا
تهدينا وتفستكرنا
بالدعوة المستجابة ..
حسك ف الدنيا بابا

(١٩٨٦)

(*) لحن هذه الأغنية مرتين

اللحن الأول : محمد على سليمان .. غناء : أنغام .

اللحن الثانى : صلاح الشرنوبى .. غناء : نادية مصطفى .

يا غريب (*)

يا غريب ف الكون يا قلبي .. يا للى حساير ف الدروب
كل ما تحزن تخبي .. كل ما تعشق تدوب
إمتى يملا الدنيا ضيك .. والهوى يسكن ف حيك
وتلاقيك جوه القلوب

الليالى تعيشها وحدك .. سكتك تمشيها وحدك
غنوتك للكون مداها .. شكوتك تسمعها وحدك
آه يا قلبي ومين يدلك .. مين يكون ف الشمس ضلك
مين يصاحبك ف الغروب

كل ما نوصل لمينا .. نهتدى ونقول رسينا
الشطوط ترفض لقانا .. والبحور تانى تناديننا
آه يا قلبي ومين يضمك .. مين يشيل فى الصعب همك
مين يصاحبك ف الغروب

(بغداد - سبتمبر ١٩٨٧)

(مهرجان بابل الاول)

(*) لحن: ياسر عبدالرحمن.

غناء: حنان ماضى.

عروس الجنوب(*)

أتحدى ليالك يا هرّوب .. واتوضا بصهدك يا جنوب
وأصلى الفرض الخطيئى .. واكتب لك عمرى المكتوب

أحضانك فوق الحنية .. يا جميلة ومريم وبهية
يتفجرف الموت بركانك .. وإيمانك يتفجرفيا
الدم على الأرض خريطة .. مشتاقة ليوم الحرية
أشلائك بتلم جراحي .. يرتعش الغدر وترتاحى
ويعسود الحلم المسلوب
أتحدى ليالك يا هرّوب

يا ضى عيون الشهداء .. يا زهرة صيدا وسيناء
ثانية من عمرك تحيينى .. أبنى .. واتبسم .. وأشاء
كلمة من سيرتك تهدينى .. للأقصى يعود الإسراء
أيامناح نغسلها بنهرك .. وح تنجب من تاسع شهرك
فرسان العصر المحبوب ..
أتحدى ليالك يا هرّوب

(١٩٨٥)

(*) إلى الشهيدة سناء مجيدلى.

لحن: عبدالعظيم حويضة.

غناء: محمد منير.

ست الضياء

مكتوب لى إيه من أيامها روح اعيش ف إيه من أحلامها
ست الضياء .. واخت الرياحين منجم كرامتنا .. فلسطين
عصفور حنين .. مع فتح مبین واقفين على باب أعوامها

* * *

أنا ليا حتى ف زيتونها وليا رؤية بعيونها
وف زهرى طعن اللى يخونها وليا إسراء ف حرمها
أنا اللى داير ف مدارها ملىان تراب من أسفارها
ملىان وضوء من أطهارها وليا إخوة ف أيتامها
مكتوب لى إيه من أيامها
مكتوب لى إيه من أيامك أنا اللى عطشان ف صيامك
وانا اللى ساجد ف مقامك والصخرة أهدتنى سلامها
طفل الحجارة وصبيته يمشى ف طريقك لنهايته
واذا قرا جبريل آيته يتبع مسيحها وإسلامها
مكتوب لى إيه من أيامها

(أثينا - فبراير ١٩٨٨)

(وفد سفينة العودة)

إمتى الزمان الأيوبي؟!

مشتاق يا سوريا أغنيكى	وارسى بهوايا ف مراسيكى
واطلق طيورى على جبالك	واربط جليبي ف سواقيكى
يا دمشق عمرى ما باستغنى	ولا صوتى يشبع م المغنى
دا انا وعيونك رغرغنا	لما اهتدينا بصواريكى
على نور جمالك يا أبية	خطفتنى ف الحب صبية
شوفت القدود الحلبية	سهرت مشاعر فى حواريكى
القوة ف عروقى حنانك	والضى ف شروقى بيانك
وطريقى للقدس جولانك	أغلى الاسامى ف أعاليكى
بعت روحى ف مكتوبى	وفتحت لك كل دروبى
إمتى الزمان الأيوبي	يسقيني حب ويسقيكى

(بيزانصون - فرنسا)

(أغسطس ١٩٨٩)

سفرنا طويل (*)

سفرنا طويل .. وزادنا الصبر والتساهيل
 ضلوعنا صارى وسفينة
 توصل غيرنا للمينا
 وترجع بينا للأموج
 ولا بنميل ..

سفرنا طويل .. وزادنا الصبر والتساهيل
 وآه يا جزيرة الأحلام
 دفننا الدم والأيام
 عشان مرة نعدى لك
 عشان تضوى قناديلك
 ولا وصلنا ف يوم برك
 بأى سبيل

سفرنا طويل .. وزادنا الصبر والتساهيل
 ف بحر الغربة والأحزان
 ولما بيصرخ الطوفان
 وتبقى الروح على كفة

بيهرب صاحب الدفة
ويغرق حلمنا بالشط
مع القناديل

سفرنا طويل.. وضاع الصبر والتساهيل
وتيار الأمانى ضاع
لادا مركب ولا دا شرع
ولا معنى لأى دموع
ولا معنى لأى وداع
دفعنا العمر ف الرحلة
وهيه رحيل
سفرنا خلاص ما عادش طويل

(١٩٨٥)

(*) لحن: أحمد الحجار.
غناء: على الحجار.

هواكى (*)

هواكى كل ما أملك .. أنا اللي عشت أحلم لك
وحتى دموعى تتمنى .. أشوف الكون تبسم لك

قولى لى فىن أراضيكى
وانا ازرعها غيطان ونجوم
بنن العين أراضيكى
ولو حتى أبات محروم
دا مهما الدنيا تديكى
ح تلقى حـضنى أرحم لك

عشانك يا ندى الحنة
على جمر السنين ماسك
وباتحـمـل وباتمنى
أحس بطعم إحساسك
واشـوفـك وانتى ف الجنة
دُعـا الكروان تنغم لك

(نيودلهى - ديسمبر ١٩٩٠)

(*) لحن وغناء: أحمد الحجار.

فجرك تجلى

فجرك تجلى .. من شبه طله
هجرنى حزنى .. وعينيكي هاله
عديتي نسمة .. وقولتي قسمه
لا نولت منك .. ولا شوقى ولّى

أنا المتيم .. ولىلى حالك
رأيت جمالى ف نور جمالك
نطق هوايا .. جوه الخلايا
إنتى البدايه .. ف صبايا ولّا ..
عديتي نسمة .. وقولتي قسمه
لانولت منك .. ولا شوقى ولّى

أنا اللى عاشق .. تكونى منى
نهار حقيقه .. وليل تمنى
لما احتوانى .. عطر الأمانى
وجهك نادانى .. وليه تخلى
عديتي نسمة .. وقولتي قسمه
لا نولت منك .. ولا شوقى ولّى

(موسكو - عسصر ١٩٨٥)

(مهرجان الشباب والطلاب الثانى عشر)

أنا عاشق

لا انا مايل على كفوفك .. ولا باتهجي ف حروفك
أنا عاشق ومش واحد .. من الألف اللي ف صفوفك

أنا فوق اختياراتك .. إذا كنتي ح تختاري
يا إما اسكن في نبضاتك .. يا إما تفارقي مشواري
أنا عشقت التسيم الحر
ومش ممكن سنييني تمر
على باب انتظار جاحد

أنا عاشق ومش واحد .. من الألف اللي ف صفوفك

أنا مش واحدة للراحة .. ف رحلة بحث عن ذاتك
ولا ضمة ف عز الليل .. بتعزف لحن لذاتك
أنا مفتون جريء الصوت
أنا مغرم بحبك موت
وعيني ع اللقاء الخالد
أنا عاشق ومش واحد .. من الألف اللي ف صفوفك

ما عرفت شارقص ولا أطيّر

طيورك الحلوين حطوا..
والبحر كان مسحور مسحور
ساعة ما شافك على شطه
واتفتحت كل مشاعرك
والريح بتلعب مع شعورك
وصبح وجودي في خبر كان

البحر كان هنا من حبة
ولا استخبي ف عينيكي
والريح بقت همس محبة
ولا بقت ملك إيديكي
بتلعبي بالعين والروح
وانا ف العريش ابقى ف مطروح
يصبح وجودي ف خبر كان

كان الشتا يومها بيشتي
والبحر ف وجودك حران
واما ضحكتي وفرفشتي

خرج الدفا يملا الأكوان
رقصتي رقصة من الأساطير
ما عرفتش ارقص ولا أطيّر
وصبح وجودي ف خبر كان

(١٩٩٣)

بلديات (*)

إسكندرية بتتمايل .. النوبة قالت تعالى لى
والنيا لسة بتتحايل .. يا سينا اشربى من نيلى
والوادى ينده يا حياتى .. قابلىنى فى أحلى واحاتى
آدى الرطب من بلحاتى .. وآدى الغنا من زغاليلى
مدد يا فرغل يا ابن ابوتيج
حلو المحلة بعثلى نسيج
عشان حلايب يوم العيد
محلاكى يا بلاد التغريد
أسوان تقول للغربية .. كرم الشراقة يفك الضيق
منصورة بلد الحرية .. أما الرشيدة بقلب جرىء
برج العرب حُضن السلوم .. وقال لى ما تروح الفيوم
الغردقة قالت ح نعوم .. ف بورسعيد وف بورتوفيق
جت البرلس بالعنبر
خشب الدمايطة بقى منبر
والقلب عمران بالتوحيد
محلاكى يا بلاد التغريد

(١٩٩٣)

(*) لحن: حميد الشاعرى.

غناء: علاء عبدالحالط.

أنا كنت عيدك (*)

أنا كنت عيدك

تنقص نجوم السما أزيدك

الفجر يغرق آخذ بإيدك

واجمع سواد الألم ف عيني

واصب نبض الهوى ف وريدك

أنا كنت عيدك

وكنت عبدك ف عز ضعفك

وكنت يوم التجلى سيدك

وإذا كفرتى بسحر صوتي

أغنى رغم العطش نشيدك

أنا كنت عيدك

تموت آيات النغم ف حلقى

أنطق بسر الحياة .. أريدك

تكتب سنين الخرس نهايتك

أنطق بسر الوجود أعيدك

أنا كنت عيدك

ولو نسيتي ح اكون نهايتك

ولو وفيتي ح اكون شهيدك

وكل ما ارحل ح تكونى غايتى
وكل ما ارجع ح اكون وليدك
واجمع سواد الألم ف عينى
واصب نبض الهوى ف وريدك

(١٩٨٧)

(::) لحن: فاروق الشرنوبى.
غناء: على الحجار.

يا فلسطين الحزينة

يا فلسطين الحزينة	قلبي بعد النور حزين
لو هواكى بيشترينا	لسه فينا بياعين
كل حلم شراع سفينة	نصحي منه غرقانين
كل قُدى تشع فسينا	يخنقوها الجرمين
يعموا عينا ويمشوا بينا	ع الصراط المستكين

الديوان الثالث

بتعشق الحياة

إلى

إلى عبد الناصر وأم كلثوم

ابن وابنة

أحيا في انتظارهما ..

جمال

الليلة المحمدية (*)

الراوية:

الله يخلّي الحياة ...

ويحلّي أيامها ..

ويخلّي سيرة الرسول ..

تهدينا بمقامها ..

معاركها .. أعلامها

مشاعرها وقت المحن ..

وسجودها .. وقيامها ..

الراوى:

الله يخلّي الحياة .. ويحلّي أيامها ..

ويخلّي سيرة الرسول .. تهدينا بمقامها ..

(*) كنت هذه الليلة المحمدية بهدف تقديمها في إطار احتفال الإذاعة المصرية بالليلة المحمدية وقدمت على مسرح انتليزيون بالكلية الخيرية يوم السبت ١١ ربيع الأول ١٤١٧ هجرية الموافق ٢٧ يوليو ١٩٩٦ ميلادية .. من إخراج الفنان عبدالرحمن الشافعى .
- قام بأدوار النرواة الفنانة فردوس عبدالحميد والفنان أحمد ماهر .
- أغنية نور النهار .. لحن إبراهيم رافت .. غناء محمد العربى .
- أغنية بكعبة ربّ يحميه .. لحن حلى كبر .. غناء نادية مصطفى .
- أغنية الله الله .. لحن عبداعظيم محمد .. غناء محمد رشدى .
- أغنية يا ربّنى كلمة من السيرة .. لحن على سعد .. غناء غادة رجب .
- أغنية اعتصموا بحبل الله .. لحن عبداعظيم عويضة .. غناء محمد ثروت .

سكة سيادة وريادة ..
بالنصر .. أو بالشهادة ..
سكة إرادة وعبادة ..
بس احنا نفهمها
من أول المصطفى .. ما كان رجاء ودعاء ..
حلم ف ضمير الرسل ..
يحققه الإسراء ..
وتشوفه كل سماء ..
تعزف له أنغامها ..

الراويّة:

الله يخلّى الحياة .. ويحلّى أيامها ..
ويخلّى سيرة الرسول ..
تهدينا بمقامها ..
من أول المصطفى .. ما اتكونت معانيه ..
والصحرا عايشة انتظاره ..
والورد مستنيه ..
والكون وهو ف مداره ..
أنهاره تحلم بيه ..

نور النهار

أصلى واجعل صلاتى .. عليك يا نور النهار
يا نبينا يا ابن الأكرام .. يا ربيع كل الديار
أصلى واجعل مديحى .. بنا .. وزرع .. وعمار
واجعل جهاد الأئمة .. أعظم وأكرم مهمة
والعلم نورك يا أمة .. والعدل هو المنار ..

أصلى واجعل ضميرى .. مسك الكلام والبداية
واقول محمد نصيرى .. لما تدور الرحايا
هو شفيعى ومجيرى .. وهو سترى وغطايا
هو رسولى وبشيرى .. وكتاب يمينى وحياتى
أصلى واجعل صلاتى .. عليك يا نور النهار
يا بحر كل العلوم .. يا هادى أهل الشهادة
ياما ارتاحت لك نجوم .. ياما انحنت لك سيادة
تحميك ف سفرك غيوم .. يا شمس نور العبادة
عطرك ف قلبى يدوم .. ويملا روحى وذاتى
أصلى واجعل صلاتى .. عليك يا نور النهار

الراوى:

الله يخلّى الحياة .. ويحلّى أيامها ..
ويخلّى سيرة الرسول ..
تهدينا بمقامها ..
سيرة محبة ورضا ..
بتطمن الأفئدة ..
لو يوم نشوف أبرهة ..
والكعبة متهددة ..

الراوية:

يا آمنة .. يا سيدة ..
جوه الحشا مولود ..
نوره مالوهش حدود
نوره مالوهش مثيل ..
للإنسانية دليل ..

الراوى:

قال أبرهة الأشرم ..
أنا ح اهدم الكعبة ..
وح ابني بيت أعظم ..
إنداس يا بيت العرب ..
إنسدى يا زمزم ..

كورال:

مقطوع لسان أبرهة ..

حشد الجيوش .. جرّها ..

غزا صحارى العرب ..

ولاخافش من حرّها ..

مقطوع لسان أبرهة ..

الراوى:

الأمة متشرذمة ..

م الضعف متألة ..

بس القلوب مسلمة ..

بكرة بيان أمرها ..

مقطوع لسان أبرهة ..

الراوية:

جد الرسول قال لنا ..

كلمة قلوب مؤمنة ..

الكعبة بيت ربنا ..

ولا حدح يضرّها ..

مقطوع لسان أبرهة ..

منشد:

للكعبة ربِّ يحميها ..
وحمام الحمى يغطيها ..
وإذا فكّر جاهل يلمسها ..
طير الأبايل ح ينّجها

الراوى:

من قبل ميلادك يا نبينا ..
والمعنى الصافى يبهدينا ..
لو صدق العزم وسلمنا ..
وملكنا مصيرنا بأيادينا ..
ولا دولة ظلم ح تهزمنا ..
ولا يقدر ظالم يعاديننا

الراوية:

يا عيون الدنيا وبواديها ..
يا شمس الدنيا ولياليها ..
السيرة غزيرة بمعانيها ..
وبتطرح أول أغانيها ..
للكعبة ربِّ يحميها

للکعبة ربُّ یحميها

للکعبة ربُّ یحميها .. وحمّام الحمى یبغطيها
وإذا فکر جاهل یلمسها .. طیر الأبابیل ح ینجيها

أفیال الجهل بتتقدم .. وبتحلّم تنسف وتهدم
والظالم لازم یتندّم .. لو قادی النار تحرقه فیها
للکعبة ربُّ یحميها

یا بشیر النور شایلاه آمنة .. یا إمام العلم ف آیامنا
برسالتک ح نول أحلامنا .. ورايات النصر نعلیها
للکعبة ربُّ یحميها

یارب الکعبة احنا عبیدک .. ف ضمیرنا رسالة توحیدک
أیدنا یارب بتأییدک .. لو أيها محنة نعدیها ..
للکعبة ربُّ یحميها

الراويّة:

الله یخلّی الحیاة .. ویحلّی آیامها ..
ویخلّی سیرة الرسول تهدينا بمقامها ..
ما أکرم السیرة .. ما أحلى إلهاً ما ..
العبرة من خلفها .. والحكمة قدامها

الراوي:

الوحي نازل رحيم ..
أول نداه .. اقرأ ..
اقرأ باسم العليم ..
بين الأمم تسبق ..

الراوية:

إفرد شراع العقل وقوم ..
واسبح ما بين أفلاك ونجوم ..
اقرأ .. ف ملكوت القيوم ..
دا العلم رحلة نور وإيمان ..
والجهل هو أخو الشيطان ..
لو حتى يصلى ويصوم ..
إفرد شراع العقل وقوم ..

الراوي:

اقرأ .. آيات العلم النور ..
لا سحر ساحر ولا مسحور ..
بالعلم تحيا الأرض البور ..
وينتصر بينا المظلوم ..
افرد شراع العقل وقوم ..

الله الله ..

الله الله .. يا رسول الله ..
ع الحب اما يوصل لمداه ..
الروح تحياه .. وتعيش وبياه
والقلب يطمئه ذكر الله ..
الله الله .. على روح بتطوف
وتحب وتؤمن بالمعروف
وبصيرة ونور وحجاب مكشوف
من بعد هدى الرحمن ورضاه ..
الله الله .. يا رسول الله ..

الله على كلمة بصوت جبريل ..
بتقول لك اقرأ أم التنزيل ..
ترتيل بيحب الخير ويزيل ..
من قلب المؤمن ما أضناه ..
الله الله .. يا رسول الله ..

الراوي:

الله يخلّي الحياة .. ويحلّي أيامها ..
ويخلّي سيرة الرسول تهدينا بمقامها ..

يا فتح مكة .. يا فتح طيّب ..
 الخير قريب ..
 العسر عدّى ..
 والجاية يسر ..
 وكل مؤمن ح يفوز بنصر

الراوية:

ما دمت مؤمن إحلم ونول ..
 سلّم وصلّى على الرسول ..
 الصبح صبحك .. والفتح فتحك ..
 والدنيا تضحك .. والخوف يزول ..
 سلّم وصلّى على الرسول ..

الراوى:

لو مرة أرضك تبات أسيرة ..
 إعرف طريقك ف أعز سيرة ..
 تبات رايات الطاغوت كسيرة ..
 وتعلأ رايتك فوق الخيول ..
 سلّم وصلّى على الرسول ..

الراوية:

ابدأ جهادك .. فجرك يلوح ..

لا النار تمسك .. ولا الجروح ..
وينفتح لك باب الفتوح ..
وينفتح لك باب القبول ..
سَلِّمْ وصلِّ على الرسول ..

الراوى:

سَلِّمْ وصلِّ وابدأ جهادك ..
النصر دائما ييجى فى ميعادك ..
وإذا اعتمدت خَلِّ اعتمادك ..
على اللى خَلَّى الطيور تقول ..
سَلِّمْ وصلِّ على الرسول ..

ياريتنى كلمة من السيرة

يا ريتنى كلمة من السيرة ..
 عن النبي أبو نور وضّاح
 عبدالقوى وعبدالفتاح
 واللى خفف للأهل جناح ..
 ووصى على سابع جيرة ..
 يا ريتنى كلمة من السيرة ..
 عن النبي أبو نور وضّاح ..

آدى انتصار النور وهّاج .. وآدى النبي والكون محتاج
 النور يسير أفواج أفواج .. بالحمد، ف أعز مسيرة
 يا ريتنى كلمة من السيرة .. عن النبي أبو نور وضّاح

مافيش من اليوم موءودة .. ولا أى أصنام معبودة
 أما النفوس الموءودة .. بالنصر .. سامعة التكبيرة
 يا ريتنى كلمة من السيرة .. عن النبي أبو نور وضّاح

مدد العباداة يا ليلة القدر .. مدد الإرادة يا غزوة بدر
 وح نتصر دايما الغدر .. وقلوبنا تنساها الحيرة
 يا ريتنى كلمة من السيرة .. عن النبي أبو نور وضّاح

الراوى والراوية:

يا ريتنى كلمة من السيرة ..
عن النبى أبو سيف ورماح ..
عبدالقوى وعبدالفتاح ..
واللى خفض للأهل جناح ..
ووصى على سابع جيرة ..
يا ريتنى كلمة من السيرة ..
عن النبى أبو سيف ورماح ..

الراوى:

يا ريتنى كلمة حب وخير .. بتهل بردا وسلاما ..
تهدى النسيم لجناح الطير .. وتدى للعاصى علامة ..
تفكره بإحساس الغير .. وتخرّجه من الدوامة ..

الراوية:

يا ريتنى كلمة حب كبير .. تداوى قلب اللى اختصموا ..
وتلم شمل الناس بضمير .. وتردوعى اللى انقسموا ..
يا رب دا انت أعز نصير .. للمؤمنين اللى اعتصموا ..

اعتصموا بحبل الله..

محتاج يا ابن عبدالله .. يهديني الكريم بهداه
ولا يجعل قلوبنا تميل .. ولا تسعى ف يوم لسواه
بآياته تزول المحنة .. قرآنه العظيم يفرحنا
و«أعدوا» و«إنا فتحنا» .. و«اعتصموا بحبل الله»

اعتصموا بنور قرآني .. يتهادى ف دروب أوطاني
يتهادى الضمير ف قلوبنا .. ونشوف الرضا الرباني
اعتصموا ولا تنقسموا .. اتقابلوا ولا تختصموا
ح تشوفوا الملايكة ابتسموا .. ونسيم السماح نلقاه
بآياته تزول المحنة .. قرآنه العظيم يفرحنا
و«أعدوا» و«إنا فتحنا» .. و«اعتصموا بحبل الله»

إتمسك يا قلبي بجمرك .. ف الآخرح تملك أمرك
والمولى ح يبعث نصره .. ويبارك ف رحلة عمرك
اعتصموا بنور «النور» .. و«الفجر» اللي عمره دهور
إسلامكم يبات منصور .. وعلمكم يعيش ف علاه
بآياته تزول المحنة .. قرآنه العظيم يفرحنا
و«أعدوا» و«إنا فتحنا» .. و«اعتصموا بحبل الله»

الرواة:

محمد اللى بإسلامه
رد الكرامة لوجودها
زرع العدالة بأحلامه
وبأيده حافظ على عودها
قال للبشر: اوعوا تناموا
وتسيبوا كافر يحصدها
الظلم علّيتْ أصنامه
واحنا لا يمكن نعبدُها
ف أعدوا للسلم حمامه
وأعدوا للحرب جنودها

أغنيتي

٣

بنعشق الحياة (*)

برغم كل شيء .. أيا منا فيها شيء .. بيعشق الحياة ..
وفيه قلوب بتوصل .. ف العشق لمنتهاه
وفيه إيدين بتبنى .. وفيه عيون بتسقى
وفيه جماد بيشعر .. ويسبح للإله
برغم كل شيء .. أيا منا فيها شيء .. بيعشق الحياة

الفجر لسه شاعر .. بيملا الدنيا خير
ولسّه الرزق فاكر .. يواعد كل طير
ولسّه فيه كلام .. بيطيب الجراح
ولسّه فيه آلام .. بتولد الصباح
علشان نعيش معاه ..

برغم كل شيء .. أيا منا فيها شيء .. بيعشق الحياة

الضلمة مهما تكثر .. تهزمها شمعة واحدة
والروح الحرة تقدر .. تدى وتأخذ وترضى
الحب لسه قادر يحرك القلوب ...
وقلوبنا لسه قادرة ويا الإحساس تدوب
وتغنى على هواه ..

برغم كل شيء .. أيا منا فيها شيء .. بيعشق الحياة

(*) حسن حليم بكر .. غناء .. عادة رحب ..

فازت هذه الأغنية بجائزة الميكروفون ذهبي في مسابقة الأغنية العربية التي يقيمها اتحاد الإذاعات العربية (الأردن ١٩٩٥) ..

مغنواتى (*)

مغنواتى .. أسهر ليلاتى ..
أقول لك انتى .. اللى جوه ذاتى ..
نسمة حياتى .. وأمنيأتى ..
واقول يا ليلى .. يا ليل يا ليلى ..
يا ليل يا عينى .. دا الفجر آتى ..

مغنواتى .. أسهر ليلاتى ..
أداوى روحى .. بأغنيأتى ..
والآهة صعبة .. والبحر عاتى ..
وحسى تايه ف دواماتى ..
لكن عشانك تهون حياتى ..
واقول يا ليلى .. يا ليل يا ليلى ..
يا ليل يا عينى .. دا الفجر آتى ..

مغنواتى .. أسهر ليلاتى ..
أنده عليكى حتى ف سكاتى ..
واعيش معاكى قصة وجودى ..
واقول يا عينى بالحب جودى ..
واقول يا قلبى بلاش آهاتى ..
واقول يا ليلى .. يا ليل يا ليلى ..
يا ليل يا عينى .. دا الفجر آتى ..

(*) لحس : أمير عبدالمجيد .

غناء : أسامة الشريف .

على حسبى وداد روحى (*)

على حسب وداد روحى ..
 باتعلم م المجــــادير
 وبقول يا لىالى مسير
 الحى يلاقى الحى
 والضلمة تغيب ف الضى
 والحب يداوى جـــــروحى
 على حسب وداد روحى يا بوى
 على حسب وداد روحى

على حسب وداد محبوبى .. ح اكتب للزين مكتوبى
 وابعته مع طير بيسبح .. وأرش الندى فى دروبى
 والغربة ح اقولها روحى ..
 على حسب وداد روحى يا بوى
 على حسب وداد روحى ..

على حسب ودادى ح اقابلك .. وعيدانى تروح لسناهلك
 وح اسيب الجرح يعدى .. وبكل حنان أوهب لك
 أوهب لك همسى وبوحى ..
 على حسب وداد روحى يا بوى
 على حسب وداد روحى ..

تعاهديني (*)

تعاهديني

إذا دوامة الدنيا سابتني غريق .. ترسيّني
وإذا لعب القدر بيّا وخائى صديق .. تنسّيني
وإذا بأجمل غنا حلمتى
ولا سمعتيش سوى صمتى .. تحسّيني

تعاهديني

إذا برد الخريف عدى من الأبواب .. تدفيني
وإذا رياح الفراق هبت على الأحباب .. تنجيني
وإذا ضليت طريق غصنك
وإذا غنيت لغير حسنك .. تسامحيني
وإذا بأجمل غنا حلمتى
ولا سمعتيش سوى صمتى .. تحسّيني

تعاهديني

إذا البحر انتشى لحظة ف وجدانك .. تواعديني
وإذا بات القمر ليلة ف أحضانك .. تضميني
وإذا عشقتى ولبيتى
وإذا سكنتى حنان بيتى .. تهساوديني
وإذا بأجمل غنا حلمتى
ولا سمعتيش سوى صمتى .. تحسّيني

(*) لحن: خليل مصطفي.

عناء: مدحت صالح.

تقدر ع المشوار (*)

تقدر ع المشوار يا حبيبي ..
 تقدر ع المشوار ..
 تقدر توصل آخر نقطة ف قلبي ..
 وتطفى النار ..
 لو تقدر يا حبيبي موافقة ..
 أعلنها واقول إن انا عاشقة ..
 وأعاند أمواج الدنيا واتحدى التيار ..
 لو تقدر على تعب المشوار .. يا حبيبي ..
 تقدر زى ما تاخذ تدي ..
 وتكون قد حنانى وودى ..
 ونصاحب أحلى ما فى الدنيا ..
 ونخلّى قساوتها تعدى ..
 لو تقدر ..

(*) لحن : أمير عبدالمجيد .

عناء : أنعام .

ميلى (※)

ميلى علىّ وقربى المواعيد ..
واملى حياتى بالفرح والعيد ..
ما احبش اجرى ورا القمر ما اطولوش ..
ما اقدرش احبك من بعيد لبعيد ..

ميلى علىّ بالنظر واللمس ..
ميلى علىّ بالحواس الخمس ..
لو تفتحي باب الرضا ح ارتاح ..
وأكيد شفافي ح تسعدك بالهمس ..
وأكيد ايديا ح تقطف العناقيد ..
ما احبش اجرى ورا القمر ما اطولوش ..
ما اقدرش احبك من بعيد لبعيد ..

ميلى بحنانك واعملى معروف ..
حلم اللقا جوه العيون ملهوف ..
طب ليه بتاخذك خطوتك لبعيد ..
وليه عينيكي بتستتر المكشوف ..
ليه يا حبيبتي نأجل التغريد ..
ما احبش اجرى ورا القمر ما اطولوش ..
ما اقدرش احبك من بعيد لبعيد ..

(※) لحن : فاروق الشرنوبى .

غناء : ماهر عبيد .

إحنا هنا (*)

إحنا هنا ..
ولاً خلاص ما احناش هنا ..
إيدى ف إيدك يا ترى ؟!
ولاً خلاص
ضاع اللقا من عمرنا ؟!
جاوبينى يا نور الوجود ..
إزاي بنوا بيتاً الحدود ..
ولا عادش فاضل مننا .
غير ضلنا ؟!

أنا بسألك ..
ويا رب صوتى يوصلك ..
ليه الندى ما بقاش ندى ؟!
ليه الوصال ما بقاش وصال ؟!
ليه قلبى ضايع ف المدى ؟!
وعينيكى تايهة ف المحال ؟!
جاوبينى يا نور الوجود ..
إزاي بنوا بيتاً الحدود ..
ولا عادش فاضل مننا ..
غير ضلنا ؟!

يا حنينّة ..

باحلم بجنة تضمنا ..

باحلم تقولى .. واسمعك ..

والنبض يهدا ف قلبنا ..

باحلم بضمة ترجعك ..

نسمة حنان متطمنة ..

جاوبينى يا نور الوجود ..

إزاي بنوا بيتاً الحدود ..

ولا عادش فاضل متنا ..

غير ضلنا ؟!

ا

تسأليني (*)

تسأليني عن جراحك .. ليلي كان زارع صباحك
يومها كان السن ضاحك .. يومها كان الكون براحك
لولا مرة فتحتى ننى .. للى خانى .. واستباحك

تسأليني عن آلامى .. عن سكوتى وانهمزامى
كنت رغم الصعب رامى .. نبض ذلى وانقسامى
وانجرحت ف كل شدة .. مستعدة .. لاجتياحك
ليه ف مرة فتحتى ننى .. للى خانى .. واستباحك

تسألينى ع اللى جى .. يا حبيبتي بكرة حى
النهار يبقاله ضى .. واللقا يبقاله زى
لما يقدر ع الفراق .. الاشتياق اللى ف رياحك
ليه ف مرة فتحتى ننى .. للى خانى .. واستباحك

مرمر زمانى (*)

مرمر زمانى زمانى مرمـرش .. حاسب يا سيدى ما تتأمرش
 الحب غبة عايز ملاغية .. ليضيع هوانا ولا يعمـرش
 بنغني لجل الناس الناس .. ف امبابة ولا ف ابو العباس
 لكل حارة ايدين تنباس .. ما دام بتبنى ولا تدمـرش
 لابوس ايدين دبـاح العـجل .. وابوس ايدين مين يكسي الرجل
 وابوس ايدين بيـاعة الفجل .. بتبيع ثمار ولا تستثمـرش
 مكتوب لغيري يقش الزاد .. وليه يا طيرى أعيش منكاد
 قال لى المثل قرشك صيـاد .. وابن الغلابة ما بيزمـرش
 يا خلق هوه خليكو شاهدين .. قريبي ف الدنيا وف الدين
 واخذ نصيبي من الفدادين .. وسكت له لكن ما تمـرش
 زعلان يا باشا ؟ زعلان ليه .. علشان غلطنا وقولنا يا بيه ؟!
 طربوش جنابك ياختى عليه .. لما بسرعة رجعت له مارش
 اسمعها كلمة من المنقوش .. على كل ساقية وكل شاكوش
 إن كنت ناوى على حلق حوش .. ح اموت وعرقى ما يستعمـرش

(*) لحس : فاروق الشرنوبى .

غناء : على الحجار .

طلعت أنش (*)

طلعت أنش .. نزلت أنش .. لقيت الغش بمليون وش
 فتحت وداني .. سمعت أغاني .. قفلت الراديو وكان بيوش
 طلعت أنش .. نزلت أنش
 طلعت أضج من الجـرـانين .. كلامها يعجّ عسل وطحين
 ف طبعة أمينة وطبعة أمين .. ويوم ما قالت لى الصدق بغش
 طلعت أنش .. نزلت أنش
 طلعت أهجّ من الأحـزاب .. ساعات بتغني بصوت كذاب
 جناب النايب أظهر ناب .. ولما مصالحه قالت له يكش
 طلعت أنش .. نزلت أنش
 طلعت أوجّ من الهـبـاش .. بيوته بتعلا وما بنعلاش
 وراهن عمـرك للأوباش .. وغلّى على الفـول والمش
 طلعت أنش .. نزلت أنش
 طلعت أحجّ واقـسول يا لطيف .. قابلنى صاحبنا وقال توظيف
 دفعت فلوسى ما حوشت رغيف .. لقيتنى ف جردل ميه باطش
 طلعت أنش .. نزلت أنش

(*) لح: فاروق الشرنوبى .

عشاء : على الحجار .

ما تغريناش (*)

ما تغريناش وتقولى قدر
ما توهيناش ف موانى سفر
ما تضيعيناش ف دموع وفراق
ح تجيبى منين زينا عشاق
فى قلوبنا حصاد .. ف عينا مطر

ما تغريناش ف الأرض البور ..
واحنا الزراع ..
وايدينا سواقى فرح بتدور ..
رغم الأوجاع ..
إحنا الشاريين فدادين النور ..
لو خاين باع ..

ما تغريناش ف بلاد بتموت ..
واحنا الخالدين ..
يا أول زرعة وأول قوت ..
ويا أول دين ..
العمر بدونك ليل بيفوت ..
مهزوم وحزين ..

ما تغريتناش ف بلاد الريح ..
واحنا الأحباب ..
إحنا اللي رفضنا تكوني ضريح ..
ف زمن كذاب ..
ضللي بالحب على المجاريح ..
وكفاية غياب ..
ما تغريتناش

(†) لحن : فاروق الشرعوي .
غناء : على الحجار .

حُضْنُ الْأَمَانِي (*)

حُضْنُ الْأَمَانِي الَّلِي رَوَانِي
وَقَالَ لِي إِنَّكَ حَسَّانِي
رَجَعْنِي مِنْ دَرْبِ التَّوْهَةِ
عَلَى بَابِ غَرَامِكَ مِنْ تَانِي
وَرْدَةِ هَوَايَا الْمَغْرُوسَةِ
عَلَى بَابِ غَرَامِكَ يَا عَرُوسَةَ
طَافَتْ رِيحَتُهَا الْمَحْرُوسَةَ
رِيحَانٍ وَعَنْبَرٍ رَبَانِي

فَ لِمَسَّتْكَ إِحْسَاسٍ نَادِرٍ
وَرَقَّتْكَ شَلَالٌ هَادِرٍ
دَوَّبَ حُصُونُ قَلْبِي الْقَادِرِ
وَبِرَغْبَةِ الْحُبِّ مَلَانِي

الْوَعْدُ بِحُلْمٍ بُوْعُودِكَ
وَبِسَكَةِ الْحُبِّ فَعُودِكَ
وَالْأَمَةُ قَوْلَتُهَا عَلَى عُودِكَ
مَلَكْنِي صَوْتُهُ الْكَرْوَانِي

يا نور عيوني ومياديني
يا أغلى نبض ف شرابيني
جفت مشاعر بساتيني
وسيل حنانك أحياي

(*) حق : فاروق الشرنوبى .
عناء : على الحجر .

عم بطاطا (*)

عم بطاطا لذيد وممسّل
عمره ما طاطا لغير الله
لما الدنيا بتقسي يمثّل
إنه خلاص سَلّم لقضاه

عم بطاطا يقول الراوى
خَبَى الحكمة ف توب الحاوى
ينفخ ناره عشان إبطاره
وينكتته بيدوى بلاوى

عم بطاطا بيمشى ف حاله
علشان رزقه ورزق عياله
غصبن عنه يقف يتكتف
بس بكيفه يفك حباله

عم بطاطا يزك الزكوة
يعبر سينا ويفتح عكا
ويصبرع الجار السو
خمسين سنة ويقول دول فكة

(*) لحن : فاروق الشرنوبى .

غناء : على الحجار .

فلسطيني (*)

رفاقي الوحدة والمنفى وشوق الريح
مهاجر من وطن ضائع لقلب جريح
بتهمزمني انكساراتي
وبارفع أعلى راياتي
حياتي في زمن آتى
يا أرض النور تحاوطيني .. فلسطيني

بيسرى الأقصى في دمي أسير وعيند
وبلدي وجهتي ويومي ف هواها شهيد
سلاحى قبضة معتلة
وحتى النبضة محتلة
لكن روعي ما تتخلى
عن الجرح اللي ييقيني .. فلسطيني

أنا شاعر لكن قدرى أغنى بارود
يا عشاق البراح إمتى تكون لى حدود
وإمتى الفجر يا أمة
واحس براحة الضمة
يا أستشهد يا أسمى
ف ليلة بدر حطيني .. فلسطيني

(*) حسن دروز مشنوي

عماد على الحجارة

لم الشمل (*)

لم الشمل بلاش تفكيكا .. ياللى بتلعب بالبولوتيكا
عايز تاكل كل من قمحك .. عايز تعزف إعزف سيكا
أرضك واحدة وربك واحد .. لا تروح روسيا ولا أمريكا
وافهم بأه ربى يخليكا

إنت ضمير الكون يا أخينا .. وانت النور الصارخ فينا
حارس بيت الله على أرضه .. من بيت لحم لمكة لسينا
لم الشمل الدوحة ح ترجع .. إمسك فاس المغرب وازرع
خُضرة تونس لازم تجمع .. طمى سودانك على صحاريكا
وافهم بأه ربى يخليكا

إرفع كل رايات بنى غازى .. من عمّان وكفاية تعازى
البحرين تحشد جزايرها .. يغرق فيها سليل النازى
ف الإمارات قمرات تنهني .. مع فرسان من عدن الجنة
غصن الأرز يقول أتمنى .. سهم دمشق ف عين أعاديكا
وافهم بأه ربى يخليكا

(*) لحن : فاروق الشرنوبى .

عناء : على الحجار .

مصر بلادي (*)

مَصر بلَادي ونَبضُ فُؤادي
أَطْيَبُ صَحرًا وأَجْمَلُ وادي
مَصرُ بلادي وفجرى النادى
فرحة أبويا برزق ولادى
هيَّه النسمة اللى بتحيينا
هيَّه الوطن الدايب فينا
مصر جهادى واستشهادى
مصر بلادى .. بلادى .. بلادى

هيَّه حقيقتى وهيَّه صفاتى ..
هيَّه حنانى وطعم حياتى
هبة الخالق للبشورية
حلم المغرم بالحرية
تعرف إمتى تحب وتعرف
إمتى عشان الحق تعمادى
مصر جهادى .. واستشهادى
مصر بلادى .. بلادى .. بلادى

هَيْهَ عَرُوبَتِي وَهَيْهَ كِيَانِي
هَيْهَ آدَانِي وَنُورِ وَجْدَانِي
هَيْهَ الْبَاقِيَةِ بِأَعْظَمِ ذِكْرِي
هَيْهَ الْجَايَةِ بِأَجْمَلِ بَكْرِي
تَعْرِفْ إِمْتِي تَحِبْ وَتَعْرِفْ
إِمْتِي عِشَانِ الْحَقِّ تَعَادِي

(*) لحن : فاروق الشرنوبى .

غناء : أسامة الشريف .

الديوان الرابع

مسحراتي العرب

الجزء الأول

(*) قصائد هذا الجزء تم تقديمها في الإذاعة المصرية (شبكة صوت العرب) في رمضان (عام ٢٠٠٥) تحت عنوان مسحراتي العرب... بأداء الشاعر وبمشاركة الفنانة المبدعة حنان ترك، وقام بتلحين وغناء بعض مقاطعه الشعرية الفنان العربي التونسي الكبير لطفي بوشناق.
وقد أخرج العمل المخرج الإذاعي الكبير عبد العزيز زكي.
ومنذ هذا التاريخ وهو يذاع سنوياً في كل رمضان على شبكة صوت العرب.

اللہ یرحم قلبی وعینی
قلبی وعینی فؤاد حداد
هو وابویا کاناوایومینی
کانوارج ولتی وهم ولاد
اللہ یرحم جناتنا فیهم
اللہ یرحم نور لیسالیهم
اللہ یرحم ساقیة بتسقی
عطش الوادی
وعطش الواد
اللہ یرحم قلبی وعینی
قلبی وعینی .. فؤاد حداد

جمال

مقدمة

ألهمت عشر ليال .. وبقيت عشرون انتظرها .. فقد استقر في وجداني حين توكلت
على الهادي في كتابة نفسي على شكل مسرحاتي العرب .. أن أكتبني في ثلاثين ليلة ..
وعندما وصلت إلى الليلة العاشرة .. كان قد مضى من حساب السنين .. أربع.
واذ يصل العلامة المصري أحمد زويل إلى حساب الفيمتوثانية .. أجد في نفسي
استهوا لا للسنوات الأربع .. فاتوكل على مالك الملك في نشر هذه الليالي العشر.
فإن كان في العمر بقية .. وإن كان في الشعر مدد .. تقابلنا سويا على مقدمة ديوان
يحمل بين طياته ما ثقل على تفكيرنا وتسحيراً ..
ديوان في ثلاثين ليلة كرمضان مكتمل أسميه مقدما إن شاء الواحد القهار .. مسرحاتي
العرب .. أيضا .. أتلوه بصوتي بين المحيط والخليج .. وأصاحب فيه الرسول والعذراء ..
وفلسطين والشهداء .. وأسعى مع هاجر .. بين صفا الوطن ومروته.

جمال بخيت

زَمَزَمٌ بِتَشْرِبٍ مِنَ السَّمَاءِ

مسحراتى العروبة
 حس الجبال والبوادي
 حادى الجمال للخصوبة
 نويت اسحرّ بلادى
 مهد النبوة ف ضميرى
 نور الحضارة ف مصرى
 ومسيرى أوصل مسيرى
 أو يوصلولى ولادى
 نويت اسحرّ صباحى
 أهلى وبيتى وبراحى
 وأصحّى حتى اللى صاحى
 يارب نورّ فؤادى
 رمضان جمعنى بصوتى
 وصلاتى رفضت سكوتى
 يا فرقة لازم تموتى
 يا حسى لازم تنادى
 الله أكبر الله وأكبر
 لا إله إلا الله

المؤدى:

الله أكبر كبر ولبى
الخير ف دربى
وانا باطوف قادر أشوف
أحلام حبايى
وقادر اقدر على الشيطان
وإيدى تاخذ إيد اللى جنبى
وقادر افرح من غير ما اخاف
وقادر ابكى من غير ما اخبى
الله أكبر كبر ولبى
من عند نبعى عارف مصبى
المية نعمة من فضل ربى
زمزم بتزرع لاخضر ف قلبى

إبقى افكرنى يا أى حج
يا اللى انت آتى من كل فج
بدعوة طاهرة وزمزية
تسقينى ماء الشفا يا زمزم

نويت اسحرّ والدنيا واسعة

ما بين فيافي وبين صخور

صفاً ومروءة من غير طيور

تنادی ھاجر یا اسماعیل

ف عیونی نیل

ولسانی جف وما لیش دلیل

إلا ابتسامة من الخليل

وهو راحل ل حال سبيل

كان قال لي صلى ولا تخافيش

المؤمن اللى ف النار يعيش

دعا لربك ما تعطشيش

والمية تجرى وقلوب تميل

تنادی ہاجر یا اسماعیل

الصحرا وعرة ومستحيلة

والأم خائفة ولا ليها حيلة

یارب تصبر صبرا جمیلا

يارب تصبر صبرا جميلا
تنادى هاجر يا اسماعيل
الطفل فوق الرمال وحيد
والصحرا وعرة والنيل بعيد
بس الملايكة حاسين بعيد
بكرة يحرر كل العبيد
والعزة تسرى ف كل جيل
تنادى هاجر يا اسماعيل
ترد زمزم: الله أكرم
الله أكبر الله أعظم
ترد زمزم والعقل يفهم
والطير يسبح والمية تسلم
والأرض تشرب والورد يحلم
عمرك ما تندم يا ابن تسعة
لو كنت تسعى
ما بين نسائم صفا ومروة

المنشد:

مبروك عليكو النهار
ياللى انتو صايمينه
مبروك عليكو الليل
ياللى انتو قايمينه
مبروك عليكو الشهر
رحمة وعبادة وشفاء
وفتح بالمعرفة
من العلى العظيم

* * *

المغنى:

من السما من السما
زمزم بتشرب من السما
من السما من السما
هبت نسايم مُنَسَّمة
ضمت سحابة متيمنة
شربت قلوبنا من الإيمان
والخطوة طابت من العمى

* * *

رب المحببة يا ناس عطاني
وخلّي دجلة يجري ف غيطاني
دخل فراتي يسقي حاراتي
والنيل قابلني عند الليطاني
شربت قلوبنا من الإيمان
والخطوة طابت من العمى
صبرا يا هاجر صبرا جميل
الحب بينا مـالوش بديل
ولا شيء يوازي نسيم حجازي
جايب لي دعوة من الخليل
شربت قلوبنا من الإيمان
والخطوة طابت من العمى

المؤدى:

الله أكبر كبير ولبى
الخير ف دربى
وانا باطوف قادر أشوف
أحلام حبابي
وقادر اقدر على الشيطان
وإيدى تاخذ إيد اللى جنبى

الختام:

أنا باغنى يا مسـؤـمـنـين
 غنوة محبة لكل دين
 الإنسانية قالت آمين
 يارب جمعاً موحدين
 إياك نعبد ونستعين
 إياك نعبد وتسرى فينا
 نسمة محبة من المدينة
 العلم نوراً.. والعقل زينة
 واحنا بحبك متعطرين
 إياك نعبد ونستعين
 عصم قلوبنا من الضلال
 واهدى الجوارح إلى الجمال
 الخطوة تقدر على السؤال
 والتانية تحضر مع اليقين
 إياك نعبد ونستعين

من كل فج مضىء

مسحراتي العروبة
حس الجبال والبادي
حادي الجمال للخصوبة
نويت اسحرّ بلادى
مهد النبوة ف ضميرى
نور الحضارة ف مصيرى
ومسيرى أوصل مسيرى
أو يوصلولى ولادى
نويت اسحر صباحى
أهلى وبيتى وبراحى
وأصحّى حتى اللى صاحى
يارب نور فؤادى
رمضان جمعنى بصوتى
وصلاتى رفضت سكوتى
يا فرقة لازم تموتى
يا حسى لازم تنادى
الله أكبر الله أكبر
لا إله إلا الله

المؤدى:

مسحراتى العرب
طفل وصبى وعجوز
يشبه نجيب محفوظ
والعقل لما يفوز
على كل ليل مهزوز
وينور القاهرة
الهادرة القادرة
لما ف لحظة تعوز
يملا هوانا المسك
ويدلنا الأرابيسك
على أول التنوير
طفل وزمانه عسير
ف الجبة والقفطان
يتهز ف الأزهر
ويرتل القرآن
يتهز ف الأزهر .. تثبت الأركان
القيروان تمتد ف المغرب الإنسان
عود الخليج يشتد

بالبر والإحسان
سيف المدد ينسل
زى اكتمال الحل
طهطاوى حر كريم
طهطاوى حر عزيز
يسأل تجاوبه باريز
يستخلص الإبريز
وينورّ التعيم
ويشوفنا طه حسين
من زاوية الهرمين
نستاهل التكريم
شعر البارودى بارود
ويّا عرابى يخوض
وف بر شوقى مقيم
أما الأصيل درويش
غنى لنا غنوة تعيش
والتونسي مصرى عظيم
إيدهم ف إيد مختار
بيبدلوا الأوتار

وينحتوا الأفكار
ويغيروا المفاهيم
قاسم أمين الود
غير بنود العقد
ال بنت مش للوآد
والحرمة مش تحريم
من كل فج مضىء
ييجى الحكيم توفيق
وعلى البساط يا نديم
يجلس جمال حمدان
مسنود على البنيان
مصرى جديد وقديم
ويجيلنا تانى جمال
أفغانى عنده سؤال
مسلم وقلبه سليم
عقله الكبير .. عقاد
روحى فؤاد حداد
نسرى سوا ونهيم
وتغنى ست الكل

وتبوس شفايف الفل

إيد الألف والميم

وف كل علم طبيب

وف كل فن حبيب

والمنفلو .. أديس.

بيغنى زى حليم

المنشيد:

مبروك عليكو النهار

ياللى انتو صاييمينه

مبروك عليكو الليل

ياللى انتو قاييمينه

مبروك عليكو الشهر

رحمة وعبادة وشفاء

وفتح بالمعرفة

من العلى العظيم

المغنى:

مصر مسامحة .. مصر مسامحة

زى النسمة وزى القمحة

لما تحس أَلَسْم بتــــــــــــــــــــصلى
لما تقــــــــوم للبُنا بتــــــــــــــــعلّى
أبعد عن حَضْنِهَا توصلى
وتمسح كل همومى ف لمحنة

مصر القادرة ف وش الغدر
مصر الهادرة بنور وضاح
عمر سماها ما رفضت بدر
ولا يوم خاصمت طير صدّاح
التغريد من وحى حنانها
والتوحيد من وحى إيمانها
نيل الحب جرى ف وديانها
كبر العيد على إيد إنسانها
مصر الكلمة الطاهرة السمحة
مصر مسامحة

كل تاريخ الدنيا الماضى
مشى يتأمل نور سكتها
شاف الحق ف ضلها ماضى
وعمر الظلم ما يبسكتها
يوسف يحلم لجل كيائها
ترسى بموسى على شطآنها
تهدى مسيح الرحمة أمانها

وَيَا مُحَمَّدَ يَعْلَا آدَانَهَا
تَعْلَا الْكَلِمَةُ الطَّاهِرَةُ السَّمْحَةُ
مَصْرَ مَسَامِحَةٍ

المؤدي:

اسمك بيكمل أعياده
وبيحضر دائماً ف ميعاده
الخالق بيدع ملكوته
ويشكل إسمك بمداذه
يقراكي النور المزمّل
النيل تنزين أبعاده
نتلوكي ف الذكر الخالد
يتباهى العمر بأمجاده
يا مصر الحرة المذكورة
ف كتاب الرحمن لعباده

أنا باغنى يا مــــؤمنين
غنوة محببة لكل دين
الإنسانية قالت آمين
يارب جمعاً موحدين
إياك نعبد ونستعين

على جبل لبنان

مسحراتي العروبة
حس الجبال والبوادي
حادي الجمال للخصوبة
نويت اسحرّ بلادى
مهد النبوة ف ضميرى
نور الحضارة ف مصيرى
ومسيرى أوصل مسيرى
أو يوصلولى ولادى
نويت اسحرّ صباحى
أهلى وبيتى وبراحى
وأصحّى حتى اللى صاحى
يارب نور فؤادى
رمضان جمعنى بصوتى
وصلاتى رفضت سكوتى
يا فرقة لازم تموتى
يا حسى لازم تنادى
الله أكبر الله أكبر
لا إله إلا الله

المؤدى:

مسحراتى العرب
على جبل لبنان
بين الضياع بيفوت
عينه تميل ع التوت
قلبه على بيروت
ويغنى لما يعوز
غنوة لصوت فيروز
غنت سطور النبی
لما كتب جبران
غنى معاها وديع
وكأن صوته ربيع
بیسبح الرحمن
على جبل لبنان
مسحراتى العرب
على جبال الأرز والتلج والعناقيد
شایف قمر رمضان شایل هلال العيد
يا أجمل المواعيد
بين اللی بیسَحَرَّ

واللى بيتسحرَّ
علشان يصوم رمضان
على جبل لبنان
روحنا الجنوب يا سناء
واخترنا م الأسماء
سهى ودلال وعطاء
وحلفت بالشيما
لنجمع الأمصار
مهاجرة وأنصار
ونفك كل حصار
على بلاد العرب

المنشأ:

مبروك عليكو النهار
ياللى انتو صايمينه
مبروك عليكو الليل
ياللى انتو قايمينه
مبروك عليكو الشهر
رحمة وعبادة وشفاء
وفتح بالمعرفة
من العلى العظيم

المغنى:

هور يا بو الهـوارة .. دبرها وليهـها دِبارة
عندك نسمة من لبنان .. تظمن قلب الحـيارى
يا لبنان قلبك فنان .. رايتك عالية ومنصورة
إنسانك هو الإنسان .. واصل آخر المعمورة
يبدع وتصير الألحان .. أحلى لآلئ مـبدورة
واسأل ها الشاعر جبران .. عن معانيه المسحورة
بتظمن روح الولهـان .. وتنور للسـهـارى
هور يا بو الهـوارة ..

سبحان من أبدع سبحان .. من صَوَّر أصل وصورة
وقوام الحُسن الفَتَّان .. ف الفسـتان والتنورة
والورد اللى ف كل أوان . حاضن خَد السنيورة
وفواكه أجمل بستان .. على شفايفها الغندورة
وحضورها مسك وريحان .. وغياها ألف خسارة
هور يا بو الهـوارة

سبحان من أبدع سبحان .. من صَوَّر أصل وصورة
وقوام الحسن الفتان .. ف الفسـتان والتنورة
وإذا صادف لبنان عدوان .. بُصوا بعيون مبهورة
شوفوا شهيدة للأوطان .. رافضة الراية المكسورة
بتدوس بكرامة بركان .. فوق الفكرة المغرورة

الصهيوني يقف حيران .. ولا يفهمش الحزورة
بس السر هنا ف لبنان .. الأحزان ليها ضرورة
لجل يعيش مجد الإنسان .. عِزة وعظمة وجدارة
هوريا بو الهـــــــــــــــــوارة

المؤدى:

على جبل لبنان
بحرين و داد و حنان
ليهم قوام فتان
عاشق يا ميس الريم
صيدا وبعيدا كمان
تحلى الصلاة ع النبي
لما تشوف العين
شهد الجمال الصبي
يسعى إلى الحرمين
على جبل لبنان
تقدر تقول يا زمان
ليه المطر عطشان
ليه النسيم حران
قانا ف وش العدو
والدمع الأغصان

والشهدا يومها بدوا
وكأنهم عرسان
رغم الظلام اهدوا
بهداية الإيمان
قائمين على اللي اعتدوا
وبيطعنوا النسيان
من تنورين خارجين
من دير ميماس جاين
ومن البقاع والشوف
بيغنوا لفلسطين
والأنبيا حاضرين
والأربعة الراشدين
والمعتصم بالله
وجنود صلاح الدين
وملايكة الرحمن
على جبل لبنان

أنا باغنى يا مؤمنين
غنوة محبة لكل دين
الإنسانية قالت آمين
يارب جمعاً موحدين
إياك نعبد ونستعين

يا ابن بطوطة

مسحراتي العروبة
حس الجبال والبوادي
حادي الجمال للخصوبة
نويت اسحرّ بلادى
مهد النبوة ف ضميرى
نور الحضارة ف مصيرى
ومسيرى أوصل مسيرى
أو يوصلولى ولادى
نويت اسحرّ صباحى
أهلى وبيتى وبراحى
وأصحّى حتى اللى صاحى
يارب نور فؤادى
رمضان جمعنى بصوتى
وصلاتى رفضت سكوتى
يا فرقة لازم تموتى
يا حسى لازم تنادى
الله أكبر الله أكبر
لا إله إلا الله

المؤدى:

مسحراتى العرب
ومعايا مخطوطة
جدى نقلها لى
من ابن بطوطة
بالملى مظبوطة
أمشى على قدمى
من طنجة للغوطة
أوصل لأحلامى
وافرح بإسلامى
وأنا روحى مبسوطة
كان ابن بطوطة
من أهل خطوتنا
أشواقه مخلوطة
بسنين محبتنا
ماشى يسحرنا
ويرد غربتنا
قال لى ما تستغربش
من خطوة الإيمان

أنا جى من طنجة
قاصد نسيم وهران
أتوضا فى جربه
عشان اختم القرآن
وأصلى ف طرابلس
واتباهى بالأوطان
وأصوم ف مصراتة
واستقبل الغفران
أفطر بتمر رشيد
وف طابا ييجى العيد
وهناك يدلك طير
على عكا أم الخير
ويتم خط السير
إلى الجولان والشام
الغوطة تستقبلك
بالحب والإكرام
ونحية الإسلام
وملابس الإحرام
إسعى لأعلى مقام

أرض الحجاز تناديك
والكعبة تفرح بيك
تلقى جميع أراضيك
ف عيوني محطوة
يا مسحراتي العرب
يا ابن بطوطة

المنشد:

مبروك عليكو النهار
ياللى انتو صايمنه
مبروك عليكو الليل
ياللى انتو قايمنه
مبروك عليكو الشهر
رحمة وعبادة وشفاء
وفتح بالمعرفة
من العلى العظيم

المغنى:

لسة القلوب بتحب الخير
لسة الدروب بتحب السير
حلم السفر بينادى الطير

حتى الشجر عشق الخطوات
خلينا على موج الجايات

طبطب على كتف الدنيا
ح ينعدل حالها ف ثانية
بين ابتسامة والتانية
الخطوة تقدرع المسافات
خلينا على موج الجايات
كل اللي عاش ف القلب وراح
حضر معانا ف يوم أفراح
شال جملنا وداوى لنا جراح
وزرع لنا وحصدنا نبات
خلينا على موج الجايات
مابين رحيل وحضور ورحيل
ياما القمر سمع المواويل
وراح حكاها بحس جميل
لبلاد جميلة وناس اخوات
خلينا على موج الجايات
ياريت يا ورد نعيش الجى
ونحضنه وننقش له الضى
وكل حى يعمر حى
ويزوقه بصبيان وبنات
خلينا على موج الجايات

المؤدى:

بطوطة له بطولات
وف خطوته كرامات
يتوضا ف الأنهار
ويصلى ف الطرقات
صليت فروضى وراه
ومشيت وراه سنوات
مطرح ما يسقى نبات
أسمع كلامه وإبات
أزرع معاه فدادين
وابنى معاه عتبات
بطوطة له بطولات
ومغربى العبايات
طيب كأنه النهر
زى السحاب والدمر
رافض حدود القهر
والختم والجوازات

أنا باغنى يا مــــؤمنين
غنوة مـحببة لكل دين
الإنسانية قالت آمين
يارب جمعاً موحدين
إياك نعبد ونستعين

أضحى التنائي بدلاً من تدائينا
وناب عن طيب لقيانا.. تجافينا

ابن زيدون

أضحى التنائي؟!

مسحراتي العروبة
حس الجبال والبوادي
حادي الجمال للخصوبة
نويت اسحرّ بلادى
مهد النبوة ف ضميرى
نور الحضارة ف مصرى
ومسيرى أوصل مسيرى
أو يوصلولى ولادى
نويت اسحرّ صباحى
أهلى وبيتى وبراحى
وأضحى حتى اللى صاحى
يارب نور فؤادى
رمضان جمعنى بصوتى
وصلاتى رفضت سكوتى
يا فرقة لازم تموتى
يا حسى لازم تنادى
الله أكبر الله أكبر
لا إله إلا الله

المؤدى:

مسحراتى العرب
حافظ بحور شعرنا
مهد القصايد هنا
واسمع لأهل النبط
واهتز للمواويل
وموشح الأندلس
أبو حس حلو أصيل
لما الجيوش انطفت
نورٌ لنا القناديل
أضحى التنائى .. لما
بعد التدانى .. بديل
تجرى البحور ف البید
طرب قديم وجديد
شاعر مغنى سعيد
معصوم من التجاعيد
"كامل" "خفيف" "ومديد"
"وافر" وعنده مزيد
قُدَّامه ماشى دليل

فراهِدى ابن خليل
أضحى التنائى .. لما
بعد التدانى بديل ؟!

الأصمعى الألمعى
يتلو على مسمعى
بحر العرب سكتى
بيت العرب .. مضجعى
الأصمعى الألمعى
قال للصفوف إجمعى
شعر الفوارس معى
وبثينة وياً جميل
أضحى التنائى .. لما
بعد التدانى .. بديل
آدى ديوان العرب
سابع نجوم الورى
من أول النابغة
والبحترى وعنترة
وزهير وابو النواس

بيقولوا للشنفري
لأَمِيَّتِهِ المَفْخَرَةُ
الأَصْفَهَانِي نطق
عربي فصيح وانبرى
يروى أغاني العرب
أشعار ومتعطرة
من أول الخنساء
للشابي لما سرى
شافنا في حلم جميل
وقيودنا متكسرة
الأَصْفَهَانِي نطق
والأمة متحررة
عن أعشى نور لنا
وجرير بنى مجدنا
حتى أمير عصرنا
حاضن ضفاف النيل
أضحى التنائى .. لما
بعد التدانى .. بديل؟!

المنشد :

مبروك عليكو النهار
ياللى انتو صايمينه
مبروك عليكو الليل
ياللى انتو قايمينه
مبروك عليكو الشهر
رحمة وعبادة وشفاء
وفتح بالمعرفة
من العلى العظيم

المغنى :

يا حمام يا طایر ع البحرین
أنا من حلب وباحب العین
أنا م الكويت وباحب الفـاـو
وانا م الصعید وباكل بتاـو
وما احبش إنى أحب البین
يا حمام يا طایر ع البحرین
يا حمام يا طایر على بیروت
ابن الجلیل بیحب التـوت
أما السـودانى والموریتانى
بیحبوا شهر ربیع ثانى
لما یوافق عــــرس الزین
يا حمام يا طایر ع البحرین

يا حمام يا طائر على بنزرت
 نسمة صلالة بتحضن سرت
 غنينا غنوة عشان وهران
 نزل المطرف قطر فرحان
 قال الفقير ح نسد الدين
 يا حمام يا طائر ع البحرين
 يا حمام يا طائر ف السموات
 للأردنى فى الضفة اخوات
 واما الصومال قال يا جيبوتى
 إرسى بهداوة على شطوطى
 جزر القمر زادت قمرين
 يا حمام يا طائر ع البحرين
 يا حمام يا طائر على مكناس
 رد الأمل لعيون الناس
 رد الغنا لزمـار الحى
 وبوس لى مكة وبوس لى دى
 قول لليمن ما انتش يمنين
 يا حمام يا طائر ع البحرين

المؤدى:

غاب الوطن عن حضوره

غاب الندى عن زهوره

والنثر أصبح قصائد

والشعر خاصم بحوره
كنا واخويا العراقي
أجمل شطوط التلاقي
فلماذا "أضحى التنائى" ؟!
كنا واخويا الكويتي
بيته ينور ف بيتي
داوي جراح المحبة
يا عروبة ياما داويتي
يا عروبة طال اشتياقي
وانتى ف ايديكى دوائى
فلماذا "أضحى التنائى" ؟!

* * *

أنا باغنى يا مـؤمنين
غنوة محبة لكل دين
الإنسانية قالت آمين
يارب جمعاً موحدين
إياك نعبد ونستعين

صحيح البخارى

مسحراتى العروبة
حس الجبال والبادى
حادى الجمال للخصوبة
نويت اسحرّ بلادى
مهد النبوة ف ضميرى
نور الحضارة ف مصيرى
ومسيرى أوصل مسيرى
أو يوصلولى ولادى
نويت اسحرّ صباحى
أهلى وبيتى وبراحى
وأصحّى حتى اللى صاحى
يارب نورّ فؤادى
رمضان جمعنى بصوتى
وصلاتى رفضت سكوتى
يا فرقة لازم تموتى
يا حسى لازم تنادى
الله أكبر الله أكبر
لا إله إلا الله

المؤدى:

مسحراتي العرب

بيقرا ويسمع صحيح البخارى

رواه للمقيم والنسيم اللى سارى

رواه للبوادى

بصوته الحضارى

لذات المباني .. وذات الصواري

رواه للسحاب اللى ضلل حنيني

رواه للأراضي اللى باست جبنني

رواه لابن عربي وإيمانه اليقيني

رواه للأوربي ولسانه اللاتيني

وتركي وفارسي وياباني وصيني

رواه اندونيسي وماليزي وتتاري

حديث المحبة ..

رواه البخارى

روى من حديثك يا سيدنا الرسول

شفاء القلوب والنفوس والعقول

روى كل خطوة ف طريق الوصول

روى للغلابة ..
دعاء الإجابة ودعاء القبول
ونصر الكرامة ف غزوة تبوك
وأُمك ثلاثا ..
يليهها .. أبوك
وحتى الوصية بأهلى وجارى
رواها البخارى
روى عن أئمة .. خطاهم دليل
وعن كل راوى وصحابى جليل
وعن أب ماجد وعن ابن ساجد
وعن زوجة صالحة
وعن كهل عابد
رواه عن فقير
أو أمير مؤمنين
رواه عن رجال عابدين فاتحين
رواه عن نساء مخلصات اليقين
رواه عن أمية ومعاوية وبلال
وسيدنا .. وشهيدنا .. وحادى الجمال
وقاضى الشريعة ورامى النبال

وراعى الهريرة
وسيدنا الغفاري
حديث المحبة ..
رواه البخاري ..

رواه اليتيم اللي جى من بخارى
هديته لحبك .. يا هادي الحيارى
مع كل خطوة ينادى الجسارة
مع كل كلمة يصلى استخارة
مع كل رؤية تحيله البشارة
تحيله البشارة تنور مساري
حديث المحبة ..

رواه البخاري
النشد :

مبروك عليك النهار
ياللى انتو صايمينه
مبروك عليك الليل
ياللى انتو قاييمينه
مبروك عليك الشهر
رحمة وعبادة وشفاء
وفتح بالمعرفة
من العلى العظيم

المغنى:

يا نبينا .. يا نبينا
الملايكة بتنادينا
كلنا نصلى وراك

كل حكمة من سكاتك
كل دعوة فى صلاتك
كل خطوة فوق صراطك
لسه باقية وعائشة فينا
والملايكة بتنادينا
كلنا نصلى وراك

الدموع المستجيرة
من ليلنا العسيرة
شايقة جوه السيرة .. سيرة
تنصر الأمة الحزينة
والملايكة بتنادينا
كلنا نصلى وراك

كلمتك علم وكرامة
ف الحياة نور وابتسامة
والورود يوم القيامة
نبت مكة .. والمدينة
والملايكة بتنادينا
كلنا نصلى وراك

المؤدى:

فتحنا المسالك ف درب المهالك
ونورنا شعلة لكل الممالك
بدأنا بـ " اقرأ " حروف الكتاب
روانا البخارى ومسلم ومالك
ومين يروى عنى عذابى وضنايا
وشدة حصارى ما بين الضحايا
ومين يروى عنى سجل انتصارى
ف يوم ما ابقى صاحب إرادتى وقرارى
وكلمة محمد
وخطوة محمد
وسنة محمد
يكونوا اختيارى
ونقرا ونسمع .. صحيح البخارى

* * *

أنا باغنى يا مــــؤمنين
غنوة محبة لكل دين
الإنسانية قالت آمين
يارب جمعاً موحدين
إياك نعبد ونستعين

يا مريم العذراء

مسحراتى العروبة
حس الجبال والىوادی
حادى الجمال للخصوبة
نویت اسحرّ بلادى
مهد النبوة ف ضميرى
نور الحضارة ف مصرى
ومسيرى أوصل مسيرى
أو یوصلولى ولادى
نویت اسحرّ صباحى
أهلى وبيتى وبراحى
وأصحّى حتى اللى صاحى
یارب نور فؤادى
رمضان جمعنى بصوتى
وصلاتى رفضت سكوتى
یا فرقة لازم تموتى
یا حسى لازم تنادى
الله أكبر الله أكبر
لا إله إلا الله

المؤدى:

مسحراتي العرب
باكتب حروف القدس
بالحق والجبروت
وبالآلم والموت
وبالندم .. والعبادة
بالمعصية
والشهادة ..
باكتب حروف القدس
بالحلوة .. والمرّة
ومحمد الدرة
على طريق الآلام ..
بمسح هزيمة الريح ..
من فوق جبين المسيح
الفصحى سقطت حروفها
من كل قلب فصيح
ما فضلش غير القاف
ما فضلش غير الدال
ما فضلش غير السين
قمر ودنيا وسلام
قهر ودمار وسموم
قرآن ودمع وسكينة

من عشقها فينا
القدس تكتبني
ترحمني بالذكرى
مهما تعذبني .. صورتى وانا عاجز
وعدويّ غالبني
أكتب حروف القدس
والقدس تكتبني
قرآني .. قرآنها
إنجيلها .. إنجيلي
مريم بتظهر لى
والنور يبحكي لي
وطبلى تسكت
تسمع تراتيلي
الرب إسمه السلام
والحب ف الإسلام
روح الزكاة والصيام
سر السجود والقيام
والزيت ف قنديلي
مريم بتحكي لي
الحب ف الإصحاح والسورة والآية

والاصطفاء موجود

جواك .. وجوايا

﴿وَإِذْ قَالَتِ الْمَلَائِكَةُ يَا مَرْيَمُ إِنَّ اللَّهَ اصْطَفَاكِ وَطَهَّرَكِ وَاصْطَفَاكِ عَلَى نِسَاءِ
الْعَالَمِينَ﴾ (*)

قرآن كريم وعظيم

وآياته تنصفتني

وبحب تدعيلي

مريم بتحكي لي

النخل هز الجذوع

من قبل ما المسها

ف المهد كلمة يسوع

مين اللي يحبسها

وكل مسلم بقلبه

بالعقل يدرسها

يلاقى مهد وقيامة

وآيات محبة وسلامة

للناس .. تؤنسها

بيت لحم عارفة الطريق

لو مين يدنسها

الكعبة هية الصديق

ترجم أبا ليسها

(*) قرآن كريم سورة آل عمران الآية ٤٢ .

ومصر بين الضلوع
تحرسني واحرسها
أجمل أذان للصلاة
يحضن كنايسها
ف المهد كلمة يسوع
جبريل يقولها لمحمد
قرآن جليل المعاني
بالعهد يحفظ أمني
رب العباد اصطفاني
ووهبني إنجيلي
مريم بتحكي لي
المنشد:

مبروك عليكو النهار
ياللى انتو صايمينه
مبروك عليكو الليل
ياللى انتو قاييمينه
مبروك عليكو الشهر
رحمة وعبادة وشفاء
وفتّح بالمعرفة
من العلي العظيم

المغنى:

يا مريم العذراء .. فى موكب الإسراء
طوبى لمن أحياها .. حرية الإنسان

ترتيل مع تراتيل .. ف الذكر والإنجيل
للناس محبة ونور .. والمجد للرحمن

قومى اطعمى الأحباب .. ذا الرزق فى الخراب
والخير على الأعتاب .. والوعد فى القرآن

من بعد الاستشهاد .. ف القدس لنا ميعاد
وف هجرة أو ف ميلاد .. يعلا جرس وأدان

فَتَح المسيح نافذة .. على دنيا متعكزة
يشفيها بالمعجزة .. من زحمة الأحزان
وأمّا محمد سرى .. على أرض متعطرة
بسيّرتك الطاهرة .. غمّرها بالإيمان

المؤدى:

القدس تاج الشوك
على جبين عيسى
مين اللي يدّى الأمان
لشهيد وقديسة
إسال طريق الآلام
عن عدل قلب الإمام
حلف المتيّم عمر
ما يصلى ف كنيسة
وصلاته براها
تبدأ بـ "آل عمران"
أما الختام "طه"
يهف طيف "مريم"
يسجد ويقراها
مسرّى نبينا كان
ف الحب .. مسراها

أنا باغنى يا مــــؤمنين
غفوة محسبة لكل دين
الإنسانية قالت آمين
يارب جمعاً موحدين
إياك نعبد ونستعين

يوسف شاهين .. الفن

مسحراتي العروبة
حس الجبال والبادي
حادي الجمال للخصوبة
نويت اسحر بلادى
مهد النبوة ف ضميرى
نور الحضارة ف مصرى
ومسيرى أوصل مسيرى
أو يوصلولى ولادى
نويت اسحر صباحى
أهلى وبيتى وبراحى
وأصحى حتى اللى صاحى
يارب نور فؤادى
رمضان جمعنى بصوتى
وصلاتى رفضت سكوتى
يا فرقة لازم تموتى
يا حسى لازم تنادى
الله أكبر الله أكبر
لا إله إلا الله

المؤدى:

مسحراتى العرب
ماشى ف دروب الألم
ولا اشتكى .. ولا أن
يشكر بصوت ممتن
حنية الرحمن
على ضنايا .. أحسن
النور عطاءه للهب
أما البريق للذهب
وبالمشيئة وهب
يوسف شاهين .. للفن
صرخ وقال : أكشن
والكاميرا من زواياه
دايرة تقول ويأه
باحكى لقلبك عن
يوسف نبى .. واختزل
روح الجمال واعتزل
عشق الحياة والغزل
والحُسن والأحسن

أحلامه من ربنا
متيسرة لمصرنا
يحفظ لنا قممنا
لما الحياة تخشن
المصرى .. رد السلام
بالرفعة والإلهام
ولا بخل .. ولا ضن
حنية الرحمن ..
على ضنايا أحن
يوسف شاهين .. للفن
صرخ وقال : أكشن
باحكى لقلبك عن
الرب .. للمساكين
وهب المدى لخطين
والشهدا .. لفلسطين
وهب صلاح .. للدين
ناصر قلوب ملايين
بريئة راية يسوع
من راية الغادرين

الحرب قُدرة وإرادة
الحرب نصر وشهادة
الحرب .. حرب وعبادة
لما العدو .. يعتدى
سيب الهدى .. يهتدى
سيب الجراح تبتدى
سيب الشهيد يفتدى
ولجل الكرامة .. اطعن
حنية الرحمن ..
على ضنايا أحن
يوسف شاهين .. للفن
صرخ وقال : أكشن
باحكى لقلبك عن
أفكار عقول راجحة
نبضات قلوب رابحة
دى طيور بدون أجنحة
لو ابن رشد انطلق
ووراه سهام جارحة
هايجينى م الأندلس

للغد .. والبارحة
ومعاه آيات واضحة
ونهار مالوش ف الظن
باحكى لقلبك عن
جميلة كانت وطن
والكلمة للمحتل
حلم الجزاير ظهر
زمن العدو اختل
نور الشهيد انتفض
جبل ووادي وتل
عالي المواجه رفض
واطى الخضوع والذل
جميلة هية البريئة
وقاضيهها .. سوء العذاب
جميلة هية الحقيقة
جلادها كان السراب
حلم الجزاير غرام
ف القلب واستوطن

حنية الرحمن ..
على ضنايا أحن
وبالمشيئة وهب
يوسف شاهين .. للفن
سنن الجمال .. استن
وف يأسنا استهجن
يجرى اللسان ع الخرس
سنه الجري يتسن
صرخ وقال : أكشن
أكبر من الإمكان
ومن جوايز كان
ييدر ف كل مكان
من بركة البركان
ولا استكان .. ولا كن
عظمة جنون .. وفنون ..
موهوبة للى أجن
يوسف شاهين .. للفن

المنشأ:

مبروك عليكو النهار
ياللى انتو صايمينه
مبروك عليكو الليل
ياللى انتو قايمينه
مبروك عليكو الشهر
رحمة وعبادة وشفاف
وفتح بالمعرفة
من العلى العظيم

المغنى:

" سكوت هانصور " الإحساس
وندى " الاختيار " للناس
دا أغلى من الذهب والماس
غنا " العصفور " بحرية
سكوت .. ها نغنى للمواويل
ما بين البتا .. والتراحيل
تحن " الأرض " لـ "ابن النيل"
ندوق أغنية .. أغنية
على " باب الحديد " مجروح
لقيت باب الحنين مفتوح
دخلت أدور وافور وأبوح
لقيتني ف دنيا سحرية

مسافر من عبير لعبير
 "مهاجر" من "مصير" لمصير
 وقلبي صاحب الأعاصير
 يادوب .. "حدوتة مصرية"
 المؤدى؛

وحلفت بالمصطفى
 مالمحت جنبه خريف
 قلبه الكبير عاصفة
 والظلم جنبه ضعيف
 أفلامه متشرفة
 بكل معنى شريف
 تخاريفه متخرقة
 كما ينبغى التخريف
 وجنانه ف الرفرفة
 عذبنى ف التأليف

أنا باغنى يا مؤمنين
 غنوة محبة لكل دين
 الإنسانية قالت آمين
 يارب جمعاً موحدين
 إياك نعبد ونستعين

القلب ف الإمارات

مسحراتي العروبة
حس الجبال والبادي
حادي الجمال للخصوبة
نويت اسحرّ بلادى
مهد النبوة ف ضميرى
نور الحضارة ف مصيرى
ومسيرى أوصل مسيرى
أو يوصلولى ولادى
نويت اسحرّ صباحى
أهلى وبيتى وبراحى
وأصحّى حتى اللى صاحى
يارب نورّ فؤادى
رمضان جمعنى بصوتى
وصلاتى رفضت سكوتى
يا فرقة لازم تموتى
يا حسى لازم تنادى
الله أكبر الله أكبر
لا إله إلا الله

المؤدى:

مسحراتى العرب
له قلب ف الإمارات
وله سبع دقائق
جوه الصحارى واحات
مسحراتى العرب
ما بين " سكيك " (١) وحارات
يطلب سبع قمرات
الأولى من أبو ظبى
والثانية : أم القيوين
والثالثة : عجمان
أحفظها جوه العين
والرابعة
ياراس
الخيمة
يا " عين خت " (٢)
لما البشائر جت
أنا قلت يا فُجيرة
الحلوة م الإمارات
وانا شوفتها سايرة

(١) السكيك: الحارة فى اللهجة الإماراتية.

(٢) عين خَت: عين ماء شهيرة فى رأس الخيمة.

بين الدلال والثقة
بين الندى والضى
طلت حياة مشرقة
وجمعنا أهل الحى
الحنة ف الشارقة
كتب الكتاب ف دى
مسحراتى العرب
يا جارة ف " الديرة" (١)
حافظ حديث وآيات
بتوصى ع الجيرة
إن شا الله سابع جار
حتى اسألوا السيرة
يا جارة ف الديرة
يا حلم كله نبات
أنا طوفت بالكعبة
وسعيت سبع أشواط
ف القلب تكبيرة
ف الإيد سبع جمرات
رجمت بيها شيطان
وناديت سبع سموات

(١) الديرة: الحى الشعبي.

تسهر ف موالى
بلد الهوى الغالى
أسعى .. وتسعى لي
إماراتي متحدة
على ندهة الوحدة
نبض القلوب واحد
كل الدروب واحدة
المنشد:

مبروك عليكو النهار
ياللى انتو صايمينه
مبروك عليكو الليل
ياللى انتو قايمينه
مبروك عليكو الشهر
رحمة وعبادة وشفاء
وفتح بالمعرفة
من العلى العظيم
الغنى:

صدقونى
وصدقوا بكرة اللى جى
صدقوا الحلم الحقيقى
اللى طاولى الأرض طى

شوفوا زرقاء اليمامة
شايفة طنجة من تهامة
وشايفة يافا من دبی

عندی نظرة ابن ماجد
ف البحور أو ف المساجد
مُوجي يعلا وقلبي ساجد
للى نوره ف روعي حي
صدقونى

وصدقوا بكرة اللی جی
اللى شايفه .. هاتشوفوه
ف الأذان .. لو تسمعوه
ف الوطن .. لو تحلموه
ف اللُقا اللى مالوهش زى
صدقونى

وصدقوا بكره اللی جی
المؤدى:

أغنية " النهام " (١)

بنت الورع والتقى

داخله إلى اللؤلؤة

فرحة محبة ولقا

بعد الألم والشقا

(١) النهام: المغنى الذي يصاحب صيادي اللؤلؤ.

أغنية النّهام
خارجة من الشرنقة
وعيونها متشعلقة
على دنيا متحققة
مع لمة " الرولة " (١)
والساحة مغزولة
بمشاعر الأحلام
والانتظار أيام
خُطبة ف صوت العرب
تلم أهل الطرب
على أغلى أحلى مقام
أغنية النّهام

أنا باغنى يا مــــؤمنين
غنوة مــــحببة لكل دين
الإنسانية قالت آمين
يارب جمعا موحدين
إياك نعبد ونستعين

(١) الرولة : شجرة ضخمة فى الشارقة.

فاسكندرية وحلب

مسحراتي العروبة
حس الجبال والبادي
حادي الجمال للخصوبة
نويت اسحرً بلادى
مهد النبوة ف ضميرى
نور الحضارة ف مصيرى
ومسيرى أوصل مسيرى
أو يوصلولى ولادى
نويت اسحرً صباحى
أهلى وبيتى وبراحى
وأصحى حتى اللى صاحى
يارب نور فؤادى
رمضان جمعنى بصوتى
وصلاتى رفضت سكوتى
يا فرقة لازم تموتى
يا حسى لازم تنادى
الله أكبر الله أكبر
لا إله إلا الله

المؤدى:

مسحراتى العرب
فى حرب الاستنزاف
شابل على الأكتاف
الحلم بالإنصاف
اكتوبر الميمون
وحلفت إنه يكون
جامعة وتاريخ وميدان
يا عشرة من رمضان
تكبيرة ولأ بيان
بالعقل والوجدان
بانده لسوريا ومصر
على سبيل الحصر
لو يجتمع شملهم
يبقى تالتهم نصر
بيرجع اللى اتنهب
أهل الكرامة الكرام
قالوا افتراقنا حرام
حلفوا بفرض الصيام

ليجيبوا نصر العروبة
طيب وعالى المقام
ف القاهرة .. وف الشام
ف اسكندرية وحلب
يا عين جالوت العرب
قلبي ف سوريا يطوف
عاشق هواه مكشوف
يوصل تاريخ بتاريخ
يوصل حروف بحروف
نفس اللسان معروف
نفس الرضا المألوف
نفس الهوى الموصوف
على طريق حطين
قلبي وقع ف كمين
العشق والعاشقين
من أول التكوين
سوريا ومصر أذان
محمى بحصن حصين
اللى رسمهم .. رسم

وساب لنا التلوين
 ف الوحدة متحدين
 ف الفرقة متواعدين
 على كل نصر مبين
 واسأل حلب سليمان
 واسأل صلاح الدين
 قائد وحلم ونسب
 يا بهجة الإمكان
 ف اسكندرية وحلب
 يا عين جالوت العرب
 يا " جمال " .. يا " جول جمال "
 يا زينة الأبطال
 لسه الوطن مكتوف
 لسه الأمل ملهوف
 يا بورسعيد .. يا سويس
 لسه الجولان مخطوف
 ما يحرروش غير غضب
 فيضان كرامة ولهب
 يفدى الصعيد شهباء

وأمية يفدى فداء
ف اسكندرية وحلب
يا بهجة الإمكان
يا عين جالوت العرب
المنشد:

مبروك عليكو النهار
ياللى انتو صايمنه
مبروك عليكو الليل
ياللى انتو قايمنه
مبروك عليكو الشهر
رحمة وعبادة وشفاء
وفتح بالمعرفة
من العلى العظيم
المغنى:

جايلك يا سوريا بروحى أجود
وكل ما ارحل قلبى يعود
عندى هنا أولاد و—ودود
عندى حصاد وجهاد وجنود
"والعاصى" عاصى على النسيان
"والشام" و "معلولا" و "يبرود"

بين الشطوط البحر يعوم
 يبعث نسيم ويداوى هموم
 يوصل لشطك يلقي هواه
 ويقول يا ريتنى ف حضنك ادوم
 عندى هنا أشواق وخلود
 عندى شذى ونسرين ووعد
 و" العاصى " عاصى على النسيان
 و" الشام " و" معلولا " و" يبرود "
 باسمع أدان جبل العذراء
 يسرى يا سوريا ف كل سماء
 الله أكبر .. رحلة نور
 تداوينى لو يعادينى الداء
 عندى هنا استشهاد وصمود
 عندى رجال ونضال وبارود
 و" العاصى " عاصى على النسيان
 و" الشام " و" معلولا " و" يبرود "

المؤدى:

مين اللى رش الندى .. على أطيب الأوطان
وصب شهد المحبة .. على أجمل الأحضان
مين اللى صالح نسيمى .. على هزة الأغصان
ولم شمل الصحارى .. وفرش فوقها غيطان
مين اللى قال يا نبى .. جايك ف يوم غفران
أمحى الهوان والألم .. بإرادة الرحمن
واغسل بدمعى ندم .. وأبوس ايدين قرآن
مين اللى قال : ارتوى .. بالحق ياعطشان
اكتوبر اللى صبر .. فعبر .. ف إيد رمضان

الختام:

أنا باغنى يا مسؤولين
غنوة محبة لكل دين
الإنسانية قالت آمين
يارب جمعاً موحدين
إياك نعبد ونستعين
إياك نعبد وتسرى فينا
نسمة محبة من المدينة
العلم نور .. والعسقل زينة
واحنا بحبك متعطين
إياك نعبد ونستعين

قراءة فى مبانى ومعانى

مسحراتي العرب لجمال بخيت

نقد : عزازى على عزازى

كل شئ يصلح للغناء .. حتى البكاء

تمر الأعياد جدياء، فلا الصوم امتناع، ولا زاد الإفطار نصر، وكم جاعت الأمة ثم جادت، كم غاضت ففاضت، عطشت سنيئاً ثم بللها القطر، لكن : هل يصح الصيام دون سحور ؟

نعم يصح الصيام بغير سحور.

وهل يصح التسخير وتصح القومة دون شاعر مسحراتي.. ؟

والإجابة - بالطبع - : لا، فالتسخير فرض على قادر، قائم، صاح ومالكٍ زمام اللغة..

ويجبنا جمال بخيت (مسحراتي العرب) شعراً :

نويت اسـحـرّـر بلادى

مهد النبوة ف ضميرى

نور الحضارة ف مصيرى

ومسيرى أوصل مسيرى

أو يوصل لولى ولادى

نويت اسـحـرّـر صباحى

أهلى وبـيـتـى وبـراحى

وأصحّى حتى اللى صاحى

فالتسحير - إذن - فرض عين وشعيرة، لا يصح الدين إلا بها، ولا تصح الدنيا إلا بها، وهى تستوجب النية، كما تستدعى التجوال والجماعية وقرع الطبول، وأدب الرحلة، والإسراء ليلاً حتى مطلع الفجر.

وتلكم هى شروط التسحير من حيث الموضوع، أما التسحيرة (الفن) فلها شروط تتراوح بين الثابت والمتحور.

فالأصل الفنى للتسحيرة يبدأ من فن (القومة): عراقى الأصل، اخترعه البغداديون القائمون على إيقاظ الناس فى السحر الرمضانى، كان وزنه فى البداية - (مستفعِلن - فعِلان) فى كل شطر، ثم تعددت أوزانه، وانفتح فيه باب الاجتهاد على مصراعيه، قيل إن أول من أنشأه المسحراتى البغدادى (أبو نقطة) فى زمن الخليفة الناصر، الذى أجرى له وظيفة ومالاً، ولما مات الرجل.. جمع الابن - الموهوب كأبيه - بعض أصدقائه ورفقة والده، ووقف بهم تحت شرفة قصر الخليفة فى أول ليلة من رمضان وأنشأ يقول:

يا سيد السادات.. لك بالكرم عادات

انا ابن أبو نقطة.. تعيش، أبويا مات

فأجرى له الخليفة ما كان لأبيه.

وأشهر من نظم "القومة" صفى الدين الحلى، الذى انتقل بهذا الفن من مجرد التسحير للصيام إلى أغراض أخرى كالمدح والعتاب والوصف واستقر هذا الفن ضمن فنون الشعر الشعبية (الدوبيت - المواليا - الكان كان - السلسلة - الموشح - الزجل - القومة)، واعتبره البلغاء العرب أحد فنون المولدين - ورصدوا منه شكلين، الأول مركب من أربعة أفعال، ثلاثة متساوية فى الوزن والقافية، والرابع مهمل بلا قافية، أما الثانى فيتكون من ثلاثة أفعال، مختلفة الوزن، متفقة القافية.

وبالرغم من الأصول العربية المختلفة التى انتمت إليها أشكال الشعر الشعبى، منذ كان رجزاً فى الجاهلية، إلا أن الدور الرائد الذى لعبته التربة

المصرية، هو الذى أقام شجرة هذه الفنون الشعرية وملأها بالأغصان والثمار، وهذا ما حدث مع رحلة (الموال) وتغريبة (الزجل) . فتربة النيل هى التى أحيت الفنون الأخرى كالدوبيت (المربع) والكان كان والقومة و(المسحراتى) وكذلك الموشح، حتى السير الشعبية العربية، فالرواية المصرية للسير تمثل تطوراً حيوياً فى هذا الفن.

فؤاد حداد (الإمام)، الأب

مثلما عرف حداد شيوخه وأصل شجرته، عرف جمال بخيت، الذى أهدى تجربته الفارقة (مسحراتى العرب) لفؤاد حداد قائلاً :

الله يرحم قلبى وعينى

قلبى وعينى فؤاد حداد

والعين أداة البصر، أما القلب فهو عمق البصيرة، وهكذا كان فؤاد حداد كما وصفه جمال بخيت، وهكذا يكون كل شاعر أصيل.

سوف يطول الكلام عن حداد، ولذا سنقتصر على إسهامه التأسيسى فى نشأة فن المسحراتى، وأعتقد، بيقين راسخ، أن الحديث عن بلاء جمال بخيت هو حديث، فى الوقت نفسه، عن بلاء كل السابقين السالكين على طريق الفن القولى، من الذين أرهفوا السمع لصوت الباطن حتى تماهت أوتار الظاهر، بالباطن، فألهموا العبارة والرؤيا.

ولحداد الفضل فى إعادة اكتشاف فن القومة، بعد اندثاره فنياً، وحصاره فى الحارة الرمضانية على أيدى بعض المتكسبين من المداحين، ولذلك فدور حداد تأسيسى، لأنه لم يصعد شجرة القومة، ولم يتسلق أفنانها الذابلة الضعيفة، بل انهمك فى الجذر ليطعمه ويسقيه، لتنتج الشجرة فناً وفناً جديداً، خالصاً لوجه الإبداع والوطن، فتسحيرة حداد قومة للوطن وفى الوطن، امتثل لها الشاعر، وتمثل شروطها فى التجوال خلف الجبال والأودية العربية ووراء القضبان أيضاً، فانطلق ينشد من نور الخيال وصنع

الأجيال تجربته الفذة فى (المسحراتى)، وامتزجت عنده المعانى، وتطابق
خير الدنيا مع خير الدين:

الى يزرع واللى يصنع خير

يعرف ربنا

واللى ينور طريق المدينة

يعرف ربنا

واللى يضرب قلوب الأعادى

يعرف ربنا

وامتلك حداد إلى جانب بصيرته الوطنية وبقينه العربى زمام اللغة وفنون
أدائها: (ولا حد أغنى من المالك لسان عربى) وجاءت (مسحراتى) فؤاد آية
فى الفن المتصل بشجرة الإبداع العربى والملتشق سيف الرسالة وروح
الإمام، فكانت تسحيرته جهادية، نقدية، تحريضية، تؤسس للجمال القائم،
وتوقظ النعسان.

مسحراتى العرب (جمال الابن)

ومثلما فعل حداد (الإمام) فعل جمال (المأموم)، ولم يهرع جمال بخيت
إلى السهل حيث التقليد والاتباع، والاعتماد - المتكالب - على النقل على
حساب العقل، فقد ذهب جمال حيث الشجرة (الأصل) وكما يقول المثل
الصينى (تسقط التفاحة، لمن ذهب يبحث عنها تحت الشجرة) رافق جمال
جذر الشجرة، ولم يرتح تحت ظلها، فقد انطلق يحفر الأرض - بكبد - ليصل
إلى (الجين) الأصلى، ويلقى فيه بذرته، ليستقبلها من (زمزم) أول الغيث
العربى، قطرة قطرة.

وكانت المهمة ثقيلة، لأنها تتهادى فوق كتف الضمير، بعد رحيل جمال
(الأب) وفؤاد (الإمام) واصفرار الزمن العربى بعد اخضرار، جمال (الابن)

لم يبك الرحيل إلا قليلاً ولم يعذبه الفقد سوى اليسير وحينما أوى إلى نفسه اكتشف أن الأحبة لا يموتون، بل يدخلون تحت الجلد وفي شرايين القصيدة، في كنف الزمن السبعيني تربي وعى جمال، وترعرع عود الإبداع، وكان يصرخ القصائد، ويستحضر الغائب المنتظر، فسعى بين المدرج والمدرج، في الجامعة، يسقى خلانه إكسير مقاومة العجز، ويدعوهم للثبات، وكانت الجامعة تصدح بالغناء والهتاف والرفض الموزون، عذبه طول الانتظار:

(يا عمرنا طال العذاب في الانتظار)

(والأرض لسه مهياة)

(فارجع بأه)

(وفك حبل المشنقة)

بعدها ربما شعر جمال بخيت أن اليتيم هو الأخرس، فمن له لسان ووجدان وامتلك قصور اللغة وبيت الصيد لا يمكن أن يكون يتيماً، بل ينبغي أن يقود عربته بنفسه، وكانت العربية عربية، فليس ثمة همٌّ، الهمُّ عربى شامل كاللغة تماماً، وانعكست هذه الرؤية على الرؤيا ولغة الإنشاد (العامى)، فجاءت عاميته فصيحة، قرآنية تراثية، صوفية، تفصل بين الأبيض والأسود، كشعاع الفجر البتار فالوطن إيمان وتوحيد وعبادة، والتفريط فى شبر أو حرف كفر وليس مجرد خيانة (وجهاً نظراً).

فى تجاربه التالية (شباك النبى - مشاعر بلا ترتيب - بنعشق الحياة) حاول جمال المطابقة بين المعنى والمبنى، أو بين الشاعر واللغة، كما حاول المزج العضوى بين مصر وأخواتها العرب، مثلما مزج بين اللهجات العربية ذات الأصل الفصيح المعجمى، ليعبر عن رؤيته الجذرية فى خلاص اللغة وخلاص الوطن الأكبر، وليخرج قصيدة العامية من قمقم حوارى القاهرة ومدفآت الكفور والنجوع إلى آفاق التلقى العربى الواسع فعل كل ذلك دون أن نلحظ أى تعسفات للتجريب، أو هرطقات فى التحديث، تمر التجربة

تلو التجربة، فتخالها، من فرط سهولتها وعذوبتها، أنك قائلها أو أنها قيلت من قبل في الزمن الأول.

وتبلغ التجربة ذروتها بالقصيدة الطويلة ذات النفس الإنشادي الصوفي (شباك النبي على باب الله) والتي جمع فيها وحشد كافة الأدوات الفنية والمفردات اللغوية والتشكيلية التي تعبر عن يقينه الوطني والفني.

على باب إسرائي بساط أحمدي

كل الأنبيا ويا محمدي

بيصلوا صلاة القلب الندي

الأقصى قريب لو يوم نهدي

من باب أندلسي لباب مندبي

نفتح شباك ع الزمن الأبى

شباك النبي على باب الله

ولا فيش أجنبي على باب الله

يا صبية.. الصبي على باب الله

هاودي وقرّبي.. شريات تشري

ونلم الشامى.. على المغربي.. على باب الله

ولا يستطيع قارئ لأشعار جمال بخيت الفصل بين مشاعر الحب الفردي (الرومانسي) وبين صورة الوطن، كذلك لا فصل بين الثوابت وبين الدين، لأنه اختار . طائعا . رسالة التبليغ والتذكير بالدعوة إلى الثوابت، مستخدماً . كعلماء الاستراتيجية . الجغرافيا والتاريخ والأنثربولوجيا العربية كأدوات في معماره الشعري، ولأنه أحيانا (بنّا) وأخرى (مناول)، وأحيانا مُنجمٌ وأخرى مضروب رمله، فهو صاحب رحلة وصاحب مدد، جوال سائح، أو درويش جوال وهو ما انعكس على لغته وإيقاعه، فاكتملت . عنده . شروط المغنى على

باب الله، لا تفارقه الغنائية للدرجة التى لم يعد مستحيلاً فيها القول بأن كل شئ يصلح للغناء، حتى البكاء!

تسحيرة جمال بخيت: من زمزم حتى حلب

بعد القراءة الأولى لتجربة "مسحراتى العرب" اتسع مشهد العامية فى ناظرى، وأزيلت عنه ضبابته، وانقشع دخانه، وفى ظننى أن قصيدة العامية المصرية مازالت فى طور التأسيس، رغم كل التجارب الرائدة لجيل الخمسينيات والستينيات (حداد - جاهين - الأبنودى - قاعود - حجاب - عبد الباقي - زين العابدين فؤاد...)، فالتجارب الأصلية فى تجربة العامية المصرية حتى الآن لا تزال تشارك فى بناء الصرح، الكثير منشغل بالهدم والقطيعة مع المورث الشعري، والقليل مهموم بالبناء والوصل والتراكم، وهذه التجربة، التى بين أيدينا، من ذلك النوع التأسيسى.

وكان منطقياً أن نقارن بين الشكل الفنى لتسحيرة جمال بخيت وبين مسحراتى فؤاد حداد.

فى البداية ثمة نقاط مشتركة، الأولى تتعلق بالرؤية الجديدة لفن القومة الوطنى والقومى فى قدرته على إيقاظ الهمم، وجمع شتات البدن العربى الممزق فى جسد واحد وتحت راية واحدة، قلبها وقبلتها مصر، أما النقطة الثانية فترتبط بالبناء الفنى للتسحيرة والذى يعتمد على تقسيمها إلى مستويات أدائية وإيقاعية، والنقطة الثالثة تخص (قيمة) التكرار الثلاثى، مع اختلاف فى الطريقة والآلية.

أما الاختلاف فيتحدد فى ثلاث نقاط، الأولى أن مناطق التكرار عند حداد تأخذنا إلى المطلقات الدينية والقيمية، بعكس التكرارات فى الأغصان

والأقفال عند جمال بخيت، فترتبط تحديداً ومباشرة وقصداً بالعمق العربى
(مسحراتى العروبة).

مسحراتى العروبة
حس الجبال والبوادرى
حادى الجمال للخصوبة
نويت أسحر بلادى

والنقطة الثانية فى الخلاف بين التجريتين، وهى اعتماد حداد على
الصوت الواحد فى القصيدة (التسحيرة) مع تعدد مستويات الأداء وتغير
الإيقاع.

بعكس تسحيرة جمال بخيت التى اعتمد فيها على تعدد الأصوات
(المؤدى، المنشد، المغنى).

أما النقطة الثالثة فتتمثل فى تقسيم جمال بخيت للتجربة على هيئة
ليالٍ ثلاثين، كشهر الصوم، أنجز منها عشرًا وتبقى عشرون بعكس حداد
الذى لم يلزم نفسه بأى تقسيم، فتحرر، كثيرًا، من أى شروط تضيق عليه
طريق المشى والدق على طبلة.

وربما تبدو المقارنة أكثر وضوحاً إذا تصورنا حداد يمشى وحيداً فى ليل
قصير، فإن جمال بخيت يمشى جوقة وسط ليل عربى طويل انقضى منه
أقل مما تبقى، وكان لابد لجمال - ابن زمن الانكسار - أن يستعين بأكثر من
صوت فى حضرة الوطن، بينما أمكن لحداد - ابن زمن الانتصار - أن يمشى
فرداً وربما هو الفرق بين فكرة الكل فى واحد أو الواحد فى الكل، لا
أدرى..

المعجم صنو العتبات

وأول عتبات التجربة العناوين الدالة، لكن المثير للدهشة والإعجاب معاً أن القيمة التكرارية الإحصائية في عناوين القصائد تمثلها معجم اللغة والمفردات في الديوان تمثلاً رياضياً مرناً بالطبع. فعناوين القصائد يمكن تقسيمها لأربع دوائر، الدائرة الأولى دينية وتضم أربعة عناوين (زمزم بتشرب من السما - من كل فج مضى - صحيح البخاري - مريم العذراء).

والدائرة الثانية تخص أسماء الأماكن العربية وجسدتها ثلاثة عناوين (على جبل لبنان - القلب في الإمارات - ف اسكندرية وحلب).

والدائرة الثالثة، فتتعلق بأسماء الأشخاص وهي في عناوين (ابن بطوطة - يوسف شاهين)، أما الدائرة الرابعة والأخيرة فهي دائرة التناص مع الشعر القديم الدال ويمثله عنوان واحد (أضحى التناهي)، ذلك المطلع الذي يجسد تاريخاً عربياً انسكب كاللبن على الأرض، والذي شدا به ابن زيدون شاعر العرب والأندلس المفقود.

ويمضي معجم المفردات في ديوان جمال بخيت حاملاً نفس القيم التكرارية، فدوائر المفردة الدينية هي الأكثر كماً تليها الدائرة الجغرافية المكانية تتلوها دائرة الأسماء ثم دائرة التناص الشعرى والتراثي.

قصيدة الماء:

والقصيدة الأولى والمعنونة (زمزم بتشرب من السما) تستحق أن نفرد لها أكبر مساحة، لأنها - في قراءتي - أصل التجربة ومنبعها، فأصل الحياة هو الماء، وأصل العرب تأسس عند بئر زمزم حيث المولود إسماعيل وأمه هاجر، وزمزم تمثل في الموروث الديني معنى من معاني اتصال السماء بالأرض - وانبلج ماء الجنة ليروي عطش البادية الرمضاء، فالماء - هنا - دين وحياة، وامتزاج المعنيين لا بد أن يوصلنا إلى أم الدنيا مصر.

(تتادى هاجريا اسماعيل فى عيونى نيل)

وكأن مصر - أيضاً - لم تكن أم العرب (هاجر) فحسب، بل هى حجر زاوية الكون، وعمارة بيت الله الحرام فى وادٍ غير ذى زرع، هرولت بنت النيل وسعت وقطعت الأشواط، فكافأها الله من تحت رجلي طفلها، فطفق يزم ويزم حتى تفجرت الأرض عيوناً ونخلا، فهوت أفئدة الناس إليهم، ورزقهم الله من الثمرات وهنيئاً لقوم ينبع ماؤهم من السماء، فهل مازالوا يصبون الماء صباً فى فم العطاشى؟

.. ينطلق صوت المؤدى بعد الاستهلال ليقول:

(الله أكبر.. كَبَّر ولبى

من عند نبى عارف مصبى

المية نعمة من فضل ربى

زمزم بتزرع الاخضر ف قلبى)

وبعد نداءات هاجر - بنت النيل - على الماء يأتيها - من تحتها - رد السماء :

(ترد زمزم الله أكبر

الله أكبرم الله أعظم

ترد زمزم والعقل يفهم

والطير يسبح والمية تسلم)

ويتهلل وجه المغنى (المستوى الثالث) فرحاً يغنى :

(من السما من السما

زمزم بتشرب من السما

من السما من السما

هبت نسايمنسمة

ضمت سحابة متيمة

شربت قلوبنا من الإيمان

والخطوة طابت من العمى

ثم يدخل المغنى من مرحلة تخمير الدراويش إلى صلب الفكرة:

(رب المحبة يا ناس عطانى

وخلى دجلة يجرى ف غيطانى

دخل فراتى يسقى حاراتى

والنيل قابلى عند الليطانى

شربت قلوبنا من الإيمان ..)

والربط بين المدن والعواصم والأنهار العربية تيمة رئيسية عند جمال

بخيت منذ قصائده الأولى، وهاجسه الأكبر (لم الشامى على المغرى).

ثم بعد أن يكرر المؤدى مقطع البدايه (الله أكبر.. كبر ولبي) تجتمع

الجوقة (المؤدى والمغنى والمنشد) ويجتمع المقام والجواب فى لحن جماعى

واحد:

إياك نعبد وتسرى فىنا

نسمة محبة من المدينة

العلم نور.. والعقل زينة

واحنا بحبك متعطرين

إياك نعبد ونستعين

والقصيدة - على هذا النحو - تعتمد على أكثر من تقنية فنية.

فهى تبدأ بالفض المتكرر (مسحراتى العروبة) وهو حالة شعرية تقترب من حدود البنية الوصفية، ثم تدخل القصيدة إلى تقنية السرد فى اقترابها من سمات الحكى الشعبى الغنائى وذلك فى سرديّة هاجر وإسماعيل ويمتص فى المقطوعات التالية للمنشد والمؤدى تقنيات الشعر الشعبى القديم خاصة (الدوبيت) والموال، يأخذ الدوبيت شكل المربع، أما الموال فيقارب . أحيانا . شكل المواليا الرباعى القديم.

(مبروك عليكو النهار يالى انتو صايمينه
مبروك عليكو الليل يالى انتو قايمينه
مبروك عليكو الشهر رحمة وعبادة وشفا
وفتح بالمعرفة من العلى العظيم)

.. وفى القصيدة التالية : (من كل فج مضى) تبدو الدلالة على الحج واضحة فى العنوان، خاصة بعد أن تأسس . فى القصيدة الأولى . بيت الله المعمور .

لكن نستكشف بعد قراءة القصيدة أن الحج . هنا . مقصود به مصر ليؤسس فيها معنى مغايراً، فإذا كان البيت الحرام مثابة الله فمصر مثابة الأنبياء وأمنهم:

(يوسف يحلم لجل كيانهـا
ترسى بموسى على شطآنهـا
تهدى مسيح الرحمة أمانهـا
ويّا محمد يعلا أدانهـا
تعلا الكلمة الطاهرة السمحة
مصر مسامحة)

تلك السماحة التي جعلت الأنبياء يفرون إليها، ويلوذون بها جعلت من مصر كعبة للتتوير، وأرضاً تطرح بالفن والثقافة.

(مسحراتي العرب)

طفل وصبي وعجوز

يشبه نجيب محفوظ..)

(ويدلنا الأرابيسك

على أول التنوير)

وتتهادى الأسماء الفاعلة في مضمار الثقافة العربية (الطهطاوى - طه حسين - البارودي - عرابي - شوقي - الحكيم - قاسم أمين - الأفغانى - المنفلوطى - فؤاد حداد - عبد الحليم).

وبعد (مشوار) طويل فى استقرار تاريخ الكنانة الحافل كان حتماً على المغنى أن يصدق :

(مصر مسامحة.. مصر مسامحة

زى النسمة وزى القمحة..)

وفى تسحيرة (على جبل لبنان) تمتزج أصوات التكوينات والتشكيلات التى يرسم امتزاجها صورة لبنان (صوت فيروز - سطور «النبى» لجبران - غناء وديع - سناء محيدلى مع سهى ودلال وعطاء - جبال الأرز).

بلهجتها: (هور يا بو الهوارة.. دبرها وليها دبارة

عندك نسمة من لبنان.. تطمئن قلب الحيارى)

وينتشى المؤدى فيطلق مواله الطويل من عقاله:

(على جبل لبنان بحرين وداد وحنان

ليهم قوام فتان عاشق يا ميس الريم

صيدا وبعيدا كمان

ويرتفع صوت الجنوب والشهداء ودرس لبنان المقاوم.

وفى تسحيرة (ابن بطوطة) الرحالة، يسيح المسحراتى فى البلاد العربية
فاتحاً كتاب التواريخ:

(مسحراتى العرب

ومعايا مخطوطة

جـدى نقلها الى

من ابن بطوطة

بالملى مـظـبـوطـة

أمشى على قدمى

من طنـجـة للـفـوطـة)

والولوج إلى تاريخ الأمة يبعث على الإتيان بالحكمة، فالذاكرة تضيف
للإنسان أعماراً على عمره، فتجلى المغنى الحكيم: (طبـطـب على كتف
الدنيا ح ينعدل حالها ف ثانية).

وفى تسحيرة (أضحى التائى) يلقى شاعرنا (المسحراتى) الضوء على
أصل الأنواع الشعرية الشعبية العربية :

مسحراتى العرب

حافظ بحور شعـرنا

مهد القصايد هنا

واسـمـع لأهل النبط

واهـتـزـلـمـواوـيل
ومـوشـحـالأنـدلـس
أبوـحـسـحـلوأصـيل
لماالجـيـوشانطفت
نورلناالقناديل
أضـحـىالتنائىلما
بعـدالتـدانى..بديل

ثم يعرّج المسحراتى على بحور الشعر وعلماء اللغة والشعراء (الأصمعى .
جميل بثينة . النابغة . البحتري . عنتره . زهير . أبو نواس . الشنفرى .
الفراهيدى . الخنساء . الأصفهاني . الشابي . جرير . شوقي).

ويهرع المغنى بعدها لإنشاد أهزوجة الوحدة فى (حلب . البحرين . الكويت
ـ الفاو . الصعيد . بيروت . السودان . الجليل . الجزائر . بنزرت . مكناس .
دبى . اليمن . جيبوتى . قطر . وهران . سرت).

وفى تسحيرة (صحيح البخارى) يخرج من الدائرة العربية إلى أحضان
الدائرة الإسلامية الكبرى بوحى من صحيح البخارى الذى احتشد خلفه كل
المسلمين فى المشارق والمغارب، ففى " الصحيح " روى البخارى عن النبى
العدنان كل ما يشفى القلوب والنفوس والعقول، ليؤكد الشاعر فى هذه
التسحيرة عمق رؤيته التى تنطلق من وتد الخيمة (مصر) لتقرش بساطها
على مشروعه العربى الإسلامى.

أما تسحيرة (يا مريم العذراء) فتمثل المعادل الرمضى (الدينى والقومى
والجمالى لقدس فلسطين مهد المسيح ومسرى طه (ص)، ونرى الانتفاضة

والشهداء يمشون فى طريق الآلام، وفى القصيدة يتناص القرآن والإنجيل
مع الموروث الدينى الإسلامى والمسيحى:

«إذ قالت الملائكة يا مريم إن الله اصطفاك وطهرك واصطفاك على
نساء العالمين ..»

(قرآن كريم وعظيم، وآياته تتصفنى

وبحب تدعيلى، مريم بتحكى لى..)

وفى قصيدة تسحيرة (يوسف شاهين / للفن) يقول الشاعر:

(يوسف شاهين.. للفن

صرخ وقال: أكشن

والكاميرا من زواياه

دايرة تقول وياه)

وتنتشر فى التسحيرة أعمال يوسف شاهين السينمائية وجوائزه ويختتمها
الشاعر بغنوة (سكوت ها نصور).

وتمثل هذه القصيدة بالتحديد الخروج الوحيد عن النسق الذى اختاره
جمال بخيت لنفسه فى تمحيراته الدينية العروبية التى اختطها مسحراتى
العرب لنفسه وإذا كانت بعض القصائد قد خرجت عن المعنى المباشر لفن
(القومة) وتخطته لمفهوم قيام الهمة، وقومة الوعى، انطلاقاً من فهم أن
الوطنية ليست التغنى بالوطن، بل هى العلم بالوطن، من خلال ربط
الأسباب بالأوتاد وإعادة رسم لوحات التاريخ القريب والبعيد، ومن ثم كان
اندهاشى كبيراً حينما رأيت الشاعر يخضع هذه القصيدة لقالب التسحيرة
الذى تعب كثيراً فى تشييد معماره، وهذا رأى من جانبى ليس له علاقة
بجمال القصيدة، بل مدى ملاءمتها للشكل الفنى الذى ارتضاه، وارتضيانه
معه.

أما قصيدة تسحيرة (القلب ف الإمارات) يمضى شاعرنا فى طريقه وعلى طريقته فى تزويج المدن العربية لبعضها، وعقد قران عواصم المشرق العربى بالمغرب، منطلقاً من نقطة جغرافية جديدة كعادته وهذه النقطة هنا هى الإمارات، وبنفس طريقته التى صارت بصمة رئيسية فى تجربته. يستلهم جمال بخيت. موروث المكان . محطة الانطلاق . فى اللهجة والعادات والتقاليد وأسماء الأماكن: أغنية النهام، (والنهام هو مغنى صيد اللؤلؤ).

بنت الورع والتقى
خارجة من الشرنقة
وعيونها متشعلقة
على دنيا متحققة

مع لمة الرولة (والرولة شجرة ضخمة بالشارقة).

وفى ختام قصائده تأتى تسحيرة (ف اسكندرية وحلب) لتستلهم التاريخ القديم والحديث وعلاقة اللحمة الطبيعية بين مصر وسوريا، منذ صلاح الدين وحتى حرب رمضان، فيطوف المسحراتى بالمدن المصرية والسورية وأنهار الشام ومصر، وما أجمل قوله:

بانده لسوريا ومصر
على سبيل الحصر
لو يجتمع شملهم
يبقى تالتهم نصر

❖❖ جمال بخيت - إذن - نراه شاعراً منشداً، وأحياناً مؤدياً، لكنه - فى كل الأوقات - مغنياً للأوطان، ربما أنفق جهداً كبيراً فى هذه التجربة ليقيمها على أعمدة وبناء جديد، غير مسبوق، وربما - أيضاً - أضرت التجربة واحدية البناء، لكننا، فى كل الأحوال أمام مسحراتى العرب جمال بخيت الذى يعرف معنى التسحير كفرض عين على كل قادر، ويعنى - أيضاً - معنى أن يكون عربياً، والأهم من ذلك أن التجربة أمتعتنا، وتلك أهم شروط الفن، وجعلتنا نوقن أن كل شئ يصلح للغناء، حتى البكاء.

الديوان الرابع

مسحراتى العرب

الجزء الثانى

مقدمة

في الجزء الاول من « مسحراتي العرب » والصادر في عام ٢٠٠٢ عن الهيئة العامة للكتاب.. نشرت عشر ليالٍ وكتبت في المقدمة: « ان كان في العمر بقية.. وان كان في الشعر مدد.. تقابلنا سويا على مقدمة ديوان يحمل بين طياته ما ثقل على تفكيرنا وتسجيرنا. ديوان.. في ثلاثين ليلة كرمضان مكتمل.. أسميه مقدما.. ان شاء الواحد القهار. مسحراتي العرب ايضا.. اتلوه بصوتى بين المحيط والخليج.. أصحاب فيه الرسول والعذراء.. وفلسطين والشهداء.. واسعى مع هاجر بين صفا الوطن ومروته. »
وها هو الجزء الثانى من مسحراتي العرب وفيه عشر ليالٍ جديدة.. مكتوبة بيد القابضين على الجمر.. من المؤمنين بدولة الوحدة العربية.
اذن.. فهذه عشرون ليلة في انتظار المدد.
ومرة ثانية: ان كان في العمر بقية.. وان كان في الشعر مدد.. تقابلنا سويا على مقدمة ديوان في ثلاثين ليلة كرمضان مكتمل.. اسماء علام الغيوب.. « مسحراتي العرب ».

جمال بخيت

ذو القعدة ١٤٢٩ هجرية

نوفمبر ٢٠٠٨ ميلادية

بغداد وجماليها

مسحراتى العروبة
 حس الجبال والبوادي
 حادى الجمال للخصوبة
 نويت أسحرً بلادى
 مهد النبوة ف ضميرى
 نور الحضارة ف مصيرى
 ومسيرى أوصل مسيرى
 أو يوصلولى ولادى
 نويت أسحرً صباحى
 أهلى وبيتى وبراحى
 واصحى حتى اللى صاحى
 يارب نور فؤادى
 رمضان جمعنى بصوتى
 وصلاتى رفضت سكوتى
 يا فرقة لازم تموتى
 يا حسى لازم تنادى
 الله اكبر الله اكبر
 لا اله إلا الله

المؤدى:

مسحراتي العرب
من قلبى بدعيها
بغداد وجمايها
صحبة زهور عشتار
ما اقدرش ابدلها
مايل على ميلها
اشرب مواويلها
اشرب .. واغازلها
اطلب خلود ودها
تغزلنى واغزلها
وأهز ف نخيلها
تسقط ف حجرى النجوم
تشدو ..
أغني لها ..
صحبة زهور عشتار
ما اقدرش ابدلها
ما اعرفش نور الشعر
لولا خيال ليلها
من لحنها الموصلى

لرشيد قناديلها
من دجلة أو م الفرات
جانى نسيم نيلها
سلسال من العباس
عاشق صهيل خيلها
بغداد شعور لؤلؤة
وانا كلى شوق .. للقا
وحنين .. لتريلها
رمش الحنين .. ارتجف
انا بوست ايد النجف
وجميل شمايلها
من ام قصر .. بشوق
جاياالى نسمة ضوء
شايلة رسايلها
ليلى المريضة هناك
قالت باحب نداك
من قلبى قولت لها :
انا باحب العراق
وباعشق الحلاج
انا باحب العراق
وباكره الحجاج

المنشد:

مبروك عليكو النهار
ياللى انتو صايمينه
مبروك عليكو الليل
ياللى انتو قايمينه
مبروك عليكو الشهر
رحمة وعبادة وشفاء
وفتح بالمعرفة
من العلى العظيم

المغنى:

يا نيران الظلم الدوامة
خليكى بردا وسلاما
البصرة هاتخرج م الحسرة
وهاترفع للنصر علامة

موال الحب صبا عراقى
بينور أرضى وسمائى
لو يوم ودّع بكرة يلاقى
أجبالنا .. مرفوعة الهامة

" يافالوجه " يا زينة اراضينا
 " النجف الاشرف " يهدينا
 أما " العَمارة " بتشجينا
 ويتنطق بفداء وكرامة

وحياة " الحلة " وأشواقها
 أشلائي هاتجَمع أشلائها
 يفرحوا شهدائي بشهدائها
 ولا يبقى ف اولادنا يتامى

المؤدى:

مدد يا سيدنا الحسين

يا سيد الشهداء

مدد يا سيدنا العراق

يا سيد النهرين

الرافدين دمعتي

ع القلب والحدين

وف كربلاء صرختي

بتنادى ع الخلفاء

فين ف القلوب .. معتصم

أوف الفدا .. أسماء

فين ف الكرم .. حاتمى
أو ف النظر .. زرقاء
فين ف الحروب .. عنتره
أو ف المدين بترء
فين ف العشيرة .. مضر
أو ف الحضر .. شهباء
فين ف الليالى .. سهيل
وبراقي ف الاسراء
من بدر ف الغزوات
صاعد لأعلى سماء
مدد يا شمس العرب
مدد .. مدد يا عراق
سيفك يا سيف الدول
متنبى ف الشعراء
نور حروف اللغة
من الألف .. للياء
يا كوفة يا ساهرة
فى بدر سامراء
صاحبى ف ليلك .. علي

أحكم من الحكماء
والموصلى .. واصلى
مع واصل ابن عطاء
اصحاب حنين .. عائلى
اخوان صفا .. وصفاء
صاحبى ف ليلك ولي
جاحظ .. بلا بخلاء
حلاج .. برغم العفر
صاحب شموع وبهاء
وبساط خيال ف السفر
للرازى .. ف العلماء
يا كوفة يا ساهرة
فى بدر .. سامراء
صاحبى ف ليلك نبى
أمة ايمان .. وضياء
مدد يا سيدنا ابراهيم
والأنبيا أبناء
مدد يا سيف الدول
مدد .. مدد يا عراق

سهم المقاومة انتفض

يعلو على العليا

ياما مغول انتهوا

ياما عبرت وباء

ياما تثار .. انطفوا

ياما فنيت أعداء

الختام:

أنا باغنى يا مؤمنين

غنوة محبة لكل دين

الإنسانية قالت أمين

يارب جمعاً موحدين

إياك نعبد ونستعين

بُساطنا سحري

مسحراتي العروبة
حس الجبال والبوادي
حادي الجمال للخصوبة
نويت أسحرً بلادى
مهد النبوة ف ضميرى
نور الحضارة ف مصيرى
ومسيرى أوصل مسيرى
أو يوصلولى ولادى
نويت أسحرً صباحى
أهلى وبيتى وبراى
واصحى حتى اللى صاحى
يارب نورَ فؤادى
رمضان جمعنى بصوتى
وصلاتى رفضت سكوتى
يا فرقة لازم تموتى
يا حسى لازم تنادى
الله اكبر الله اكبر
لا اله إلا الله

المؤدى:

مسحراتي العرب

وزادى

من شهرزادى

قالتلى : اسمع كلام فؤادى

وتعالى ياللا نتلم عيلة

على ألف ليلة

وألف بحر

خيال وسحر

وسندباد

وملوك وسحرة وسيافين

وكنوز وجن

وصيادين

وقلب يخرج من الشمال

علشان يدقدق على اليمين

عفريت ف قمقم

بخور ونار

وجوارى ترقص لشهريار

وجوارى تانية حواليه جلوس

وفقير يكمل عشاءه ف نومه
يطلع له مارد من الفانوس
يقوله : أمرك ..
سمعاً وطاعة
وساعتها ينسى فضل القناعة
شوف البراعة
لما نعالج بالفن خوفنا
من الخيانة
ولما نجعل عفاريت خيالنا
تلعب معانا
يا شهرزادنا .. يا شهرزادنا
اجمل مسلسل مكتوب بإيدنا
اجمل رواية
ونسج درامى
يجمع دموعى على ابتسامى
على بابا سرق اربعين حرامى
على بابا واحد من الغلابة
سرق فلوسهم
من العصاة !!

دى تبقى دنيا .. دى .. ولا غابة

دى جريمة ولا

دا أمر عادى ؟!

إيه الحكاية يا شهرزادى ؟!

قالتلى : حاول تفهم مرادى

سر الحكاية مش ف الفلوس

ولا الجواهر ولا الياقوت

سر الحكاية " افتح ياسمسم "

هيه اللى صبحت

ف ايديك

" ريموت "

العلم هو طفل الخيال

يكبر ف قلبك

تعمر بيوت

العقل يخرج من التابوت

من بعد علم وخيال ومادنة

ليه اتراجعنا ؟!

وليه كسدنا ؟!

وليه رجعنا .. وغيرنا سادنا ؟!

واما زرعنا ..
ليه اتحصدنا ؟!
لو كُنَّا بعد الخيال أجدنا
كنا وجدنا
زمن انتصارنا
مع شهریارنا
وخذنا زادنا
من شهرزادنا

المنشد :

مبروك عليكو النهار
ياللى انتو صايمينه
مبروك عليكو الليل
ياللى انتو قايمينه
مبروك عليكو الشهر
رحمة وعبادة وشفاء
وفتح بالمعرفة
من العلى العظيم

الغنى:

جيران وعشرة .. أصحاب وعيلة
شايلين حمولنا مع بعض شيلة
نعدي بيها بحر الزمان
نفرد خيالنا شرع أمان
ولما نوصل شط الحنان
نغني صحبة : هिला هिला هिला
ونقضي ليلة بألف ليلة

يا سندبادي .. يا سندبادي
صديقي بادي وعدوي بادي
بس الطلاسم واقفين قصادي
تعالى نبداً من الليلة دي
بنفس راضية وقلب راضي
نفتح لنور الأمل بيبان
ولما نوصل شط الحنان
نغني صحبة : هिला هिला هिला
ونقضي ليلة بألف ليلة

سألنا مرة مشكاح وريما
قالوا : اخترعنا، وناس لثيمة
خدوا بنورتنا .. سموها سيما
ولإمتي نفضل يا قلوب حكيمة

توجعنا خبطة ونقول سليمة
قوموا بينا نسبق قبل الأوان
ولما نوصل شط الحنان
نغني صحبة : هिला هिला هिला
ونقضّي ليلة بألف ليلة

المؤدى:

بساطنا سحرى
افرد بساطك
وابدأ ف درب الحياة
نشاطك
واعرف حبيبك
من اللى شاطك
وخذ خيالك .. وقال بتاعه
وعاد وباعلك من اختراع
افكار تجارته .. داخل متاعه
تشوف بعينه ..
تسمع .. سماعه
وكأن قلبك من ابتداعه
من تحت رجلك صاحب بساط
مع ان جدك صاحب بساط

وقف وقال له يطير .. ف طار

وقال له انزل ..

سمع كلامه

نزل وحط على سطح بيته

كان سطح بيته

أول مطار

الختام:

أنا باغنى يا مؤمنين

غنوة محبة لكل دين

الإنسانية قالت أمين

يارب جمعاً موحدين

إياك نعبد ونستعين

نور الأئمة

مسحراتى العروبة
حس الجبال والبوادى
حادى الجمال للخصوبة
نويت أسحر بلادى
مهد النبوة ف ضميرى
نور الحضارة ف مصيرى
ومسيرى أوصل مسيرى
أو يوصلولى ولادى
نويت أسحر صباحى
أهلى وبيتى وبراحى
واصحى حتى اللى صاحى
يارب نور فؤادى
رمضان جمعنى بصوتى
وصلاتى رفضت سكوتى
يا فرقة لازم تموتى
يا حسى لازم تنادى
الله اكبر الله اكبر
لا اله إلا الله

المؤدى:

مسحراتي العرب
ماشى ف طريق ممتد
اسمه الحنين للغد
مهما المحن تشتد
مهما النهار اسود
لو سهم عدل ارتجف
أو سهم حق .. ارتد
اسلامنا ثورة بجد
طاقة مدد .. للمد
تزرع كرامة عمر
فى قلب بانى السد
اسلامنا ثورة بجد
ولا الغنى .. بالمال
ولا الفدا .. اقوال
والعزة .. بالاهوال
مش بالدموع الخد
اسلامنا ثورة بجد

باسم الضمير تتحكى
بالحنفي والحنبلي
والشافعي والمالكي
العقل لما اهتدى
صنم الخرافة انهد
آدى سبيل ربنا
للاجتهاد والكد
الرحمة للى عصى
من غير جدل ولا صد
بالود والمغفرة
تهدى قلوب كافرة
الوحدانية هدف
بس الطرق تتعد
زرعوا الأئمة شجر
أصل وفروع تمتد
كبر السؤال أو صغر
تلقي الجواب ع القد
يادنيا عندى الرد

مهما هاتشبيكي
بالحنفي والحنبلي
والشافعي والمالكي
نور الائمة .. جهاد
في مكة أو بغداد
وف مصر وف يثرب
ف القدس والمغرب
نُور العدالة .. إمام
صابر على الايام
لا ينحنى للغير
يحنو على اليتام
ناطق بكلمة حق
الآه ف وقت الآه
واللأ ف وقت اللأ ..
لو ميت جبل ينشق
ما ارجعش عن كلمتي
ما ارجعش عن وقفتي
في وجه كل طاغوت
العدل هو العدل

حتى ف طريق الموت
يا أمة الشهداء
مايهمكيش جبروت
الحق لو كان جمر
بالجمر ..
إستمسكى ..
بالحنفي والحنبلي
والشافعي والمالكي

النشيد:

مبروك عليكو النهار
ياللى انتو صايمينه
مبروك عليكو الليل
ياللى انتو قاييمينه
مبروك عليكو الشهر
رحمة وعبادة وشفاء
وفتح بالمعرفة
من العلى العظيم
المغنى:

منك وإليك .. وتُكالى عليك
انت اللى حاميني ف كل طريق
ياكريم ياغفور .. ارزقني بنور
وبكلمة حق .. وقلب جرىء

نور الاسلام .. حق الايتام
حق الضعفاء .. ياخدوه بسلام
حق المظلوم .. أولى من الصوم
وقيامة تقوم .. ولا ظلم برىء
منك وإليك .. وتُكالى عليك
انت اللى حاميني ف كل طريق

مع أى براح .. انا طير صَدَّاح
دا العبد شقي .. والحُر ارتاح
وحماية الناس .. مش بالحراس
الشورى اساس .. بالعدل تحيىء
منك وإليك .. وتُكالى عليك
انت اللى حاميني ف كل طريق

المؤدى:

نور الائمة
قد المهمة
احساس وهمة
وقلوب شريفة
العقل راية
والعدل غاية
والشافعي يسمع
لابو حنيفة
عرق جيني
يحفظ لي ديني
لسنا عبيداً
عند الوظيفة
والحق أولى
ف كل دولة
وليس منحة
من الخليفة
الختام:

أنا باغنى يا مؤمنين
غنوة محبة لكل دين
الإنسانية قالت أمين
يارب جمعاً موحدين
إياك نعبد ونستعين

مليون شهيد

مسحراتي العروبة
حس الجبال والبوادي
حادي الجمال للخصوبة
نويت أسحرً بلادى
مهد النبوة ف ضميرى
نور الحضارة ف مصيرى
ومسيرى أوصل مسيرى
أو يوصلولى ولادى
نويت أسحرً صباحى
أهلى وبيتى وبراى
واصحى حتى اللى صاحى
يارب نور فؤادى
رمضان جمعنى بصوتى
وصلاتى رفضت سكوتى
يا فرقة لازم تموتى
يا حسى لازم تنادى
الله اكبر الله اكبر
لا اله إلا الله

المؤدى:

مسحراتى العرب
حالف لابوس الايد
مليون شهيد وشهيد
هية الجزائر بعيد ؟!
ولا احنا مش فاكرين ؟!
مليون قدر وبقين
افواج ورا افواج
اطهر من الحُجَّاج
ساعين ف ليل الوطن
أعواد من الرياحين
اجمل من التغريد
هية الجزائر بعيد ؟!
ولا احنا مش فاكرين ؟!
مليون ونص وشهيد
لموا سنين عمرهم
وادوها لوطنهم
للخُضرة والرملة
والتضحية الكاملة
قالوا الرحيل للوطن

يولد آيات شاملة
يولد ايدين عاملة
ينسج خيوط حلمنا
يهدينا عمر جديد
هية الجزائر بعيد ؟!
ولا احنا مش فاكرين ؟!
غنوتها ساقية حنين
بتلف تسقى البلاد
على الشمال واليمين
ثورتها فينا تدوب
ما فيهاش رضا ايوب
توصل لكل الشعوب
بسحر صوتها وسكوتها
وبأسها ف الحروب
ونُطقها للشهادة
ونبضها ف القلوب
وشموس تحاوط نهارها
ما يدوقش طعمه الغروب
يتهنى بيه المرید
هية الجزائر بعيد ؟!

دى خطوتين م الدار
وخطوة واحدة بس
من بيت عُمر .. مختار
ليبي العروق والدم
شهيد وسيرته أتم
من سيرة الانسان
ف الصحرا قادر يشوف
نور النقط ع الحروف
ف الريح تطيب الجراح
والروح تشيلها الكفوف
تفدي ابتسامة وليد
هية الجزاير بعيد ؟!
دى خطوتين م الدار
وخطوة واحدة بس
من بيت عُمر .. مختار
ليبي الحنان والخيال
طالب حدود الكمال
يرعى النسائم ف ارضه
يسقيها نبع الجمال
تفديه عيون الرجال

عمره اللي سال ع الرمال
زرع النشيد ف الجبال
القلب حفظ النشيد
هيه الجزاير بعيد ؟!
من دنشواي ..
زهران ..

يحضر إلى وهران
يلقى الجهاد سهران
في حلم شايب عنيد
هيه الجزاير بعيد ؟!
دي بتسرى جوه العروق
تندهلي .. أشرق .. شروق
احيا .. وأعشق .. وادوق
طعم الحياة ف الوريد
هية الجزاير بعيد ؟!
انا املك إيه ف الضماير
إلا عيون الجزاير
هيه اللي نامت وصحيت
على حلم ملهم وثاير

المنشد :

مبروك عليكو النهار
ياللى انتو صايمينه
مبروك عليكو الليل
ياللى انتو قايمينه
مبروك عليكو الشهر
رحمة وعبادة وشفا
وفتح بالمعرفة
من العلى العظيم

الغنى :

جـاـيـة الجـزـاير جـاـيـة
وردة ف ارضى العـربـيـة
جى نهـارها وليـاليـها
عـدل وحب وحرية
جـاـيـة الجـزـاير أوراق
مكتوبة بدم العـشـاق
وبتـحـكى بأجـمل اشـواق
عن تـواـريـخنا الثـوـرية

جـاـيـة الجـزـاير بالحب
بالحرية .. نخطى الصـعب

اسم شهيدها جوه القلب
رافض ذل العـبـودية

جـاـية الأيـام يا وهران
يا آية صنعها الرحمن
نتلاقى ف حـضـن الاوطان
ويا نسيم الفـجـرية

جـاـية يا قـسـنطـينة رجال
وكفوفهم من صخر جبال
أجـيـالهم عطر الأجيال
شـايـلاهم جـوه عـيـنـيا
جـاـية الجـزـاير مـواعـيد
بين الفرح وبين العـيـد
الإيد تتـحـط على الإيد
نتوحد يا جـزـايرية

جـاـية الجـزـاير أنوار
من غير قـضـبان ولا أسوار
جـنة بـتـضم الأحرار
أبطال الأمـة الحـيـة

المؤدى:

لو الوطن كلمة بتتحب
ونورها طارح جوه القلب
تبقى الجزائر كلمتنا
لو الوطن نسمة بتتحس
وهية حلم العمر وبس
تبقى الجزائر نسمتنا
لو الوطن احساس وشعور
بيغنى مرة .. ومرة يثور
تبقى الجزائر نور على نور
وتبقى وردة عروبتنا

الختام:

أنا باغنى يا مؤمنين
غنوة محبة لكل دين
الإنسانية قالت أمين
يارب جمعنا موحدين
إياك نعبد ونستعين

* * *

مسحراتي العرب .. وغيرهم

مسحراتي العروبة
حس الجبال والبوادي
حادي الجمال للخصوبة
نويت أسحر بلادى
مهد النبوة ف ضميرى
نور الحضارة ف مصيرى
ومسيرى أوصل مسيرى
أو يوصلولى ولادى
نويت أسحر صباحى
أهلى وبيتى وبراحى
واصحى حتى اللى صاحى
يارب نور فؤادى
رمضان جمعنى بصوتى
وصلاتى رفضت سكوتى
يافرقة لازم تموتى
يا حسى لازم تنادى
الله اكبر الله اكبر
لا اله إلا الله

المؤدى:

مسحراتى العرب .. وغيرهم
 كل اللى كانوا حافظين ضميرهم
 الدنيا مهما تعند معاهم
 ترجع وتمشى على خط سيرهم
 ف الصبح كانوا شمس عيونى
 والمغربية بينورونى
 وف عز ليلى ..
 وانا المسحر ..
 كانوا بقلوبهم يسحرونى
 كانوا ف عمرى نهر العذوبة
 وف كل مسكن بنولى طوبة
 مع ان شوقهم .. ماكانش عربى
 ولامرة داقوا
 طعم العروبة
 إسلامنا رحمة وانسانية
 على مودة على صدق نية
 وابن حوا .. وابن آدم
 هو شقيقى .. ف الدنيا دية

مين اللي قال ان " بوذا " عاصى
وولاد ولاده بالمليارات
مين اللي قال ان قلبى وحده
هو اللي ماشى على الصراط
صاحبت " غاندى "
وحلمت حلمه
وشربت منه احلى الصفات
لبست توبه وغزلت غزله
وقعدت جنبه على البساط
نادانى " نهرو " .. اسبح ف نهره
وانا عزمته على الفرات
وهناك ضحكنا مع " شارلى شابلن "
وكنا غاية فى الانبساط
" جارودى " قابلنا
ع النهر ذاته
وقرانا " جوته "
شعر اللي فاتوا
" طاغور " عزمنا على حياته
ناخد وندى

بلا اشتراط

خلوا قلوبكو .. داخل رءوسكو

والحكمة دايما تحرس نفوسكو

" بوشكين " دعانا لحد موسكو

سمّعنا شعره ف الشقراوات

الحب عذرى

و " افلاطونى "

علمنى احبس جميع ظنونى

وافدى الحبايب بنور عيونى

ولا اسيب عيونى .. للاغراءات

" مولير " دعانا

عشقنا ناسه

وشربنا طعم الحياة ف كاسه

ظهر " دافنشى " .. وظهر " بيكاسو "

ألوان جميلة .. ف الاختلاط

ألوان جميلة والكل يحضر

بلجيكي ابيض أو صينى اصفر

برازيلى بنى .. بضحكة سكر

" بيليه " بهرنى ..

ساعة ماشاط
وف الرياضة .. وف الصناعة
والطب طبعا .. وف الزراعة
للعلم قولنا ..
سمعاً وطاعة ..
من الفلوكة .. للعبّارات
قرأت آية " إقرأ " لغاية
مالقيت ضميري ف العلم فايت
" عباس " بعتنى
" للاخوة رايت "
و " الاخوة رايت " .. للطيارات
بلاد تروحلى .. وبلاد أجيلها
عالمها دايم .. يغلب جاهلها
" الفيمتوثانية " ندهت " زويلها "
خُدم المحبة .. مليون قيراط
شوفى الاشعة ياست " كورى "
هاتلاقى قلبى
ماين سطورى

" اديسون " ينور

مصباح شعوري

الله اكبر ع الاشراقات

صحصح دماغك لو كنت عايز

مش بس " نوبل " ولا الجوايز

العلم دايمًا هو اللي فايز

صاحب جلالة .. جوة البلاط

المنشد :

مبروك عليكو النهار

ياللى انتو صايمينه

مبروك عليكو الليل

ياللى انتو قايمينه

مبروك عليكو الشهر

رحمة وعبادة وشفاء

وفتح بالمعرفة

من العلى العظيم

الغنى:

البشر جوة البيوت..
والطيور فوقنا تفوت..
والسمك سابح ف بحرہ..
والشجر فوق الشطوط..
كلنا ف الكون حبايب..
كلنا ف الكون صحاب..

القمر م الشمس نوره.. واحنا بكرة رح نزوره
والمطر نازل علينا.. كلنا عارفين شعوره
واما تتفتح زهوره.. نعشقه من غير شروط
كلنا ف الكون حبايب..
كلنا ف الكون صحاب..

يا حبيبي تعالى جنبي.. دانت نبضك جوة قلبي
دوبته فيك أو دوبت فيا.. شئ طبيعي وليه نخبي
قول باحبك قول يا حبي.. واوعى تغرق ف السكوت
كلنا ف الكون حبايب..
كلنا ف الكون صحاب..

المؤدى:

الحب عامل ع الغل غارة
علشان يعود الربيع .. منارة
الحق يعلا بالانسانية
والمر يشفى من المرارة
" موتسارت " يشعر .. بالسيمفونية
" نكروما " ياخذ بإيد " جيفارا "
" ماركيز " يقابل " راسل " و " تيتو "
ويقولوا جمعا : ان الحضارة

م الفكر حبة

م الشعر حبة

والباقي ثورة

لو بالحجارة

الختام:

أنا باغنى يا مؤمنين

غنوة محبة لكل دين

الإنسانية قالت أمين

يارب جمعا موحدين

إياك نعبد ونستعين

حواء

مسحراتي العروبة
حس الجبال والبوادي
حادي الجمال للخصوبة
نويت أسحرّ بلادي
مهد النبوة ف ضميري
نور الحضارة ف مصيري
ومسيري أوصل مسيري
أو يوصلولي ولادي
نويت أسحرّ صباحي
أهلي وبيتي وبراحي
واصحّي حتى اللي صاحي
يارب نور فؤادي
رمضان جمعني بصوتي
وصلاتي رفضت سكوتي
يا فرقة لازم تموتي
يا حسي لازم تنادي
الله اكبر الله اكبر
لا اله إلا الله

المؤدى:

مسحراتى العرب

واحنا معاه ماشيين

ينده نقولّه آمين

حواء ف قلب اليقين

شهيدة ف الاسلام

وأم للمؤمنين

صابرة وإيمانها ماليتها

صاحبة مكانة وفقية

وشاعرة .. بحنين

خديجة من آمنت

وعائشة أيقنت

وفاطمة الزهراء

وحليمة والشيما

وها هى اسماء

ابوها ويّا النبي

فى هجرته لله ..

تسعى إليه .. وإليه

تنده بحب عليه
جاييه الطعام والماء
فى وحشة الصحراء
وها هى اسماء
شقت حنانها اتنين
ابو بكر أب حنون
شايلاله نور العين
اما النبى ف الروح
فوق السما شايفاه
سر الوجود ..
أعلاه ..

سبحانه من أرسله
رحمة وعطاء وحياة

ابو بكر أب حنون
اما النبى ف الكون
يعدل ميزان مولاه
خديجة من آمنت

وعائشة إيقنت
وفاطمة الزهراء
وحليمة والشيما
وها هي الخنساء
تبكى على صخرها
أخوها
طول عمرها
تهدى إليه شعرها
وتنوح سنين وسنين
شابت مع الاعوام
قالت مع الالهام
في الجاهليه البكا .. والنوح ..
وف الاسلام
الفرحة للشهداء
والحب والاكرام
لحقت رايات الحق
مرفوعة باسم الله
أولادها ف المعركة
وقلبها للنبي

تسعى إليه وإليه
تنده بحب عليه
استشهدوا الأولاد
قالت شهادتهم
فيها سلامتهم
مبروك سلامة النبي
فوق السما شايقاه
سر الوجود ..
اعلاه
سبحانه من أرسله
رحمة وعطاء وحياة
الابن ابن حنون
اما النبي ف الكون
يعدل ميزان مولاه
خديجة من آمنت
وعائشة إيقنت
وفاطمة الزهراء
وحليمة والشيمااء

المنشد:

مبروك عليكو النهار
ياللى انتو صايمينه
مبروك عليكو الليل
ياللى انتو قايمينه
مبروك عليكو الشهر
رحمة وعبادة وشفاف
وفتح بالمعرفة
من العلى العظيم

المغنى:

طول عمر حوا
ف القلب جـوة
حنان وقـوة
إحساس وشهد

احضان تضم .. والخير يعم
أمة وأم .. توعدنا وعد
بأحلى نزهة .. ممكن نعوزها
جمالها أزهى .. من أحلى ورد

ف الحب .. أولى .. ملكة .. ورسولة
واخدة البطولة .. ف كل مجد
تقدر تعدى .. من التحدى
مخلوقة تدى .. أمل .. بجد

صابرة وشهيدة .. حرة وعنيدة
ساعة المكيدة .. تعرف ترد
بألف صفقة .. على أى أفعى
للشر دافعة .. ملايين .. تُعد

إيمانها صافى .. وخيالها دافى
وحنانها وافى .. ما يخلى برد
أنا جنينها .. ووجودى منها
أبوس جبينها .. بكل ود

المؤدى:

قومى اخرجى من الكهف

قومى افرحى بالوعد

راحت سنين الوأد

يا امنا الحرة

يا زوجة يا ابنة

يا أخت يا حبيبة
يا مدرسة عليا
وسفيرة وطيبة ..
هذا نبي الاحرار
يهدى البشر .. ويؤم
ويقول لمن يسأله
الأم .. ثم الأم
رفقا بمن احسنت
خديجة قد آمنت
وعائشة أيقنت
وفاطمة الزهراء
وحليمة والشيمااء

الختام:

أنا باغنى يا مؤمنين
غنوة محبة لكل دين
الإنسانية قالت أمين
يارب جمعنا موحدين
إياك نعبد ونستعين

بالل

مسحراتي العروبة
حس الجبال والبوادي
حادي الجمال للخصوبة
نويت أسحرً بلادى
مهد النبوة ف ضميرى
نور الحضارة ف مصيرى
ومسيرى أوصل مسيرى
أو يوصلولى ولادى
نويت أسحرً صباحى
أهلى وبيتى وبراحى
واصحى حتى اللى صاحى
يارب نور فؤادى
رمضان جمعنى بصوتى
وصلاتى رفضت سكوتى
يا فرقة لازم تموتى
يا حسى لازم تنادى
الله اكبر الله اكبر
لا اله إلا الله

المؤدى:

مسحراتى العرب

ف السما موال

بينادى حقيقة ف شكل خيال

ما أجمل طعم الامنية

لما تكون الامنية حلال

صوتك يا بلال

واصل للكون

الناس بالتقوى

ومش باللون

ولا دين ولا جنس يفرقنا

ولا جاه ولا عنصر ولا تمييز

الوردة خلقها اللى خلقنا

سبحانه رب كريم وعزيز

صوتك يا بلال

يا أذان الحق

صوتك بيعدى من الاهوال

حسك متحرر م الزنازين

يسمعه احساس مسلم ف الصين
تسمعه بغداد
تسمعه حطين
يسمعه مولانا جلال الدين
وجمال الدين الافغانى
وصلاح الدين
تسمعه ارواح افواج داخلين
باب العبادات
صوتك يا بلال
بيحطم اصنام الغفلة
ويقيم صلوات
بيطبطب على قرية فقيرة على حدود الهند
وبمدد الاسماء الحسنى
بيطمن طفلة مذعورة ف ليل البوسنة
وبيسهر مع طالب علم ف باكستان
ويشرب من مية زمزم
مع حجاج جاين من جاوة ومن وهران
من أمريكا ومن طهران

من أسبانيا ومن أسوان
لَبَّى الكل
وانا لَبَّيت
آدى ماليزيا
وآدى كويت
آدى بُخارى .. وترستان
آدى سومطرة .. وآدى لبنان
آدى طرابلس .. وآدى نيبال
واسمعوا صوت الحبشى بلال
بيكبر ايمان وحياة
وبينقل ميادين النور
من كعبة مكة لحد الروح التايهة ف الملكوت
صوتك أحلى واصدق صوت
نادى البسطاء
نادى الفقراء لعطاء الله
نادى الرُحماء على بعضهم
أصحاب الشدة على الاعداء

الفجر قيام
والضهر صيام
والعصر سلام
والمغرب كله يبتجمع من شرق وغرب
من باب الرحمة
وباب الحب
من باب الحلم
وباب الشوق
سجدوا وقلوبهم باصة لفوق
على أعلى مقام
ومحمد كان ف الحضرة امام
نور الرحمة ونور الاحلام
شهد الحرية .. ومعناها
وطن الاسلام

المنشد:

مبروك عليكو النهار

ياللى انتو صايينه

مبروك عليكو الليل

ياللى انتو قايينه

مبروك عليكو الشهر

رحمة وعبادة وشفاء

وفتح بالمعرفة

من العلى العظيم

المغنى:

باسم الهادي .. لسه بنادي

احلى بلاد للحب .. بلادي

قلبي هالالي .. حسي بلالي

عربي . عربتي .. نوري وزادي

من احساسى ومن وجداني

صوتي يشيل أحلام واغاني

مسلم عربى .. غنايا وطربي

كلمة حق عارفها اداني

قبل ما اصلى .. يصلى فؤادي

باسم الهادي

صوتي أدان .. تكبيرتى صلاه

يوصل آخر الدنيا صداه
من تسابيح .. تقيد مصابيح
ييجي الفجر بأمر الله
قبل ما اصلى .. يصلى فؤادي
باسم الهادي
المؤدى؛

مسحراتي العرب
ف قلبي كل ليلة بلال
وصوته عابر الأجيال
باعثلي من الرضا مكتوب
باعثلي مع الندى مرسال
يصاحبني .. ويشجيني
يطمئنني .. يواسيني
يوصلني .. دروب حنية وطيارة
يفكرني ..
وأنا مانسيتش يا صاحبة
يقولني : بين علي وأبو بكر
آيات الشكر
بتزرع ورد ف الجنة

ولا شيعة ولا سُنة
يانبض القسوة والفُرقة
قلوب العابدين صادقة
ولسه صدقهم بيناً
ولا شيعة ولا سُنة
جميع المؤمنين اخوة
ولينا ف الرسول أُسوة
على الوحدة .. يجمّعنا
ولا شيعة ولا سُنة
الختام:

أنا باغنى يا مؤمنين
غنوة محبة لكل دين
الإنسانية قالت أمين
يارب جمعا موحدين
إياك نعبد ونستعين

حس التلاوة

مسحراتى العروبة
 حس الجبال والبوادي
 حادى الجمال للخصوبة
 نويت أسحر بلادى
 مهد النبوة ف ضميرى
 نور الحضارة ف مصيرى
 ومسيرى أوصل مسيرى
 أو يوصلولى ولادى
 نويت أسحر صباحى
 أهلى وبيتى وبراحى
 واصحى حتى اللى صاحى
 يارب نور فؤادى
 رمضان جمعنى بصوتى
 وصلاتى رفضت سكوتى
 يا فرقة لازم تموتى
 يا حسى لازم تنادى
 الله اكبر الله اكبر
 لا اله إلا الله

المؤدى:

مسحراتي العرب
ترتيلي بيصب ف نيلي
رقة واحساس وحلاوة
وبنيت وزوقت سبيلي
على ندى احلى تلاوة
لسانى باسمع ف الحصرى
بقلبي وبروحى وبصرى
تجويد على فن وتغريد
على شوق
من الحس المصرى
على حنان على مية ورد
على رحمة ف عروقى بتسرى
لسانى باسمع ف الحصرى
وباعيش
على صوته
نعيمى
أبدأ صلاتى وتسليمى
يصاحبنى صوت البهيمى

يباركني حس المتشاوى
يطربني حس الطبلاوى
يصفالى حس الشيخ عمران
صوت عندليب .. ودعاء كروان
ساعة ما يتلو من القرآن
آيات رضا واعجاز وبيان
المثذنة لما ارتفعت
عرفنا ان الشيخ رفعت
بيشد عودها بآدانه
وهيه دايبة ف وجدانه
نور الآيات
لمس العمران
كل الشهور حاوطت رمضان
والحضرة بدأت بالغفران
عبد الصمد
يتلو " الرحمن "
و " النور "
وبعديها " الفرقان "
يأتينا من حلو الترتيل
وكأننا ف حضرة جبريل

احمد ندا يقرأ " الانسان "
الروح تطيب من أوجاعى
ويهل صوت الشعشاعى
يسقيني من نبع " الكوثر "
و " التوبة " ف ضميرنا بتحضر
وأدى مصطفى من بيت سماعين
صب الندى ف روح السامعين
نعلا معاه من دنيا لدين
صوت العرب
يامستمعين
بيذيع تلاوة علي محمود
جدى انتشى
وآخر العنقود
لما ابتدا بسورة " الاخلاص "
و " قل اعوذ برب الناس "
م البسملة بنقول : الله
ونعيدها تانى ف " صدق الله "
إسمع شعيشع واتهنى
على فرع منسوب للجنة

الصيفى .. غَرَد .. والبنا
 لاقينا ف السورة وطننا
 ورأينا ف الروضة مكاننا
 الصيفى .. غَرَد .. والبنا
 لا عرفت امشى ولا استنى
 وبلادى مفتوحة قصادى
 سمعت صوت شيخنا القاضى
 عبدالعظيم زاهر راضى
 واحمد نعينع لو يقرأ
 بالقلب اسمع وانصت له
 ومصطفى غلوش .. راغب
 يقرأ الآيات
 فابتسمت له
 وانا رايع أسحر
 ف بلادهم
 وامد قلبى بمددهم
 ألاقى ناس بتقول : الله
 وألاقينى
 ما اعرفش عددهم

أوصل بصوتي .. لأبعدهم
أقول يامصر المحروسة
دول الولاد .. وانا اسعدهم
ولا حد يعزف أرغولك
ولا حد ف الحق .. يطولك
ولا حد بيكي هايتساوى
على ندى .. احلى .. تلاوة ..

المنشد:

مبروك عليكو النهار
ياللى انتو صايمينه
مبروك عليكو الليل
ياللى انتو قاييمينه
مبروك عليكو الشهر
رحمة وعبادة وشفاف
وفتح بالمعرفة
من العلى العظيم

المغنى:

إقرالى ما تيسّر .. من صفوة البيان
المصحف المُفسّر .. يملانى بالحنان
بين مكة والمدينة .. قرآن يحس بينا
واللى تركه .. تحسّر .. إقرالى ما تيسّر ..

إقرالى من آياتى .. ما يسمو بالعقول
يشفى لى سنين حياتى .. بصلاتى على الرسول
والشمس وما بناها .. نور القرآن تباهى
بنصر نبينا طه .. صنم الاصنام تكسّر
إقرالى ما تيسّر ..

اهدينى بحق " إقرأ " .. احساس يشعر ويفهم
لسان .. ف الحق .. أجراً .. وضمير بالعدل أعلم
اجعل ف العلم جاهى .. وصحح لى اتجاهى
واجعلنى يا إلهى .. لكل جميل .. مُيسّر
إقرالى ما تيسّر ..

المؤدى:

إنتى الخلود .. مهما تروحي
لا بتغرقي .. ولا بتنوحى
الدنيا تختار من صمتك
وبتهمسي لي .. وتبوحى
إنتى الخلود .. وانتي حياتي
ونجاتي .. وسفينة نوحى
بسم الله اسمع تريلك
المولى يهدينى فتوحى
لو الزمان عنك حاشنى
وصوتك الحلو وحشنى
يقابلنى صوت طه الفشنى
تطيب على البعد جروحى
التقشبندى .. بيمشى وحيد
يملا بلاد الله تغريد
تسابيح مدد .. وغنا .. وتجويد
على ما تيسر من روحى

الختام:

أنا باغنى يا مؤمنين
غنوة محبة لكل دين
الإنسانية قالت أمين
يارب جمعاً موحدين
إياك نعبد ونستعين

(*) قراء القرآن الكريم الواردة أسماءهم في هذه القصيدة هم الشيوخ الاجلاء : محمود خليل الحصري، كامل يوسف البهتيمي، محمود صديق المنشاوي، محمد الطبلاوي، محمد عمران، محمد رفعت، عبد الباسط عبد الصمد، أحمد ندا، عبد الفتاح الشعشاعي، مصطفى إسماعيل، علي محمود، أبو العينين شعيشع، محمد الصيفي، محمود علي البنا، عبد الفتاح القاضي، عبد العظيم زاهر، أحمد نعينع، راغب مصطفى غلوش، طه الفشني، سيد النقشبندى.

السياسة.. ثومة

مسحراتي العروبة
حسّ الجبال والبوادي
حادي الجمال للخصوبة
نويت أسحرّ بلادى
مهد النبوة ف ضميرى
نور الحضارة ف مصيرى
ومسيرى أوصل مسيرى
أو يوصلولى ولادى
نويت أسحرّ صباحى
أهلى وبيتى وبراحى
واصحّى حتى اللى صاحى
يارب نور فؤادى
رمضان جمعنى بصوتى
وصلاتى رفضت سكوتى
يا فرقة لازم تموتى
يا حسى لازم تنادى
الله اكبر الله اكبر
لا اله إلا الله

المؤدى:

مسحراتى العرب
من المحيط .. للخليج
صوتها يونسنى
هو اللى أسسنى
على " سلوا قلبى "
على " أراك عصى .. "
على " عرفتُ الهوى "
على " دليلى احتار "
على ابراهيم ناجى
بيغنى للاطلاع
على لحن سنباطى
شاف الهوى دمعى
وشربت شرباتى
على صوتها وحضورها
وف ضلها .. ونورها
سمعت عبدالوهاب
ف يوم لقاء السحاب
بينادى ع الاحباب

"اهل الهوى ياليل

فاتوا مضاجعهم

واتجمعوا ياليل

صحبة وانا معهم"

مع بيرم التونسي

مع بليغ حمدى

وأحمد شفيق كامل

الليلة هانغني

مع شعبنا العامل

قرب ياشيخ الغنا

قرب يازكريا

غنى بحريه

هات القصبجى معاك

والعود ..

وهات الرضا ..

فى حضرة السيدة

السيدة .. ثومة ..

من المحيط للخليج
صوتها يونسني
هو اللي أسسني
على همس " رق الحبيب "
" سلوا كؤوسَ الطلا "
في " حانة الأقدار "
" جددت حبك ليهِ " ؟
" حيرت قلبي معاك "
" حكم علينا الهوى "
" حوّلنا مجرى النيل "
وعشقنا كل جميل
يرقص على غصني
لحن لداوود حسني
مع كلمة من رامى
ومعنى من شوقى
مع نبض عم جاهين
لما يقول " راجعين "
إلى فنون خالدة
فى حضرة السيدة
السيدة .. ثومة ..

من المحيط للخليج
صوتها يونسنى
هو اللى ربانى
على عطر ربانى
هو اللى أسسنى
على دولة للوحدة
والحب غايتها
يحضرنا صوت ناصر
يحكى حكايتها
يحضر ضمير زايد
يروى ف نخلتها
قلب الملك فيصل
يديها معناها
هوارى بومدين
بيعلى رايتها
فى دولة الوحدة
كل الشعوب حاضرة
كل القلوب بتطل

على وعد ست الكل

على سحر " ولد الهدى "

على " دارت الايام "

والحكمة من حسها

رباعية للخيام

" برضاك ياخالقى "

يحضر " حديث الروح "

حارة وصحارى ودوح

ثورة وأمل وجروح

وكل عطر يفوح

وكل قلب يبوح

حاضرين ف حفلتها

عائشين ف غنوتها

أمة حنين .. مُنشدة

فى حضرة السيدة ..

السيدة .. ثومة

المنشد:

مبروك عليكو النهار
ياللى انتو صايمينه
مبروك عليكو الليل
ياللى انتو قايمينه
مبروك عليكو الشهر
رحمة وعبادة وشفاء
وفتح بالمعرفة
من العلى العظيم

المغنى:

إنتو المنى
وانا قلبي محتاج للغنا
مش ح اقدر أصبر ع البعاد
ولاح اقدر استنى الميعاد
لازم أشيل للبعد زاد ..
من حبيكم
ايه رأيكم ؟!
أسيب مشاعري ف حيكم

وأسيب حناني يضمكم
وان غربتني وحدتي ..
أرجع واغني بحسكم

مين زيكم ..
يا أرق من لمسة مطر
يا أحلى عزف على الوتر
يا أحلى من شمس وقمر
لما ينور حلمكم
ايه رأيكم ؟!

أسيب مشاعري ف حيكم
وأسيب حناني يضمكم
وان غربتني وحدتي ..
أرجع واغني بحسكم
المؤدى:

كنا نسيج وبقينا مزيج
من المشاعر والأهازيج
اسرتنا ثومة بقولة آه
لقينا معنى جميل وبهيج

ف " أصيلة " قالوا الناس : الله
وصل صداها لحد مليج
غنوتها ردت فينا الروح
ام القيوين سهرت ف ابوتيج
الشعر يملا الدنيا .. زهور
احساسها يملا الشعر .. أريج
دى أمة واحدة بإذن الحق
جمّع ف صوتها محيط وخليج

الختام:

أنا باغنى يا مؤمنين
غنوة محبة لكل دين
الإنسانية قالت أمين
يارب جمعا موحدين
إياك نعبد ونستعين

الجامعة .. عربية

مسحراتى العروبة
 حس الجبال والبوادي
 حادى الجمال للخصوبة
 نويت أسحر بلادى
 مهد النبوة ف ضميرى
 نور الحضارة ف مصيرى
 ومسيرى أوصل مسيرى
 أو يوصلولى ولادى
 نويت أسحر صباحى
 أهلى وبيتى وبراحى
 واصحى حتى اللى صاحى
 يارب نور فؤادى
 رمضان جمعنى بصوتى
 وصلاتى رفضت سكوتى
 يافرة لازم تموتى
 يا حسى لازم تنادى
 الله اكبر الله اكبر
 لا اله إلا الله

المؤدى:

مسحراتي العرب
حتى ف غير رمضان
وباسحر الاوطان
لو حتى طال الليل
وفضلت وحدياً
حُب الحياة غنوتي
حُب الامل غية
يابلادى لا تفلتني
واتثبتى فياً
سيرى ف نور شمعتى
واتمسكى بيأ
أنا هنا ودقتى
مسموعة بالراحة
رفرف علم دولتى
على ارض طراحة
حسى بصوت غنوتى
ف الجو صداحة
ف البحر سباحة

ف البر رمّاحة

ف القلب مرتاحة

احلام طيور أمتى

للوحدة مهدية

والجامعة عربية

ع الحب مبنية

فرحة على فرحة

أمنية .. أمنية

ع الحب متأسسة

بالحلم متونسة

بالعربي متجنسة

وبنوها قبلًا

اجيال معدية

من دنيا محتلة

إلى أرض مروية

أشعار مندّية

مكتوبة .. مَقْرِيّة

بحروف إلهية

الجامعة عربية

وبنوها بالاصرار
بالشُّهدا والازهار
أجيال من الأحرار
واجهوا مغول وتتار
وحروب صليبية
بناها جدي وابوك
أُمرأ وشيوخ وملوك
مصر وسعودية
معناها ياما أضواء
ليلاً كما الاسراء
فيها جمال ونقاء
مُهرة عُمانية
نسايها نور وضمير
شبابيكها ع التحرير
جناينها طارحة عبير
والخُضرة تونسية
هية الملاذ والدار
واقفة ف خط النار
جامعة القلوب انهار
بسماحة سودانية

مشوارها لسه طويل
وخيالها لسه جميل
يرويهها ويّا النيل
كرم الكوايتية
عاش اللي باني بذوق
قصر الحنان والشوق
جامعة تشوف على ضوء
يمنى وليبية ..

المنشد :

مبروك عليكو النهار
ياللى انتو صايمينه
مبروك عليكو الليل
ياللى انتو قايمينه
مبروك عليكو الشهر
رحمة وعبادة وشفاء
وفتح بالمعرفة
من العلى العظيم

المغنى:

الأممة الواحدة.. الحرة الخالدة
فتحت باب الامل .. فتحت باب الرضا
لو يبنوا ما بينا سد .. نتحدى أى حد
للفُرقة نخط حد .. ونطل من الفضاضا
ع الاممة الواحدة .. الحرة الخالدة

شوق اللقيا مـاليـك
وانا قلبى يـسـدق لـيـك
ألاقيـك ساكن مـلاـمـحـى
فرحة عيني تـبـناديـك
اخويا وابن عـمـى .. وروحى عليك تسمى
ونقول للمخطوة ضُـمـى .. تـرتـاح الـافئـدة
ف الاممة الواحدة ..

يا عـيـون يا مـغـرـبـيـة
الصـحـبـة جـزائـريـة
والنهر الـيـنـبـى يـجـرى
ف تـونس الأـبـيـة
لبنان بالخير وعدنى.. خدت العراق ف حضنى
قمر السودان شاهدى .. ويلمتنا اهتدى
للاممة الواحدة ..

سِحْر البَحْرين ناداني
 سِحْر الشَّطِّ العُـمـانـي
 لَقِيتُ ف الدوحة بلدي
 وف الامارات مكانسي
 م القدس وم الكويت ..
 روحت الحـجـجـاز رأيت
 أطهر وأعز بيت ..
 لقلوبنا العـبـادة
 ف الامـة الواحـدة ..
 كـتـاب الحب سـورى
 وف اليـمـن سـورى
 غنى الصـومـال وقـاللى
 موريتانيا تهـد سـورى
 جزر القمر .. جيبوتى . بانين اجمل بيوتى
 والاردن زارعة قوتى .. وبترويه بالندى
 للامـة الواحـدة ..

صِدْق الكلام سـبـيلى
 نـجـم السـمـما دليلى
 حب الحـيـاة حكايتى
 شـهـد الايمان ف نيلى

مصرى .. عربى ، جهادى
يبدأ من يوم ميلادى
انشد واقول بلادى
بالحب مـــــؤيدة
م الامـــــة الواحدة

الليل لو كـــــان طويل
لا بد هايـــــجى جـــــيل
يبدأ باسم العـــــروبة
يتـــــحدى المستحيل
شارك ف الحياة .. ونصحح الاتجاه
نوصل شط النجاسة .. وننور المدى
للامـــــة الواحدة
المؤدى؛

الجامعة ..

جامعة وبيت

خدنى الهوى لبيت

طوفت وسعيت وناديت

حلوة حجازية

مولودة ف الطائف

متحاوطة بلطائف

بتطمئن الخائف

بصفاء وحنية

قالتلي مشتاقة

نفتح لنا طاقة

بالحب نتلاقى

فى صحبة وردية

مغربنا يحضرنا

مشرقنا ينصرنا

تفرح بأنهارنا

بساتين خليجية

قمة وراقمة

بالعزم والهمة

تتوحد الامة

على أرض حرية

الختام:

أنا باغنى يا مؤمنين

غنوة محبة لكل دين

الإنسانية قالت أمين

يارب جمعا موحدين

إياك نعبد ونستعين

الديوان الخامس

نبيع العطش

إلى

إلى الفنانة التشكيلية

شاليمار شربتلى

أجمل لقاء

بين ألوان الحكمة

وألوان الجنون

جمال

٢٠٠٤

حواء.. وشرع الأربعة

حواء تجلت ف المدى
خمس أسامى شاهدة
على فؤادى المبتلى
بهوى العيون والأفتدة
الأولى كانت عابدة
والثانية كانت ناهدة
والثالثة فرشت رغبتى
على صدر مغرم بالندا
والرابعة دخلت جنتى
وخسرتنى أخرتى
والخامسة باطلب ودها
شاورت على باب الرضا
وقالت لى :
شرع الأربعة
مشروع لغيرك يافتى
واحدة تخضر ف الخريف
وتزيح همومه الباهتة
والثانية ف حضورها الربيع

تحبى القلوب الميتة
والتالفة صيف عارى اللقا
والرابعة بتدفى الشتا
أما انت يا حوضن الفصول
يا زارع الشوق ف السهول
ليك الحبيبة الخامسة
حلال ف صبحك
والمسا
أنا الحورية المخلصة
تعالى وادخل جنتي
صَحَى الأمانى الناعسة
أنا عندى واحة ..
للهوى ..
على الطريق .. للسادسة !!

الحقيقة العارية

أنا فيلسوف
وعينيكي شوك الأسئلة
عاملة لى حنة مشكلة
نظرت يمكن ألتقى ف الكون جواب
مالقيتش غير حبة سحاب
ممتورين
أما اللى ثابت .. ف الفضاء
وع الأرض
وف طعم السنين
سكة حنين ..
خطوة جنون متبرجلة
وتأملات الفلسفة ..
متأجلة ..

□

أنا فيلسوف
وانتى ارتباكة عقل
أو .. عمق ارتباكة
لا انتى شيطانة .. ولا ملاكة

ولا أى شىء واضح يدل على الثبات
فكرت ابات فيكى لقيت صدرك حجر
فكرت أهجر نظرتك
فلمحت فوق غصنك حنان
رمان بيوعد بالأمان
وفواكه الكون كلها
بتهز فياً الاتزان
وكل لفطة .. بمعجزة
وكل لمسة .. امتحان

□

أنا فيلسوف
وانتى الحياة
محتاج إلى طوق النجاة
طاوعى الجناح
وادينى أحضانك .. فضا ..
أو .. مصيدة ..
أنا فيلسوف وأحب أوصل للحقيقة مجردة
أحب أوصل للحقيقة العارية
فُكى الضفاير
والزراير
والسدود
فُكى الحدود

وحركى فيّا الرعود
أروى اشتياقك بالمطر
وأدوّك طعام الخلود
□

أنا فيلسوف
وكرهت طعام الفلسفة
وباحب نور الموجودات
وباحب إيه تانى؟!
البنات ..
والصبايا ..
والصبايا والبنات
ما ترسنيش يارب على بر الحقيقة
وكفاية طعام الغمازات
شهد وعجب
وديم عليّا الانفلات
وبلاش تعب
شوفتى الجنان؟!
انتى السبب
فجّرتى فيّا رغم عقل الفلسفة
أدب
على قلة أدب ..

فالسر..

خليك يا جمر

قلبين وصمت

وسر مش ممكن يخرج

إلا ف السر ..

□

إقري غرامك ف عيوني

إقري الرسالة ف لمس الإيد

وقبل ما يدوقها لسانك

إبقى احرقها ف عز النور

وولعى ف أجمل إحساس

من قبل ما يحاوطونا .. الناس

بخناجر العشق المبتور

نبض القلوب

بيعيش ف السر

والحلم شرط وجوده .. السر

والشمس شايلة بحور مجهول

من سر خارجة

ورايحة .. لسر

خليكى جمر

خلينى نار

على سرير من ريش أسرار
خليكي نقطة مية ورد
راحت تزور جدر الصبار
لاحد شاف صدرك ..
ولاحد

شافني رضيع مجنون ف المهد
ف السر ..

قلبي بيندهلك

ف السر

باستني عينيكي

ف السر

لازم نتقابل

نروى عطش يومنا الدبلان

ف السر .. ينفجر البركان

الورد يفرح ف البستان

يتكعبل النور ف الألوان

الكون يدوق ويانا الحب

لكن .. يا عمري

بدون إعلان

رسالة العشق

ما بحبكيش ..

أنا باعشقتك ..

ما همستكيش .. أنا بانطقك

ما ملكتكيش .. أنا باسرقك

يا رسالة العشق اللى بَشَّرَ روحى

بالحياة

خطفتنى عمرى

وبرضه لسه مصدقك

□

الحب ف العالم .. إله ..

قادر ..

بيمنحنى الحياة

فتشت عنه ف كل إحساس

واتجاه

فتشت عنه ف الليالى وف الكهوف

فتشت عنه ف الحواديت البعيدة .. وف الكتب

والخرايط

والكفوف

لقيته ف عينيكى البريئة بيتسم

خرجت من بين الصفوف
وفتحت قلبي للتمرد ..
والهموم
أنا مش ها صلي للغرام
ولا ها صوم
إن لم تكوني ف حضني
مش حضن الغيوم
إن لم أدوك
والمسك
واستشقق
ما بحبكيش ..
أنا باعشقتك



ها تروحي فين من غنوتي
ومحبتى
ومن شفايفي
ومن معاني لمستي
ها تروحي فين ؟!
وانا أرضك اللي بتمشى فوقها خطوتك
عشق ودلال
وانا سماكي اللي بتمشى تحتها
رايدة الوصال

وانا التاريخ اللي استحال
وردة شجن
ساعة وصولك بالخيال
آخر عناوين السفر
أول طلب بعد المحال
جنة على سرير الجمال
وانا وانتى آدم
والرجال جواه أمم
وانا وانتى حوا
والنساء
جواها شلال اكتمال
غصون
ومايلة على الوريد
اللى تحس برغبته
قبل السؤال
مدن .. ما بتحبش دفاع عن نفسها
حصون ..
وطالبة الاحتلال
ابنيكى شجرة من المشاعر والزهور
انهيكى .. فى لحظة لقاء
وف لحظة تانية أبداك
ما بحبكيش
أنا بانطقك

موال وباسجن روحى فيه
ها تكونى نفسك
ها تكونيه
ها تعيشى عمرك .. تحلميه
ها تكتبينى
وتكتبيه
على جبينى .. ومفرقك
ما بحبكيش
أنا باسرقك
من ضل أيام مغرمة
من دنيا صايبها العمى
ومن دعاء
تتمنى تنزله السما



أنا باعشقك
أنا بانطقك
أنا باسرقك
غرقان .. ونفسى أغرقك
يارسولة العشق اللى بشر روحى
بالحياة
خطفتى عمرى
وبرضه
لسه مصدقك ..

رنا

كانت رنا
وكنت انا
وتالتنا حكمة ربنا
يؤمر .. نطيع ..
هو احنا نملك أمرنا ؟!
(كونوا) ..
بقينا لوحدا .. رغم الزحام
(حبوا)
ودوبنا ف حبنا
من غير كلام
دوقوا الحلال
دوقوا الحرام
واتمتعوا
جوه مقام العشق
تسجد لكو شمس المقام
أول مطر .. للابتسام
شفايفنا بدأت الانتقام
من كل لحظة اتسر سبت
من عمرنا
من غير ما نعرف بعضنا

كانت رنا
مكتوبة آيتى .. بسحرها
وخطوط حياتى ف كفها
منقوشة روحى
فى علنها وسرها
تهرب عيونى من عيونها
وتستخبى ف نهدها
كانت رنا
وكننت انا
وكان هو انا بينتشر
شمس وحنين
يملا قلوب العاشقين
والمحتاجين
حضر ووطن
والمشدين رغبة وغنا
والعازفين
والعارفين
والموعودين بعد الضنا
كانت رنا
وكننت انا
شمس .. وكواكب ف المدار ،
كعبة .. وحجيج

بيدوروا - ف أرض الهدى -

على أنفسهم ،

نار الهوى ..

وفراشة جاية من المدى

فاكراها نور ..

كانت رنا

غنوة تغنيها خلايا القلب

لزوايا الطيور

المجذوبين .. جوه فؤادى المنتشى

طلقوا البخور ..

طالبين رنا توهة وسحر

والغواصين

فى مهجتي ندرؤا الندور

عايزين رنا أرزاق وبحر

وانا رب أمة من الشعور

حارس على باب الغرور

مين يملك اللى باملكه

لحظة هنا ..

بتختصر مليون سنة ..

كانت رنا

وانا هاكون

زمن الجنون

واقف على كل الغصون

باعلن وفاة المستحيل
إشرب يا نيلى من البحار
وكفاية صمت أو انتظار
وكفاية نومة رحلتك
ف حضن راحة الانحدار
الانكسار ..
عمره ما كان طلعة نهار
هاتي صهيلك يا رنا
يرمح ما بين دم العروق
خليني اغيب ..
خليني افوق ..
خليني ادوق حريرتك
واغرق مع نور شهوتك
مجبور على حُب الحياة
لو حتى املك الاختيار
إشرب يا نيلى من البحار
واكتب بدم المهزومين
غنوة .. مصيرها .. الانتصار
أول قصيدة كُفر بشطوط الحصار
أول قصيدة شعر تتحدى الفنا
أول قصيدة حُب
مكتوبة لرنا ..

العصافير(*)

تصحى الصبح معاك عصافير
تصحى الظهر معاك عصافير
تصحى ف نص الليل بنلاقى
العصافير حواليك بتطير
صارت مواعيد العصافير
على مواعيدك
صار موالهم من تغريدك
لمسة إيدك
داوت كل جناح مكسور
إيه يا طيور ؟!
هو ما فيش مصدر للنور ..
إلا حبيبي ؟!
العصافير زعلها سؤالى
لكن حست باللى جوالى
قالت زى ما قولت يا غالى
تصحى الصبح نحب الهمس
تصحى الظهر نحب الشمس
تصحى ف عز الليل نتواعد

نلمس ندى إحساسك لمس
يرحل عن دنيانا الكذب
قوللى يا قلب
هو ما فيش مصدر للحب
إلا حببى ؟!

(%) لحن: محمد على سليمان

غناء: ريهام عبد الحكيم

وما قدرتش

داريتى الدمعة ف عينيكى ..
وصوتك أعلن الأحران ..
وبصيتى إلى المجهول ..
وغابت عنك الألوان ..
جريحة والألم طاغى ..
ويأسك أصبح العنوان ..
وجواكى لمحت سؤال ..
عن الحب اللى كان ياما كان ..
كأنك كنتى محتاجة ..
لضمة تقتل النسيان ..
ظهر عصفور غريب سارح ..
وطيف أحاسيس من امبارح ..
بيرفع راية العصيان ..
مافيش بينا سوى الذكرى ..
مافيش حاضر مافيش بكرة ..
وانا قلبى مافيهش حنان ..
ولا مساحة لحب زمان ..

وإحساسنا ببعض زمان ..
وماقدرتش ..أكون الفجر والأحضان ..
وماقدرتش ..أكون قشاية للفرقان ..
وماقدرتش ..أكون إنسان ..
بيدى الحب للإنسان ..

لحظة واحدة

لحظة واحدة وكنا وجد
 كنا رغبة وكنا زهد
 كان ف بالى أكون شفايف
 كان ف بالى تكونى شهد
 اتحدنا .. بُعد .. بُعد
 وانتفضنا .. برق .. رعد
 واتولدنا .. ألف وعد
 لو زمان المسك فاتنا
 يستلمنا الزعفران
 يحتويننا دهر عنبر
 بعد عصر الحبهان
 الفصول صبحت عطورك
 والمطر شىء من حضورك
 والخريف لما انتبهنا
 كان ف قلبى بينى سورك
 يا إلهى ..

يا إلهنا

ليه رماد الكون ندهنا ..

ليه رجعنا

فاكهتين ما بيلتقوش

وردتين مالهومش صوت

لحظة واحدة للحياة

أما باقى العمر موت .

بحر

أنا بحر عاشق مركبة

فردت شراع الموهبة

لو موجي يعلا

ترتفع

تلمس خيالات الصبا

أخشى عليها تنكسر

فأنحسر

والم موج الاشتياق

وارحل برغبة ف البكاء

إلى السنين المجدبة ..

سمان

سمان مهاجر للأبد
بين الألم والعاصفة
وعنيكى ..
لحظة منصفة
ما فهمتهاش
راح الزمان .. غيره ما جاش
إيه العمل ؟!
واوصل منين ؟!
كل الخرايط .. سكتين
بين الألم ..
والعاصفة ..

سحاب.. وشجر

قال السحاب للشجر :

أنا اللي قلبى جَسور

أعدي كل الحدود

ما يصدنيش ولا سور ..

قال الشجر .. للسحاب :

أنا اللي ليّا جذور ..

أمواج

ترميننا كل الشطوط

وتشدنا الأمواج

محتاجة منى الأمان

وأنا للأمان..

محتاج..

خريف

طردونا - حتى - من السكوت
أنا وشفافك على الرصيف
زرعنا يومها غيطان سنابل
وجرينا بينهم .. من الخريف

نـبـع العـطـش

نـبـع العـطـش صـب ف حـلقـى
وـابـتـسـمـت أـطـيـاف النـهـد
خـدـنـى النـدى
مـن حـضـن الصـهـد
وـلا عـمـرى كـنـت حـا عـود لـلـمـهـد
إـلا اـمـا صـدـرك يـجـرى غـيـطـان
يـسـقـيـنى مـن شـهـد الرـمـان
يـسـقـيـنى مـن رـمـان الشـهـد

الكون

الكون قمر جميل
بيجري كما الغزال
وحارس للقمر
وحارس للغزال
وحارس للهلال
اللى ف طي القمر
وحارس للجمال
اللى ف نور الهلال
وحارس للجرس
اللى يصحّي الحرس
لو يرفض القمر
يجري..
كما الغزال

أغنيتي

٤

آدم وحنان (*)

آدم هو

وهية حنان

شافوا جنتهم ف الإمكان

هم اتنين

حبيين

نبض القلب.. وضى العين

سحر عيونهم يحيى قلوب

وابتسامتهم تمحى ذنوب

لو يوم لمسوا الصخر يدوب

هالين من ورا موج وبحار

واجهوا وعدوا صحرا ونار

آدم ضم الكون بحنان

ظهر الأخضر ف الألوان

والإنسان أصبح إنسان

همست باسم الحب حنان:

ضمنى.. حسنى بوجودك

هات إيدك يصاحبنى خلودك

خد قلبى وياك ف صعودك

آدم وحنان
هم حكاية كل اثنين
كانوا ضحكنا
صبحوا دموعنا
وبقوا ف عز الضلمة شموعنا

آدم هو
وهيه حنان
حلم الحب ف كل زمـان

(*) لحن: فاروق الشرنوبى . . غناء: ماجدة الرومى .
من فيلم الآخر.. إخراج يوسف شاهين.

سبحان الله

سبحان الله .. سبحانه .. من عشقى ومن فيضانه
من بعد ضياع أيامى .. شوفت الإحساس قدامى
وأخذنى الهوى ف طوفانه ..

سبحان الله ف آياته .. لما ييّن كراماته
من بعد القلب ما يسكت .. إزاي رجعت دقاته
إزاي يا سنين عطشانة .. رجعت للورد حياته
والكون حَسْ بألوانه ..
سبحان الله .. سبحانه ..

يا حبيبتى يا دنيا بحالها .. طيّبة ف جميع أحوالها
قَرَّبى بعيونك منى .. خلىنى أعيش ف جمالها
قربى طبطبى على روحى .. خلى الأيام تحلالها
والحب يعود لمكانه ..
سبحان الله .. سبحانه ..

ما بتحبيش

ما بتحبيش

وقلبك ف الضياع بيعيش
يناديكي الهوى مانحبش
على لسانك كلام كذاب
وف عينيكي أمل وسراب
وصوتك أحلى م الكروان
لكن قلبك ما بيعفنيش

ما بتحبيش

قابلتك .. قولا مشتاقا
وانا ملىان بشوق محروم
هانفتح للأمل طاقة
وعمر الحب بينا يدوم
لقيت حلمك مالوش عنوان
وتايهة ف بحر ما يرسيش
وصدرك أجمل الأحضان
بيوعد بس ما بيوفيش
وصوتك أحلى م الكروان
لكن قلبك .. ما بيعفنيش

يا جرحى ف الهوى .. حاسبى
بدون حب .. الليالى جراح
رحيلى هايبقى مش ذنبى
وممين هايرجع اللى راح
نغم روحى ولا الفيضان
واحساسى .. ما بيخونيش
ونبض القلب فيه ألحان
ومن غيرها لا يمكن اعيش
وصوتك أحلى م الكروان
لكن قلبك ما بيغنيش

عاشق عيونك (*)

عاشق عيونك .. وعيونك .. مش عارفانى
وف قلبى .. لو تدرى بقلبى .. بحر أغانى
يا حلوة يا ام شعور طائرة
والنظرة مشتاقة ... وحايرة
تاهت حروفى من خوفى .. وانتى أمانى

أهوى النسيم لما ينسم .. على نغماتك
وأحب نبضى المتقسم على خطواتك
يام العيون بتداوى الآه
لفيت وراكى بلاد الله
تاهت حروفى من خوفى .. وانتى أمانى

لو شوفتى إيه اللى جوالى .. يوم ما رأيتك
كان سحر عودك غنى لى .. لما ناديتك
يا ام العيون بتداوى الآه
لفيت وراكى بلاد الله
تاهت حروفى من خوفى .. وانتى أمانى

(*) لحن: فاروق الشرنوبى ..
غناء: راغب علامة.

نورى نور (*)

نورى نور واهدمى سـ
وسيلي شهد وندى وعطور
يا أعلى موجة ف بحر الضى
يا أحلى نسمة ف شمس الحى
ما تواعدنيش على بكره الجى
ليه النهاردة ييات مهدور

أشيل حمول الوقت حنين
واعدى بيها زمن رواح
وكل ثانية بعد سنين
تولد فى قلبى ندا وجراح
واما التقيكى تقولى أكيد
هانبتدى بكره المواعيد
ونحصد الحلم المبدور
يا أعلى موجة ف بحر الضى
يا أحلى نسمة ف شمس الحى
ما تواعدنيش على بكرة الجى
ليه النهاردة ييات مهدور

لسه النهاردة صبح وليل
وعصر فتنة ومغرب ضل
مليان بوعد وسعد وميل
وحضن شوق على صدرى يهل
مِدَى أَيْادى اللُّقَا فى الحال
يكفانى فى غربتى ترحال
وتوهة فى الزمن المغدور
يا أعلى موجة ف بحر الضى
يا أحلى نسمة ف شمس الحى
ماتوا عديش على بكرة الجى
ليه النهاردة يبات مهدور

(*) لحن: رياض الهمشرى .
غناء: مدحت صالح .

عاشق مجنون (*)

أؤمرنى أطيع .. يا ابو حُضن وسيع
والنور بيـهـل .. من التـقـطـاطيع
أؤمرنى أكون .. عاشق مجنون
وأعود لحنان المهـد رضيع
يا ابو حُضن وسيع

حبك إخلاص .. من غير حراس
ومادمت أمين .. على قلبي خلاص
أؤمرنى أرفرف زى الفـجـر
وأغنى بفرحة برغم الهـجـر
أؤمرنى فى عز لقانا أضيع
يا ابو حُضن وسيع

يا ابو نظرة حنان .. مليانة أمان
والعمر معاك .. من غير أحزان
أؤمرنى أكون هادر كالسـيـل
أو ناعم زى نسـيـم الـليـل
أؤمرنى اطر حلك ألف ربيع
يا ابو حُضن وسيع

(*) لحن: رياض الهمشري ..

غناء: مدحت صالح.

بنت الجيران

بنت الجيران كبرت فجأة .. فتحت بيبان قلبي برقة
قولتلها عاشق .. بصتلى .. ماقالتش أيوه .. ولا لاه

كانت مع الصمت تعدى .. هية وفستانها الوردى
دلوقتى كل ما بتهدى .. تسمع وراها ميت شهقة

ورد الحنان .. فيضان طارح .. والعود بقى غير امبارح
سارح .. ومستقوى وجارح .. وكل حاجة فيه ناطقة

العود .. وأشواقه الحارة .. طاغى .. بأمواجه الحرة
مَسْرَة .. من بعد مسرة .. وكل ما تدور .. تلقى

كبرت .. وكبرت أسرارها .. وبقينا نسهر لسهرها
والصبح نتمنى ظهورها .. والقلب يتعب م الفرقة

العين تسلم بحرارة .. وخطوتك ليه محتارة
خايفة من الحب يا جارة .. ولا انتى مش لاقية الجارة

غنى(*)

تعمل إيه .. لما الأسوار.. تكبر.. تكبر من حواليك؟!
تعمل إيه .. لما الأزهار.. ما تحلش الكون ف عينيك؟!
واما البسمة تخاصم قلبك .. من غير حتى ما تعرف ليه
تعمل إيه؟!!

أنا عن نفسى باقرب منى .. وأهمس همس كأنى باغنى
فجأة ألاقى مشاعرى الصافية .. والقى الكون ويايا يغنى
البنّا بيـبنى وبيـغنى

والطير بيرفرف ويغنى
والموجة ف البحر تسافر
لو رجعت للشط تغنى

نور الحب مايعديش .. ناحية قلب ما ييغنيش
واما الغنام القلب بيطلع .. زمن الخوف بيروح مايجيش
البنّا بيـبنى وبيـغنى

والطير بيرفرف ويغنى
والموجة ف البحر تسافر
لو رجعت للشط تغنى

(*) لحن: حلمى بكر .

غناء: رهاب مطاوع.

فازت هذه الأغنية بجائزة أفضل كلمات وأفضل لحن فى مسابقة الأغنية العربية التى ينظمها اتحاد الإذاعات العربية.

شمس بتشرق من جوايا

وفر كل قصايد شعرك .. أنا مش أحلى بنات حواء
يمكن اكون فعلا ف مشاعرك .. أجمل من كل الأضواء
بس انا عايزة أعيش ف حكاية .. فيها الحب وسيلة وغاية
شمس بتشرق من جوايا .. وتوصلنى لأعلى سماء

مش عايزة قصايد ف عيوني .. ورموشى الساحرة على جفوني
هاتقابل يوم أجمل منهم .. وعيونك يومها هاينسونى
يبقى الأجمل لنا ف هوانا
إن الحب يعـيش ويانا
شمس بتشرق من جوانا
وتوصلنا لأعلى سماء
وفر كل قصايد شعرك .. أنا مش أحلى بنات حواء

أى جمال هاىروح هاىروح .. واللى بتبقى حلاوة الروح
هية اللى بتسعد أيامنا .. وبتقدر على أى جروح
يبقى الأجمل لنا ف هوانا
إن الحب يعـيش ويانا
شمس بتشرق من جوانا
وتوصلنا لأعلى سماء
وفر كل قصايد شعرك .. أنا مش أحلى بنات حواء

(*) لحن: شريف تاج .

غناء: لقاء سويدان .

مش عايزة أمشى (*)

مش عايزة أمشى
أنا عايزة أسهر هنا ما أنا مشى
الحب لسنة ف قلبى دايم
وليه يا قلبى اللقا ما دامشى

قمر الليالى ها يروح لفين
وانا لسه عندى ياليل ياعين
جوايا غنوة للكون بحاله
توصف جماله ف كلمتين
أنا عايزة أسهر هنا ما أنا مشى
مش عايزة أمشى
الحب لسنة ف قلبى دايم
وليه يا قلبى اللقا ما دامشى

أنا عندى غنوة عن حب غايب
وعيون بتعشق وقلب دايب

وعندى معنى باحسه لكن
ما اقدرش اقوله غير للحبايب
أنا عايزة أسهر هنا ما انا مشى
مش عايزة أمشى
الحب لسسة ف قلبى دايم
وليه يا قلبى اللقا ما دامشى

(*) لحن: محمد على سليمان .

غناء: ريهام عبدالحكيم.

فازت هذه الأغنية بجائزة الميكرفون الذهبى فى مسابقة الأغنية العربية التى ينظمها اتحاد الإذاعات العربية.

أحب أحب (*)

الدنيا دروب .. مليانة قلوب
قاسية ومش راسية على المحبوب
وانا ف الدنيا دى باحب أحب
وأحب اتحب
وأحب أعيش ف لىالى القرب
إنشالله ياخذنى العشق وادوب
إنشالله أدوب

الدنيا مفارق فيها فراق
بعد الأشواق
وانا روح تشتاق توصل لحبيب
ما تفارق هوش
يدينى أمانى وما احرم هوش ..
حلم الطيران
أو حلم الغنا فوق الأغصان
داانا ف الدنيا دى باحب أحب
واحب اتحب

الدنيا براح .. وانا قلبى براح
مش عايضة جراح

أنا عايذة صباح يقابلنى بصدق
ماكدبهوش
يقابلنى الكذب مااصدقهوش ..
وأطير طيران
واسقيك الندى والندى فرحان
دانا ف الدنيا دى باحب أحب
واحب اتحب

(*) لحن: أحمد الحجار .

غناء: أنغام.

ملك ايديك (*)

دوبنى انا ملك إيديك
وحياتى منك وإليك
كل منايا تبقى معايا
وأشوف الأحلام بعينيك

أيامنا تواعد أحلامنا
ونفارق خوفنا وأوهامنا
ونحب ونصبح شىء واحد
وبنحضن صمتنا وكلامنا
كل منايا تبقى معايا
وأشوف الأحلام بعينيك

مطرح ماخيالى يودينى
ألاقيك مستنى تهينى
تحلالى الدنيا وعيونك
من شهد الحب بتسقينى
كل منايا تبقى معايا
وأشوف الأحلام بعينيك

(*) لحن: إحسان المنذر .

غناء: غادة رجب .

غنوتنا كانت

غنوتنا كانت أحلى الأغاني .. وكان غرامنا شمس الأصيل
 إليه اللى باقى م العمر تانى .. لو كان لقانا بقى مستحيل
 الكلمة كانت معنى وطريق .. والنغمة كانت إحساس مضى
 وأنا وانت كنا غنوة محبة .. يعزفها قلب الندى البرى
 هات الأمنى .. واسعد زمانى .. دا انت اللى حبك مالهوش بديل
 إليه اللى باقى م العمر تانى .. لو كان لقانا بقى مستحيل
 إحساسى ضائع والضى محنى .. والبعد بعد الوصال جرحنى
 ياأحلى غنوة ف العمر كله .. صوتك حبيبى ساكن ف لحنى
 صوتك بيملا قلبى وكيانى .. والحب تايه وانت الدليل
 إليه اللى باقى م العمر تانى .. لو كان لقانا بقى مستحيل

الديوان السادس

المصري حبيب متحمس

إلى

إلى الأم الفاضلة
فاطمة بنت راشد السويدي
مواطنة عربية
تقدر أخلاق الصعائدة
وتكره خنوع الجالسين على أعلى الكراسي

جمال

٢٠٠٤

يوميات (حرب داخلها خارجها ممات) (*)

١- بيضريوا الخط الكوفى

بيضريوا الخط الكوفى
بيضريوا أغلى حروفى
بيضريوا تلاوة القرآن
بيضريوا حب الأوطان
بيضريوا الشعب ف بغداد
بيضريوا هجرة وميلاد
بيضريوا بشرى الفيضان
واللى يقول لأ.. للسلطان
سلطان أميركا الصهيونى
بيضرب النور فى عيونى
وبيضرب القلب الغضبان
مين ينجد الزمن المصرى؟!
مين ينجد النبض السورى?!

(*) كتبت هذه اليوميات الشعرية فى الفترة من ١٩ مارس حتى ١٠ إبريل ٢٠٠٣ أثناء عملية الغزو الأمريكى للعراق .

مين ينجد الحج يا مكة؟!
مين ينجد الشعرا يا لبنان؟!
مين ينجد الأولاد يا خليج؟!
مين ينصرك يا كنيسة المهدي؟!
مين ينصرك يا نخيل الشهيد؟!
مين ينصر الشرق.. يا مغرب؟!
مين ينصر الرب.. يا يثرب؟!
أنا الغريق المتعذب
ولألى عايم بعروشه
والمستحمى بجيوشه
اللى جناينى ف كروشه
ويعبد المال السايب
وف الغرام دايب دايب
دايب ومغرم بالأحضان
يفنى الوطن.. وماهوش غرمان
يربط النور ف الفرمان
ويضرب الخط الكوفى
وخط عمرى ف كفوفى



ف كربلاء ضربوك يا عراق
وف السودان ضربوا الأرزاق

وف ليبيا ضربوا علينا حصار
وف السويس ضربوا الشهداء
الفجر ضربوه ف البصرة
ويضربوا عطش الأسرى
ويضربوا آية الإسراء
ويضربوا مظاهرة ف صنعاء
بيضربوا فينا الأزهر
ويضربوا حتى الأشلاء
وأيتها إحساس يظهر
بيندبح من غير إحساس
لو حتى سر.. فى قلب الناس
لو حتى حلم وقع وانداس
من قبل ما يبدل خوفى
بيضربوا الخط الكوفى



بيضربوا خطوط الطيران
بيضربوا الخط الفاصل
ما بين مواعيد الأحزان
ويضربوا الخط الواصل
بين الكرامة.. وبين عمان

بين الشهامة.. وبين عبدان
وف الجزائر وف أسوان
بيضربوا خط الإنتاج
وخط سير سيدنا الحلاج
وندهة المدد الصوفى
بيضربوا الخط الكوفى

٢- عراقيين

عراقيين.. عراقيين
بشر رافضين.. حروب خائنين
جميع الشهداء ف فلسطين
عراقيين
ف باكستان وأرجنتين
عراقيين
ف ألمانيا.. ف أسبانيا
ف إفريقيا.. وليتوانيا
ف مارسيليا.. وبلجيكا
وحتى هناك ف أمريكا
ملايين البشر ملايين
عراقيين

...

أنا عراقي.. فيتنامي..
أنا المقتول في هيروشيما
أنا الهندي ف ليل دامي..
بطولتي حقيقة مش سيما
أنا المصري بأهرامى..
أنا الروسي بأعلامى
أنا الانساني بمقامى..
من اليوم دا ليوم الدين
عراقيين.. عراقيين

عراقيين بمعنا .. بمعنى الحق ويانا
 نرد الشر .. ف البصرة ..
 ونفدى عيون شهيد قانا
 شررايين الغنا هبت
 فدادين الورود لبث
 عروق طعم الحياة صبت
 غضبها من الفرات للصين
 جميع الشهدا ف فلسطين
 عراقيين
 ف باكستان وأرجنتين عراقيين
 ف ألمانيا .. ف أسبانيا
 ف إفريقيا .. وليتوانيا
 ف مارسيليا .. وبلجيكا
 وحتى هناك ف أمريكا
 ملايين البشر .. ملايين
 عراقيين عراقيين

(*) إلى كل إنسان خاض مظاهرة في أية بقعة من بئاع الأرض رافضا الحرب على العراق مهما كان لونه
 ومهما كانت جنسيته .

٣- أجرينا اتصالات!

«تصريح مقتضب لمسئول كبير في دولة تحصل على معونة»

أجرينا اتصالات
ودفعنا الفواتير
وإدينا ميسد كولات
لواشنطن.. وبلير
ورفعنا الشعارات
حرية وتعبير
وضربنا مظاهرات
وتابعنا الفوازير
لو ردوا البهوات
نتكلم بضمير
وبأدب الأغوات
ها نقدم تفسير
وها نطلب معونات
علشان الجماهير

٤- ضاعت قناة السويس

ضاعت قناة السويس
 من يد أصحابها
 رهنوها للأساطيل
 تسرى ف أعصابها
 الأسلحة تعدى
 تشنق تراب الوطن
 م الماء لحمد الماء
 الأسلحة تعدى
 تسقط - مع الشهداء -
 أغنيمة الملايين
 ف السنة والخمسين
 يسقط خطاب ناصر
 ابن الوطن.. والدين

٥- تعالوا نبذل النعمة

زهقنا من غُنا فلسطين
وطولكرم وبيسان وجنين
زهقنا من جنوب لبنان
وقانا وشبعا.. والباقيين
تعالوا نبذل النعمة
ونبدأ في غُنا بغداد
وف السسكة
نقول غنوة حصار ليبيا
وبالمرّة نجيب سيرة صلاح الدين
وإذا أخذوا السودان بكرة
حانحلف إننا راجعين
دول اخوتنا ف وادى النيل
ولو ما غنيّناش للزول
قـولـولـى أـمـال
نـغـنـى لـمـين؟!
ولو أعداءنا سابو كوريا
وبصوا - بس - على سوريا
فقولوا لسوريا ما تخافشى
أكيد بكرة ها تتغنى
وقولوا للمكة تسستنى

لو احتلوها أعادينا
هانديها ف أغانينا
صفات أجمل من الجنة

٦- أسرع م الصوت

الطائرة

أسرع م الصوت

وعشان كده

صور الشعر ما بتوقفشى

صور الموت

نهتف .. نهذى .. كلام و خلاص

ويا خلاص

اوعى تصدق

ان الكلمة الصادقة .. رصاص

ممكن تقدرع الجبروت

الطائرة أسرع م الصوت

وعشان كده

بطن الشاعر

دخلت بطن رغيف الموت

٧- فين ربنا !

سألنى طفل ف حِينَا
له أخ عايش ف النجف:
الموت مقدرع البشر..
ولآ بيتوزع صُدْف؟
أخويا تحت القصف
مش لاقى اللبن
فى صدر أم
يصرخ ترد عليه حجارة الوطن الأصم
ضم الصور على بعضها
ما بين هناك
وما بين هنا
وجاوبنى
واوعى تثن من وجع السؤال
فين ربنا؟
مش احنا برضه مسلمين
وربنا بيحبنا؟
فين ربنا
وليه السكوت؟

فين ربنا يهد الطاغوت؟!!

ليه سايب الأطفال تموت؟!!

يمكن عشان انتو الكبار

ما انتوش كبار

يمكن عشان ما بتعدوش غير الدولار

يمكن عشان صليتوا للبيع والشراء

وركعتوا للعجل اللي ما يملكش

غير صنم الهراء

يمكن عشان حجيتوا للبيت اللعين

وتركتوا بيت المسلمين

- زى المخيم -

ف العراء..

تحميه جحافل تكرهه

وتحبسه ف زمن الوراء

يمكن عشان سبتوا التعابين

تشتهى.. ما تشتهى

من غار حراء

يمكن عشان اتبدلت جتتكو

بنعيم الزنى

طب واحنا..

كان إيه ذنبنا؟!!

إيه ذنب اخويا ف العراق
 وف الدهيشة وف جنين
 المحرومين من لقمة تسقط
 من كلاب
 قاعدين ما بين رجلين كلاب
 بياكلوا فتافيت الثراء
 إيه ذنبنا؟!
 وفين ربنا؟!
 ما بعثش ليه غضب الفناء
 على جيوش الإنجليز والأمريكان
 اللى استحلوا القتل ف الطير والجماد
 اللى أهانوا الأرض
 وأذلوا العباد
 واشمعنى يعنى قوم لوط
 أو قوم عاد؟!
 كانوا أشر؟!
 أبداً ورب العالمين
 كانوا أضر؟!
 أبداً يارب المظلومين
 طب انت فين
 م الأبرياء

والمؤمنين؟!!

مش برضه من أسماءك الحسنی

المعين؟!!

انجدنا يارب اللهب

اسمعنا يارب الغضب

يا تفنى حكام العرب

يا تنفخ الصور اللى ها يقوم

قيامة..

ما عادشى ف الأيام كرامة

تداوينا من طول يأسنا

مش طمعانين فى جنتك

لكننا

عايزين .. بحق دموع قلوبنا المؤمنة

نظرة.. إشارة.. معجزة

آية توحد ربنا..

يا ربنا

٨- تمثال صدام

يحيا العراق.. إلهام وإمام
 يحيا العراق.. فتوى وترتيل
 يحيا الوطن من غير أصنام
 شريان حياتها.. جفاف النيل
 مهما اندبحنا.. غنا.. وأحلام
 بكرة العراق يبقى لنا دليل
 ينشدلنا الموصلى أنغام
 ويعود لنا المتنبي جميل
 نفنى التتار.. ونعلّى مقام
 الشعب، ونقول المواويل
 مبروك سقوط تمثال صدام
 عقبال سقوط باقى التماثيل

خمسة وخميسة

النسر شاف الحمام .. جناحاته متقصصة ..
أكل .. ملأه الشيع .. ثم ابتدا المصمصة ..
عيني على اللي اندهس .. بالفتك واللغوصة ..
مش قصدي طبعاً أقول .. «عامل» بلدنا اليوم ..
كأنه «فردة حمام» .. على طاولة الخصخصة ..

مببروك لجنس «الصهاينة» .. حرية وانتخابات
أحزاب بحق وحقيقى .. مش منظرة وشعارات
ولا بلطجة وتزوير .. ولا ضحك ع الشنبات
ولا كل حكم .. نزيه .. وصحافة للتأليه
واللى بنصصبح فسيه .. هو اللي فسيه بنبات

سبحانه رب البشر .. حاكم ف ملكوته
للكركمان والعرب والتوتسى والهوتو
ولا حد طبعاً مخلص .. والكل يجموتوا
ياريت يا ناس نعتبر .. ونبص للتانيين
شاوشيسكو فين يا جدع وسوهارتو وموبوتو .. ؟!

ياللى كتبت الوجع .. زمن الشرف موجوع
وطريق ركوع المعانى .. سكة ماليها رجوع
فاحذر هوى يزيك .. أو يلهمك مفعجوع
واجمع دلال الحروف .. على شهوة المعنى
واياك ف يوم تكتفى .. بالمنكفى .. المسججوع !

ابن الناس الأكابر .. على ريش نعام هجع
حاصره الملل ف قصره .. سافر للمتجع
وهناك دغدغ حواسه .. ف بحيرة البجع
ولما ارتاح وعاد .. فكر يعمل مزاد
يبيع فيه البلاد .. ولا يهموش وجع

احمينى يارب يا قادر .. وادينى من عطفك رشفة
أعيش سليم من غير علة .. وعيوني أنوارهم كاشفة
وصدرى يقدرع الكحة .. وسنانى .. ع اللقمة الناشفة
ولو يحين أجلى اتوكل .. من قبل مايشوفنى الدكتور
أصل الحانوتى .. أوفر لى .. من العلاج .. والمستشفى

لكل أمة قمر عمره ما كان كذاب
تحزن يكون القمر يأس وظلام وعذاب
تنهض يعود القمر فكر وفنون وآداب
واما الأمم تنتصر تهدي لقمرها النور
واما الأمم تنهزم يلبس قمرها حجاب

يا طالعين السما .. يا عابرين الكون
يا مالكين الأرض .. شكل وحقيقة ولون
أنا حضارتى ابتدت قبل النبي الفرعون
أسرارها لسه فى قلبى وف قدس أقداسى
لا فيها إيدز وقنابل .. ولا فيها خرم أوزون

دراكولا العصر غول .. يعشق دم الغلابة
ف الأزمة يربى دقنه .. ويبسان آخر طيابة
ويقول للخلق : ناموا .. أنا جاهز للديابة
ويقوم والأمة نائمة .. يفرش له سفرة دائمة
ياكل مال الرسول .. ويحلى بالصحابة

لكل عصر ناسه .. ولكل أَلَم نحيبه
ولكل زمن غناوى معصورة ف عندليب
وف كل ثانية .. دنيا .. وبنات وشباب يشيبوا
بس المهم يا ابنى .. لو صـوت نبـضك طربنى
ح ارقص وباه وح ابنى .. أو - ع الأقل - اسـيبه!

مطر البـراح .. يا نيل .. كان من زمن هاطل
كان يومنا - رغم السمر - من غير بُنا .. باطل
غضبت علينا السما .. وسحابها ييماطل
سألت إيه السبب .. ردت صـحـارينا :
زين الشـباب .. يا نيل - بعد العلام - عاطل

وطنى اللى لازم يعود .. أدان يحيى الصمود
ويصلى ويأ الجماعة .. تحضر جميع الوعود
القبلة مكة أبية .. عارفة لمين السجود
والفاتحة فتح وصدارة .. عارفة بدون استخارة
إن «السلامُ عليكم» للأهل مش لـيـهـود

هنا صفات الكرامة دايرة ف نيل العذوبة
مصر اللي راجعة تصبّح وتنادى جيل الخصوبة
هنا اجتماع الأحبة .. رمضان ويوليه وطوبة
عارفين جمال انتسابي .. مينا وسعد وعرابي
وكل ناصر بيحلف .. إن البقاء .. للعروبة

أمريكا مش عزّتك ولا صلاح أمرك
وماهيش إله .. للحياة .. ح يمد لك عمرك
النفط .. نفطك .. يا عمى .. والتمرد ده .. تمرك
والصحرا لسه لهيبها بيغنى للصبار
خليك - فى زمن الهزيمة - قابض على .. جمرك

مجنون

مجنون

بارع ف فن الهلوسة

من بعد ما يسب العقول

بيقول :

الكلمة منى مدرسة

واتعلموا

يا مخبولين .. يا مغرورين

والأصل طين

رح اقول حَكَم .. واتعلموا

لو يوم رميتوا العقل وعشقتوا الجنان

ها يسبب قلوبكو الخوف وها يموت الجبان

واللقمة رح يلقاها وسطيكو الجعان

ويقوم طوفان الصدق

- وباحب الطوفان -

وتعوم سفينة الحق ويعيش الضمير

تسكت طبول الحرب ينفك الأسير

واتعلموا

لو يوم عرفتوا الحب من غير الغرض
ها يموت حداكو الفقر..
ويموت المرض
واتعلموا..
صبحتم بالعقول مجانين
وصايح بالجنان عاقل
أكلّم ف الخلا نفسى
وانا المسئول .. وانا السائل
وانا المقتول
وانا القاتل
وانا الخالق
وانا المخلوق
وانا العاشق..
ومش معشوق..
عشقت الناس ولسه غريب
أقرب يبعدوا عنى
ولا حدش فهم إنى
عيون عاشقة
جمال الوردة والصخرة
وقلب كبير
يساع الدنيا والآخرة

أبوس الأرض
وأحضن ضلة الأشجار
واعيش الليل كأنه نهار
ولا حسيت ف يوم بالخوف من الأسرار
ولا حسيت .. بلسعة برد
ولا حسيت .. بلسعة نار
لأن الكون جسد واحد
وروح واحدة من الإحساس
وبصوا للقمر ..
يفرح ..
ويتألم
عشان الناس
وبصوا للشجر
يطرح ..
عشان يملا بطون الناس
وبصوا
ولاً ما تبصوش
ما بصيتوا ولا شوفتوش
وقولتلكم ولا فهمتوش
بيان الكون جسد واحد
وروح واحدة من الإحساس

ولما ابكى باشوف بكرة
باشوف الكوكب المحروق
باشوف الآخرة مجهولة
كما الأولى
ولما اضحك
باشوف ضحكة لطفل برىء
باشوف نبضة ف قلب جرىء
باشوف قشة تنجى غريق
باشوف كلمة
ف وسط الكره والضلمة
بتفتح للمعجة طريق
باشوف حفنة تراب تسعى على كفى
ومشتاقة تطفى حريق
لأن الكون جسد واحد
وروح واحدة من الإحساس
دماغى انكسرت بقلوب
بتحذف طوب
ومين مكروه.. ومين محبوب
ومين حضر ليوم محسوب
مش انت القهوجى؟! طيب..
بتقفل ليه على المطلوب!؟

دا انا إنسان
وطول عمرى قضيته جعان
مشيت عريان
قاسيت العجز والحرمان
دماغى اتكسرت بقلوب .. بتحدف طوب
يزيد ولاّ الحسين عايش؟!
ومين غالب .. ومين مغلوب؟!
مش انت القهوجى؟! طيب
بتقفل ليه على المطلوب؟!
عشان مجنون؟!
يا عالم كلكو مجانيين
ومش فاهمين .. ولا عارفين
وبتصلوا .. ومش حاسين
بإن الكون
- صحيح مجانيين -
جسد واحد
- صحيح مجانيين -
وروح واحدة من الإحساس
يا كل الناس
صحيح مجانيين
يا كل الناس
صحيح مجانيين

المؤتمر اليهودي

- هاتو حُمُر الرايات
- والعُزى ف إيده لات
- والغلمان الأفاضل
- ها يشرعوا اللواط
- خلونا فى العموم
- وبلاش التفصيلات
- بنو النضير وخيبر يعودوا إلى الجزيرة
- ولا تجيبوشى سيرة
- عن الزمن اللى فات
- أما السيد محمد عظيم المعجزات
- فمممكن تكرموه وتنقلوا الرفات
- وتودوه اندونيسيا
- وممكن الرباط
- هانراجع الخراط
- ونراجع المبادئ
- ونراجع الآيات
- لا خيل ولا رباط
- وأعدوا ما استطعتم من خمر ومن سكات
- أما اهدنا الصراط
- فبلاش المستقيم
- خلوه المنحنى

الشرق أوسطية

ياحببيبتى زغرطى .. وهيصى ولعلطى
وبلاش تتسمسكى .. بالماضى لتسقطى
ولا تقفزيش لبكرة .. بعمدين تتلخبطى
خليكى أوسطية .. ف الشرق الأوسطى

درسى الأول يسا وزة .. كله أنس وملذة
لو جالك ضيف ف غزة .. قابليه واتبسطى
خليكى أوسطية .. ف الشرق الأوسطى

عروبة إيه يا شابة .. دا احنا ف زمن المحببة
ليه حسنك يستخى .. والزبدة والمربى
عايزينك تلهطى ..
وتبقى أوسطية .. ف الشرق الأوسطى

قولى كلام حنين .. وخلى الود لين
تصهينى يا حلوة .. أنا كمان هاصهين
علشان تتعفرتى ..
وتبقى أوسطية .. ف الشرق الأوسطى

السوق فاتح إيديه .. يللا ادخلي عليه
تموتى يا حرة ليه .. ما تخشى تبلبطينى
خشى ع الكاس يابت .. خلى اللجان تبت
وميلى بصدر مرمر .. وشفاف لونها نت
الشيك ف الحال هايطلع .. نرقص له أحلى نت
وإذا حد لازم له واسطة .. هزى .. واتوسطى
خليكى أوسطية .. ف الشرق الأوسطى

سوهارتو (*)

الفترة الجاية لسوهارتو .. حتى ولو مُتّوا أو انهارتوا
 الحاكم هو ومين غيره ؟! .. مين يملك ف الحكم مهارته ؟!
 الفترة الجاية لسوهارتو ..
 الفترة الجاية دى مضمونة .. والفترة التالية دى مأمونة
 مين انتو عشان تنتخبونا .. وتقولوا بدلتوا وغيرتوا
 الفترة الجاية لسوهارتو ..
 متأنى ف جميع خطواته .. وتاريخى ف جميع خطاباته
 والشعر المنتوف من باطه .. أطيّب م العنبر لطهارته
 الفترة الجاية لسوهارتو ..
 متأنى .. مش لجل غباؤه .. بالعكس .. دا معروف بذكاءه
 ونزاهته هو وأبنائه .. معروفة .. حتى ان شهّرتوا
 الفترة الجاية .. لسوهارتو ..
 إزاي ها نفرط .. وجلالته .. قاعد علشان ينهى رسالته
 ولغاية ما تشوفوا رياله .. وتكونوا - كشعب - انحضرتوا
 الفترة الجاية .. لسوهارتو ..

(*) كتبت هذه القصيدة فى عام ١٩٩٦م حيث شهدت اندونيسيا مجموعة من الأحداث الحما ..
 تجسدت فى قيام طلبة الجامعات ببدء عصيان مدنى لإسقاط الحكم الديكتاتورى الذى استمر فى
 اندونيسيا على يد سوهارتو لمدة ٣٥ عاما .. وقد كتبت هذه القصيدة على لسان أحد مؤيدى
 الحاكم الاندونيسى الذى رحل عن الحكم بالفعل وتمت محاكمة أبنائه الذين ثبت ضلوعهم فى
 قضايا فساد كبرى .

حوار قبل ظهور الإسلام

ولا طير أبابيل
ولا نور قنديل
ولا شيء ها يحوش أبرهة والفيل
النبيل موءود
ولا أي دليل
عن نبي مولود
المؤمن واقع ف الاخدود
والحاكم "ست" أو "النمرود"
المشهد واقف زى ما كان
لا سمعنا أدان
ولا شو فنا سجود
النبي ما ظهرش
بس المفروض
يظهر برسالة من المعبود
لسانا عبيد
والعصر جحود
والخير مطرود من أرض الخير
والفطرة بتبنى الشعر عمود

ولا ابن خليل
ولا علم عروض
والحج طواف بين الأصنام
والروم حاطين على أرض الشام
والفرس نيرانهم ع الأعلام
وف مكة ..

يهود
ماظهرش ف أفق الكون إسلام
والقدس شعارها صليب مشهود
صنعوه أحبار
من دم ونار
صالبين فوق منه مسيح مجروح
حاوطوه بالكذب وبالتزيف
مانعين بستانه الحى يفوح
- فين الإسلام ؟!
- لسه ماظهرش
الوحى ما جاش
- ورسول الحمد اتأخر ليه
نفسى يحصله قلبى الموعود ؟!

- شئ مش بالإيد

انا وانت عبيد

والظاهر كده ها ياكلنا الدود

من غير ما نشوف نصر ولا فتوح

- طب مين هاشيد أزهر مصر ؟!

والأقصى ازاي ممكن نبنيه ؟!

وصلاح الدين مين هاسميه ؟!

مين اللي هايبنى مدن وبلاد

قاهرة حساد

بصرة وبغداد ؟!

- انسى !!

انسى واستنى العصر الجي

النبي ما ظهرش هانعمل إيه ؟!

ماتكفرناش !!

الظلم ضرورى يعم الأرض

علشان يكرمنا الصمد الفرد

بنبي الله وجهاده الفرض

خلينا الآن

نلقى لنا مكان

ع الهامش بين الروم والفرس

ممكن نشحت من كسرى أمان
 من قيصر نشحت بعض حنان
 - طب والقرآن؟!
 - لساها ما نزلش!!
 - والمولى الواحد جل علاه?!
 - ردد ويايا ونادى اللات
 وهُبْل بالذات
 والعزى بيرفع ناس درجات
 ويخسف بينا سبع أراضين
 ورضاه ف الدنيا صحيح الدين
 صنم الأصنام
 إذا قام أو نام
 استلم العرش وثابت فيه
 إذا مات نحيه
 لما نصلى لصنم بعديه
 - لكن دا حجر!!
 - ما تقولش حجر
 دا صنم فيه روح!!
 من برج الطور أو برج اللوح
 - ونبي الله?!
 - لساها ما ظهرش

بُص على العرش
أبوجهل أمير الجاهلية
لسه ماكفرش
وابو لهب المجنون الفاجر
الحكم عليه لسه ما صدرش
- يعنى احنا سراب ؟!
- إحنا الأعراب
عجزنا مفضوح
أوهامنا فتوح
حكامنا جروح
والدين كهنوت .. كُهان ومسوح
وشرفنا لطمع الغير ممنوح
وهوانا لكل عدو مفتوح
عمرنا ممسوح
وغضبنا فقير
بالذل يبوح
والمللهم فينا شرف مدبوح
النبي ما ظهرش
واحنا الجاهلية بكل وضوح

صورة..

إلى صلاح جاهين

صورة

صورة

طالعة المحروسة المنصورة

بتعدى من حزن قنالى

وتغنى للسد العالى

والواد فلاحى وعمالى

بيغير من صوت العصفورة

ويغنى غنوة صغيورة

أنا اسمى صلاح

أنا اسمى صلاح ربي كارمنى

أنا كلى جمال مين يهزمنى

الحب يجلجل ف جنابى

ولا عمرى غنيت: يا ظالمنى

أنا قلبى كورة وكم شاطوا

وبضحكة يرجع له نشاطه

على نار نكتتى باشوات شاطوا

علشان الشعب معلمنى

أنا عصبي جداً ببراءة
أنا ساكت لكن بطلاقة
أنا فاتح للبلبل طاقة
حتى ولو فكر يهاجمنى

أنا جدى فصيح على أحجاره
وأبويا مزكى بأنهاره
متوصى على سابع جاره
وابنى ف المهد يكلمنى

أنا ادب ديبب النملاية
وأحب حبيب القمراية
وأشب تشيب النجماية
وانيابها الستة ما تألمنى

أنا إسمى صلاح
أنا نفسى ارتاح
أنا دايب مع ورق الصورة
وملامح الأمة المعصورة
وبيوت أشعارنا المكسورة
والضيقة فى الأرض الواسعة
ضربتنى الشمس المتحدة

فى الضل باغنى من اللسة

«اسعى اسعى

اسعى اسعى

خد لك صورة ستة ف تسعة»

يا سى عجورة دى نارك خسة

والأوطان مش لغز كبير

خد لك صورة مع الجماهير

المحتارة بفاس وبقصة

اسعى

اسعى وصلى بأعدل دين

خلّى النور يهدى التايهين

آخر سرف صدر چاهين

نفسى اغنى بصوت ملايين:

صورة

صورة

كلنا كده عايزين صورة

من أصغر طفلة بجدايل

على زرع ودرس بتمايل

للفلاح أبو الخير وجمائل

للواعظ حافظ القرآن

للجندى الأسد اللى شايلى

على صدره درع الأوطان

يا قلب عمار الشريعى

يا قلب عمار الشريعى
يا رحلة الضوء الجميل
من أول النور ما ابتدا
لحد باب المستحيل
دقدق معنا .. بريشة العمر الطويل
بحر النغم .. يقول : يا نيل
مش راضى منك بالقليل
تعالى نسهر كلنا
ونغنى غنوة حنينة
دايبة ف نور شمس الأصيل
يا قلب عمار الشريعى
يا رحلة الضوء الجميل
يا قلب مغرم بالوجود
ما بين مقام العشق ومقام الخلود
ف السهرة عمار مبتسم
وف حضنه .. عود
مشى بالمحبة من البياتى للصبا
وراح على نهاوند يحضن بدرها

العتمة خافت صوته يفضح سرها
 اترسقت ف القعدة نغمات « الحُجاز »
 صحيت عصافير الهوى
 ونفرت فوق القزاز
 آه من جمال الاهتزاز
 لما الصبايا رفر فوا
 وشعللوا فينا الجواز واللاجواز
 اللحن صب ف عمرنا حب الحياة
 ووصل ف شجنه لمتهاه
 النكتة دخلت للممت م الليل شقاه
 وضحكنا لما الصبح تاه
 ضحكنا لما القلب طب
 وعشان نعدي من المطب
 اخترنا عمار الدليل
 وصلّ قلوبنا للحياة
 ودل الصبايا على السبيل

(٢٠٠٠/٨/٥ م)

أغنيتي

٥

تعرف تتكلم بلدى (*)

تعرف تتكلم بلدى .. وتشم الورد البلدى
وتعيش الحلم العصرى .. يبقى انت أكيد المصرى
تعرف بالعربى تنادى .. باسم الله وباسم بلادى
نورك للعالم يسرى .. يبقى انت أكيد المصرى

المصرى حبيب متحمس .. لو حتى بدقة يغمس
لو جاله حبيب يرتاح له .. لو جاله حسود بيخمس
ويقوله افضل شهدى ..
تعرف تتكلم بلدى ..

محفوظ بيغنى يا ليل .. على دقة قلب زويل
وحليم ف الهوى دونا .. على قد الشوق والميل
ويا ويل مين ينسى يا ويل .. ثومة ومنديلها الوردى
غنواية جيل ورا جيل .. يقدر على أى تحدى
تعرف تتكلم بلدى ..

(*) لحن: عمر خيرت.

غناء: لطيفة.

من فيلم سكوت هنصور إخراج يوسف شاهين.

يا قدس يا ام الخير (*)

يا قدس يا ام الخير .. يا عظيممة الأوطان
يا جنة الموعدود .. وبـراءة الأديان
ريح الضنا يا جـريح .. والمجد للإنسان
والمسجد اللى اتبنى .. بإشارة م القرآن

غصن الزتون يا سلام .. وأجمل الأحلام
لابسين تيجان الشوك .. ف طريق وكله آلام
أما السلام يا مسيح .. كلمة ف مهب الريح
شايقة العذاب ألوان ..
يا قدس يا ام الخير .. يا عظيممة الأوطان

يا قدس يا ملحمة .. رافعة الإيدين للسما
حاضنة عدالة عمر .. رافضة الخرس والعمى
مهما الطاغوت زيفك .. ييجى شهيد ينصفك
وتعوذى بر أمان ..
يا قدس يا أم الخير .. يا عظيممة الأوطان

(*) لحن : على سعد.

غناء: محرم فؤاد - محمد رشدي - نادية مصطفى - غادة رجب.

يا مسلمين يا عرب .. استمسكوا بالغضب
وابو لهب لو عـاد .. ردوا عليه باللهب
حسوا بحجارة الصبي .. المستجير بالنبي
كل الحقوق تنصان ..
يا قدس يا ام الخير .. يا عظمة الأوطان

بعد السكون إعصار .. بجمع الأنصار
يعلا الأذان ف السما .. ونفك كل حصار
الأربعة الراشدين .. وجنود صلاح الدين
ياخدوكى بالأحضان ..
يا قدس يا ام الخير .. يا عظمة الأوطان

لسه الزمان بيفور .. يا أرض نور النور
لسه القلوب نبضها .. ويا الحجر بيثور
لسه ف قلوبنا لأ .. تعدل ميزان الحق
وبترجم الشيطان ..
يا قدس يا ام الخير .. يا عظمة الاوطان

يا عيون بلادي

يا عيون بلادي .. يا عيوني
لاتبكي حـتى ان بكوني
شهيدى راجع من تانى
يزرع نخيلى وزيتونى
ويداوى روحى تروح الآه

القلب نازف ويا جريح
من قبل منه صلبوا مسيح
زى الجبل ما تهزه الريح
جراحه جنة وموته حياة
شهيدى راجع من تانى
يداوى روحى تروح الآه

الآهة بتننادى الآهة
واحنا جميعا أسراها
آه م الدموع لو أجراها
اللى افتكر ف الصمت نجاة

شهيدي راجع من تاني
يداوى روحى تروح الآه

الدم تمن الحــــرية
يرفع رايتنا العــــربية
إضرب عدو البشــــرية
والنصــــر جى من عند الله
شهيدي راجع من تاني
يداوى روحى تروح الآه

شهيد . شهيد . شهيد (*)

يا فلسطيني ملهم .. يانصري الأكيد
 أنت الأعلى دايماً .. يا ابن الوليد
 وحياة دم جاري .. ف الأقصى العنيد
 لاها ياخدوك أسير .. ولا يشوفوك طريد
 مادمت بإرادتك .. شهيد شهيد شهيد

المولى تجلى .. ف القدس اللي طالة
 على يوم انتصاراتنا .. يا ملايكة رام الله
 يا أختي الشهيدة .. يا بطلي الوحيد
 ليكو عيني وقلبي .. والروح والوريد
 وحياة دم جاري .. ف الأقصى العنيد
 لاها ياخدوك أسير .. ولا يشوفوك طريد
 مادمت بإرادتك .. شهيد شهيد شهيد

متوحد كيالك .. مع عظمة إيمانك
 ولا رعشة ف صوتك .. ولا عقدة ف لسانك
 بركك يحرر .. أيام العبيد
 وعدوك مُحاصر .. في درعه الحديد
 وحياة دم جاري .. ف الأقصى العنيد
 لاها ياخدوك أسير .. ولا يشوفوك طريد
 مادمت بإرادتك .. شهيد شهيد شهيد

(*) لحن: عمار الشريعي. غناء: ذكرى من حفل بالأوبرا المساندة الانتفاضة. (٢٠٠٢).

النصر أو الشهادة (*)

كرامة وانتفاضة
للقُدس والشهادة
طريقين مالهومش تالت
النصر أو الشهادة
آدى وفناء البطولة
وابتسامتها الرسول
طلّى يا أمة محمد
شوفى الآية المهولة
فرض الجهاد عبادة
وشهيد الأقصى نادى
طريقين مالهومش تالت
النصر أو الشهادة

وآيات حفظت آياتها
تحى الحق بحياتها
الروح روح العروبة
تهدى للأمة ذاتها

العدل ميزان كلامها
نور الأدان سكاتها
كَبَّرَ باسم الإرادة
ضد شيطان الإبادة
طريقين مالهومش نالت
النصر أو الشهادة

(٢٠٠٢ / ٣ / ٣١)

(*) لحن: رضا رجب.

غناء: غادة رجب.

هنا فلسطين

هنا فلسطين

هنا أبطال وحـواريين

هنا فلسطين

هنا شهداء وفدائيين

هنا فلسطين

ف إيد شـباطين ونازيين

هنا الآمة تننادى الآه

هنا المجروح ينادى الله

هنا نصر الوطن والدين

هنا فلسطين

سلام النفس ف جهادها

نجاة الأمة ف عنادها

آمنت بمريم الحرة

بتفدى بلادها بولادها

جنود الكفر حسادها

هانفنيهم ولو ملايين

هنا فلسطين

هنا الآهة تنادى الآه
هنا المجروح ينادى الله
هنا نصر الوطن والدين

إله العرش بـشـرنى
وإن أنصره ينصـرنى
فلا الشيطان ها يهـزمنى
ولا الطاغوت يحـاصـرنى
ف قلبى شهيد يحررنى
وف عيـونى صلاح الدين
هنا فلسطين

هنا الآهة تنادى الآه
هنا المجروح ينادى الله
هنا نصر الوطن والدين

رفرف يا طير الحرية

رفرف يا طير الحرية
يوم انتصار الحرية
وغنى من قلبك غنوة
عن العزيمة المصرية
عن العظيمة ام العظماء
مهد الضمير حلم الشعراء
رفرف يا قلبى وطير ف سماء
مصر البطولة العربية

يا مصر يا أم الدنيا
ما بين دقيقة والثانية
بتفرضى الحق ف ثانية
وكلمتك ثابتة قوية
شجر العرب لما يطرَح
نيلك من الحب يفسح
واما الزمن يقسى ويجرح
إنتى الطيبة المداوية

مصر الكريمة المحبوبة
حروفها بالنور مكتوبة
بتحوى إسلام وعروبة
وهيه راضية ومرضية
جنودها جُند صلاح الدين
وفى رباط إلى يوم الدين
عاشوا الرجال المنتصرين
على اعداى البشرية

(*) لحن وغناء : محمد عبده

فى احتفالات مصر بأعياد أكتوبر ١٩٩٩ .

الديوان السابع

أهل الغنى

(*) كتبت قصائد هذا الديوان في شكل فوازير (بدون عناوين القصائد) في عام ١٩٩٧ وقد قدمها بصوته في إذاعة الشرق بباريس الفنان الكبير يحيى الفخراني بتقديم الإذاعية السورية الكبيرة هيام حموى، وكان المطلوب من المستمعين معرفة اسم المطرب الذي تتحدث عنه الحلقة، ثم القيت بصوت الشاعر في إذاعة الأغاني عام ٢٠٠٧ (في شهر رمضان الكريم).

لله

إلى الإعلامية الكبيرة / إيناس جوهر

أنصفتني

في زمانٍ .. عز فيه الانصاف

جمال

أغسطس ٢٠٠٩

أم كلثوم

ما أصعب التعيير.. ما أطيب اللمة
الجوف فيه تباشير.. دعوة فرح عامه
خوص النخيل يانيل.. ضلل على الأمه
الراديو فوق الرفوف.. أما الصفوف ضمه
أول خميس ف الشهر.. قلب الوطن سمى
أجمل غنا ف الدهر .. والمعجزة التامة

أه م الفراق والبين .. وآهين يا شمس أصيل
عزة جمالك فين .. يا غنوة القناديل
ونجيب غناكي منين .. يا صاحبة المنديل

سلوا كؤوسَ الطلا .. هل لامست فاهها
ليه سكنت الأسئلة .. لما سمعناهاها
ليه الربيع إنتشى .. والعشق غناهاها

يا أمهات العرب .. ادي أم من حيكم
فتحت دروب الطرب .. على جنة من وحيكم

فيروز

حببتك ف الشتاء والصيف ..
 حببتك ف ربيع وخريف ..
 وأنا حاضن ألوان الطيف ..
 أو ماشي على أي رصيف ..

صوتك ف كياني ووجداني ..
 يملاني ويغسل أحزاني
 يا أعظم زهرة ف بستانني ..
 ما قدرش عليها التقطيف

دوّني الحب ف الحنانك ..
 يا زهرة ف السما بستانك
 مين يقدر يوصل لمكانك ..
 مين يقدر يحلم ويضيف

يا عالية وعيونك زادي ..
 قومي بينا ننده على شادي
 القدس بتصلبها أعادي ..
 وجنودهم كدب وتزييف

مستتني بصوتك غنواية ..
من روح الإنجليس والآية
تحدى الطغيان ويايا ..
وتحطم جيش التخاريف

* * *

فايزة أحمد

الورد كله ملا الجناين ..
 نسـررين ونرجس وتمر حنة
 ولما صوتهـا ملا المداين ..
 قلوبنا قالت خلاص آمنـا
 بكل مغنى أصـيل وطايب ..
 يجمعنا ويـا ست الحبايب
 ولا حد فـرق بينـا وبينـا ..

الحس سوري واللحن مصري ..
 يعني العروبة نورها وشبايبها
 وصوتها جوة العروق بيسري ..
 وحاضرة فينا حتى ف غيابها

الورد كله ملا الجناين ..
 جميل وباهي وهية أبهى
 الناس تروح للقمر وهية ..
 قمرنا يوصل لحد بابها

- أفتح لسه ياأمة ولا أرده !؟

- مين اللي يقدر يعرف جوابها !؟

ست الحبايب لو صوتها غايب ..

برضه البلابل تعمل حسابها ..

* * *

ناظم الغزالي

بغداد بتحلم باللي سقوها ..
 وشربوا فيها كاس الحنان
 يعودوا تاني ويظمنوها ..
 ويحضنوها طول الزمان
 والحلوة تكبر ويزينوها ..
 يفرش عريستها بيت الأمان
 ولما تطلع من بيت ابوها ..
 الفرحة تملا بيت الجيران

ياغزال يا شارد تحت الليالي ..
 إرجع لحضني هنا يا غزالي
 إرجع لجمعك .. دا انا لسة سامعك ..
 يجرحني دمك .. يا حبيب يا غالي
 صوتك معايا وهواك هوايا ..
 إسمع ندايا واوصل وصالي
 فراقنا غربة م المر شاربة ..
 والموجة صعبة والمد عالي

ياغزال يا شارد تحت الليالي ..
إرجع لحضني هنا ياغزالي
ياصوت عراقي طال اشتياقي ..
إمتى التلاقي جاوب سؤالي

* * *

محمد رشدي

صوت الندى والخير ..
والحب والعناقيد
معجون بطين نجعنا ..
نخل وبلح وجريد
مواله .. أهل البلد ..
حافظينه زي العيد
وحبيبته تحت الشجر ..
توهب له عمر جديد

فلاح ورا الشواذيف ..
صوته نسيم الريف
ف البلينا ورشييد ..
طعم الحنان والقمح ..
ف القلب يرمح رمح
يدي الفرح مواءيد ..
وحبيبته تحت الشجر ..
توهب له عمر جديد

ف الغربلة بيودني ..
ولأهلي ييشدني
ولرشدي بيردني ..
لويبدأ التسغريد
ساعة ما غنى الكلام ..
شعبي وعالي المقام
ضربوله أجده سلام ..
عبد الحليم وفريد
وحبيبته تحت الشجر ..
توهب له عمر جديد

* * *

شادية

خمسة ف ستة بتلاتين حب ..
ليه مكسوفة يا روح القلب
دا انتي ليالي العمر الحلوة ..
وانتي الصادقة ف زمن الكذب

لو أيام الهنا معدودة ..
إنتي ف ليل الشوق موجودة
نجمة وللجماهير معبودة ..
بتعلمهم معنى الحب
ليه مكسوفة يا روح القلب ..

سوق على مهلك سوق يا زمان ..
واسمع شادية الألمان
شوف ازاي جمع الفنان ..
بين السهل وبين الصعب
ليه مكسوفة يا روح القلب ..

مهما المغنى سكت أو تاه ..
صوتك كله نغم وحياه
لو دورنا عليه نلقاه ..
ماشي تملي ف أجمل درب
ليه مكسوفة يا روح القلب ..

لما جمال الصوت ينساب ..
واحننا يدوبنا الإعجاب
مين يحجبه من خلف حجاب ..
مين يمنعه ف قلوبنا يصب
ليه مكسوفة يا روح القلب ..

* * *

عبد الحليم حافظ

الحبيب علي نبض قلبك ..
 مد ايده للحبيب
 كل طير ف الشمس غنى ..
 كان ف ضلك له نصيب
 يانغم حتى ف سكوتك ..
 ياللي صوت العشق صوتك
 ف الشروق أو ف المغرب ..
 إنت أجمل عندليب ..

يا زمان العندليب ..
 جرحنا وياك يطيب
 كل غنوة حب منك ..
 حلسم مش ممكن يغيب

كل غنوة حب حلوسة ..
 كنت معناها وضميرها
 كل خطوة فجر صادق ..
 كنت عاشق خط سيرها

لَسَّهَ مَغْنَاكَ الْحَقِيقِي ..
فَ الْعَطَشَ بِيَبْـلِلَ رِيقِي
يَمْلَأُ قَلْبِي بِنُورِ عَجِيب ..
وَأَنْتَ أَجْمَلُ عِنْدَ لِيْلَب

كُلَّ عِزَّةٍ دَائِمَةٍ فِينَا ..
نَلْتَقِيهَا جَوْهَ حَسِّكَ
لَوْ نَعِيشُ لَيْلَةً حَزِينَةً ..
كُلَّ حُزْنِ الْكُونِ يَمْسُكَ
أَلْقَى صَوْتُكَ هُوَ دَارِي ..
وَالْقَى صَوْرَتُكَ فَوْقَ جِدَارِي
تَبْتَاسُ لِي مِنْ قَرِيب ..
وَأَنْتَ أَجْمَلُ عِنْدَ لِيْلَب

* * *

صباح

يا خواتي بحبها ..
 دي حبيبة فنها
 شحرورة وليها صورة ..
 والدنيا ف حضاها
 من شدة البساطة ..
 تتعشى بالبطاطا
 لا خناقة ولا شباطة ..
 ويا خفة دماها
 لكبوش التوت تغني ..
 يفرح عصفور محني
 ياخذ قلبي التمني ..
 أتمنى اوصلها

بطلة على كل شاشة ..
 وف طلتها البشاشة
 فقيرة وبنت باشا ..
 والسحر ف حساها

شابة وشبابها دائم ..
وأرق من النسيم
والكل بيها هايم ..
ويطلب ودها
عبد الحليم طلبها ..
وفريد الاطرش خطبها
ومحمد فوزي سابها ..
ولكنه رجع لها
أفلام طرب وسيمها ..
وراهها نفوس عظيمة
معمولة بكل قيمة ..
على قد حسننها
لبنان شاهد ميلادها ..
وقلوب الناس ميعادها
أرض العرب بلادها ..
مغربها وشرقها

* * *

ليلي مراد

هو اكي هو نور حبي ..
وفين انتي وانا فـينـي
عُنـاكي أعز من قلبي ..
وإنتي أعز من عيني

شربنا الحب م الينابيع ..
وصوتك هلّ .. هلّ النور
صحيح صوت الريحاني فظيع ..
لكن جنبك صبح عصفور
عشان خاطرك يخش النار ..
يلقح جتته فيها
وتفتح لك الأزهار ..
وهو جراحه يخفيها
عشان خاطرك يخش النار ..
وإنتي صوت من الجنة
وشحات الغرام محتار ..
على بابك بيستنى

سكرني الحب من غير كاس ..
رسمني بأجمل الألوان
وإحساسك وتر حساس ..
ييعزف أجمل الألحان
وكان قلبي دليلي يا ناس ..
صبح بعدك بدون عنوان

ملاك الحب يا ملاكي ..
بيحلي الحب بغناكي
بيحلي الحب مع صوتك ..
وتحلي دنيتي معاكي
مرادي لو ادخل الجنة ..
الاقسي نفسي وياكي

* * *

نجاه الصغيرة

الحب كان ف زمانكو نبيه ..
الناس تشوفه وتلبيه
إزاي حبيب قلبك مادريش ..
شاف نظرتك ولا حسش بيه
مع إنه كان أقرب عنوان ..
ساكن قصادنا وبتحبيه

إزاي تكون أشواك الحب ..
سهرانة جموا عيون القلب
إزاي يكون قلبك ملهوف ..
وتعيشي بالإحساس الصعب
وانتي مش قادرة تصارحيه ..
مع إنه كان أقرب عنوان ..
ساكن قصادنا وبتحبيه

دقيقة واحدة كان يجري إيه ..
تقولي وانتي عينك ف عينيه
متى ستعرف كم أهواك ..
وتسيبي إيدك حاضنة إيديه

تعيشي مع أجمل إحساس ..
وتنوليننا قمر وناس
يابهجة الروح والأيام ..
داانتني نجاتنا من الإفلاس

* * *

محمد عبد الوهاب

النيل نجاشي .. نجاشي النيل ..
 وهو ماشي بحس جميل
 يغني غنوة عشق الروح ..
 تداوي أيها قلب عليل
 السيمفونية ف قلبه تعيش ..
 مع التلاوة والتراتيل
 يعرف مقام سيد درويش ..
 وكل فن عظيم وأصيل
 كأنه بلبل مش حيران ..
 بين القصائد والمواويل

مطرب ملوك .. مطرب فقراء ..
 ونشيد مواعيد الأفراح
 عندك ف صوته أمير شعراء ..
 كروان يغرد كل صباح
 وف المسافر عشتاق ..
 حواليه تدوب جميلات وملاح
 وساعات أمير بين الأمراء ..

وساعات أسير عيشة الفلاح
الفن عاش هايم حواليه ..
مطرح مايمشي ويسعى إليه
يناجي حبه بأجمل صوت ..
واحننا قلوبنا ترد عليه
حُب الحياة عشقه وهواه ..
ساكن ف روحه ونن عينيه
حب الوطن وطن الأحرار ..
زي الصلاة .. كان فرض عليه
هوة موسيقار الأجيال ..
من غير مناقشة ومن غير ليه

* * *

محمد فوزي

ذَهَبَ اللَّيْلُ وَطَلَعَ الْفَجْرُ..
والكروان عذبني بهجره
قولت انساه وأعيش الحاضر..
شوفت جوارحي إليه بيهاجروا
قولت ارجعله واعيش مع عصره..
اللي بلحنه سابق عصره
اللي بفنه حقق نصره..
ليه اليوم بغناه بيتاجروا

الكروان عايش حواليا..
هو حبيبي ياناس وعنيا
صوته ولحنه وخفة دمه..
ماتخفاشي عليا عليا
غنى عشان الطفل وأمه..
قال له زمانها يادقدق جاية
صاحب نغمة وصاحب بسمه..
فات ف سمانا كأنه النسمه
مات مظلوم مش واخذ أجره..
ليه اليوم بغناه بيتاجروا

كان ف زمانه ييقسوا عليه ..
فات العصر اشتقنا إليه
قالوا الغنوة اليوم شبابية ..
مع إنها من صنع إيديه
بعض أغاني اليوم هبابية ..
خبط ورزق وأبصر إليه
هو الأصل وغيره يزور ..
ولا كناش أبدا نتصور
إن البوم ح يقف على شجره ..
ليه اليوم بغناه بيتاجروا

* * *

صباح فخري

هلا بصباحي وفخري الغالي ..
 هلا بالطرب اللسي بيحلالي
 غنوة حلب اللي بتتغننى ..
 وتوصلننى لأعلى أعالي
 أشرب من أنهار الجنة ..
 يخلص كاسي يعود يملالي
 قول واشجيني ياعم وطول ..
 وأنا وياك رح اقول موالى
 باين والله الحب نادالى ..
 يامال الشام والله يامالى

حلب الحلوة بتروى ورودها ..
 وأنا مبهور من سحر قدودها
 واما عظمته وقف بعظمته ..
 يقول موالها .. ويعزف عودها
 الموصلى نادى لزياب ..
 واستانبول فتحت لي حدودها

غنى وقاللي .. امان يالالالي ..
النغمات حست بوجودها
ليلي يا عيني ياأحلى ليالي ..
يامال الشام والله يامالي

حلب الحلوة ولونها حليبي ..
قلبي عليل وغناها طبيبي
اتنسمت ف صوته عبيرها ..
خدت ف دنيا الفرح نصيبي
غنى زوروني ف السنة مرة ..
حسيت إنني قابلت حبيبي
ياللا يا شمس الحب تعالي ..
أوعي ف ليل الفرقة تغيبني
خلي ليالي اللقا تصفالي
يامال الشام والله يامالي

وديع الصافي

يا ليلي يا بنت ضيعتنا ..
يا ورد ونور ف غنوتنا
خطبتك لابني يتجوز ..
تعاللي نسوري بيتنا

أنا مصري باغني أوف ..
ولبناني ما بعرف خوف
ولما اطلع لجبل الشوف ..
أشوف أول حكايتنا
يا ليلي يا بنت ضيعتنا ..
على الزيتون والجبننة ..
حياة الحب تعجبنا
ولا غالب يحلبنا ..
مدام الصبر تالتنا
يا ليلي يا بنت ضيعتنا ..
يا عيني ع الصبر ياليلي ..
إذا مرت سنين مايلة
يفوت وايدنا مش طايلة ..
يعود بالخير لدنيتنا
يا ليلي يا بنت ضيعتنا ..

يا عيني عالصبر مرسانا ..
ف يوم مالدنيا تنسانا
نلاقي الصبر وانا ..
يسمع لينسا شكوتنا
ياليلي يابنت ضيعتنا ..
حبايب الدار .. أهالينا ..
جنوب لبنان ينادينا
على الله تعود ليالينا ..
مع بيسروت حبيبتنا
ياليلي يابنت ضيعتنا ..

* * *

محرم فؤاد

الحلوة ودابر شباكها ..
 بساتين الورد مع الفاكهة
 وانت اللي بتسعى ف فلكها ..
 تعشقك الغنوة تغنيها
 الحلوة دي مصر المحروسة ..
 ورداية ف النور مغروسة
 تنزين ولا أحلى عروسة ..
 لو غنوة تنور ليساليها
 بتحب الطرب الحقاني ..
 مغربي وجزائري ولبناني
 وخليجي وشامي وسوداني ..
 وغناك الحلو بيشرحها

ياواحشني ماترد عليا ..
 ازيك سلامات ياغنيا
 سمعني أجمل أغنية ..
 بتصاحب روعي وتحياها

أنا شوفت دموعك ف السیما ..
يا حسن بتغني لنعيمة
أغنية معانيها عظيمة ..
تسعد ملايين وتهنيها

طول عمرک ف الفن مُکرّم ..
ظهر اللي بيرفض ويجرّم
بيقولوا ان الفن مُحَرّم ..
والشعلة لازم نطفئها
والنبي لنكيدهم ونكيدهم ..
ونقرب بعض ونبعدهم
هانغني للناس نسعدهم ..
وتعيش الغنوة ومعانيها

* * *

فريد الأطرش

آدي الربيع عاد من تاني ..
 خيـــــر وأغـــــاني
 على سحر صوتك حيانـــــي ..
 بأحلى الأنغـــــام
 يبجي الخريف يحضر صوتك ..
 يلفـــــي سكوتك
 لحن الخلود يهزم موتك ..
 ونعـــــيش ف ســـــلام
 مهما الشتا ليله يطول زي الأول ..
 أنا قلبي عمره ما يتحول ..
 رغم الأعـــــوام

ف ليل سهادي بانادي عليك ..
 وأحـــــن إلـــــيك
 ياريتني طير وانا اطيـــــر حوالياك ..
 طـــــول الأيـــــام
 أسمع غنـــــاك وأقـــــولك عيد ..
 غنـــــي يا وحيـــــد

هـدى سلطان

يـاتاكـسي الغـرام
 يـامقـرب البـعيد ..
 يـامسـابق الحمـام ..
 والسـكة الحـديد ..
 وصـلنـي .. بـسرعة ..
 للـحـب الفـريد ..
 داانا قلبـي معـها .. من أول صباها
 وشبابها وغُناها .. والزمن السعيد

لو تـسمـع غُناها ..
 حـ تـرجـع شـبابـك
 وتداوي جـراحـك ..
 مـ السـهم اللـي صـابـك
 أـمـا ان كـنت نـاسـي ..
 رح افـكـر جنـابـك
 بأخـوها اللـي غـنى ..
 وزمـانـه فـجنـه
 وهـيـة لـسـة بـينا ..
 بـالعـمـر المـديد

داانا قلبي مـعـاها ..
من أول صـبـاها
وشـبـابها وغناها ..
والزمن السعيد

ف رصيف نـمـرة خـمـسة ..
حـبـيـتـها وهـوـيـتـها
وفريد شوقـي لـسـة ..
كان حـاكـي حـكـايـتـها
قالـلـي كـانـت رـقـيـقـة ..
والـمـغـنـى غـايـتـها
بنـسـت بـلـد أصـيـلـة ..
وكـرـيـمـة ف بـيـتـها
وأخـوك وحـش شـاشـة ..
لـكـنـي ف سـاعـتـها
حـسـيـت أنـي عـاشـق ..
أسـرـتـنـي بـطـيـبـتـها
واللـه أنـت فـعـلا ..
فـنـان يـا فـرـيـد

وانا قلبي معاها ..
من أول صباها
وشبابها وغناها ..
والزمن السعيد

* * *

سيد مكاوي

مسحراتي بصوته يجــــود ..
ماشـي ف نور ربنا مـوجود
تدب رجليه مكان ما تحب ..
بطبـلـة مرة ومرة بعود
الفن يصحّي الأوطان ..
رمضان كريم وانشالله يعود
والارض حرة بتكلم ..
عربي .. وعلى الكل تسلم
وتطيب جراح المتألم ..
ونحرر الوطن المفقود

سلطان طرب .. عالم سيّد ..
على عرش قلبنا متسيّد
لو هل صوته بنعيّد ..
من جدنا لآخر العنقود
رمضان كريم وانشالله يعود ..

من يومكوا والله صحيح حلوين ..
 ياطيبين وياعشرين
 عجبني عليك مع عم جاهين ..
 بتنـوروا الأيام السود
 بتفصصوا المولد تفصيـص ..
 وتهيـصوا العالم تهـيـصـص
 وترقصوا الحمص ترقيـص ..
 وترقصوا ف السيرك أسود

ياحبيبي خلي شوية عليك ..
 حس بقلوب الناس حواليك
 تلقى الجميع اشتاقوا إليك ..
 قاللي كأنـه وتر مشدود
 الأرض تتكلم عـربي ..
 وتحس لو سمعت طربي
 بحناني وبجرحي وغضبي ..
 وبحبي داللي مالو هـش حدود
 رمضان كريم وانشالله يعود ..

* * *

أسهمان

يابدع الورد وجمالـه ..
ياوردة عمرها قُصِير
ومهما عادوا أوقالوا ..
غرامـي عمره ما اتغيّر

فريد الاطرش اذا غَنَّى ..
ف صوتـه الباكي نلقاكي
نلاقـي الحزن له رنة ..
سببها غياب محياكي
نلاقـي الأهلـه والأنـه ..
ف قلبـه أوف مـوالـه
يابدع الورد وجمالـه ..
ياوردة عمرها قُصِير

تقولي بصوت جميل أهوى ..
قلوبنا تحس نبضتها
تصبـي بإيدك القهـوة ..
ندوب من كثر حلـوتها

وليه خطفك على سهوه ..
قدر معروف بأهواله
يابدع الورد وجماله ..
ياوردة عمرها قصير

ليالي الأنس ف فينا ..
بنتمنناها وياكبي
قلوبنا معاكبي تنهني ..
ولا يمكن هاننساكبي
مع صوتك بنستتني ..
يجود المولى بمثاله
يابدع الورد وجماله ..
ياوردة عمرها قصير

* * *

وردة الجزائرية

ما زال صوتك يونسنا ..
وتونس حياتنا بيه
ما حرمناش ف يوم حبك ..
ونتمنى نعيش لياليه
ونخلك لسه ف العاليي ..
وبلحه للعليل يداويه
يا حبة عيني على عيني ..
أشوف بلدك أسير مآسيه

جزائر الثورة يا جزائر ..
يا صوت الحب والإلهام
نسيمك ف العلا طائر ..
بيحضر أجمل الأعلام
وليه سليف المزار دائر ..
بيحصد عمرنا البسام
كفاية عجز يا ضمائر ..
كفاية يا لعبسة الأيام

يا زهرة حب بتعبر ..
 غرامك ف القلوب أكبر ..
 من الليل اللي جارحنا ..
 لكن عندي بصوت ناسي ..
 عتاب يمكن يكون قاسي ..
 ياريت قلبك يسامحنا ..
 جزائر الحب بتنادي ..
 وصوتك ليه ماهوش راضي ..
 يرد بغنونة ف المحنة ؟!
 جزائرنا بنفديها ..
 ومين غيرك يغنيها ..
 عشان ترجع وتفرحنا ؟!

* * *

عزيزة جلال

بتخاصمني حبة ..
وتصالحني حبة
بس قلبي لسمة ..
دايب ف المحبة
واقفة بنضاراتك ..
بتغني آهاتك
شوفت جمال صفاتك ..
قلبي بسرعة لبي

ف المغرب رأيتك حلوة ومغربية ..
عايشة جوة قلبي بأجمل صبية
بالصوت الملايكي والبسمة الندية ..
والفن اللي خدني لسني الهنية
ليه تحتجبي عنا .. وتعيشي ف غربه
بتخاصمني حبة .. وتصالحني حبة
الليالي مرت ف اللحظة الوجيزة ..
ساعة ما ابتسمتي بالنظرة اللذيذة

كل كلمة غنوة فيها ألف مميزة ..
وانتي غالية جدا ف قلوبنا وعزيرة
إعتزلتني ليه .. وانتني لسة شابة
بتخاصمني حبة .. وتصالخني حبة

قالوا عليكى جامعة .. أصوات الحنان ..
هدى سلطان ف صوتك وكمان اسمهان
ولأ سعاد محمد .. وحلاوة زمان
والناي اللسي غنّى .. والعود والكمّان
إعتزلتني ليه .. هو الفن لعبة ؟!
بتخاصمني حبة وتصالخني حبة
إعتزلتني ليه .. عشان ايه اعتزلتني ..
سبتي الفن ليه وبياه انشغلتي
ياريتنا رفضنا وياريتك سألتني ..
وياريتك تعودى وتحسني بحالتي
ونقضّي الليالي بين طرب وصحبة
بتخاصمني حبة وتصالخني حبة

* * *

عفاف راضي

وحدها قعدت ف البيت ..
فكرت ف حالها بكيت
صوتها الحاضر ليه غايب ..
دانا ياما معاه حبيت

من أول يوم هويناهها ..
وفرحننا عشان لقيناها
غنت حسيت وياها ..
حسيت بغياها قاسيت
آه يا صوت أوبرالي صحيح ..
لكن على شرقى فصيح
ليه ضايع وسط الريح ..
ليه ويّا الصمت مشيت

قالت علشان إخلاصي ..
للفن وأهلي وناسي
أنا عشت أصون إحساسي ..
ونادائي الغنا غنيت

قدمني بليغ على عوده ..
قدملي الفن وروده
وبدأت أعيش ف صعوده ..
وبحُب الناس حسيت

أنا عشت بإحساس راضي ..
ولقيت ف الفن مرادي
لكن وبشكل إرادي ..
وحدي استنيت ف البيت
عصفور الفن الشارد ..
مش لاقني الفن الخالد
مولد والدنيا موالد ..
خلونني ياناس مليت

* * *

إسماعيل يس

أهلا بك يا سمعة شرفت وأنست ..
شوفنا الفيلم تاني وانت صحيح ذا بست
صوتك بونوناية .. وانت البونونست ..
مونولوجست مطرب ..
مطرب مونولوجست ..
يضحكننا جدا لما يقول : يئست ..
وبيعجبنا صوته لما يقول : خرست ..
شوفته ف دور صعيدي ..
وبيـرقص تويست ..
يعني ف كل ميـديا ..
فارس للكموميـديا ..
وف سيمـا ومسرح
كان هو الفرست ..
مونولوجست مطرب ..
مطرب مونولوجست ..

اليوم افكرته لما سمعت ناس ..
صبحوا ف أعلى شهرة بس بدون أساس

وكلامهم مشكلٌ يعملي التباس ..
 ولا ينفع أغاني ولا مونولوج كمان ..
 ولا ينفع لحاضر ولا ينفع زمان ..
 أحاسيسهم ضعيفة .. أغانيهم عنيفة ..
 أصواتهم مخيفة .. لو عملولها تيست ..
 فين زمان يا سمعة ..
 داانت صححـيح ذا بست ..
 صوتك بونبوناية .. وانت البونبونست
 مونولوجست مطرب ..
 مطرب مونولوجست ..

رغم كُـبر بقك انا رافع لوائك ..
 مقاماتك سليمة والفن ف آدائك ..
 فيه صوت النهاردة ما يساويش حذائك
 عامل فيها مطرب .. جاب للخلق غمة
 أخنف .. والخنافة عنده تكفي أمة ..
 ممكن يعملوله .. مهرجان بطوله ..
 ياما هلولوله .. وسمعته نعست ..
 فين زمان يا سمعة ..
 داانت صححـيح ذا بست ..

صـوتك بـونـبـونـاية ..
وانت البـمـونـبـونـست
مـونـولـوجـست مطرب ..
مطرب مـونـولـوجـست ..

* * *

نجاح سلام

برهوم يحاكيني ..
 وانتى بتهديني
 غنوة نجاح وسلام ..
 تسكن شرابينى
 عايز جواباتى ..
 أكتبها بأهاتى
 وابعثها يا حياتى ..
 بشمالى ويمينى
 أبعثها من تانى ..
 يا نور فوجدانى
 بالحب تملانى ..
 بالصدق تحيينى

مِلْنَا مَيُولَة ..
 قِيلْنَا قَيُولَة
 وَأَكْلْنَا تَبُولَة ..
 إِمْنَى نَوَاعِدِينِى

ليـل الغرام ليـل ..
أنا قولت رح اميـل
ياريم وياغزيـل ..
داالحب مـاليني
لو تيجي للولهان ..
نحيي ليالي زمان
ونعيش مع الألمان ..
وانتي اللي تشجيني
برهوم يا برهومة ..
الغربة مقسومة
وانا روعي محرومة ..
والبعد كاويني
بلغها يا برهوم ..
إن الأصـيل بيدوم
وهايجي يوم معلوم ..
تطرح بسـاتيني
فن الغنا هايعود ..
سحر وطرب وقـدود
وف يوم أكيد مـوعود ..
يعدل موازيني

ياريم ف وادي سـجـيف ..
خـدتي الوسام تشريف
من عندي ممكن اـضـيف ..
قلبي ونيـاشـيني

* * *

نبيل شعيل

سكة سفر .. فيها مشاوير العمر
سكة سفر فيها مشيت
خـدتني روعي للكويت
قـابلوني أهلي ف كل بيت
وشـربت م الحب ارتويت
وسمعت شعراء النبط
قلبي ف صـحاريهم نبت
وسمعت أغانيه انتشيت
قـابلوني أهلي ف كل بيت
بشـعـور نبـيل
وشغّلوا الراديو على حسه الجميل
وقـالولي ده كـروان طرب
ودمـس روسـوس
لكن على صوت العرب
خدني بإحساسه الحبيب
رجـعني للأمس القـريب
ياشمس لا .. لالا تغيب
ياحب لا .. لالا تغيب

جرح العرب لازم يطيب
 ويزول كابوس الإنسانية
 ويضمنا الشط الرحيب
 شط العــــــــــــــــــــــــــــــــرب
 شط الطرب والإنســــــــــــــــــــــــــــــــجــــــــــــــــــــــــــــــــام
 شط المحبــــــــــــــــــــــــــــــــة على الدوام
 النور بيــــــــــــــــــــــــــــــــقــــــــــــــــــــــــــــــــدر ع الظلام
 والإنسانية على الآلام .. متغلبة
 رجعني لسنين الصبــــــــــــــــــــــــــــــــا ..
 نسيتني أيام مرعــــــــــــــــــــــــــــــــبة
 قاللي - بأحاسيس طيبة -
 (عينك على مين يابوطبع غريب
 قلبك على مين يابو قلب عجيب)
 ياسلام على الصوت الجميل
 صوت الخليج حر وأصيل
 بشــــــــــــــــــــــــــــــــعــــــــــــــــــــــــــــــــور نبــــــــــــــــــــــــــــــــيل

* * *

محمد قنديل

أنا اللي واقف ع الأهرام ..
أحلم أحلام
وأشوف جمال بساتين الشام ..
مليانة زهور
سمعت صوت أسمر وجميل ..
على شط النيل
نور لنا ف الغنا قنديل ..
إحساس وشعور
وقال لنا الوحدة يا أصحاب ..
أهل وأحباب
وازاي هايغلبها الغلاب ..
وان كان مغرور

على صوته شوفت جميل واسمر ..
زي السكر
يطلع على الناس يتمخطر ..
بقوام مسحور

وبين شطين وبين ميه ..
 كانت هية
 شابة جميلة وعريية ..
 ولا بدر بدر
 بعثت بعينها ثلاث نظرات ..
 بتلات سلامات
 قتلها نفسي أعيش ف تبات ..
 والهنا مبدور

سمعنا صوته طرب وجمال ..
 بيقول ف الحال
 روح الغورية وهات خلخال ..
 هاتعدي السور
 وتعيشوا مع أجمل أفراح ..
 وتداوا جراح
 تفوت سنينكوا سماح ف سماح ..
 وسرور ف سرور

* * *

سعاد حسني

صدق اللي قال الدنيا ربيع ..
والجــــــــــــــــو بــــــــــــــــديع
قفــــــــــــــــلي على كل المواضيع ..
قفــــــــــــــــل تقفــــــــــــــــيل
وكفايــــــــــــــــة سيرتك بين الناس ..
بهــــــــــــــــجة وإحــــــــــــــــساس
وضحكتــــــــــــــــك أجمل م الماس ..
من غــــــــــــــــير تجــــــــــــــــميل
نورتــــــــــــــــي فن السينما بفن ..
أعظــــــــــــــــم وأحــــــــــــــــسن
وباحكي عن أغانيكي وعن ..
فن التــــــــــــــــمثيل

مش مطــــــــــــــــربة لكن ع الدرب ..
صــــــــــــــــوتك يتــــــــــــــــحب
وغنــــــــــــــــوتك بتخش القلــــــــــــــــب
.. من غــــــــــــــــير تعطيل

فن الغنا هنا بنعوزه ..
زي كننـــــــــــــــــــــــــــــــــوزه
وآدي خلبي بالك من زوزو ..
ويااواد ياتقــــــــــــــــــــيل
ع الحب لسة صغيرة ..
يا أسطـــــــــــــــــــــورة
ف قلوبنا حاجزة المقصورة ..
ولا ليكي بديل

لون الحياه ولونك بمبـي ..
 ليه هانـخبـي
 داانا حبي ليكي ملا قلبي ..
 وانا قلبي أصـل
 طول عمره عنك ما بعدني ..
 لنورك خـدـني
 وانا عمري ما انسى اللي سعدني ..
 ولا عنك امـيـل

✻ ✻ ✻

عليا التونسية

ياتونسية .. ياتونسية ..
سمعنا صوتك أجمل هدية
وشوفنا تونس حلوة وعفية ..
وعشنا فيها أيام هنية
وياكي عشنا واما عطشنا ..
شربنا مرققة صفاقسية
ف الفن عاليا ياتونسية ..

ع اللي جوالي من المراسيل ..
آه لو تعودى وأخذ منديل
أمسح دموعي ساعة ماتيل ..
دموع فؤادي ودموع عينا
سمعنا صوتك أجمل هدية ..
وشوفنا تونس حلوة وعفية
ف الفن عاليا ياتونسية ..

ع اللي جري وع اللي ماجراش ..
ف البعد عنك ماقدرناش

قولنا ياريت كان صوتك عاش ..
صوت الكرامة رغم الأسية
سمعنا صوتك أجمل هدية ..
وشوفنا تونس حلوة وعفوية
ف الفن عالية ياتونسية ..

ياغنوة باقية ف كل عصر ..
دخلت حياتنا مع أغلى نصر
ما تقولش إمتى تديننا مصر ..
وقول ح ندي لعيون بهية
سمعنا صوتك أجمل هدية ..
وشوفنا تونس حلوة وعفوية
ف الفن عالية ياتونسية ..

* * *

محمد عبد المطلب

ساكن ف حي السيدة ..
وحبيبي ساكن ف الحسين
وعشان أنول كل الرضا ..
يومماتي أروح له مرتين
مرة أقول له مش كده ..
ما تحن وتمسك الإيديين
والتانية عنداً ف العدا ..
أغني عنده غنوتين
وأقول لده وأقول لدا ..
ياريتني كان عندي جناحين
داانا كنت أعود للسيدة ..
وارجع أرفرف ع الحسين

يا اهل المحسبة سألتكم ..
أنا نفسي أسكن حيكم
إدوني حبة من الهوى ..
أعيش واغني بحسكم
وانشد لكم من غير حسد ..
دا الوصل حلـو يا بختكم

صوتي يسافر ف المدى ..
والفرحانة تسكن كل عين
ساكن ف حي السيدة ..
وحبيبي ساكن ف الحسين

ياحبيبي ياللي هجرتني ..
ودع هواك أو حسني
مهما العزول عني يقول ..
إسأل عليا وودني
خلينا نفرح باللقا ..
القلب عمره ماينحني
أدوب معاك زي الندى ..
نلغي مايننا الخطوتين
وياإمما تيجي السيدة ..
ياإمما أسكن ف الحسين

* * *

محمد الكحلأوي

مداح رسول الله ..
بيغنى لجل النبي
وأنا مشيت وياه ..
أنشد على مذهبي
حب الرسول مغزول ..
جـوه فؤادي الصبي
أما اجتماع العرب ..
على الحنان .. مطلبى
يا أمـتـى قـربى ..
على دنيتى طبـبى
لجل النبي .. لجل النبي ..
لجل النبى
دي القعدة حلوة والنبي
عند النبى

مداح رسول الله ..
 دايب ف حبيب دوب
 حب الرسول أعطاه ..
 أجمل وأطهر توب
 مداح رسول الله ..
 يطلب بشارة وممدد
 يدعي ف كل صلاة ..
 إذا ركع أو سجد
 صدق العزيمة حياة ..
 يغنيننا كثر العدد

يا أمّتي قسربي ..
 واجهي وبلاش تهربي
 ليل الطرب للطرب ..
 ومن المحبة اشربي

أرض العرب للعرب ..
لو يلمسوها اغضبي
جل النبي .. جل النبي ..
جل النبي
دي القعدة حلوة والنبي
عند النبي

* * *

الديوان الثامن

مسحراتي يا مصراوية

كُتبت أشعار هذا الديوان في الفترة من ٢٠٠٩/٨/١٣ حتى ٢٠٠٩/٩/١٧ وقُدمت على شكل برنامج شعري غنائي - بأدائي .. وألحان وغناء الفنان أحمد سعد .. وإخراج الفنان مجدي لاشين - على شاشة القناة الأولى بالتلفزيون المصري في أيام رمضان في الفترة من ٢٠٠٩/٨/٢١ حتى ٢٠٠٩/٩/٢٠ .

لهذا

إلى المذبة المثقة

عزة مصطفى

فقد طلبت منى إنجاز هذا العمل .. فى وقتٍ .. لم أكن أعلم فيه انه
يتلأ داخل وجدانى !!

جمال

يناير ٢٠١٠

الست .. أمي

مسحراتي يا مصراوية
ف مصر تسرى روحى .. برويه
مسحراتي يا مصراوية
بدق قلبى تسمعنى هيه
أبويا مدّى البشر هديه
وجدى مدّى الحنان هويه
وفوق سطوحى للحب غيه
يطير ويرجع يلاقينى طائر
وحبيبتى واقفة ف المشربيه
مسحراتي طيب وراضى
نور الملائكة ملو الأراضى
ملائكة حاضرة
وطايرة بيّنا
صلوا معانا على نبينا
يارب وأنت علام غيوب
أنا نفسى اتوب
ونويت أصوم لك
صيام مُطَهَّر من الذنوب

مسحراتي ولسه قادر
 م الريف احوّد على البنادر
 انده خديجة .. وانه تُماضر
 ستات بلدنا هدى وسكينة
 وحتى ربة البيت امينة
 والحضن أكبر من السفينة
 يعدوا بينا من بحر هادر

ستات بلدنا من عهد سيزا
 وطيارتنا كابتن عزيزة
 وكل واحدة بألف ميزة
 شقّت طريقها بصبر نادر
 علشان تعدّي من بحر هادر
 مسحراتي باعشق بناتي
 والست أُمى .. حياة حياتي
 عايشة ف خطايا وف أغنيات
 ولا كنت اخطي
 ان لم تُبادر
 وتعدّي بينا من بحر هادر

الست غاية

الست آية

هي اللي حطت علم الرباية

وطن بينده تقوله : حاضر

حسد بيحضر تقوله : غادر

وتعدّي بينا من بحر هادر

رمضان ناداني

والقلب لبّي

تعالى واشرب

من المحبة

والبركة تملأ جامع ودير

وكل ثانية واحنا بخير

بدايته رؤية ونهايته رؤية

يادنيا .. صحرا ..

رمضاني .. ساقية ..

تروينا جمعا بشروطير

وكل ثانية واحنا بخير

* * *

تأشيرة واحدة

مسحراتي يا مصر اويّه
 ف مصر تسري روحي .. برويه
 مسحراتي يا مصر اويّه
 يدق قلبي تسمعني هيه
 أبويا مدّي البشر هديه
 وجدى مدّي الحنان هويه
 وفوق سطوحي للحب غيه
 يطير ويرجع يلاقيني طابر
 وحبيبتى واقفة ف المشريه
 مسحراتي طيب وراضي
 نور الملايكة ملو الأراضى
 ملايكة حاضره
 وطايرة بيئنا
 صلوا معنا على نبينا
 يارب وأنت علام غيوب
 أنا نفسى اتوب
 ونويت أصوم لك
 صيام مُطهر من الذنوب

مسحراتي .. اللي جي أحسن

أقل يأساً

وأعلى رأساً

وعيونني شايقة بنظرة واحدة

جواز سفرنا

جمّع ديارنا

مشرق ومغرب

تأشيرة واحدة

أرض العروبة

من غير صعوبة

بتلف فيها أغنية واحدة

أنهار وفيرة

أفكار غزيرة

جهات كثيرة

والكعبة واحدة

حُط البراءة مع الجراءة

ف نفس واحدة

الحب يفتح ف قلوبنا طاقة

ف ثانية واحدة

حُطُّ ابتسامنا .. مع علامنا

ف كفة واحدة

الدنيا تعرف مقدار مقامنا

بكلمة واحدة

مسحراتي من انبساطي

بافرش بساطي ف أرض واحدة

وعندي دائما أمنية واحدة

أطوف بلادى

بخطوة واحدة

رمضان ناداني

والقلب لبيّ

تعالى واشرب

من المحبة

والبركة تملا جامع ودير

وكل ثانية واحنا بخير

بدايته رؤية ونهايته رؤية

يادنيا .. صحرا ..

رمضاني .. ساقية ..

تروينا جمعا بشروطير

وكل ثانية واحنا بخير

* * *

كعب داير

مسحراتي يا مصراويه
ف مصر تسري روحي .. برويه
مسحراتي يا مصراويه
يدق قلبي تسمعني هيه
أبويا مدّي البشر هديه
وجدى مدّي الحنان هويه
وفوق سطوحى للحب غيه
يطير ويرجع يلاقينى طاير
وحبيبتى واقفة ف المشربيه
مسحراتي طيب وراضى
نور الملايكة ملو الأراضى
ملايكة حاضره
وطايرة بينا
صلوا معانا على نبينا
يارب وأنت علام غيوب
أنا نفسي اتوب
ونويت أصوم لك
صيام مُطهر من الذنوب

مسحراتي وكعبي داير
وعيونني عاشقة وقلبي حابر
ولسه عندي أمل ف بكرة
اسكن عيونك يأم الضفاير

يأم الضفاير يامصر عاشقة
ف الروح تعيش .. ف القلب راشقة
تغريينا ونتوه ونشقى
نرجع نبوس الهوا اللي طاير

يامصر هلى .. يامصراوية
يامصر طلى م المشربية
يامصر عودي .. ميزان وجودي
حنى وجودي .. تحيا الضماير

انا ف واحاتك حضرت عيدك
الدلتا حضرت وجه صعيدك
سينا .. ونوبة .. الله يزيدك
صحاب وجيرة .. أهل وعشاير

يامصر جنة .. والله جنة
والحب فيكي يغلب شجنا
حتى ان تعبنا ولا اتعجنا
لسه المواسم جاوية البشاير

رمضان ناداني
والقلب لبي
تعالى واشرب
من المحبة
والبركة تملا جامع ودير
وكل ثانية واحنا بخير

بدايته رؤية ونهايته رؤية
يادنيا .. صحرا ..
رمضاني .. ساقية ..
تروينا جمعاً بشروطير
وكل ثانية واحنا بخير

* * *

فؤاد حداد

مسحراتي يا مصر اويّة
ف مصر تسري روحي .. برويّة
مسحراتي يا مصر اويّة
يدق قلبي تسمعي هيّة
أبويا مدّي البشر هديّة
وجدى مدّي الحنان هويّة
وفوق سطوحى للحب غيّة
يطير ويرجع يلاقيني طائر
وحبيبتى واقفة ف المشربية
مسحراتي طيب وراضي
نور الملائكة ملو الأراضى
ملائكة حاضرة
وطائرة بينا
صلوا معانا على نبينا
يارب وأنت علام غيوب
أنا نفسي اتوب
ونويت أصوم لك
صيام مُطهر من الذنوب

مسحراتي بيفك ضيقة
يفتح عيونني على الحقيقة
حداد وشاعر وشيخ طريقة
اسمه ف نور الخيال .. فؤاد

ف الحضرة يحضر بروح زكية
ويحكي سيرة سيد البرية
الحضرة تكبر يامصرأوية
والذكر يسري بين العباد

ع السبحة .. سبّح .. وشوفنا ضيه
ع الورد .. صبّح .. فرش له حيه
علّم .. وربّح .. ولا شوفنا زيه
ابناؤه كنا .. وولاد ولاد

نظّر .. قابلت الحنان ف عينه
انا اللي عايش أسدّ دينه
سألتنى كل الليالي .. فينه ؟!
قولتلها زارع
وانا الحصاد

دفع الضريبة .. لجل الحبيبه
قاللى التدين .. حنان وطيبة
لا الجلالية ولا الزبية
هايكونوا أصدق .. من الجهاد

وصاحبه سيّد مكاوى عيّد
مع اللى يزرع واللى يشيّد
واللى يجاهد ..
واللى يأيّد
ثورة عرابي على الفساد

رمضان نادانى
والقلب لبيّ
تعالى واشرب
من المحبة
والبركة تملأ جامع ودير
وكل ثانية واحنا بخير

بدايته رؤية ونهايته رؤية
يادنيا .. صحرا ..
رمضاني .. ساقية ..
تروينا جمعا بشروطير
وكل ثانية واحنا بخير

* * *

أصحّي مين ؟!

مسحراتي يا مصر اويّة
ف مصر تسري روحي .. برويّة
مسحراتي يا مصر اويّة
يدق قلبي تسمعي هيه
أبويا مدّي البشر هديّه
وجدى مدّي الحنان هوّه
وفوق سطوحي للحب غيه
يطير ويرجع يلاقيني طائر
وحبيبتى واقفة ف المشريه
مسحراتي طيب وراضي
نور الملائكة ملو الأراضى
ملائكة حاضرة
وطايرة بيّنا
صلوا معنا على نينا
يارب وأنت علام غيوب
أنا نفسي اتوب
ونويت أصوم لك
صيام مُطهرّ من الذنوب

مسحراتي وهاصحّي مين
ما الكل صاحي يامسلمين
بَعّت قلبي المسحراتي
لحى طيب راقى وذواتي
فضلت ادندن
بعدين أهاتي
وأقول ياأهلي ياطيبين

مشيت لوحدي أذكر إلهي
والكل عنى وعن صوتي لاهي
ف دنيا عاملة زى الملاهي
خيمة وشيشة ومطربين
مسحراتي وهاصحّي مين

انا قولت ادخل داخل حاراتي
لقيت صاحبنا المسلسلاتي
عاملي باللو على شاشاتي
مخرج .. وقصة .. وممثلين

حارتنا فيها ارسال فضائي
وفقر مالي .. وفقر مائي
وإعلاناتهم تبيع هوائي
الرحمة حبة يامعلنين
مسحراتي .. وهاصحي مين

رمضان ناداني
والقلب لبي
تعالى واشرب
من المحبة
والبركة تملأ جامع ودير
وكل ثانية واحنا بخير

بدايته رؤية ونهايته رؤية
يادنيا .. صحرا ..
رمضاني .. ساقية ..
تروينا جمعا بشروطير
وكل ثانية واحنا بخير

* * *

أغنية شعبي

مسحراتي يا مصر اويّة
ف مصر تسري روحي .. برويّة
مسحراتي يا مصر اويّة
يدق قلبي تسمعني هيّة
أبوا مدى البشر هديّة
وجدى مدى الحنان هوّة
وفوق سطوحي للحب غيّة
يطير ويرجع يلاقيني طاير
وحبيتي واقفة ف المشربية
مسحراتي طيب وراضي
نور الملائكة ملو الأراضي
ملائكة حاضرة
وطائرة بيّنا
صلوا معانا على نبينا
يارب وأنت علام غيوب
أنا نفسى اتوب
ونويت أصوم لك
صيام مُطهر من الذنوب

مسحراتي يا فرح قلبي

من بعد تعبي

أنا باقي مني

أغنيه شعبي

من صغر سني .. عرفت إني

عمرى ماهابقى .. لو بعت فني

سألت رب العباد

يعيني ..

ولما قولت " مش باقي مني "

بأه باقي مني أغنيه شعبي ..

طلب ورشدى دول أكاديميه

وصلوا لنسبة الميه ميه

زى الربابه والسسميه

كلمة وقالوها بمسئوليه

عاشت معاهم ف حي شعبي

سواء توافقوا .. ولا تعارضوا

الشعب قرر

وضروري ترضوا

خذ أغلبية ولا حد فرّضه

عدوية برضه

مطرب .. وشعبي

(شعبولا) كاره لاسرائيل

ودمعه ويّا لبنان يسيل

لو صوته عندك

ماهوش جميل

انا صوته عندي .. فنان وشعبي

يا بلدنا مهما تعلي وتعلي

الباني هو جدى الفواعلي

والطيب اللي ركّب لي نعلي

واللي استمع لي .. واللي اتوجع لي

وانا باغني

أغنية شعبي

رمضان ناداني
والقلب لبي
تعالى واشرب
من المحبة
والبركة تملا جامع ودير
وكل ثانية واحنا بخير

بدايته رؤية ونهايته رؤية
يادنيا .. صحرا ..
رمضاني .. ساقية ..
تروينا جمعا بشروطير
وكل ثانية واحنا بخير

* * *

عبد الرحمن الأبنودي

مسحراتي يا مصر اويّة
ف مصر تسري روعي .. برويّة
مسحراتي يا مصر اويّة
يدق قلبي تسمعي هيّة
أبويا مدّي البشر هديّة
وجدى مدّي الحنان هويّة
وفوق سطوحى للحب غيّة
يطير ويرجع يلاقيني طائر
وحببتي واقفة ف المشربية
مسحراتي طيب وراضي
نور الملايكة ملو الأراضى
ملايكة حاضرة
وطائرة بيّنا
صلوا معانا على نبينا
يارب وأنت علام غيوب
أنا نفسى اتوب
ونويت أصوم لك
صيام مُطهّر من الذنوب

مسحراتي والدرب واعر
طعم المرارة ف الحلق .. يخلق
ابنودى واحد .. وبلاد مشاعر
نغمة ربابة ف الارض تعزق
ياعم جابر .. سمّعنا شاعر
يقدر يغنى من غير ماينطق
كفاية يحضر ..
يشع نوره ..
العشق كاتب .. جواز مروره
إلى الحوارى ..
إلى الغيطان
كأن صوته ..
صوت الزمان
كأنه دمة ف عيون وهيبة
ساعة ماتحلم بالبرتقان ..

عدى نهاره
ونهارنا عدى
ولسه حتمه م الشمس صامدة

ولسه .. لسه .. الليالي صابرة
وابسط الامنيات معاندة

ابنود .. مُجاهدة
والعيشة مُرة
لكن بتبعت اغنية حرة
اغنية توجع
والثانية سارة
والصدق صافي ف كل مرة

ياكل شاعر على الربابة
تعالى واسمع مرسال غلابة
أبنودي واحد
شراعه فارذ
علشان يللم هو العلالى
صبحنا أمة .. ف قلب واحد
يجمع سيرتنا مع الهلالى

رمضان ناداني
والقلب لبي
تعالى واشرب
من المحبة
والبركة تملا جامع ودير
وكل ثانية واحنا بخير

بدايته رؤية ونهايته رؤية
يادنيا .. صحرا ..
رمضاني .. ساقية ..
تروينا جمعا بشروطير
وكل ثانية واحنا بخير

* * *

صاخبى

مسحراتي يا مصر اوِيّه
 ف مصر تسري روحي .. بروِيّه
 مسحراتي يا مصر اوِيّه
 يدق قلبي تسمعني هيّه
 أبويا مدّي البشر هديّه
 وجدى مدّي الحنان هوِيّه
 وفوق سطوحي للحب غِيّه
 يطير ويرجع يلاقيني طاير
 وحببتي واقفة ف المشربيه
 مسحراتي طيب وراضى
 نور الملائكة ملّو الأراضى
 ملايكة حاضرة
 وطايرة بيّنا
 صلوا معانا على نبينا
 يارب وأنت علام غيوب
 أنا نفسي اتوب
 ونويت أصوم لك
 صيام مُطهر من الذنوب

مسحراتي .. انا والليالي

اصحاب محبة

اصحاب معالي

عرفت ضميري وشافت خيالي

وكل صاحب ف قلبي غالي

لو كانوا يقرأوا ويستفيدوا

لو كانوا يقرأوا ،

احسن قرأية ..

انك تحس الحياة معايا

تفهم لغايا .. ومبتغايا

وتبقى صادق .. صدق المرأية

تُعَلِّي .. الحقيقة .. على ما نريده

انا اصاحب اللي يحفظ ميعادي

ولو تأخر مايقولش عادي

ويكون معايا ف يوم جهادي

ساعتها يبقى صاحبي وزادي

وان شالله دمي

يسري ف وريده

انا اصاحب اللى
 يحفظ كرامتي
 يفهم كلامي
 ويحس صمتي
 ويحس حزني من ابتسامتي ،
 شاطئى نجاتي
 وسكة سلامتي
 لو كان مُريدي .. وانا مُريده

رمضان ناداني
 والقلب لبي
 تعالى واشرب
 من المحبة
 والبركة تملا جامع ودير
 وكل ثانية واحنا بخير

بدايته رؤية ونهايته رؤية
 يادنيا .. صحرا ..
 رمضانى .. ساقية ..
 تروينا جمعا بشروطير
 وكل ثانية واحنا بخير

* * *

أشغال خفايف

مسحراتي يا مصراوية
ف مصر تسري روحي .. بروية
مسحراتي يا مصراوية
يدق قلبي تسمعني هية
أبويا مدّي البشر هدية
وجدى مدّي الحنان هوية
وفوق سطوحي للحب غية
يطير ويرجع يلاقيني طاير
وحبيتي واقفة ف المشربيه
مسحراتي طيب وراضي
نور الملايكة ملو الأراضى
ملايكة حاضره
وطايرة بينا
صلوا معانا على نبينا
يارب وأنت علام غيوب
أنا نفسي اتوب
ونويت أصوم لك
صيام مطهر من الذنوب

مسحراتي والمد عالي
 وانا باصارع بحر الليالي
 انادى رزقى وقوت عيالي
 ونفسي مرّة
 لو تسمعونني

عملت مرّة عامل زراعي
 ومرّة بنا .. ومرّة راعي
 اشغال خفايف .. بواب وساعي
 سواق تكاتك
 بيّاع اساتك
 والحظ فاتك .. يانور عيوني

من ألف شغلة لألف مهنة
 لابلية تلعب ولا قلب يهنا
 وصبرنا طبعا الى يواجهنا
 من شغل هين .. لبيت حنين
 من غير مُرتب .. ها يأكلوني

عملت مرّة شيال محطة

قامت خناقة ..

دكرين .. وبطة

وانا باخلص .. اخدت أطة

البطة زعلت .. والعركة ولعت

سابوا الخناقة ومرمطوني

ياناس يارايقة .. ياناس عظيمة

ادوني كحكة ولو يتيمة

انشالله حتى كومبارس سيما

قالولي وزع بضاعة صيني

جت العمالة م الصين ..

شالوني ..

من عرضحالجى .. لعرض حالهم

الناس شافوني .. باعرف أملهم

ورشحوني أخش مجلس

الشعب ، لكن ماجاش ف بالهم

ان الحكاية محتاجة ضهر

وان الدعاية محتاجة مهر

كل المجالس مشيت بدوني

رمضان ناداني
والقلب لبي
تعالى واشرب
من المحبة
والبركة تملا جامع ودير
وكل ثانية واحنا بخير

بدايته رؤية ونهايته رؤية
يادنيا .. صحرا ..
رمضاني .. ساقية ..
تروينا جمعا بشروطير
وكل ثانية واحنا بخير

* * *

ف عشرة مئة

مسحراتي يا مصر اويّة
ف مصر تسري روحي .. برويّة
مسحراتي يا مصر اويّة
يدق قلبي تسمعني هيّة
أبويا مدّي البشر هديّة
وجدى مدّي الحنان هوّيّة
وفوق سطوحي للحب غيّة
يطير ويرجع يلاقيني طاير
وحبيبتى واقفة ف المشريّة
مسحراتي طيب وراضى
نور الملايكة ملو الأراضى
ملايكة حاضره
وطايرة بيّنا
صلوا معانا على نبينا
يارب وأنت علام غيوب
أنا نفسي اتوب
ونويت أصوم لك
صيام مطهر من الذنوب

مسحراتي يارب قَوِّي

أرضي وجَوِّي

كارهين عدوِّي

نصروني نصراً

لكن مدوِّي

ف عشرة منه

رمضان كأنه

أول خطاوي .. اكبر ولادي

صَدَّقْتُ يا ابني .. وصدَّقْ جهادي

صَدَّقْتُ لما حكيت حكايتك

وصَدَّقْتُ لما رفعت رايتك

واما بدمك حميت حصادي

عرفت يا ابني ؟!

عدوي ليه .. مش عايزني ابني ؟!

لأنه شايف .. بخيال وعين

لو أبني هاوصل لحد فين

شاف اهراماتي

وشاف عنادي

والننى دايب ف عيون بلادي

ونبض قلبي

ف الشدة .. شادي

صدقت يا ابني .. وصدق جهادي

صدقت ياسينا روح الجسارة

وارتاح ف نور التاريخ عبوري

وأدى صورة يسري عمارة

هو اللي أسر عساف يا جوري

وهو عازف أوتار فؤادي

صدقت يا ابني

وصدقت جهادي

رمضان ناداني

والقلب ليّ

تعالني واشرب

من المحبة

والبركة تملا جامع ودير

وكل ثانية واحنا بخير

بدايته رؤية ونهايته رؤية

يادنيا .. صحرا ..

رمضاني .. ساقية ..

تروينا جمعا بشروطير

وكل ثانية واحنا بخير

* * *

مصر التالقي

مسحراتي يا مصرأوية
ف مصر تسري روحي .. بروية
مسحراتي يا مصرأوية
يدق قلبي تسمعني هية
أبويا مدّي البشر هدية
وجدى مدّي الحنان هوية
وفوق سطوحي للحب غية
يطير ويرجع يلاقيني طائر
وحبيتي واقفة ف المشربية
مسحراتي طيب وراضي
نور الملائكة ملو الأراضي
ملائكة حاضرة
وطائرة بينا
صلوا معانا على نبينا
يارب وأنت علام غيوب
أنا نفسى اتوب
ونويت أصوم لك
صيام مطهر من الذنوب

مسحراتي مصر التلاقي
بين المسالم أو الفدائي
بين اللي صبح على أكل عيشه
واللي عايشها دائما مسائي
الانسانية أملى ورجائي
حلم الروائي ..
أو الغنائي ..
وعلوم محمد ابن النشائي ..

الفرعونية اصلي اللي باقي
ورسالي فيها .. خلود آبائي
غرقان ف زهدي ..
أو اشتهائي ..

عيوني دائما على انتمائي
الانسانية أملى ورجائي
حلم الروائي .. أو الغنائي
وعلوم محمد ابن النشائي

أوريا تضحك لاسكندرية
أفريقيا تحضر بنيل بهية
وسينا قالت يا أسوية
سحر العروبة زود بهائي
الانسانية أملى ورجائي
حلم الروائي .. أو الغنائي
وعلم محمد ابن النشائي

مصر التلاقي .. بتلاقي روحها
ساكنة اللي يبجي قاصد فتوحها
الدنيا تسهر على سطوحها
علشان تشاهد فجرى وضيائي
الانسانية أملى ورجائي
حلم الروائي .. أو الغنائي
وعلم محمد ابن النشائي

رمضان ناداني
والقلب لبي
تعالى واشرب
من المحبة

والبركة تملا جامع ودير

وكل ثانية واحنا بخير

بدايته رؤية ونهايته رؤية

يادنيا .. صحرا ..

رمضانى .. ساقية ..

تروينا جمعا بشروطير

وكل ثانية واحنا بخير

* * *

عصر الصراحة

مسحراتي يا مصراوية
ف مصر تسري روحي .. بروية
مسحراتي يا مصراوية
يدق قلبي تسمعي هيه
أبويا مدّي البشر هديه
وجدى مدّي الحنان هويه
فوق سطوحى للحب غيه
يطير ويرجع يلاقينى طائر
وحبيبتى واقفة ف المشربيه
مسحراتي طيب وراضى
نور الملائكة ملو الأراضى
ملائكة حاضره
وطايرة بينا
صلوا معانا على نبينا
يارب وأنت علام غيوب
أنا نفسى أتوب
ونويت أصوم لك
صيام مُطهر من الذنوب

مسحراتي يا مصر اوية

ف مصر تسري روحي بروية

مش ناوي اشكي من الماهية

ماهية .. هية ..

أرواحنا دايمًا ف الحضرة هاية

سُفرتنا دائمة

فشتنا عاية

ضحكتنا غالبية كل المآسى

ومهما توبنا .. لازم ياتوبنا

فيك حنة دايرة من المعاصي

والصبر شادد حيله معانا

صابر علينا وعمّال يواسي

مسحراتي يا مصر اوية

ف مصر تسري روحي بروية

عايزينها تسري .. لكن بسرعة

وكل صحرا نلقى لها زرعة

وكل عاطل نوجد له صنعة

" الكذب " كلمة حروفها سامة

بلاش نعيشها يا أغلى أمة

تعالو نحيا عصر الصراحة

والاسم يرجع إلى المسمى

يعنى " نفاقنا " .. ماهوش " مجاملة "

" عمالة زائدة " .. مش " أيدى عاملة "

وف " الهزيمة " مانقولش " نكسة "

النصر .. نصر

والوكسة .. وكسة

الرشوة " رشوة " .. مش " اكرامية "

و " الغش " سرقة .. مش " مفهومية "

والشورى " فعلا " ..

ديمقراطية

وحساب .. مساوى .. للمسئولية

رمضان نادانى

والقلب لى

تعالى واشرب

من المحبة

والبركة تملأ جامع ودير

وكل ثانية واحنا بخير

بدايته رؤية ونهايته رؤية

يادنيا .. صحرا ..

رمضاني .. ساقية ..

تروينا جمعا بشروطير

وكل ثانية واحنا بخير

* * *

مسحراتي .. مسلم .. مسيحي

مسحراتي يا مصر اويّة
ف مصر تسري روحي .. برويّة
مسحراتي يا مصر اويّة
يدق قلبي تسمعني هيّة
أبويا مدّي البشر هديّة
وجدى مدّي الحنان هويّة
وفوق سطوحى للحب غيّة
يطير ويرجع يلاقيني طاير
وحبيبتى واقفة ف المشربية
مسحراتي طيب وراضى
نور الملائكة ملو الأراضى
ملائكة حاضرة
وطائرة بيسنا
صلوا معانا على نبينا
يارب وأنت علام غيوب
أنا نفسي اتوب
ونويت أصوم لك
صيام مُطهر من الذنوب

مسحراتي ..
مسلم .. مسيحي
باقول يادنيا هاتستريحي
لو تقري إيه اللي جه ف " صحيحى "
تلقي التراحم بين النفوس
رمضان بلدنا
فانوس بمادنة
وعندى صاحب اسمه فانوس
جارى وشقيقى .. انسان حقيقى
زاح عن طريقي .. حمل الكابوس
ودينى قاللي .. ماهوش تخلي
انك تخلي .. الجميع يصلي
لاتقول دا بوذي .. أو م المجوس
خليك ف دينك
الله يعينك
على الفتاوى .. وعلى اللصوص
مش كل عمة .. على راس أئمة
ولا أى ذمة .. تدى الدروس

مسحراتي ..

باحب مريم .. واحب حنا

وعم بطرس .. صاحبي ف جنة

ربك خالقها ..

ويبل ريقها

بنيل نجاشي

ف الارض ماشي

مسحراتي ..

رمضان ناداني

والقلب لبي

تعالى واشرب

من المحبة

والبركة تملا جامع ودير

وكل ثانية واحنا بخير

بدايته رؤية ونهايته رؤية

يادنيا .. صحرا ..

رمضانى .. ساقية ..

تروينا جمعا بشروطير

وكل ثانية واحنا بخير

* * *

٥٧٣٥٧

مسحراتي يا مصر اويّه
 ف مصر تسري روى .. برويه
 مسحراتي يا مصر اويّه
 يدق قلبى تسمعنى هيّه
 أبويا مدّى البشر هديّه
 وجدى مدّى الحنان هوّيّه
 وفوق سطوحى للحب غيّه
 يطير ويرجع يلاقينى طائر
 وحبيبتى واقفة ف المشريه
 مسحراتي طيب وراضى
 نور الملائكة ملو الأراضى
 ملايكة حاضره
 وطايرة بينا
 صلوا معانا على نبينا
 يارب وأنت علام غيوب
 أنا نفسي اتوب
 ونويت أصوم لك
 صيام مُطهر من الذنوب

مسحراتي
والخير بيفتح
قلب المحبة
ساعة ما يلمح
ايدين رحيمة ف كل مطرح
وضحكة صافية ف القلب ترمح
دوا الضحايا ..
ياأهل العطايا ..
لما العناية .. من ربى .. تسمح

مستشفياتنا عايزة المكاشفة
والصحة فيها مش قادرة تشفي
لكن عيونك .. يامصر .. كاشفة
صافية الضماير .. والرحمة أصفي
والكل وافق .. من قبل ماشرح

مشينا ندعى ونقول ياربى
نجى ولادنا المستخبي
مصر الكريمة .. قامت تلبي
لقينا روحنا ف صرح طبي
أمل سماوى ..
وورد يطرح ..

يامصر حاصري المرض .. وحاصري
كل اللي قلبه يتمني عصري
وكفاية انك بالخير تناصري
مستشفى طيب من قلب مصري
يخلي صاحب الهم .. يفرح

رمضان ناداني
والقلب ليّ
تعالى واشرب
من المحبة
والبركة تملأ جامع ودير
وكل ثانية واحنا بخير
بدايته رؤية ونهايته رؤية
يادنيا .. صحرا ..
رمضاني .. ساقية ..
تروينا جمعا بشروطير
وكل ثانية واحنا بخير

* * *

أنا وشوارعك

مسحراتي يا مصر اوية
ف مصر تسرى روى .. بروية
مسحراتي يا مصر اوية
يدق قلبى تسمعنى هية
أبويا مدى البشر هدية
وجدى مدى الحنان هوية
وفوق سطوحى للحب غية
يطير ويرجع يلاقينى طائر
وحببتى واقفة ف المشربية
مسحراتي طيب وراضى
نور الملايكة ملو الأراضى
ملايكة حاضرة
وطائرة بينا
صلوا معانا على نبينا
يارب وأنت علام غيوب
أنا نفسي اتوب
ونويت أصوم لك
صيام مطهر من الذنوب

مسحراتي ..

ومنين اروح ؟!

ولمين ابوح

غير ليكي انتي ؟!

يامطيالي كل الجروح

من قبل مينا ومن قبل نوح

وانتي اللي عندك باب للفتوح

وانتي اللي عندك شارع مُعز

ماقدرش اعز عنك حياتي

مسحراتي

مصحياتي

مشيت ف شارع رمسيس انقَر

العتبة خضرا .. والحلم أخضر

وصلت الازهر

واما احتواني شارع مُعزك

الله يعزك ..

سألت جوهر

جوها إيه ؟!

قاللي يا شاعر .. معدنها طيّب
امسك ف توبها واياك تسيّب
واياك تخيّب فيك الظنون
واياك تغيب مجرى العيون

يا حلوة ياللي ف العين سكنتي
يا جامعة طيبة امي وبنتي
يقوم طوفان الزمان علينا
ألا قيني نوحك
وانتي سفيتتي
اللي جابتني .. بطون شوارعك
ومين ف شرعك
أحق مني
بحضنك انتي

رمضان ناداني
والقلب لبيّ
تعالى واشرب
من المحبة

والبركة تملأ جامع ودير
وكل ثانية واحنا بخير

بدايته رؤية ونهايته رؤية
يادنيا .. صحرا ..
رمضاني .. ساقية ..
تروينا جمعا بشروطير
وكل ثانية واحنا بخير

* * *

نيل المنابع

مسحراتي يا مصر اويّة
ف مصر تسري روحي .. برويّة
مسحراتي يا مصر اويّة
يدق قلبي تسمعنّي هيّة
أبويا مدّي البشر هديّة
وجدى مدّي الحنان هويّة
وفوق سطوحى للحب غيّة
بطير ويرجع يلاقينى طاير
وحبيبتى واقفة ف المشربية
مسحراتي طيب وراضى
نور الملايكة ملو الأراضى
ملايكة حاضرة
وطايرة بيّنا
صلوا معانا على نينا
يارب وأنت علام غيوب
أنا نفسي اتوب
ونويت أصوم لك
صيام مُطهرّ من الذنوب

مسحراتي

ونيلي صافي

بأمر ربي .. دائما يوافي

عملت منه حضارة باقية

عملت منه هرم وساقية

عملت منه .. شربات خُشافي

ينبوع ف جنه .. وانا مصبه

يحب احمس .. ويحب حربه

يحب مجدي يعقوب وطبه

ويحب سيد درويش .. يحبه

الكل شربوا .. والشهد كافي

دموع ايزيس .. لما تجري .. نورك

موسى ويوسف .. حاسين شعورك

هاجر وزمزم .. شاربين حضورك

ولا حد يقدر يمنع طيورك

ولا قهر يسجن حر القوافي

ياما كتبنا بدم الصوايع
صرخ معانا .. حبر المطابع
فيه إيد بتلعب عند المنابع
ومين بيقرا ؟!
ومين يتابع ؟!
ومين هايكشف كل اللي خافي

رمضان ناداني
والقلب لبي
تعالني واشرب
من المحبة
والبركة تملا جامع ودير
وكل ثانية واحنا بخير

بدايته رؤية ونهايته رؤية
يادنيا .. صحرا ..
رمضاني .. ساقية ..
تروينا جمعا بشروطير
وكل ثانية واحنا بخير

* * *

سينا يا صابره

مسحراتي يا مصر اويّه
 ف مصر تسري روحي .. برويه
 مسحراتي يا مصر اويّه
 يدق قلبي تسمعني هيه
 أبويا مدّي البشر هديه
 وجدى مدّي الحنان هويه
 وفوق سطوحى للحب غيه
 يطير ويرجع يلاقين طائر
 وحبيبتى واقفة ف المشربه
 مسحراتي طيب وراضى
 نور الملائكة ملو الأراضى
 ملايكة حاضره
 وطايرة بيينا
 صلوا معانا على نبينا
 يارب وأنت علاّم غيوب
 أنا نفسي اتوب
 ونويت أصوم لك
 صيام مطهر من الذنوب

مسحراتي ف أرض سينا

رمالها تضحك لما تلاقينا

وهية شائلة كل الحمول

يارب تجعل كلامي دائما

فيه القبول

يارب تجعل صلاتي .. قائمة

وروحى هائمة

ف مسك عربي من الرسول

سينا العزيزة .. بنت الفراعنة

ف نور قمرها ياما اجتمعنا

فتحت كنوزها .. للى يعوزها

وياما قالت واحنا استمعنا

اللى يجيلها بالحب .. خالد

واللى يجيلها بالغصب .. بائد

من فوق جبالها .. تجيله لعنة

تصبيه غمة .. تفني العقول

سينا اللى فيها موسى تكلم
مع إلهه ، بعدين تعلم
ينظر بقلبه
لوجه ربه

ايمانه يبقى ولا يزول

سينا اللى ياما شافت مهالك
كانت رحيمه ع اللى استمالك
عيسى ف مهده
تحميه رمالك

وعمرو بعده بالحب جالك
فاتح ، وعامل حساب رجالك
وهو راكب فوق الخيول

سينا وفيها أعز ناسك
راعي .. وناسك
ع الجمر ماسك
حافظ دروب الوطن ف قلبه
كأنه ساعي بين المناسك
البدوي هو أصل الاصول ..

سينا اللي صبرت ولسه صابرة
ولسه واقفة ضد الجبابرة
محتاجة نظرة حب وصراحة
يكون أساسها علم الوصول

من أرض سينا شيلوا الضرايب
للمصري وحده ..
مش للاجانب
هاينوبنا جمعاً م الحب جانب
العين هاتحلم ..
والايد تنول ..

رمضان نادانى
والقلب لبيّ
تعالى واشرب
من المحبة
والبركة تملا جامع ودير
وكل ثانية واحنا بخير
بدايته رؤية ونهايته رؤية
يادنيا .. صحرا ..
رمضاني .. ساقية ..
تروينا جمعاً بشروطير
وكل ثانية واحنا بخير

أسامه أنور عكاشه

مسحراتي يا مصر أوّيه
 ف مصر تسري روحي .. برويه
 مسحراتي يا مصر أوّيه
 يدق قلبي تسمعي هيه
 أبويا مدّي البشر هديه
 وجدّي مدّي الحنان هوّيه
 وفوق سطوحى للحب غيه
 يطير ويرجع يلاقيني طاير
 وحببتي واقفة ف المشربيه
 مسحراتي طيب وراضى
 نور الملائكة ملو الأراضى
 ملايكة حاضره
 وطايرة بيّنا
 صلوا معانا على نبينا
 يارب وأنت علام غيوب
 أنا نفسي اتوب
 ونويت أصوم لك
 صيام مطهر من الذنوب

مسحراتي

مصوراتي

كل اللي حاصل

داخل حاراتي

حزن الليالي .. والابتسامة

المشى الاعوج .. والاستقامة

ياما سهرنا مع بعض ياما

شاشة ليالي الزمان .. بتعرض

أجمل دراما

وياريتني عندي مليون اسامة

أسامة انور عكاشة راوي

ف البيت جمعنا .. وع القهاوى

وطن بيحلم .. يكتب مشاهده

يكتب كأنه .. مع اللي جاهدوا

لو شاف رايتنا بيضا بيبكي

ومن دموعه .. يصفى شهنه

ناكلها دقة .. بس بكرامة

وياريتني عندي مليون اسامة

أرايسك .. مسك

وأرايسك حرفة

وروح تقولك : انا عندي صرفة

البحر الاحمر .. يامصر .. شُرْفة

بيطلوا منها مينا ومريم

على نور محمد ..

صَلِّي .. وَسَلِّمْ

هاتنفتح لك سكك السلامة

وياريتنى عندي مليون اسامة

البحر الابيض بلكونة تانية

نطل منها نلاقى دنيا

جمالها حاضر ف كل ثانية

النيل ببجرى .. وموج زيزينيا

يامصراوية .. فيضان شهامة

وياريتنى عندي مليون اسامة

رمضان ناداني
والقلب لبيّ
تعالى واشرب
من المحبة
والبركة تملأ جامع ودير
وكل ثانية واحنا بخير

بدايته رؤية ونهايته رؤية
يادنيا .. صحرا ..
رمضاني .. ساقية ..
تروينا جمعا بشروطير
وكل ثانية واحنا بخير

* * *

غزة الشهيدة

مسحراتي يا مصر اويّة
ف مصر تسري روحي .. برويّة
مسحراتي يا مصر اويّة
يدق قلبي تسمعي هية
أبويا مدّي البشر هدية
وجدى مدّي الحنان هوية
وفوق سطوحي للحب غية
يطير ويرجع يلاقيني طائر
وحبيبتني واقفة ف المشربية
مسحراتي طيب وراضي
نور الملائكة ملّو الأراضى
ملائكة حاضرة
وطائرة بينا
صلوا معانا على نبينا
يارب وأنت علام غيوب
أنا نفسي اتوب
ونويت أصوم لك
صيام مطهر من الذنوب

مسحراتي

لو ليلي دامس

والخلق نائمة وصوتي هامس

اقدر ألامس

بروح عنيدة

غزة المحاصرة

غزة الشهيدة

ياخلق قوموا .. وقت الفريضة

عديت ياسينا من غير دليل

وصلت غزة لقيت سبيل

م الضفة خدني إلى الجليل

صلينا جمعاً خلف الرسول

والقدس قدرت ع المستحيل

قدرت تلامس بروح عنيدة

غزة المحاصرة .. غزة الشهيدة

ياخلق قوموا .. وقت الفريضة

القدس جاءت .. لما اضاءت
شعلة جهادنا ..
والخلق فاقت
روح المقاومة ف الارض شاءت
تعيشلى غزة .. براح وعِزة
لو حتى كل الاراضي ضاقت
نقدر نلامس .. بروح عنيدة
غزة المحاصرة .. غزة الشهيدة
ياخلق قوموا .. وقت الفريضة

يا فلسطينية دوسوا الزناد
على اللى دايس فوق العباد
الثورة أصدق من المزاد
سعيت وسعبي ..

نورلى وعمي
رأيت جهادكو .. فوق الجهاد
يقدر يلامس بروح عنيدة
غزة المحاصرة .. غزة الشهيدة
ياخلق قوموا .. أدوا الفريضة

رمضان ناداني
والقلب لبي
تعالى واشرب
من المحبة
والبركة تملا جامع ودير
وكل ثانية واحنا بخير

بدايته رؤية ونهايته رؤية
يادنيا .. صحرا ..
رمضاني .. ساقية ..
تروينا جمعا بشر وطير
وكل ثانية واحنا بخير

محافظاتي

مسحراتي يا مصر اويّة
 ف مصر تسري روحي .. برويّة
 مسحراتي يا مصر اويّة
 يدق قلبي تسمعني هيّة
 أبويا مدّي البشر هديّة
 وجدى مدّي الحنان هويّة
 وفوق سطوحى للحب غيّة
 يطير ويرجع يلاقيني طائر
 وحبيبتى واقفة ف المشربية
 مسحراتي طيب وراضى
 نور الملايكة ملو الأراضى
 ملايكة حاضرة
 وطائرة بيّنا
 صلوا معانا على نبينا
 يارب وأنت علام غيوب
 أنا نفسي اتوب
 ونويت أصوم لك
 صيام مطهر من الذنوب

مسحراتي

محافظاتي

هية اللي شالت حمل الطريق

دروبها ربت .. قلبي الجريء

صاحبت .. وحبت

بيتى العتيق ..

لازم جميعها بالنور تضىء

بنى سويفى .. زرعت رغيفى

غزل المحلة .. غزلت لى صوفى

دمياط بتفرش .. صالون ضيوفى

النوبة رسمت حنة كفوفى

انفاسى طابت من أى ضيق

لازم جميعها بالنور .. تضىء

يابنت طنطا ..

مرمر وعاج

يامنصورة

حضنك علاج

الشرقاوية .. يوم الزواج
فرشولى بيتى سجاد سوهاج
وواحاتي جابت نسيم رقيق
لازم جميعها بالنور تضى

اسوان جابت لى .. وتلتلت لى
منوفية فرحت وزغرطت لى
فطير مثلت .. وثلت لى
الجيزة حضرت .. ونقطت لى
عسل قناوى يبل ريق
لازم جميعها بالنور تضى

أما الاضاءه مش بس لمبة
ولا مية حلوة من الطلمبة
حياة بلادنا هاتبقى بمى
لما ابادى العمل تضى
والعلم يصبح اقرب صديق

رمضان ناداني

والقلب ليّ

تعالى واشرب

من المحبة

والبركة تملا جامع ودير

وكل ثانية واحنا بخير

بدايته رؤية ونهايته رؤية

يادنيا .. صحرا ..

رمضانى .. ساقية ..

نروينا جمعا بشروطير

وكل ثانية واحنا بخير

د. محمد غنيم

مسحراتي يا مصر اويّه
 ف مصر تسري روحي .. برويه
 مسحراتي يا مصر اويّه
 يدق قلبي تسمعني هيّه
 أبويا مدّي البشر هديّه
 وجدّي مدّي الحنان هوّيّه
 وفوق سطوحى للحب غيه
 يطير ويرجع يلاقيني طائر
 وحبيتي واقفة ف المشربيه
 مسحراتي طيب وراضى
 نور الملائكة ملو الأراضى
 ملايكة حاضره
 وطايرة بينا
 صلوا معانا على نبينا
 يارب وأنت علام غيوب
 أنا نفسى اتوب
 ونويت أصوم لك
 صيام مُطهر من الذنوب

مسحراتي

والمولى حارسه

دكتور وعالم وليه مدارسه

احفظ محمدغني ف قلبك

وخلّى ابنك يسمع لدرسه

الطب طيبة وانسانية

لاطب فاخر .. ولاطب ترسو

فيه ناس كثير من كيعانها شاربة

وفيه دكاترة عاملينها لعبة

حسابات واسهم .. بورصة ومضاربة

وفيه محمدغني كانه

ملايكة لابسة توب الأطبا

علشان يأهلى ع الشط ترسو

الطب طيبة وانسانية

لاطب فاخر .. ولاطب ترسو

طب التجارة وقع ف نايبك

وبدال ماتشكى من اللى صاييك

الحضن واسع .. احضن حبايبك

أوصل بعيدك .. وزور مريضك
تلقى محمد غنيم مصاحبك
يقول بفعله .. من قبل حسه
الطب طيبة وانسانية
لاطب فاخر ولاطب ترسو

اطيب جراحة .. بنت السماحة
مشرط يخلى .. تعبنا راحة
ف ايد تخلى .. ايامنا واحة
ف عيون محمد غنيم رأينا
الرحمة .. زحمة .. على المساحة
ونهار حياتنا يبحب شمسه
الطب طيبة وانسانية
لاطب فاخر .. ولاطب ترسو

رمضان نادانى
والقلب لبي
تعالى واشرب
من المحبة

والبركة تملا جامع ودير

وكل ثانية واحنا بخير

بدايته رؤية ونهايته رؤية

يادنيا .. صحرا ..

رمضاني .. ساقية ..

تروينا جمعا بشروطير

وكل ثانية واحنا بخير

* * *

فدان شطارة

مسحراتي يا مصر اويّة
ف مصر تسري روحي .. برويّة
مسحراتي يا مصر اويّة
يدق قلبي تسمعى هيّة
أبويا مدّي البشر هديّة
وجدى مدّي الحنان هويّة
وفوق سطوحى للحب غيّة
يطير ويرجع يلاقينى طائر
وحبيبتى واقفة ف المشربية
مسحراتي طيب وراضى
نور الملائكة ملو الأراضى
ملائكة حاضرة
وطائرة بينا
صلوا معانا على نبينا
يارب وأنت علام غيوب
أنا نفسى اتوب
ونويت أصوم لك
صيام مُطَهَّر من الذنوب

مسحراتي

زارع قيراطي

فدان محبة .. وفدان شطارة

غزلت أول شعاع حضارة

وبنيت ف شطى أول منارة

وعشت أدبي

من غير تحدي

وانقش مشاعري فوق الحجارة

مسحراتي وفلاح عمومي

والدنيا قامت على علمي

حضنت ارضي .. دابت همومي

لو حظي قرط

والدمعة فرّت

أنا مش هافرط

لأن عندي فدان شطارة

مسحراتي .. مددقاتي
على الصواني ف خان الخليلي
وجدى كاتب تاريخ حياتي
على المسلة وعلى سبيلي
فارش بساطي على نجيلي
عشان يادنيا هاتحتاجيلي
وتلاقي عندي فدان شطارة

مسحراتي .. منوراتي
بيغنى دايمًا للمستنير
اللغز حله داخل جيناتي
يا عم احمد يا مستجير
من حور محب لسلامة موسى
مين اللي نور فجر الضمير
غير اللي زارع فدان شطارة

رمضان ناداني
والقلب لبي

تعالى واشرب

من المحبة

والبركة تملا جامع ودير

وكل ثانية واحنا بخير

بدايته رؤية ونهايته رؤية

يادنيا .. صحرا ..

رمضانى .. ساقية ..

تروينا جمعا بشروطير

وكل ثانية واحنا بخير

* * *

لقمة هنية

مسحراتي يا مصر اويّة
ف مصر تسري روحي .. برويّة
مسحراتي يا مصر اوية
يدق قلبي تسمعني هية
أبويا مدّي البشر هدية
وجدى مدّي الحنان هوية
وفوق سطوحى للحب غية
يطير ويرجع يلاقينى طائر
وحبيبتى واقفة ف المشربية
مسحراتي طيب وراضى
نور الملايكة ملو الأراضى
ملايكة حاضرة
وطائرة بيّنا
صلوا معنا على نبينا
يارب وأنت علام غيوب
أنا نفسى اتوب
ونويت أصوم لك
صيام مطهر من الذنوب

مسحراتي يا نور عينيا
واللقمة دائما تكون هنية
لما باكلها بفلوس شقايا
لا من الولايا .. ولا م الوسية
لو فول مدمّس ..
حلال .. هاغمّس ..
وانول مرادى واعيشها راضى
زى الزبادى ف السلطانية

ع الرزق طبعا لازم اصارع
ربك بيرزق على طول اسارع
ارمّ عضمى بأكلة كوارع
مبار وفشة وحاجة حرشة
وارجع واسعى ف كل شارع
على اللى يغنى نفسي الغنية

لو يوم بنار الغلا اکتوينا
عسل عسلسل فوق الطحينة
مع المسلسل يبقى .. اکتفينا
دى مش موافقة ع الفقر لكن
ربك يديم النعم علينا
ويديم علينا روحنا الابية

خروب وسويا ..
يا عم سَقَّع ..
وانشالله لوييا ..
وعيش مفقع ..
ولا يبقى توب الحلال مرقع
اكلتنا طقة .. انشالله دُقة
ولا تقبل ان الحرام ييقع
توب الكرامة ..
اجمل عطية

رمضان ناداني
والقلب لبي
تعالى واشرب
من المحبة
والبركة تملا جامع ودير
وكل ثانية واحنا بخير

بدايته رؤية ونهايته رؤية
يادنيا .. صحرا ..
رمضاني .. ساقية ..
تروينا جمعا بشروطير
وكل ثانية واحنا بخير

يسحرونى

مسحراتي يا مصراويه
ف مصر تسري روحي .. برويه
مسحراتي يا مصراويه
يدق قلبى تسمعنى هيه
أبويا مدّي البشر هديه
وجدى مدّي الحنان هويه
وفوق سطوحى للحب غيه
يطير ويرجع يلاقينى طائر
وحببتى واقفة ف المشربه
مسحراتي طيب وراضى
نور الملائكة ملو الأراضى
ملائكة حاضره
وطايرة بينا
صلوا معانا على نبينا
يارب وأنت علام غيوب
أنا نفسى اتوب
ونويت أصوم لك
صيام مُطَهَّر من الذنوب

مسحراتي والناس شافوني
وانا اهل بلدي .. بيسحروني
كانوا ف طفولتي .. بيعلموني
كانوا ف صبايا .. بيفهموني
ولحد بكرة .. ولحد بعده
لو نومتي طالت .. بيقوموني
اسمع كلامهم وافتح عيوني

استاذي صحّي عقلي ف راسي
اما المراكبي .. عند المراسي
غني .. وصحصح .. جميع حواسي
واداني درس الحياة ..
اخويا
واداني درس الوطن ..
سياسي
ولاحد فيهم سابني لظنوني

صحّحتني جامعة .. وصوتها ..
ساعة ..

ادان بيدعو لصلاة جماعه
بيّاع .. بينده على البضاعه
وصوته يطرب .. كأنه مطرب
بيقول ياناس اسمعوا فنوني

صحّاني .. عاشق ..
بيناجي زهره
درويش بيطلب مدد .. ياطاهره
طالب بيهتف جوا المظاهرة
ديوان لشاعر .. مليون مشاعر
ومن جماله .. اقراه ف سهره
واهديه لاهلي .. ويصدقوني

رمضان ناداني
والقلب لبّي
تعالى واشرب
من المحبة
والبركة تملا جامع ودير
وكل ثانية واحنا بخير

بدايته رؤية ونهايته رؤية

يادنيا .. صحرا ..

رمضانى .. ساقية ..

تروينا جمعا بشروطير

وكل ثانية واحنا بخير

* * *

قابله صدقه

مسحراتي يا مصر اويّة
ف مصر تسري روحي .. برويّة
مسحراتي يا مصر اويّه
يدق قلبي تسمعى هيه
أبويا مديّ البشر هديه
وجدى مديّ الحنان هويّه
وفوق سطوحى للحب غيه
يطير ويرجع يلاقينى طائر
وحبيبتى واقفة ف المشربيه
مسحراتي طيب وراضى
نور الملائكة ملو الأراضى
ملائكة حاضره
وطايرة بيسنا
صلوا معانا على نبينا
يارب وأنت علام غيوب
أنا نفسى اتوب
ونويت أصوم لك
صيام مُطَهَّر من الذنوب

مغنواتي .. يدق قلبي
النور ينور ف بيت حبابي
انا قولت : هاعمل مسحراتي
أفوت يوماتي .. يمكن اشوفه
يعرف ظروفى ..
واعرف ظروفه ..
ياكل حاضر .. ياكل غايب
رمضان ما يحلا غير بالحبايب

انا قلبي عاشق .. قمر مصور
أول ما شوفته .. نظري تسمّر
على جماله .. الله اكبر
شباكّه دايمًا ف الليل منورّ
والصبح يظهر .. ينور اكثر
ياكل حاضر .. ياكل غايب
رمضان ما يحلا غير بالحبايب
إيه الجمال دا ؟!
الله ياوعدي
ماشى بادورّ على نجم سعدي

واقول يادنيا ..

ساعديني ساعدي ..

قابلته صدفة ..

وضاع ..

لقيته

خياله ماشي .. قبلي وبعدي

ياكل حاضر .. ياكل غايب

رمضان ما يحلا غير بالحبايب

ياريت حبيبي يكون سامعني

ويكون ف قلبه حبة حنان

انا اصلي ليل البعاد واجعني

ونفسي اشوفه ..

مرة كمان ..

يارب ياللي بالخير جامعني

يقابلني تاني ف نفس المكان

ياكل حاضر .. ياكل غايب

رمضان ما يحلا غير بالحبايب

رمضان ناداني

والقلب لبي

تعالى واشرب

من المحبة

والبركة تملا جامع ودير

وكل ثانية واحنا بخير

بدايته رؤية ونهايته رؤية

يادنيا .. صحرا ..

رمضاني .. ساقية ..

تروينا جمعا بشروطير

وكل ثانية واحنا بخير

* * *

ليلة الليالى

مسحراتي يا مصر اوية
ف مصر تسري روجي .. بروية
مسحراتي يا مصر اوية
يدق قلبى تسمعنى هية
أبويا مدّي البشر هدية
وجدى مدّي الحنان هوية
وفوق سطوحى للحب غية
يطير ويرجع يلاقينى طائر
وحبيبتى واقفة ف المشربية
مسحراتي طيب وراضى
نور الملائكة ملو الأراضى
ملائكة حاضرة
وطائرة بينا
صلوا معانا على نبينا
يارب وأنت علام غيوب
أنا نفسى اتوب
ونويت أصوم لك
صيام مُطَهَّر من الذنوب

مسحراتي ..
ماشى أسحر ف نور آياتى
واستنى ليلة أمل بهيه
ليلة الليالي ..
والقدر عالي ..
أجمل هدية للانسانيه
يارب تفتح علينا فتحا
مدد هداية .. وروحانيه

سبحانه ربي .. انزل كلامه
ف شهر رحمة .. ينشر سلامه
ما بين سجوده .. وبين قيامه
الروح بتعزف على مقامه
ف حضن اهلى ادوق صيامه
وامشى واهدى كل البريه
مدد هداية .. وروحانيه
يارب نسعى .. سعي الوداد
نقدر نساعد كل العباد
وكل طالب .. يلقي المراد

وكل حاسس بالظلم ..

يعرف ..

طريق خلاصه .. بالاجتهاد

وجهاد مسيرة محمدية

مدد هداية وروحانية

يارب تفتح فتحاً مبيناً

مايخلى فينا قلوب حزينة

أيامنا تعرف معنى السكينة

نعيش بدينك

ونستعينك

بنفوس أبية .. حرة .. وامينة

على معجزاتك القرآنية

مدد هداية وروحانية

رمضان ناداني

والقلب لبي

تعالى واشرب

من المحبة

والبركة تملأ جامع ودير

وكل ثانية واحنا بخير

بدايته رؤية ونهايته رؤية

يادنيا .. صحرا ..

رمضاني .. ساقية ..

تروينا جمعا بشروطير

وكل ثانية واحنا بخير

* * *

محمد احمد بخيت

مسحراتي يا مصر اوية

ف مصر تسري روحي .. بروية

مسحراتي يا مصر اوية

يدق قلبي تسمعي هبة

أبويا مدّي البشر هدية

وجدى مدّي الحنان هوية

وفوق سطوحى للحب غية

يطير ويرجع بلاقيني طاير

وحبيتي واقفة ف المشربية

مسحراتي طيب وراضي

نور الملائكة ملو الأراضى

ملائكة حاضرة

وطايرة بيـنا

صلوا معانا على نبينا

يارب وأنت علام غيوب

أنا نفسي اتوب

ونويت أصوم لك

صيام مُطهر من الذنوب

مسخراتي درب الغلابة
والخطوة واحدة ..
انا وانت يابا
ماشيين بنحكي عن الصحابة
عن الطيابة .. وناس زمان
تقول واسمع
والدمعة تلمع
يصب فيا نبع الحنان

ف بطاقتك اسمك :
محمد أحمد
ف حياتي اسمك ..
انسان عظيم
علمني بحرك اعوم واصارع
ورسمني خطك المستقيم
وشقيت معانا علشان تعلم
والمجانية مبدأ سليم
تصب فينا نبع الحنان

ايديك دليلي .. والصعب .. دربي
خلوني راجل قبل الاوان
صمتك يقولي ع المستخبي
وشقاك ييغنى عن البيان
ولما يصبح .. قلبك وقلبي
على دقة واحدة ..

صوتهم بيان
ويصب فيا نبع الحنان

بالنظرة تغضب ..
بالروح تسلم
لحد ما اوصل بر الامان
ولا مرة تتعب وتقول : هاسلم
لحد ما انجح ف الامتحان
اسأل جروحك
ترد روحك
ما لاقيش لطعم الالم مكان
ويصب فيا نبع الحنان

رمضان ناداني

والقلب ليّ

تعالى واشرب

من المحبة

والبركة تملا جامع ودير

وكل ثانية واحنا بخير

بدايته رؤية ونهايته رؤية

يادنيا .. صحرا ..

رمضاني .. ساقية ..

تروينا جمعا بشروطير

وكل ثانية واحنا بخير

* * *

أفلام قديمه

مسحراتي يا مصر اويّة
ف مصر تسري روجي .. برويّة
مسحراتي يا مصر اويّه
يدق قلبي تسمعنّي هيّه
أبويا مديّ البشر هديّه
وجدى مديّ الحنان هوّيّه
وفوق سطوحى للحب غيّه
يطير ويرجع يلاقينى طابير
وحبيبتى واقفة ف المشريه
مسحراتي طيب وراضى
نور الملايكة ملو الأراضى
ملايكة حاضره
وطايرة بيّنا
صلوا معانا على نبينا
يارب وأنت علام غيوب
أنا نفسى اتوب
ونويت أصوم لك
صيام مُطهّر من الذنوب

مسحراتي

رمضانى حصرى

على شاشة مصرى

قديم وعصرى

أفلام غنية بالابداعات

معانى ناعمة .. ف اوانى طعمة

الفن نعمة ..

نرفضها نعمى ..

عن اللى جى .. وعن اللى فات ..

دليلى .. سيما ..

أفلام قديمة ..

افكارها حرة .. ومستقيمة

والكل عايش .. حتى اللى مات ..

يوسف شاهينها .. وصلاح جاهينها

وحتى بَقُ اسماعيل ياسينها

والقصرى عايش مع زينات

احب فاتن .. واحب شادية

ونادية لطفي

مش أى نادية

وسعاد شقية .. لو حتى هادية

وكل دمعة .. ع الخد بادية

مارى منينا ضربتها قاضية

خليتها ضحكة ف العين تبات

أجيال بتزرع اجيال بتحصد

وتعيش معانا وهية تقصد

تسيب لى أطيب الذكريات

نعيش حنينها .. يامغرمينها

واحنا جميعا مؤلفينها

أولاد حوارى ..

وولاد ذوات ..

رمضان ناداني
والقلب لبي
تعالى واشرب
من المحبة
والبركة تملا جامع ودير
وكل ثانية واحنا بخير

بدايته رؤية ونهايته رؤية
يادنيا .. صحرا ..
رمضاني .. ساقية ..
تروينا جمعا بشروطير
وكل ثانية واحنا بخير

* * *

لويوم صحيتوا

مسحراتي يا مصر اويّة
ف مصر تسري روحي .. برويّة
مسحراتي يا مصر اويّه
يدق قلبي تسمعني هيّه
أبويا مديّ البشر هديّه
وجدى مديّ الحنان هوّيّه
وفوق سطوحى للحب غيّه
يطير ويرجع يلاقيني طائر
وحبيبتى واقفة ف المشربيه
مسحراتي طيب وراضى
نور الملائكة ملو الأراضى
ملائكة حاضره
وطايرة بيننا
صلوا معانا على نبينا
يارب وأنت علامّ غيوب
أنا نفسي اتوب
ونويت أصوم لك
صيام مُطهرّ من الذنوب

مسحراتي يا خطوة مدي
خلينا نركب موج التحدي
ومن قناة السويس نعدى
نوصل لسدي
انا والليالي ناخذ وندي
يسأل حفيدي ..
ويجاوبه جدي ..

بحر الليالي غرقان ف أله
غرقان ف ندمه
ومين يغيته ؟!
احنا رجعنا .. ولا احنا بعنا ؟!
ولا نسينا الجهاد .. وصيته
يا اهل بلدي ..
لو يوم صحيتوا
افتكروا نهرو .. وافتكروا تيتو
وافتكروا ثوره .. ناصر وغاندي ..

افتكروا نظره ف عيون جيفارا

فيها الجسارة

احق بيها شعب الحضارة

لو جوّه خندق .. أو فوق مناره

روح العباده

تكون يامصرى عندك اراده

ولو عدوك ف يوم تمادى

لازم تناوله طعم المراره

نصر الارادة .. ع الغدر .. وعدى

مسحراتي يسعد صباحك

لو يوم عدو الحياة استباحك

إياك تطاوع ألم جراحك

إياك توافق كسرة جناحك

حقق نجاحك .. واصنع سلاحك

تحفظ براحك من التعدي

رمضان ناداني
والقلب لبي
تعالى واشرب
من المحبة
والبركة تملأ جامع ودير
وكل ثانية واحنا بخير

بدايته رؤية ونهايته رؤية
يادنيا .. صحرا ..
رمضانى .. ساقية ..
تروينا جمعا بشروطير
وكل ثانية واحنا بخير

* * *

ليالتنا عيد

مسحراتي يا مصر اويّة
ف مصر تسري روحي .. برويّة
مسحراتي يا مصر اويّه
يدق قلبي تسمعني هيّه
أبويا مدّي البشر هديّه
وجدى مدّي الحنان هوّيّه
وفوق سطوحي للحب غيّه
يطير ويرجع يلاقيني طابير
وحبيبتى واقفة ف المشربيه
مسحراتي طيب وراضي
نور الملايكة ملو الأراضى
ملايكة حاضره
وطايرة بيّنا
صلوا معانا على نبينا
يارب وأنت علام غيوب
أنا نفسي اتوب
ونويت أصوم لك
صيام مُطَهَّر من الذنوب

مسحراتي والليلة عيد
والرزق عمره ما كان بعيد
إمشى ف طريق الحلال تلاقى
رزقك ورزقي
نهر المحبة ف الارض باقى
يشرب ويسقى
وكل ساعى للخير سعيد
مسحراتي والليلة عيد

من يوم ما كانت الخطوة .. سنّة
لما اتفطمت .. وبدّلت .. سنّة
ولحد ما ادخل سنين مُسنّة
الرحمة هية اجمل مافينا
أجمل مالينا .. أجمل ما بينّا
هية طريق الهنا الوحيد
مسحراتي والليلة عيد

اعيادنا لما .. نتلمّ لمة
وتكون معاني المحبة تامة
نصنع بهمة .. ونبيع بذمة
يصبح طريق المودة واحد
مافيش .. يا إمّا كده يا إمّا
ساعتها يبقى الفرح اكيد
مسحراتي واللييلة عيد

العيد صباحه علشان وطنّا
ولكل قلب .. حبّ .. وتمنّى
سقا .. ومكنجى .. فرّان وبنا
ولكل عالم زارع مصانع
ولكل شاعر عايزها جنة
لافيها أمرا .. ولاعبيد
مسحراتي واللييلة عيد

رمضان نادانى
والقلب لبيّ
تعالى واشرب
من المحبة

والبركة تملأ جامع ودير

وكل ثانية واحنا بخير

بدايته رؤية ونهايته رؤية

يادنيا .. صحرا ..

رمضاني .. ساقية ..

تروينا جمعا بشروطير

وكل ثانية واحنا بخير

* * *

مش باقي مني

قصيدة

من الديوان القادم

مش باقي منى
غير شوية ضى ف عينيا
أنا هادي هو ملك
وامشى بصبرى ف الملكوت
يمكن ف نورهم تلمحى خطوة
تفرق معاكى
بين الحياة والموت
مش باقي منى
غير شوية نبض ف عروقى
خُدى .. وعيشى ..
وافتحى لى تابوت
أفرح بريحة ورد فرعونى
وربنا ف عونى
إذا دخلت الجنة ولا النار
هاشتاق إلى ضحكك
وقعدتى ف الدار
والقهوة متحوجة
من طيبة العطار ..
ف كل يوم الصبح
باشرب حليب قبضى

وف النهار والمسا
بامسك ستار الكعبة لو سبتى
واثبت اذا هربتى
اهديكى عمرى وحسى وجوارحى
اهديكى جرحى
هو اللى باقى ف دنيتى لما خلص فرحى
مش باقى منى
غير شوية لحم ف كتافى
بلاش يتبعثروا ف البحر
بلاش يتحرقوا ف قطر الصعيد
ف العيد
بلاش لكلب الصيد.. تناوليهم
خدى اللى باقى من الأمل فيهم
وابنى لى من عضمهم
فى كل حارة مقام
وزورينى مرة وحيدة
لو كل ألفين عام
ألم الجراح يتلم
مش باقى منى غير شوية دم

متلوثين بالهم
مرين وفيهم سم
كانوا زمان شربات
والنكتة سكرهم
شربتهم الخفافيش
فى قلب أوكارهم
مش باقى منى غير شوية دم.. ماقدرشى
استقيكى.. مواجعهم
وبرضه ماقدرشى
أرميكى..
وأبيعهم
يمكن ف مرة تعوزى تطلبينى شهيد
هاحتاج يومها الدم
يمضى على شهادتى
مش باقى منى
غير شوية قوة ف إرادتى
على شوية شعر من خطى
حاسبى عليهم وانتى بتخطى
وانتى ف صبح الدلال

بتعطرى شطى..
مش باقى منى
غير شوية ضى ف عينيا
انا مش عايزهم
لو كنت يوم هالمحك
وانتى بتوطى
فى معركة مافيهاش
ولاطيارات ولا جيش
وانتى ف طابور العيش
بتبوسى إيد الزمن
ينولك لقمة
من حقك المشروع
مش باقى منى.. غير
شهقة ف نفس مقطوع..
بافتح لها سكة
ما بين رئة.. وضلوع..
ما بين غبار.. ودموع..
وانا تحت حجر "المقطم"
ف الدويقة باموت

انا.. والعطش.. والجوع..
يئن تحتى التراب
وانا صوتى مش مسموع..
يا حلمنا الموجوع..
من المرور ممنوع..
مستنى لما يمر
موكب سلاطينك..
مش باقى منى
غير شوية رحمة من طينك..
على شوية صبر من دينك..
مش باقى منى غير حبة غُنا تايهين
ف الضلمة مش لاقين
حس الفواعلية..
ولا صوت مراكبى عفى
فوق المعدية..
ولا صوت بناتى العذارى
فى كل صبحية..
والغنة.. امنية
"ياما نفسى اقابل حبيى.."

وانا ع الزراعية" ..
صوتك وصوتهم غاب ..
وانا تحت حجر المقطم .. باموت لوحدياً ..
الليلة راحت عيوني
تطلع البستان ..
وجناين الرمان ..
رجعت لى توصف عناد الغل والدخان
وسحابة سودا تضلل
على الغنا الغلبان ..
رجعت لى توصف ..
هبوب الموت على الألوان
رجعت لي توصف ..
خيال الذل ..
ف موائد الرحمن ..
مش باقى منى غير شوية كُفر بشروقك
وانا ..
منع الايمان ..
مش باقى منى ..
غير شوية ضى ..

وعينيا

مش قادرة تلمحنى ..

فى وحدتى محنى ..

خايف أموت م الخوف

والضعف يفضحنى ..

...

السجن عشنش ف قلبى

وماشى ف شوارعك ..

نفس اللى باعنى وخدعنى

بالرخيص بايعك ..

هاشيل حمولى أنا

ولأ هاشيل حملك؟!

ماعدت املك شىء ..

فيكى .. ولا فيا

ولا قيراط ولا بيت ..

ولا نسمة صافية تلاغى النيل بحرية ..

مش باقى منى

غير شوية حب جارحنى

ولا باقى منى

غير شوية ضى ف عينيا

جمال بخيت

في سطور

جمال بخيت في سطور

●● الشاعر: جمال بخيت

●● الاسم الكامل: جمال محمد أحمد بخيت

●● مواليد: ١٩٥٤ / ١ / ٢٩

●● الدراسة:

خريج كلية الإعلام - قسم صحافة عام ١٩٧٩ - جامعة القاهرة

●● المهنة:

- يعمل في مجلة صباح الخير - مؤسسة روز اليوسف منذ عام ١٩٨٠ حتى وصل حالياً لمنصب مدير تحرير المجلة..

- عمل رئيساً للقسم الثقافي والفني بجريدة الخليج التي تصدر بالشارقة منذ عام ١٩٨٧ وحتى ١٩٩٠ .

- عضو عامل في نقابة الصحفيين المصريين منذ عام ١٩٨٣ .

- عضو عامل في نقابة المهن السينمائية «شعبة سيناريو» منذ عام ٢٠٠٣ .

- عضو الجمعية الدولية لحقوق المؤلف والملحن المعروفة باسم «ساسم» ومقرها باريس.

- نائب رئيس مجلس إدارة جمعية المؤلفين والملحنين والنشازين المصرية والمعروفة باسم «ساسيرو» ومقرها القاهرة.

- عضو لجنة النصوص الموحدة باتحاد الإذاعة والتلفزيون.

•• الإصدارات:

دواوين شعر:

- ١- مشاعر بلا ترتيب ١٩٨٥ - دار ألف للنشر.
- ٢- شباك النبي على باب الله ١٩٩٤ - مكتبة مدبولي.
- ٣- بنعشق الحياة ١٩٩٦ - الهيئة العامة للكتاب.
- ٤- مسحراتي العرب ٢٠٠٢ - الهيئة العامة للكتاب.
- ٥- لوجه الحب «الجزء الأول من الأعمال الكاملة - ويضم ستة دواوين وهي: مشاعر بلا ترتيب - شباك النبي على باب الله - بنعشق الحياة - مسحراتي العرب - نبع العطش - المصري حبيب متحمس» ٢٠٠٤ - دار الخيال للنشر.
- ٦- ساعدني أعيش «ديوان للأطفال - رسوم الفنان علي دسوقي» ٢٠٠٤ - المركز القومي لثقافة الطفل.
- ٧- المسرحية الغنائية «يمامة بيضا» ٢٠٠١ - الهيئة العامة للكتاب.

•• الجوائز:

- اختارته الإذاعة المصرية أربع مرات متتالية ليكتب الأغنية التي تشارك بها في مسابقة الأغنية العربية التي يقيمها سنوياً اتحاد الإذاعات العربية لجامعة الدول العربية.
- في عام ١٩٩٥ شارك في المسابقة التي عقدت في الأردن «بنعشق الحياة» لحن حلمي بكر وغناء غادة رجب وفازت الأغنية بالجائزة الكبرى وهي جائزة الميكروفون الذهبي كأفضل عمل متكامل.
- في عام ١٩٩٦ شارك في المسابقة التي عقدت بالبحرين بأغنية «اتجمعوا» لحن عمار الشريعي وغناء «أنغام».. وفازت الأغنية بجائزة أفضل لحن..

- وفي عام ١٩٩٨ شارك بأغنية «غنى» لحن حلمي بكر وغناء رحاب مطاوع وقد فاز الشاعر بجائزة أفضل نص كما فاز الفنان حلمي بكر بجائزة أفضل لحن عن نفس الأغنية..

- وفي عام ٢٠٠٠ شارك في المسابقة التي عقدت بالقاهرة بأغنية «مش عايزة أمشي» لحن محمد علي سليمان وغناء ريهام عبد الحكيم وفازت الأغنية بجائزة الميكرفون الذهبي.

- في عام ٢٠٠٤ اختارته القناة الأولى في التلفزيون المصري «شاعر العام» - اختارته الإذاعة المصرية للمشاركة بأغنية «وطن عربي» في مسابقة الأغنية العربية التي أقيمت في دمشق يوم ١٦/٦/٢٠٠٥ .. لحن الأغنية فاروق الشرنوبلي ووزعها يحيى الموجي وغناها محمد الحلو وقد فازت بالمركز الأول من بين الأغنيات التي شاركت بها أغلب الدول العربية.

●● المشاركات الشعرية.. والتكريم

- مثل مصر كشاعر في مهرجان الشباب والطلاب العالمي الثاني عشر - موسكو ١٩٨٥ .

- ألقى قصائده في أمسيات خاصة به في عدد كبير من الدول العربية بدعوة من وزارات الثقافة أو الجامعات في هذه الدول من بينها:

الأردن «مهرجان جرش»، سوريا «مهرجان السلام والمحبة باللاذقية»، الإمارات «معرض الكتاب بالشارقة»: ليبيا «مؤتمر الشعر الشعبي بينغازي»، البحرين «جامعة البحرين»، لبنان «مركز معروف الثقافي بمدينة صيدا، كما شارك في معرض الدوحة للكتاب بأمسة شعرية في أبريل ٢٠٠١، وفي معرض بيروت للكتاب ٢٠٠٢ .

- اشتهر بتقديم عدد كبير من الأمسيات الشعرية الغنائية مع أحمد الحجار وفاروق الشرنوبلي وعلي الحجار.. وآخر أمسياته قدمها لمدة أسبوع على المسرح

رمي في ديسمبر - رمضان ١٩٩٩ بعنوان مسحراتي العرب التي كالن يلقى فيها قصائد ويقوم بالغناء علاء عبد الخالق وأحمد الحجار وفاروق الشرنوبى والصوتين الجديدين سلمى ومحمد عبد العظيم بالإضافة إلى فرقة كورال حنين التي يقودها الملحن جمال عطية.

- شارك في مهرجان الشعر الشعبي العربي الأول الذي أقامته رابطة الأدب الشعبي الجزائري في إطار فعاليات «الجزائر عاصمة للثقافة العربية»، وذلك في محافظة تيبازا في أكتوبر ٢٠٠٧ .

- اختاره المجلس الأعلى للثقافة في مصر كواحد من الشعراء الهامين الذين يمثلون «مائة عام من الشعر» بمناسبة انعقاد المؤتمر الدولي للشعر في عام ٢٠٠٧ بالقاهرة.. واختار القائمون على المهرجان قصيدته «ثلاثية قبل السفر» لتتشر في الديوان المطبوع بهذه المناسبة.

- كرمته دولة الإمارات العربية في يناير ٢٠٠٨ في إطار فعاليات معرض القاهرة للكتاب حيث كانت الإمارات هي ضيفة المعرض.. وذلك على الدور الذي لعبه في تطوير النشاط الثقافي في الإمارات في الفترة التي عمل بها كرئيس للقسم الثقافي والفني بجريدة الخليج.

- تم تكريمه أو أوزبكستان في شهر فبراير ٢٠٠٨ من خلال كونسترفوار طشقند الدولي بالاشتراك مع المركز الثقافي المصري بطشقند.. حيث تمت ترجمة قصيدته «صحيح البخاري» إلى اللغة الأوزبكية كما تم غنائها باللغة العربية واللغة الأوزبكية من خلال مطربين وموسيقيين أوزبك، كما تم الاحتفاظ بهذه القصيدة وترجمتها على لوحة كبيرة تصدرت متحف الإمام البخاري في سمرقند، كما استقبله محافظ مدينة بخاري ومفتي المدينة وقاموا بتكريمه.

- شارك في لجنة تحكيم الدورة الرابعة عشرة لمهرجان الأغنية العربية التي نظمها اتحاد الإذاعات العربية في تونس.. في يونيو ٢٠٠٨ .

- ألقى أشعاره في بيت الشعر بعمان - الأردن في يوليو ٢٠٠٨ .
- شارك في الاحتفالية التضامنية التي أقامتها وزارة الثقافة الجزائرية لمجموعة كبيرة من الفنانين العرب تضامنا مع غزة في يناير ٢٠٠٩ بالجزائر العاصمة..
- وقد كرمته وزيرة الثقافة الجزائرية خالدة تومي على المشاركة في هذه الاحتفالية.
- شارك في مهرجان الشعر الشعبي الثاني الذي أقامته رابطة الأدب الشعبي الجزائري في الجزائر العاصمة في فبراير ٢٠٠٩ .

●● الأغنيات:

كتب عدداً كبيراً من الأغاني لعدد كبير من المطربين والمطربات منهم وردة الجزائرية وعلى الحجار ومحمد منير، ماجدة الرومي ولطيفة ولطفي بوشناق ومحمد الحلو وغادة رجب وراغب علامة وأنغام ومها البدرى وذكرى ومحمد عبده وأحمد الحجار وحنان ماضي وأسامة الشريف وجوانا ملاح ومليحة التونسية وناجي سابا وزينب توفيق وماهر عبيد وميسرة وحسنة وعلي زعيتر وحميد الشاعرى وعلاء عبد الخالق ومدحت صالح وآمال ماهر وخالد سليم وحنان وحنان وخالد شمس وعبد الله الرويشد وماجد المهندس وديانا كرازون وأسماء لمنور.

كما تغني بكلماته في الليالي المحمدية التي تنتجها الإذاعة المصرية الفنانون محمد قنديل ومحرم فؤاد ومحمد رشدي ومحمد العزبي ونادية مصطفى وجنات.

●● ومن هذه الأغاني:

- وردة: آن الألوان - كإنك معايا - أعز الولد - جاية الجزائر
- ١ علي الحجار: الأحلام - أوعديني - بحبك - تسأليني - أنا كنت عيدك -
- لم الشمل - مرمر زماني - طلعت أنش - فلسطيني - ماتغربيناش - عم
- بطاطا - حضن الأماني - سفرنا طويل - دعوتي في الفجر يامه - يا
- حمام يا طابرع البحرين..

- محمد منير: اتحدى لياليك سناء محيدلي» - أم الضفاير - يا غربتي
- راغب علامة: عاشق عيونك
- محمد عبده: رفر ف يا طير الحرية «في ذكرى انتصارات أكتوبر»
- غادة رجب: بنعشق الحياة - النصر أو الشهادة - ملك إيديك - ماكانش ذنبي.
- أنغام: تقدر ع المشوار - أحب أحب - ما عرفش مين قال الحبيبي - حسك في الدنيا ياأبا - اتجمعوا
- ذكرى: الشهيد - لحن عمار الشريعي «حفل بالأوبرا».
- مدحت صالح: البراءة - باسم الحب - تعاهديني - بالك - نوري نور- عاشق مجنون - ضليت طريق القمر - ولسه بادور - تعاهديني - روق يا جميل - شبيكي لبيكي - عطشان ياسنين هوايا - قلبي عاشق - أجمل من ست الحسن - غنيلي - أطير وأحلم.
- أمال ماهر: أطفال الشوارع - لحن عمار الشريعي «أغنية في حفل لجمع التبرعات على الهواء».
- أسامة الشريف: مغنواتي - بلادي - ساعدني أعيش
- علاء عبد الخالق: الشيء الصعب - مش قلبي إللي حبك بس - بلديات - لا يا دنيا
- مها البدري: مانتش قدي
- حميد الشاعري: اسمي بشر
- مليحة: قلبي اتخلق كده
- حنان ماضي: يا غريب في الكون يا قلبي - قال الودع
- جوانا ملاح: ما خبراشي

• خالد سليم: همسة

• حنان: بناتي يا عنب - هات الحب.. إلى آخره

•• كما كتب أغنية «نور الأحباب» والتي تغنى بها عبد الله الرويشد وآمال ماهر وماجد المهندس في افتتاح مهرجان الإذاعة والتليفزيون الثالث عشر «القاهرة ٢٠٠٧» وهي من ألحان الموسيقار أمير عبد المجيد وتوزيع الموسيقار يحيى الموجي.

كتب كذلك احتفالية «عالم واحد» التي قدمت على مسرح مدينة الانتاج الإعلامي في نوفمبر ٢٠٠٩ بمناسبة مهرجان الإعلام العربي الخامس عشر - وهي من ألحان عمار الشريعي وغناء هيثم شاكر ورحاب مطاوع وخالد سليم وجنات ومروان خوري وكارول سماحة وأخرجها مسرحياً أحمد طه ونقلها تليفزيونياً محمد شعبان.

•• الأغاني في السينما:

• الآخر.. إخراج يوسف شاهين - أغنية «آدم وحنان» لحن فاروق الشرنوبلي - غناء ماجدة الرومي.

• سكوت هانصور.. إخراج يوسف شاهين - أغنية «المصري» - لحن عمر خيرت - غناء لطيفة.

• زواج بقرار جمهوري.. إخراج خالد يوسف - ألحان فاروق الشرنوبلي - غناد حنان ترك وهاني رمزي - ومدحت صالح..

• كريستال.. إخراج عادل عوض - ألحان فاروق الشرنوبلي وخليل مصطفى وكامل شريف - غناء شريهان.

• شباب ع الهوا.. إخراج عادل عوض - ألحان يحيى غنام وعلي شرف - غناء علي الحجار وحنان وماضي.

• شوية عيال.. فيلم للأطفال - إخراج تغريد العصفوري - ألحان وجيه عزيز - غناء محمد عبد العظيم وآخرين.

• رشيد ٨٥ .. فيلم تسجيلي عن مدينة رشيد - إخراج علاء كريم - ألحان علي سعد - غناء أحمد الحجار - وعزة بليغ.

• اسكندرية.. نيويورك.. إخراج يوسف شاهين.. ألحان فاروق الشرنوبلي.. غناء علي الحجار وهدى عمار.

• دكان شحاته.. إخراج خالد يوسف - ألحان أحمد سعد - غناء أحمد سعد وريهام نبيل والريس عارف.

•• في المسرح:

قدمت من تأليفه وأشعاره مسرحية «يمامة بيضا» في عام ٢٠٠٧ و ٢٠٠٨ على مسرح الحرية بالاسكندرية ثم على مسرح السلام بالقاهرة.

ألحان المسرحية وضعها الموسيقار عمار الشريعي - وأخرجها الفنان حسان الدين صلاح - بطولة علي الحجار.. هدى عمار.. محمود عذب.. محمد شرف.

وقد حصلت المسرحية على أوسكار أفضل عمل مسرحي غنائي في عام ٢٠٠٧ في استفتاء إذاعة الشرق الأوسط.

•• في المسرح كتب أغاني العديد من المسرحيات.. منها في القطاع الخاص:

• حظ نواعم: تأليف محمد الطوخي - إخراج رزيق البهنساوي - ألحان عمار الشريعي - غناء دلال عبد العزيز ومحمود الجندي وبقية أبطال العمل - مسرح الهوساير.

• باللو: تأليف بسيوني عثمان - إخراج سمير العصفوري - ألحان حسين الإمام - غناء صلاح السعدني ومحمود الجندي وإسعاد يونس ورائيا فريد شوقي - مسرح مدينة نصر.

• اتنين استاكوزا: تأليف عمر مرعي - إخراج رزيق البهنساوي - ألحان صلاح الشرنوبي - غناء يونس شلبي وحنان شوقي وفريدة سيف النصر وبقية أبطال العمل - مسرح نجم.

• طراقيعوا: تأليف نبيل أمين - إخراج سمير العصفوري - ألحان عصام كاريكا - غناء محمد هندي ومدحت صالح وحنان ترك وغادة عبد الرازق - مسرح سميراميس.

• وفي مسرح القطاع العام.. كتب أغاني مسرحيات:

• الحكمة والسيف - تأليف سميحة غالب، إخراج أبو بكر خالد - ألحان وغناء الفنان الشعبي علي الوهيدي - مسرح الغرفة.

• الله يا بلدنا: تأليف أحمد الحوفي، إخراج جمال قاسم مسرح السامر.

• الزواج تهذيب وإصلاح: تأليف محمد شرشر - إخراج رزيق البهنساوي - ألحان فاروق الشرنوبي - غناء أبطال المسرحية ومنهم عزت العلايلي ولبلى طاهر - المسرح العائم.

• مطلوب زواجه فوراً: تأليف نبيل عصمت - إخراج رزيق البهنساوي - ألحان فاروق الشرنوبي - غناء أبطال المسرحية ومنهم مدحت صالح وسماح أنور - المسرح العائم.

• زمبليطة في المحطة: تأليف عمر مرعي - إخراج رزيق البهنساوي - ألحان صلاح الشرنوبي - غناء سمح أنور ونجوى فؤاد والشحات مبروك وبقية أبطال العمل - المسرح العائم.

• بكرة: تأليف وإخراج محمود الطوخي - ألحان حمدي الواعي - غناء أبطال العمل - مسرح البالون.

• الشيطان يعظ: تأليف نجيب محفوظ - إخراج شريف عبداللطيف - ألحان زياد الطويل - غناء سحر رامي وآخرين - المسرح القومي.

• صباح الخير يا وطن: تأليف سمير سرحان - إخراج فهمي الخولي - ألحان فاروق الشرنوبلي - غناء ربي الجمال - مسرح السلام.

• الساحرة: تأليف يسري الجندي - إخراج محسن حلمي - ألحان فاروق الشرنوبلي - غناء فاروق الشرنوبلي وسميحة أيوب وأسامة عباس وبقية أبطال العمل - المسرح القومي.

• شغل أراجوزات: تأليف محسن مصيلحي - إخراج أحمد إسماعيل - ألحان عبدالعظيم عويضة - غناء سامح الصريطي ووفاء الحكيم وبقية أبطال العمل - مسرح وكالة الغوري.

• الطيب والشرير: تأليف الفريد فرج - إخراج أحمد عبد الحليم - ألحان علي سعد - غناء يحيى الفخراني وسوسن بدر ومحمد متولي ودينا علي سعد وآخرين - مسرح السلام.

• شمس النهار: تأليف توفيق الحكيم - إخراج ممدوح عقل - ألحان عبدالعظيم عويضة - غناء سحر رامي وبقية الأبطال - المسرح القومي.

• الست هدى: تأليف أحمد شوقي - إخراج سمير العصفوري - ألحان علي سعد - غناء مدحت صالح ثم أحمد إبراهيم - المسرح القومي.

• البين بين: تأليف فتحية العسال - إخراج هيام توفيق - ألحان هاني شنودة - غناء محمد عبد الجواد وفاطمة الكاشف - مسرح السلام.

• خيل الحكومة: تأليف منصور مكاوي - إخراج فؤاد عبد الحي - ألحان جمال عطية - غناء هند عاكف وبقية أبطال العمل - مسرح السلام.

• انت فين يا جميل: تأليف صفوت شعلان - إخراج سعد أردش - ألحان فاروق الشرنوبلي - غناء سامح يسري ومنال سلامة وحسن كاملي وأبطال العمل - المسرح العائم.

• أم الدنيا: تأليف ليلي عبد الباسط - إخراج حمدي أبو العلا - ألحان

حسين فوزي - غناء مي عبد النبي وسيد الملاح وبقية أبطال العمل - مسرح البالون.

• الناس إللي ف التالت: تأليف أسامة أنور عكاشة - إخراج محمد عمر - ألحان عطية محمود - غناء سيد شفيق وأبطال العمل - المسرح القومي.

• الأولى في الغرام: تأليف منصور مكاوي - إخراج فؤاد عبد الحي - ألحان جمال عطية - غناء أحمد الحجار وزهرة العطار.

أمير الخيال: تأليف يعقوب الشاروني - إخراج حسام عطا - ألحان طارق مهران - غناء محمود الجندي - أشرف عبد الغفور - عايدة فهمي.

الشبكة: إخراج سعد أردش - ألحان زياد الطويل - غناء محمود حميده وسميحه أيوب.

• وفي التلفزيون.. كتب أغاني مسلسلات عدة.. منها:

• قلب الليل: قصة نجيب محفوظ - إخراج بسام سعد - ألحان فاروق الشرنوبى - غناء مدحت صالح.

• كوم الدكة: ألحان أحمد الحجار - غناء علي الحجار

• مجرى العيون: إخراج رضا النجار.

• العودة: إخراج سعيد الرشيدى - ألحان أحمد الحجار - غناء علي الحجار

• آباء وأبناء: إخراج تيسير عبود - ألحان أحمد الحجار - غناء علي الحجار

• أحلام العنكبوت: ألحان فاروق الشرنوبى - غناء مدحت صالح

• نور القمر: قصة نجيب محفوظ - سيناريو بسيوني عثمان - إخراج سامي

محمد علي - ألحان عمار الشريعي - غناء ربهام عبد الحكيم

• عزبة المنيسي: قصة يوسف القعيد - سيناريو وحوار فايز غالي - إخراج

بسام سعد - ألحان فاروق الشرنوبى - غناء ماهر عبيد.

• أوراق مصرية: تأليف طه حسين أحمد - إخراج وفيق وجدي - ألحان علي سعد وإبراهيم رجب وفاروق الشرنوبلي - غناء محمد منير ومحمد الحلو وفاروق الشرنوبلي.

• عطشان يا صبايا: إخراج إبراهيم الشواي - ألحان فاروق الشرنوبلي - غناء مها البدري.

• حارة المعز: إخراج إبراهيم الشواي - ألحان إبراهيم رجب - غناء طارق فؤاد.

• أحلام سنابل: إخراج هشام أنور عكاشة - ألحان علاء بسيوني - غناء غادة رجب.

• هو وغيره: تأليف نبيل أمين - إخراج محمد عبد النبي - ألحان جمال عطية وأحمد الحجار وفاروق الشرنوبلي - غناء مدحت صالح وحنان شوقي.

• عفواً هذا حقي: إخراج محمد عبد النبي - ألحان جمال عطية - غناء محمد الحلو.

• بيع الماويل: تأليف بسيوني عثمان - إخراج محمد عبد النبي - ألحان عمار الشريعي وأحمد الحجار وحمدي صديق وحسن إيش وجمال عطية.

• أهل الرحمة: إخراج محمد عبد العزيز - ألحان جمال مصطفى - غناء علي الحجار.

• فجر ليلة صيف: إخراج هشام عكاشة - قصة أسامة أنور عكاشة - سيناريو وحوار عاطف بشاي - ألحان علي شرف - غناء مدحت صالح.

• الحب موتاً: إخراج مجدي أحمد علي - تأليف محمد صفاء عامر - ألحان حمدي رؤوف - غناء أسامة الشريف.

• الست أصيلة: إخراج سامي محمد علي - تأليف د. سميرة محسن - ألحان محمود طلعت - غناء غادة رجب - إنتاج شركة عرين.

- أرض الرجال: إخراج أحمد عبد الحميد - تأليف مدحت عبد القادر -
ألحان إيهاب محي الدين - غناء مدحت صالح - انتاج شركة الفادي.
- مفتاح الحياة: إخراج د. أحمد فهمي - تأليف مجدي صابر - ألحان يحيى
الموجي - غناء حسن فؤاد - انتاج صوت القاهرة.
- المطعم «تشي توتو»: إخراج محمد فاضل - تأليف يوسف معاطي -
ألحان حسن إش إش - غناء سمير غانم - فاروق الفيشاوي - انتاج محمد
فوزي.
- المنادي: إخراج رضا النجار - ألحان علي شرف - غناء محمد الحلو -
إنتاج صوت القاهرة.
- آن الأوان: إخراج أحمد صقر - تأليف يوسف معاطي - ألحان صلاح
وفاروق الشرنوبلي - غناء وردة - خالد سليم - انتاج شرنوبيات ومدينة الانتاج
الإعلامي.
- درب الطيب: إخراج نادر جلال - سيناريو وحوار بشير الديك - ألحان
عمار الشريعي - غناء محمد الحلو وشاندو.
- حبيب الروح: إخراج تيسير عبود - قصة شريف عبد العظيم - ألحان
جمال مصطفى - غناء حنان عطية.
- القرار: إخراج مصطفى الشال - تأليف أميرة أبو الفتوح - ألحان إيهاب
محي الدين - غناء مها البدري.
- ساعة عصاري: إخراج محمد حلمي - تأليف د. عمرو عبد السميع -
ألحان عمار الشريعي - غناء نسمة - عام ٢٠٠٧ .
- عيون ورماد: إخراج تيسير عبود - تأليف أيمن عبد الرحمن - ألحان
جمال مصطفى - غناء محمد ثروت ٢٠٠٧ .

• خليها على الله: إخراج ممدوح مراد - تأليف صلاح معاطي - ألحان صلاح الشرنوبلي - غناء خالد عجاج ٢٠٠٧ .

• سكة إلهي يروح: إخراج أحمد فهمي - تأليف: السيد راضي ألحان عصام كاريكا - غناء ٢٠٠٧ .

• العنكبوت: إخراج إبراهيم الشوادي - قصة عمرو عبد السميع - سيناريو وحوار محمد الباسوسي - ألحان محمد علي سليمان - غناء مي فاروق - إنتاج مدينة الانتاج الإعلامي ٢٠٠٧ .

• بنات في الثلاثين: إخراج تيسير عبود - تأليف منى نور الدين - ألحان محمد رحيم - غناء أسماء لمنور ٢٠٠٨ .

• وفي الإذاعة هناك أعمال عديدة منها:

• البرنامج الشعري «عروبتى» أداء الفنان صلاح السعدني - إذاعة صوت العرب - القاهرة.

• البرنامج الشعري «طرب العرب» أداء الفنان يحيى الفخراني - إذاعة الشرق - باريس.

• أدعية لشهر رمضان - ألحان أحمد الحجار - غناء أنغام - إذاعة صوت العرب.

• أدعية لشهر رمضان - ألحان جمال سلامة - غناء غادة رجب - إذاعة الشرق الأوسط.

الليالي المحمدية الثامنة والتاسعة والحادية عشرة.. والثانية عشرة.. أغنيات من ألحان عبد العظيم محمد وحلمي بكر وعلي سعد وفؤاد حلمي وإبراهيم رأفت وأحمد الحجار وفاروق الشرنوبلي - وغناد محمد قنديل ومحمد رشدي ومحرم فؤاد وغادة رجب ونادية مصطفى ومحمد ثروت وسهير طه حسين والشيخ سعيد حافظ وأحمد الحجار.

• وكذلك أغاني الليلة المحمدية الخامسة عشر.. «إبريل ٢٠٠٥ ميلادية» التي لحنها الفنان عمار الشريعي.. وغناها كل من: غادة رجب - آمال ماهر - شيماء سعيد - محمد العزبي - علي الحجار - محمد الحلو - هاني عبد الفتاح.. وقد اشتركوا جميعاً في أداء أغنية النهاية «شباك النبي على باب الله».

• أغاني مسلسل «مشوار بندق»: تأليف مجدي صابر - أخرج محمد فاضل - ألحان فاروق الشرنوبلي - غناء علي الحجار.

• ٣٠ مونولوج للفنان سيد الملاح ضمن البرنامج الفكاهي «سيد والدنيا في رمضان».

• حلقات إذاعية بعنوان «راضي وهناء».

• أغاني مسلسل «ياللي بلادك بعيدة»: بطولة ليلى علوي - تأليف أسامة أنور عكاشة - إخراج حسني غنيم - ألحان عمار الشريعي - غناء آمال ماهر.

• أغاني مسلسل «إن كنت ناسي أفكرك»: تأليف أحمد عبد الفضيل - إخراج مجدي سليمان - ألحان منير الوسيمي - غناء حسن فؤاد.

• أغاني مسلسل «رفاعي خاتم ف صبايعي»: تأليف محمد عبد السميع أبو النصر - إخراج أحمد سليم - ألحان ماجد عرابي.

• كتب نص وأغنيات الليلة المحمدية السادسة عشرة «رسول الحرية» والتي عرضت على المسرح القومي في إبريل ٢٠٠٦ وأخرجها للمسرح عصام السيد - وأخرجها للتلفزيون أشرف لولي - ووضع ألحانها الفنان عمار الشريعي - وشارك فيها بالغناء علي الحجار - محمد الحلو - غادة رجب - آمال ماهر - شيماء سعيد - خالد سليم ومن أبطالها الفنانون أشرف عبد الغفور - منال سلامة - أحمد ماهر - طارق لطفي - مديحة حمدي - سامي مغاوري.

أدعية رمضانية بإذاعة الشباب والرياضة «دعاء من القلب» ألحان عمار الشريعي - غناء خالد سليم.

• أغاني مسلسل «روزاليوسف»: بطولة يسرا - ألحان علي سعد - غناء هدى عمار - إخراج نشوى عبد المنعم.

• أغاني مسلسل «كبرياء امراء» بطولة آثار الحكيم - ألحان أمير عبد المجيد - غناء محمد الحلو - إخراج علي عبد العال.

• أغاني مسلسل «يا محني ديل العصفورة» تأليف أسامة أنور عكاشة - إخراج صفى الدين حسن - ألحان عمار الشريعي - غناء محمد الحلو.

• أغاني مسلسل «الظاهر حي في القاهرة» من جزءين.. ألحان عمار الشريعي.. غناء محمد الحلو.

• أوبريت «راديو حياتي» بمناسبة العيد الماسي للإذاعة المصرية.. ألحان عمار الشريعي وغناء وتمثيل مجموعة كبيرة من الفنانين وإخراج حسني غنيم - مايو ٢٠٠٩.

أدعية رمضانبة بإذاعة الشباب والرياضة ٢٠٠٩ ألحان حلمي بكر - غناء مدحت صالح - أحمد إبراهيم - أحمد سعد.

•• أعمال درامية:

- كتب قصة وسيناريو وحوار فيلم «عجينة».

- يكتب حالياً سيناريو وحوار مسلسل «كف الحياة».

•• مشاركات فنية مختلفة:

- معرض مشترك مع الفنانة التشكيلية السعودية شاليمار شربتلي.. تحت عنوان «لحظة واحدة للحياة» حيث كان المعرض يحتوي على قصائد للشاعر كل قصيدة مكتوبة في لوحة وبجانبها لوحة فنية لشاليمار مرسومة من وحي القصيدة.

- شارك في احتفالات الجزائر بالذكرى الخمسين لاندلاع المقاومة الجزائرية بأغنيتين.

الأولى: الله يا بلادي على جمالك.. غناء أطفال الجزائر لحن صلاح اشرنوبي وتوزيع الموسيقىار الإيراني على جولي.

الثانية: جاية الجزائر.. لحن صلاح الشرنوبي وتوزيع يحيى الموجي ومحمد صلاح الشرنوبي وغناء الفنانة الكبيرة وردة مع مجموعة من شباب المطربين في الجزائر من بينهم عبده درياسة ومحمد الأمين «أول نوفمبر ٢٠٠٤».

فهرس أشعار
جمال بخیت

الصفحة	العنوان
٥	الإهداء.....
٧	المقدمة.....
٨	مقدمة لوجه الحب.....
١١	الديوان الأول، مشاعر بلا ترتيب.....
١٥	• الشيء الصعب.....
١٦	• أنا بحرك.....
١٨	• خمس لمحات بلا عناوين.....
٢٦	• بيانات بطاقتي الشخصية.....
٢٧	• القاهرة ٨٠.....
٣٠	• نعي الجنيه.....
٣٢	• نور.....
٣٤	• أتوجراف.....
٣٧	• ف أحضانك.....
٣٩	• طهرني.....
٤٠	• ف المعتقل.....
٤١	• ارجع بأه.....
٤٤	• ثلاث قصائد قصيرة ومنفصلة.....
٤٤	١- لبرواز.....
٤٦	٢- للتمثال.....
٤٨	٣- مها.....
٥٠	• الجوهرة.....
٥٣	• أغنيتي (١).....
٥٥	• أم الضفاير.....

- ٥٧ م المنفي •
- ٥٨ عودى •
- ٦٠ الأحلام •
- ٦١ أمنا الشجرة •
- ٦٢ تسلم العين اللي حبت •
- ٦٤ حكاية أميرة •
- ٦٦ أنا المسافر للسما •
- ٦٨ اوعديني •
- ٧٠ باحبك •

الديوان الثانى: شباك النبی علی باب الله.....

- ٧١ باختصار •
- ٧٥ ثلاثية قبل السفر •
- ٧٦ ١- بين القصرين •
- ٧٩ ٢ - الرفض نور •
- ٨١ ٣ - قدامنا سكة سفر •
- ٨٤ الغبار •
- ٨٥ أو .. فارحلي •
- ٨٧ تحت الندي المجروح ! •
- ٨٩ مقاطع من حكايات السفر •
- ٩٤ لعبة الموت . والعسل •
- ٩٦ وحدك •
- ٩٨ أنا مش ح ابيع •
- ١٠٠ يا قاهرة •
- ١٠١ فين أشوقك يا نبي •

- نفسي أدخل أي جنة..... ١٠٤
- علي باب الله..... ١٠٩
- أغنيتي (٢)..... ١١٣
- صدقني يا بحر..... ١١٥
- طريق القمر..... ١١٦
- ولسة..... ١١٧
- عود..... ١١٨
- حسك في الدنيا يابا..... ١١٩
- يا غريب..... ١٢٠
- عروس الجنوب..... ١٢١
- ست الضياء..... ١٢٢
- إمتي الزمان الأيوبي؟!..... ١٢٣
- سفرنا طويل..... ١٢٤
- هراكي..... ١٢٦
- فحرك تجلي..... ١٢٧
- أنا عاشق..... ١٢٨
- ما عرفتش ارقص ولا أطير..... ١٢٩
- بلديات..... ١٣١
- أن كنت عيدك..... ١٣٢
- يا فلسطين الحزينة..... ١٣٤

- الديوان الثالث: بنعشق الحياة..... ١٣٥
- الليلة المحمدية..... ١٣٩
- نور النهار..... ١٤١
- للكعبة رب يحميها..... ١٤٥

- الله .. الله..... ١٤٧
- ياريتني كلمة من السيرة..... ١٥٠
- اعتصموا بحبل الله..... ١٥٢
- • أغنيتي (٣)..... ١٥٥
- بنعشق الحياة..... ١٥٦
- مغنواتي..... ١٥٧
- علي حسبي وداد روحي..... ١٥٨
- تعاهديني..... ١٥٩
- تقدر ع المشوار..... ١٦٠
- ميلي..... ١٦١
- إحنا هنا..... ١٦٢
- تسأليني..... ١٦٤
- مرمر زماني..... ١٦٥
- طلعت أنش..... ١٦٦
- ما تغربناش..... ١٦٧
- حضن الأمانى..... ١٦٩
- عم بطاطا..... ١٧١
- فلسطيني..... ١٧٢
- لم الشمل..... ١٧٣
- مصر بلادي..... ١٧٤

- السيوان الرابع : مسجراتى العرب الجزء الأول..... ١٧٧
- زمزم بتشرب من السما..... ١٨٣
- من كل فج مضى..... ١٩٠
- علي جبل لبنان..... ١٩٧

- ابن بطوطة..... ٢٠٣
- أضحى التنائي..... ٢٠٩
- صحيح البخاري..... ٢١٦
- يا مريم العذراء..... ٢٢٣
- يوسف شاهين .. للفن..... ٢٣٠
- القلب في الإمارات..... ٢٣٧
- ف اسكندرية وحلب ٢٤٣
- قراءة نقدية في مباني ومعاني مسحراتي العرب ٢٥١
- بقلم د/ عزازى علي عزازى

الديوان الرابع: مسحراتي العرب الجزء الثاني..... ٢٦٩

- بغداد وجمالها..... ٢٧٢
- بساطنا سحري..... ٢٨٠
- نور الأنمة..... ٢٨٨
- مليون شهيد..... ٢٩٥
- مسحراتي العرب وغيرهم..... ٣٠٣
- حواء..... ٣١١
- بلال..... ٣١٩
- حس التلاوة..... ٣٢٧
- السيدة .. ثومة..... ٣٣٦
- الجامعة .. عربية..... ٣٤٥

الديوان الخامس: نبع العطش..... ٣٥٥

- حواء .. وشرع الاربعة..... ٣٥٩
- الحقيقة العارية..... ٣٦١

- ف السر..... ٣٦٤
- رسالة العشق ٣٦٦
- رنا..... ٣٧٠
- العصافير..... ٣٧٤
- وما قدرتش..... ٣٧٦
- لحظة واحدة..... ٣٧٨
- بحر..... ٣٨٠
- سمان..... ٣٨١
- سحاب .. وشجر..... ٣٨٢
- أمواج..... ٣٨٣
- خريف..... ٣٨٤
- نبع العطش..... ٣٨٥
- الكون..... ٣٨٦
- • أغنيتي (٤)..... ٣٨٧
- آدم وحنان..... ٣٨٩
- سبحان الله..... ٣٩١
- ما بتحبيش..... ٣٩٢
- عاشق عيونك..... ٣٩٤
- نوري نور..... ٣٩٥
- عاشق مجنون..... ٣٩٧
- بنت الجيران..... ٣٩٨
- غني..... ٣٩٩
- شمس بتشرق من جوايا..... ٤٠٠
- مش عايزة امشي..... ٤٠١
- أحب أحب..... ٤٠٣

● ملك أيديك..... ٤٠٥

● غنوتنا كانت..... ٤٠٦

الديوان السادس: المصري حبيب متحمس

● يوميات حرب داخلها خارجها ممات..... ٤٠٧

١- بيضريوا الخط الكوفي..... ٤١١

٢- عراقيين..... ٤١٥

٣- اجرينا اتصالات..... ٤١٧

٤- قناة السويس..... ٤١٨

٥- تعالوا نبدل النغمة..... ٤١٩

٦- اسرع م الصوت..... ٤٢١

٧- فين رينا..... ٤٢٢

٨- تمثال صدام..... ٤٢٦

● خمسة وخمسة..... ٤٢٧

● مجنون..... ٤٣٢

● المؤتمر اليهودي..... ٤٣٧

● الشرق أوسطية..... ٤٣٨

● سوهارتو..... ٤٤٠

● حوار قبل ظهور الإسلام..... ٤٤١

● صورة.. لصالح جاهين..... ٤٤٦

● يا قلب عمار الشريعي..... ٤٤٩

● أغنيتي (٥)..... ٤٥١

● تعرف تتكلم بلدى..... ٤٥٣

● يا قدس يا ام الخير..... ٤٥٤

● يا عيون بلادى..... ٤٥٦

- ٤٥٨ ● شهيد
- ٤٥٩ ● النصر أو الشهادة
- ٤٦١ ● هنا فلسطين
- ٤٦٣ ● رفر ف يا طير الحرية

٤٦٥ الديوان السابع: أهل المغنى

- ٤٦٩ ● ام كلثوم
- ٤٧٠ ● فيروز
- ٤٧٢ ● فائزة احمد
- ٤٧٤ ● ناظم الغزالي
- ٤٧٦ ● محمد رشدي
- ٤٧٨ ● شادية
- ٤٨٠ ● عبد الحليم حافظ
- ٤٨٢ ● صباح
- ٤٨٤ ● ليلى مراد
- ٤٨٦ ● نجاة الصغيرة
- ٤٨٨ ● محمد عبد الوهاب
- ٤٩٠ ● محمد فوزي
- ٤٩٢ ● صباح فخري
- ٤٩٤ ● وديع الصافي
- ٤٩٦ ● محرم فؤاد
- ٤٩٨ ● فريد الاطرش
- ٥٠٠ ● هدي سلطان
- ٥٠٣ ● سيد مكاي
- ٥٠٥ ● أسمهان

- وردة الجزائرية ٥٠٧
- عزيزة جلال ٥٠٩
- عفاف راضي ٥١١
- اسماعيل ياسين ٥١٣
- نجاح سلام ٥١٦
- نبيل شحيل ٥١٩
- محمد قنديل ٥٢١
- سعاد حسني ٥٢٣
- عليا التونسية ٥٢٥
- محمد عبد الطيب ٥٢٧
- محمد الكحلوي ٥٢٩

الديوان الثامن : مسجراتي يا مصر اوية

- الست أمي ٥٣٣
- تأشيرة واحدة ٥٣٧
- كعب داير ٥٤٠
- فؤاد حداد ٥٤٣
- أصحى مين ٥٤٦
- أغنية شعبي ٥٤٩
- الأبنودي ٥٥٢
- صاحبي ٥٥٦
- أشغال خفاف ٥٦٠
- ف عشرة منه ٥٦٣
- مصر التلاقي ٥٦٧
- عصر لصراحة ٥٧١
- ٥٧٥

٥٧٩	• مسحراتى مسلم مسيحى
٥٨٢	• ٥٧٣٥٧
٥٨٥	• إنا وشوارعك
٥٨٩	• نيل المنابع
٥٩٢	• سينا يا صابرة
٥٩٦	• أسامة أنور عكاشة
٦٠٠	• غزة الشهيد
٦٠٤	• محافظاتى
٦٠٨	• د. محمد غنيم
٦١٢	• فدان شطارة
٦١٦	• لقمة هنية
٦١٩	• ببسحرونى
٦٢٣	• قابله صدغه
٦٢٧	• ليلة اللبالي
٦٣١	• محمد أحمد بخيت
٦٣٥	• أفلام قديمة
٦٣٩	• لو يوم صحيتوا
٦٤٣	• ليلتنا عيد
٦٤٧	• مش باقى منى
٦٥٧	• جمال بخيت فى سطور
٦٧٧	• الفهرس

